

ს. ს. ს. რ.



პრეტლუცატორელ ყაჟლა ძეჟენისა, შერთდით!

საქართველოს კომკავშირის სპ პარტიის განყოფილება

რევოლუციის გატარება

პარტიის ისტორიული ჟურნალი

№ 1(14)

1926

ს. ს. ს. რ. სახელმწიფო გამომცემლობა

ტფილისი.

ს. ს. ს. რ.

323.2/05
საქართველოს
ბიბლიოთეკა

h-38

შტეტლუცატრულთ ყვულა ქვეყნისა, შერთდით!

საქართველოს კომპარტიის სპ პარტიის განყოფილება

რევოლუციის გატიანე

პარტიის ისტორიული ჟურნალი

№ 1(14)

1926

618
~~1563~~
8903

ს. ს. ს. რ. სახელმწიფო გამომცემლობა
ტფილისი.



110

ს ა რ ჩ ე ვ ი

	33.
1. შ. ელიავა—საქართველოს გასაბჭოების ხუთი წლის თავი	1
2. 1905 წლის რევოლუციის ოცი წლის თავი (ამხ. ფ. მახარა- დის სიტყვა)	37
✓ 3. 1905 წლის რევოლუცია (ამხ. მამია ორახელაშვილის მოხსე- ნების კონსპექტი)	61
✓ 4. 1905 წ.—ოცი წლის შემდეგ (ამხ. ლ. ტროცკის სიტყვა)	74
✓ 5. ლ. დუმბაძე—ჩემი მოგონება ბათომში რევ. მუშაობის შე- სახებ 1901—02 წ.	88
6. ხ. თალაკვაძე—ოქტომბრის პროლეტარული რევოლუციის ათი წლის თავზე	97
• 7. რ. ჯღამაძე—ფრაქციული ბრძოლის პირველი დღეები ტფი- ლისში	107
✓ 8. ერ. ნაფეტვარიძე—მძიმე წლები ჩვენი პარტიის ცხოვრებაში	110
✓ 9. მ. გოგუაძე—საიდუმლო სტამბა კოჯრის გზაზე	114
✓ 10. ნ. ზავარიანი—როგორ ჩაიშალა ამხ. კამოს გაქცევა	117
• 11. აღ. ბაჯიაშვილი—პირველი გაფიცვა ტფ. თუთუნის ქარხ- ნებში	120
12. ი. მანჯავიძე—ცოტა რამ წარსულიდან	126
• 13. მუშაობის აღკვეთა ბოზარჯიანცის თამბაქოს ქარხანაში (გაზ. „ივერიიდან“ № 172—1894 წ.)	128
✓ 14. დ. ნასარიძე—ტფ. ტრამვაის მუშათა შორის (1906—1910)	132
✓ 15. ლ. ხელაძე—ნაროდნიკების საიდუმლო სტამბის ისტორიიდან	139
✓ 16. ვ. სტურუა—სპირიდონ ვაშაკიძის ხსოვნას	143
• 17. ბ—ლი—ილიკო იმერლიშვილი (მცხეთელი)	145
✓ 18. კ. ფ.—ანტონ გრიგოლის ძე კალანდარიშვილი	148
19. პარტიული არქივი	151
20. რევ. მოძრაობა აღმოსავლეთ ამიერ-კავკასიაში მთავრობის მოხსენების თანახმად	160



საქართველოს გასაბჭოების ხუთი წლის თავი.

მიმდინარე 1926 წელს ხუთი წელიწადი შესრულდა საქართველოში საბჭოთა ხელისუფლების დამყარების დღიდან. ჩვენი ხუთის წლის მუშაობის შედეგის გათვალისწინებამ პასუხი ფუნდა მოგვცეს შემდეგ საკითხზე: ღირდა რამედ თუ არა, რომ საქართველოს მუშებმა და გლეხებმა მოახდინეს გადატრიალება და თავის თავზე იდევს ხელისუფლების ტვირთი და ჩვენი ქვეყნის მეურნეობის მოწყობის მთელი სიმძიმე?

რასაკვირველია, დიდ ბედნიერებად ჩავთვლიდით, რომ შეგვეძლოს ვსთქვათ—ჩვენმა ხუთის წლის მუშაობამ დაუბრკოლებლად და უხინჯოდ გაიარაო. ექვს გარეშეა, ასე რომ ყოფილიყო, უფრო თვალსაჩინო შედეგი გვექნებოდა.

მაგრამ ჩვენი ხუთი წლის მუშაობა მეტად მძიმე პირობებში მიმდინარეოდა, ისეთ პირობებში, რაც წინ ელოებოდა ჩვენს ნორმალურ პოლიტიკურ, სამეურნეო და კულტურულ აღმშენებლობას.

თუმცა სამოქალაქო ომი უკვე დამთავრდა იმ მომენტისათვის, როდესაც საქართველოს ტერიტორიაზე გამოცხადებულ იქნა საბჭოთა ხელისუფლება, მაინც ხუთი წლის განმავლობაში მუდამ ბრძოლას ვაწარმოებდით, რაც გვისპობდა შესაძლებლობას მთელი ჩვენი ენერჯის 100 პროცენტი სააღმშენებლო მუშაობისათვის მოგვეხმარებინა.

მართალია, ამ ხუთმა წელიწადმა საომარ ბრძოლაში არ გაიარა, მაგრამ ჩვენი ხელისუფლება, ჩვენი პარტია მაინც შეუწყვეტლივ აწარმოებდა ბრძოლას ჩვენივე ქვეყნის ანტისაბჭოთა ელემენტების წინააღმდეგ.

სერიოზული ბრძოლა გადავიხადეთ ჩვენზე რიცხვობრივ ბევრად ძლიერი ძალების წინააღმდეგ. ჩვენი პარტია საქართველოში ახლაც მრავალრიცხოვანი როლია. გადატრიალების წამში ჩვენი პარტია გაცილებით სუსტი იყო, ვიდრე ანტიკომუნისტური და ანტისაბჭოთა პარტიები. განსაკუთრებით ძლიერი იყო მენშევიკების პარტია, რომელშიაც, თვით მენშევიკებისავე ანგარიშით, საქართველოს გასაბჭოების წამში 80.000 წევრი ითვლებოდა, და რომელიც თვითმპყრობელობის დამხობის შემდეგ ნაციონალურ პარტიად გადაიქცა საქართველოში.

ტყუილად-კ არ ამბობს ერთი მენშევიკ-პუბლიცისტი თავანი პარიზში გამონაცემ ჟურნალ „ბრძოლა“-ს უკანასკნელ ნომერში, რომ ქართველი ხალხის ეროვნული თვითგამორკვევა სოციალ-დემოკრატიულმა პარტიამ ჩამოაყალიბაო.—დიად, არა ნაციონალ-დემოკრატებმა, არა ფედერალისტებმა, არამედ—სოციალ-დემოკრატებმა.

ამ მრავალრიცხოვანმა პარტიამ, რომელსაც შეადგენდნენ საქართველოს ყველა სოციალური ჯგუფის წარმომადგენელი—მუშებიც, გლეხებიც და დიდძალი ინტელიგენცია, აგრეთვე სამღვდლოების ერთი ნაწილი და ბურჟუაზიული ელემენტების თვალსაჩინო რიცხვი,—აი, ამ პარტიამ დაჰკარგა ბატონობა და ხელისუფლება საქართველოში, მაგრამ მაინც ძლიერი იყო თავისი რიცხვით და გავლენით ქართველი მოსახლეობისა და საზოგადოების უაღრესად აგრესიულ ელემენტებ შორის.

მენშევიკების პარტიას მხარს უჭერდა მე-II ინტერნაციონალი და ამ ინტერნაციონალში შემავალი, ყველა სოციალ-დემოკრატიული პარტია. 1920 წელს, თითქმის მენშევიკების ხელისუფლების მიწურულში, საქართველოს ესტუმრა მე-II ინტერნაციონალის დელეგაცია, რომელსაც შეადგენდნენ სოციალ-დემოკრატიული პარტიების გამოჩენილი ბელადები. ისინი მოვიდნენ საქართველოში, როგორც „დემოკრატიის მეშვეობით სოციალიზმის განხორციელების“ ცდას ქვეყანაში. ამის შემდეგ, საბჭოთა გადატრიალების მომენტის წინ, ჩვენ გავხდით მოწმენი საქართველოს ოფიციალურად, იურდიულად ცნობისა ევროპის მთელი რიგი ქვეყნების მიერ და მათ შორის ანტანტის დიდი სახელმწიფოების მიერ.

და ჩვენი ხუთი წლის ბრძოლის უშინიშვნელოვანეს შედეგად უნდა აღვნიშნოთ ის, რომ ჩვენ დავძლიეთ არა მარტო აშკარა გამოსვლანი ანტისაბჭოთა პარტიებისა ჩვენს წინააღმდეგ, არამედ ჩვენ დავძლიეთ ამ პარტიების წინააღმდეგობა ჩვენ განზრახულებათა და ღონისძიებათა მიმართ. ამჟამად თამამად შეგვიძლიან ვსთქვათ, რომ ჩვენ მთლად დავამთავრეთ პოლიტიკური, ორგანიზაციული და ტექნიკური დანგრევა ანტისაბჭოთა პარტიებისა, უმთავრესად მენშევიკების პარტიისა და მისი ტექნიკური ძალის—ნაციონალ-დემოკრატების პარტიისა.

დღეს სრულიად შესაფერისად მიგვაჩნია გავიხსენოთ, თუ რა საკითხებისა, რა ინტერესებისა და რა მიზნების გარშემო მიმდინარეობდა ეს ბრძოლა ხუთი წლის განმავლობაში ერთის მხრით ჩვენს პარტიასა და ჩვენს ხელისუფლებასა და მეორეს მხრით—ანტისაბჭოთა ელემენტებ შორის.

ძირითადი საბაზი ანტისაბჭოთა პარტიების ჩვენს წინააღმდეგ ბრძოლისა იყო საქართველოს „დამოუკიდებლობის“ აღდგენა და საქართველოში ეგრედ წოდებული „დემოკრატიის“ დამყარება.

მაგრამ, ვიდრე იმას ვიტყოდეთ, თუ როგორ მიმდინარეობდა საქართველოში ბრძოლა საბჭოთა რეჟიმის წინააღმდეგ და რით დამთავრდა იგი პირველი ხუთის წლის განმავლობაში,—საჭიროა გავახსენოთ საქართველოს ყველა მუშასა და გლეხს, როგორი დამოუკიდებლობისა და როგორი დემოკრატიის დამყარება ჰსურდათ საქართველოში ჩვენს მოწინააღმდეგეებს. ხოლო ეს თვალნათლივი გახდება ჩვენთვის, თუ მივმართავთ საქართველოს „დამოუკიდებლობის“ პროპაგანდისა და ჩამოყალიბების ისტორიას 1918 წლის მაისში.

პროფესორი ავალიშვილის წიგნი მდიდარ მასალას იძლევა იმისას, თუ რა ორიენტაციას დაადგა საქართველოს დემოკრატიული მთავრობა რუსეთთან საუკუნოებრივი კავშირის გაწყვეტის შემდეგ, იმ რუსეთთან, რომლის პროლეტარიატთანაც ქართველი მუშები მხარდამხარ იბრძოდნენ რუსეთის თვითმპყრობელობის წინააღმდეგ. ამ მთავრობის ორიენტაცია მიმართული იყო დასავლეთ ევროპის სახელმწიფოებისაკენ, —ჯერ ცენტრალური ევროპის ქვეყნების კავშირისაკენ, რომელმაც სწორედ იმ დროს რუსეთს თავზე მოახვია უღარესად მძიმე ბრესტის ზავი, ხოლო მერე, გერმანიის დანგრევის შემდეგ, მისი ორიენტაცია მიიქცა ანტანტის ქვეყნებისაკენ — ინგლისისა და საფრანგეთისაკენ.

საქართველოს წარმომადგენელნი საქართველოს დამოუკიდებლობის ცნობას ევროპაში ეძიებდნენ და მზად იყვნენ ისეთი მსხვერპლი შეეწირათ, რაც საქართველოს კოლონიალური თუ არა, ნახევრად კოლონიალური სახელმწიფოს ხვედრს უმზადებდა. თავისი დამოუკიდებლობის დასამყარებლად, უფრო-კი—თავისი ქვეყნის რუსეთის გამარჯვებული პროლეტარიატისაგან გამოთიშვის განსამტკიცებლად—საქართველოს რესპუბლიკის სათავეში მდგარი საქართველოს სოციალ-დემოკრატიული პარტია მზად იყო თავისი ქვეყანა მთლად დამოკიდებულ სახელმწიფოდ გაეხადა ევროპის სახელმწიფოებისაგან.

პირველად თავიანთ დამოუკიდებლობაზე ქართველმა არგონავტებმა შუამდგომლობა გერმანიის სამეფო კარის წინაშე აღძრეს; ამასთანავე საქართველოს დამოუკიდებლობის ცნობის საფუძველად უნდა ყოფილიყო დროებითი შეთანხმება, რომელიც დაიდვა „ფოთში გერმანიის საიმპერატორო მთავრობასა—(ბავარიის მეფის გენერალ-მაიორის ფონ-ლოსოვის სახით)—და საქართველოს მთავრობას—(გარეშე საქმეთა მინისტრის ავაკი ჩხენკელის სახით (სოციალ-დემოკრატი) შორის“.

ამ შეთანხმების მე-2 მუხლით „გერმანიის მთავრობას უფლება ეძლეოდა ომის დამთავრებამდე ესარგებლნა საქართველოს რკინისგზები ჯარების გადასაყვანად და სამხედრო მასალის გადასაზიდათ. რკინის გზებისათვის კონტროლის გასაწევად ტფილისში უნდა დაარ-

სებულიყო გერმანიის ხელმძღვანელობით განსაკუთრებული კომისია, რომელიც საქართველოს მთავრობასთან ერთად იმოქმედებდა. გათვალისწინებული იყო, რომ რკინის გზების სადგურებზე და ფოთის პორტში გერმანიის კომანდები იქნებოდნენ“.

ამ დროებითი შეთანხმების გარდა, იმ საფუძველთა შორის, რაზედაც დამყარებული იყო საქართველო-გერმანიის სამხედრო ურთიერთობა, არსებობდა კიდევ სამი ცალკე კონვენცია, რომელთაგან განსაკუთრებით დამახასიათებელია ორი. პირველი— „ადგილობრივ ფულთან ერთად გადახდის საშუალებად დროებით გერმანიის ვალიუტის შემოღების შესახებ, განსაკუთრებული კურსისამებრ“ და მეორე: „მთავრობათა განსაკუთრებული შეთანხმება ამ კურსის დამყარების წესის შესახებ“. გარდა ამისა, საქართველოს რესპუბლიკას უნდა მიეცა გერმანიისათვის ზოგი რამ გასამრჯელოც „მისთვის საჭირო ნედლეულობის სახით, რაც საქართველოში მოიპოვებოდა; ხოლო, უკეთეს ომი გაგრძელდებოდა და ოპერაციები ინგლისის წინააღმდეგ განვითარდებოდა მესოპოტამიასა და სპარსეთში, გერმანიას, ოსმალეთთან ერთად, უნდა ჰქონოდა ამიერკავკასიაში ბაზისი ოპერაციებისათვის“.

დადებული შეთანხმებისა და კონვენციების უზრუნველსაყოფად ფოთში მოვიდა გერმანული ქვეითი ჯარის ორი ბატალიონი. როგორც ზევით აღნიშნული ციტატიდან სჩანს, საქართველო დაადგა გერმანიის ორიენტაციას, მას ებლაუტებოდა, „რათა განემტკიცებინა თავისი სახელმწიფოებრივი არსებობა და, გერმანიაზე დაყრდნობილს, შეექმნა პირობები თავისუფალი ეროვნული განვითარებისა“; ამასთანავე გერმანიასთან კავშირი უნდა ყოფილიყო მტკიცე და მჭიდრო. პროფესორი ავალიშვილი პირდაპირ ამბობს: „უბრალო კავშირი აქ საკმარისი არ იყო“-ო.

მერე, როგორი უნდა ყოფილიყო ეს კავშირი გერმანიასა და საქართველოს შორის? ამაზე პროფ. ავალიშვილი იძლევა პასუხს— გერმანიის მთავრობის წარმომადგენელის დოქტორი სიმონის მეტის-მეტად მკერმეტყველური სიტყვებით; დოქტორმა სიმონმა განუმარტა ავალიშვილს, რომელიც თურმე მას შეეკითხა გერმანიის წარმომადგენლის მდგომარეობის შესახებ საქართველოში, სიტყვა-სიტყვით შემდეგი: „ფორმით იგი იქნება ჩვეულებრივი დიპლომატიური წარმომადგენელი, ხოლო შინაარსით იგი, ცოტა არ იყოს, უახლოვდება ინგლისის რეზიდენტს ინდოეთის დამოუკიდებელ სახელმწიფოში“. თუმცა სიმონს ამასთანავე ზრდილობიანად განუცხადებია, რომ ქართველები ინდოელნი არ არიანო, მაგრამ ეს საგნის დედააზრს როდი სცვლის. საქართველო, გერმანიასთან დამყარებულ ურთიერთობის მიხედვით, უნდა ჩავარდნილიყო ახლანდელი ინდოეთის მდგომარეო-

ბანი. ავალიშვილის განცხადებით, ასეთი ვითარება სრულიად ეთანხმებოდა საქართველოს ფორმალურ დამოუკიდებლობას ასეთი დამოუკიდებელი საქართველო, ავალიშვილის აზრით, უნდა გამხდარიყო კავკასიის კონფედერაციის ქვაკუთხედად. ხოლო საქართველოს მემკვიდრით გერმანიის პოლიტიკური და ეკონომიური გავლენა გზას ადვილად გაიკვლევდა მეზობელ ქვეყნებში. თავის მოთხოვნას გერმანიასთან მოლაპარაკების ასავალ-დასავალზე პროფ. ავალიშვილი ათავებს შემდეგი, თითქმის ლირიზმამდე მიღწეული, სიტყვებით: „კავკასიის ჩანჩქერნი და მდინარენი ფოლადით შექტურვილ ლალ ბედაურებად გადაიქცეოდნენ და გერმანიის კაპიტალიზმის ეტლს აზიის შუაგულისაკენ გააქანებდნენ. თელა-ნაძენარი ტყეები მთასა და ხევში ქალაქად გადაიქმნებოდნენ. რალა ითქმის სპილენძზე, რალა ითქმის ნავთზე?!“ აი, ასეთი უნდა ყოფილიყო საქართველოს დამოუკიდებლობა, რომლის დამყარებასაც ლამობდნენ—გერმანიასთან დადებულ მჭიდრო კავშირზე დაყრდნობილი მისი დიპლომატები.

ეს იყო 1918 წელს, ვიდრე გერმანიის იმპერია დაემხოდა, ხოლო, რაკი გერმანიის იმპერიალიზმმა წამოიჩოქა, ქართველი დიპლომატები, თავისი მთავრობის დასტურით, მაშინათვე შეეცადნენ პირი გამარჯვებული ქვეყნებისაკენ ებრუნათ, ანტანტისაკენ მიექციათ. ეს ორიანტაციაც უმთავრესად დამყარებული იყო იმავე მოსაზრებებზე, როგორც ორიენტაცია გერმანიისადმი. მოთხოვნა იმის შესახებ, თუ როგორ მიმდინარეობდა საქართველოს დელეგაციის მუშაობა ახალი ორიენტაციის ძებნაში, წინანდელზე ნაკლებად მჭერმეტყველური როდია და ეს ორიენტაცია მანდატორის ძებნით თავდება. საერთაშორისო პოლიტიკაში საქართველოს მთავრობა მიადგა იმ საკითხს, რომ გამოძებნილი ყოფილიყო ისეთი სახელმწიფო, რომელიც შესძლებდა საქართველოს გამგებლობის მანდატის აღებას. ამისათვის საკმარისია რამდენიმე სტრიქონის ამოწერა პროფ. ავალიშვილის განცხადებიდან და ნამეტნავად-კი მენშევიკური საქართველოს უფრო ავტორიტეტული დიპლომატის ირაკლი წერეთლის განცხადებიდან. პროფ. ავალიშვილი სწერს: „როგორც სჩანს, ყველა თანახმაა, რომ საქართველოს არ ძალუძს თავისი ძალღონით უზრუნველჰყოს თავისი თავი ყველა გარედან მოსალოდნელ საფრთხისაგან. და თუ საჭიროა რომელიმე დიდი სახელმწიფოს მიერ მხარის დაჭერა, არავითარი საბუთი არა გვაქვს ზურგი შევაქციოთ „მანდატთა“ ინსტიტუტს, მით უფრო, რომ მანდატი განხორციელდება ერთა ლიგის, ე. ი. უმაღლესი ინსტანციის, დავალებით და მეთვალყურეობით. თავისი შინაარსით ეს მანდატი უნდა შეესაბამებოდეს ჩვენს შარშანდელ სქემას საქართველო-გერმანიის ურთიერთობისას“. ხოლო წერეთელმა თურმე სთქვა: „ვთხოვით სცნონ ჩვენი დამოუკიდებლობა;

შემდეგ კი, ავწონ-დავწონოთ ყოველივე, შევიპიროთ, მაგალითად, ინგლისი და ვკითხოთ, რას აპირებს იგი იმ ჯარების შესახებ, რომლებიც ჩვენში უყენია; ვთხოვთ ნუ გაიყვანს მათ“.

ანტანტის ქვეყნებთან მოლაპარაკებაში „საკითხი ამიერ-კავკასიის (საქართველოთურთ) ერთ მთლიან ოლქად მოწყობისა საერთაშორისო თავისუფალი ტრანზიტისათვის — ყოველი მიმართულებით — და ამ ხერხით ურთიერთობის უზრუნველყოფა სპარსეთთან, კასპიისიქითა ქვეყნებთან და სომხეთთან, შეადგენდა მთავარ თემას იმავე საგნის ეკონომიურის მხრით განმარტებისას“. საქართველოს უნდა უზრუნველყო ინგლისის ჯარებისათვის კასპიისიქითა ოლქებში მიმოსვლა, ბაქოსა და კრასნოვოდსკზე გავლით, რაკი მიმოსვლა შავხლვასა და შუა და წინა აზიის ქვეყნებ შორის, ოსმალეთ-გერმანიაზე გამარჯვების გამო, პირდაპირ ინგლისს ჩაუვარდა ხელში საკონტროლოდ.

ამის შემდეგ, თავის თავად ცხადია, რა პრინციპებზე და რა ხერხით ცდილობდა დემოკრატიული საქართველოს მთავრობა დაემყარებინა თავისი „დამოუკიდებლობა“, რითა არაფერი საერთო არა ჰქონოდა-რა რუსეთის მუშებთან და გლეხებთან. ამის შემდეგ ყველასათვის ნათელი უნდა იყოს, რა ფასიცა აქვს იმ დამოუკიდებლობის ლოზუნგებს, რითაც საქართველოს გადახვეწილი მთავრობა 1924 წ. ლამობდა ჩაეთრია საქართველოს ზოგიერთი რაიონის გულუბრ ყვილო მასსები საბჭოთა ხელისუფლების საწინააღმდეგო ბრძოლაში.

პარიზში მყოფნი, ქართველ მენშევიზმის შტატგარეშე მებუყე მედოლენი როდი ჰღალატობენ თავიანთ თავს. მათ ვერ მოახერხეს საბჭოთა ხელისუფლების ჩამოგდება და ვერ გაბატონდნენ კვლავ საქართველოში, რათა განეხორციელებინათ დემოკრატიული სახელმწიფოს ეკონომიური პოლიტიკა, ვერ მოახერხეს გადაექციათ იგი კვლავ „დამოუკიდებელ“ სახელმწიფოდ; ცდილობდნენ-კი ეს დამოუკიდებლობა დაემყარებინათ ევროპის კაპიტალისტურ ქვეყნებთან დადებულ ახალ კავშირზე.

იმ შეთანხმებაში (მუხ. მე-5), რომელიც დაიდვა საბჭოთა ხელისუფლებასთან ბრძოლისათვის ინტერპარტიული კომიტეტის მოწყობის შესახებ 1922 წ. მარტის 3-ს პარიზში დარომელსაც ხელს აწერენ მენშევიკების პარტიის წარმომადგენელნი ჩხეიძე, რამიშვილი და ჩხენკელი, ნაც.-დემოკრატების პარტიის წარმომადგენელნი ვეშაპელი *), გაბაშვილი, ჯაფარიძე, თაყაიშვილი და ნიკოლაძე **) და ფედერალისტე-

*) ამჟამად პატიოსნურად ჩვენთან მუშაობს პარიზში.

**) დიდი ხანია საქართველოში დაბრუნდა და შეძლებისდაგვარად ჩვენ გვეხმარება.

ბის წარმომადგენელნი მდივანი და კობახიძე, — სიტყვა-სიტყვით ნათქვამია, რომ დემოკრატიული საქართველოს მიზანს, სახელმწიფოებრივი წესრიგის აღდგენისათნავე, შეადგენს: „ევროპის სახელმწიფოებ შორის პოლიტიკურ მოკავშირეთა გამოძებნა და მოწინავე ქვეყნებთან მჭიდრო ეკონომიური ურთიერთობის დამყარება“. ასეთი მჭიდრო ეკონომიური ურთიერთობა ევროპის ქვეყნებთან, ჩხენკელის სიტყვით, რაც მან 1922 წლის მარტის 3 ს წარმოსთქვა თავის მოხსენებაში (ამასვე ურჩევდა მათ ბრიანცი), წარმოდგენილი ჰქონდათ კავკასიის რესპუბლიკების კავშირის სახით; ამ რესპუბლიკებს თურმე დაჰპირდნენ პოლიტიკურ დახმარებას და ეკონომიური მდგომარეობის აღდგენას ევროპის კაპიტალის საშუალებით და ჯარის მოწყობით. უკვე დაინიშნენ ექსპერტები, რომელთაც სპეციალურად უნდა შეესწავლათ კავკასიის საქმეები და მოხსენება და გარანტიის პირობები საფრანგეთის მინისტრ ლუშერისათვის უნდა წარედგინათ. ამასთანავე ჩხენკელმა პუანკარესთან მოლაპარაკების დროს თურმე განაცხადა, რომ საქართველო კისრულობს გადაუხადოს საფრანგეთს რუსეთის ვალების ის ნაწილი, რაც საქართველოს შეხვდება. ჩხენკელის თანამომხსენებელმა პროფ. ავალიშვილმა აცნობა კრებას თავისი მოლაპარაკების ამბავი ამერიკასთან, რომელიც დაინტერესებული თურმე იყო საქართველოდან რუსეთის ჯარის გაყვანით და, უმთავრესად-კი, ნავთით: „ამერიკელები ცდილობენ აქციები შეიძინონ და ამიერკავკასიის ნავთის ფაქტიური პატრონები გახდნენ“-ო.

ეს „უმწიკვლო მებრძოლნი დამოუკიდებლობისათვის“, როგორც თავიანთი ბატონობის დროს საქართველოში, ისე ემიგრანტობის გაქირვებულ ხანაში თავიანთი თავის ერთგულნი დარჩნენ და ნირი არ იცვალეს. ისინი მზად იყვნენ საქართველოს ფორმალური დამოუკიდებლობისათვის გაეცათ ყველა მისი ინტერესები და ეს მოხდებოდა არა მარტო იმიტ, რომ თავიანთ ევროპიულ მოკავშირეთ გადასცემდნენ საქართველოს ეკონომიური ცხოვრების კონტროლს, არამედ იმიტაც, რომ საქართველო უნდა გაეხადათ დასაყრდნობ სიმაგრეთ, რათა უცხოელთ ხელში ჩაეგდოთ ბაქოს ნავთი და სატრანზიტო გზები, რომლებიც მათ წინა და შუა აზიის ბაზრების დაპყრობისაკენ წაიყვანდა. მაგრამ ეს ბოროტი (საქართველოს შრომელთა მასების აზრით) მუშაობა მოსპო და აღკვეთა ისტორიის უღმობელმა ხელმა. საქართველოს მუშებმა და გლეხებმა უარჰყვეს ორიენტაცია განათლებული ევროპისაკენ და ამჯობინეს ძმური კავშირი იმ მუშებთან და გლეხებთან, ვისთანაც ერთად მთლად რუსეთის რევოლუციის ისტორიის განმავლობაში ისინი საერთო მტრის წინააღმდეგ იბრძოდნენ.



ყველა ეს გარემოება, რაღა თქმა უნდა, აიძულებდა საქართველოს ყველაზე ძლიერ პარტიას—მენშევიკებს—განეგრძო ჩვენს წინააღმდეგ ბრძოლა თავისი ხელისუფლების აღსადგენად და „დემოკრატიის“ განსამტკიცებლად.

და საქართველოში საბჭოთა ხელისუფლების დამყარების პირველ დღიდანვე იწყება ბრძოლა ჩვენს წინააღმდეგ. პირველში შეეცადნენ ბრძოლა ლეგალურად ეწარმოებინათ, მიეღოთ ნებართვა თავიანთი პარტიის ლეგალური არსებობისათვის და ლეგალურად არსებობის ნიადაგზე განეგრძოთ ბრძოლა ჩვენს წინააღმდეგ.

შემდეგ, როცა ჩვენ გადავწყვიტეთ მოგვესპო ვერედ წოდებული „დემოკრატიის“ ნაშთები და სერიოზულად განვიზრახეთ დიქტატურის განხორციელება, მენშევიკთა პარტია გადავიდა არალეგალურ პოზიციაზე ჩვენს წინააღმდეგ საბრძოლველად და ხელი მიჰყო შეიარაღებული აჯანყების მზადებას.

ყველას ახსოვს, რეებს სჩადიოდნენ მენშევიკები საამისოდ. იყენებდნენ ბანდიტთა რაზმებს ჩვენს წინააღმდეგ ჩვენი მუშაობის დეზორგანიზაციის მიზნით და თავიანთი პოზიციის გასამაგრებლად. მოაწყეს პარიტეტული კომიტეტი და სამხედრო ცენტრი, რაც ჩვენ გამოვამჟღავნეთ და მოვსპეთ. შემდეგ შეეცადნენ მოეწყოთ 1924 წლის აჯანყება და ამისათვის ემყარებოდნენ ყველა იმ ელემენტებს, რომლებსაც საბჭოთა ხელისუფლებამ ასე თუ ისე უქიმუნჯა, უპირატესად-კი მემამულეთა პარტიის—ნაციონალ-დემოკრატების—ტენი-კურად დარაზმულ ძალას.

ყველამ უწყის რით გათავდა ეს ცდა.

იმის დასასაბუთებლად, რომ საბჭოთა ხელისუფლების დამხობა უნდა მოხდეს აუცილებლად შეიარაღებული აჯანყებით, მენშევიკების პუბლიცისტები, და მათ შორის ყველაზე წარჩინებული—ნოე ჟორდანიას—ამტკიცებდნენ, რომ შეიარაღებული აჯანყება უეჭველად გაიმარჯვებს, რადგანაც საბჭოთა წყობილება სავსეა შეურიგებელი წინააღმდეგობით და ამიტომ იგი უნდა დაემახოსო. ამ პირობებშიო—ამბობდნენ ისინი—შეიარაღებული აჯანყება უებარი საშუალებაა, რათა საბჭოთა ხელისუფლების დამხობა დაჩქარებულ იქნესო.

ჟორდანიას თავის სასამხადისო წერილში, რომელიც ბროშიურად დაიბეჭდა 1924 წლის აგვისტოსათვის, და რომელსაც „საბჭოთა წყობილება“ ეწოდება, ამბობს, რომ საბჭოთა სისტემაში ხუთი ძირითადი წინააღმდეგობაა, რაც ამ ხელისუფლებას აუცილებლად დაღუპვამდე მიიყვანსო. ზოლო, რადგანაც იმ ჟამად საბჭოთა კავშირის ბედ-იღბალი ჯერ კიდევ სრულად არ იყო გამოჩვენებული, სახელდობრ, კავშირი ჯერ კიდევ ცნობილი არ იყო ბურჟუაზიული სახელმწიფოების მიერ და განსაკუთრებით-კი მტრულ განწყობილებას იჩენდა სა-



ფრანგეთი, რომელმაც თავის ტერიტორიაზე შეივრდომა საქართველოს გაქცეული მთავრობა, — უჩვეელი გამარჯვების მომლოდინე მენშევიკები იმ აზრს დაადგინენ, რომ აუცილებლად საქიროა ხალხის მასებმა იარაღს მოჰკიდონ ხელიო.

თუმცა მენშევიკების ბელადნი და ჟორდანიამ ამტკიცებდნენ, რომ ეს აჯანყება მთელი ხალხის აჯანყება იყო, მაგრამ ეს მართალი არ არის. მუშათა მასები ამ აჯანყებაში არამც თუ მონაწილეობას არ იღებდნენ, პირიქით, ისინი აქტიურად იბრძოდნენ მის წინააღმდეგ. ამბოხების ავტორებმა ვერ მოახერხეს ბრძოლაში გლეხობის ჩათრევა. ცდა აჯანყებისათვის მოსპობილ იქნა. ახლა დამარცხებული ლამობენ თავიანთი დამარცხება იმით გაამართლონ, რომ ვითომც ხალხი შეუიარაღებელი გამოსულიყოს.

კარგად გვესმის მათი გულის-პასუხი... ხალხის მოსატყუებლად სხვა საბუთი ვერ უპოვნიათ.

ეს გამოსვლა პარიტეტული კომიტეტის პროცესით დამთავრდა. როგორ მიმდინარეობდა პროცესი — ყველამ იცის. ამიტომ ამაზე სიტყვას აღარ გავაგრძელებთ.

ჩვენი ხუთის წლის მუშაობის შედეგი სრულ უფლებას გვაძლევს გადაჭრით ვსთქვათ, რომ ჩვენს ქვეყანაში ანტისაბჭოთა პარტიების კავშირი დაძლეულია. დაძლეულია აგრეთვე ამ კავშირის მეთაური — მენშევიკების პარტია. აი, ეს არის უშუალოდ შენელოვანესი დასკვნა, რასაც ჩვენი ხუთის წლის მუშაობა იძლევა.

რასაკვირველია, ზოგიერთ ადგილას კიდევ ჰბუტავს წინააღმდეგობის სული, ხან აქ, ხან იქ შევხვდებით ხოლმე პროკლამაციებს თებერვლის 11-ს შესახებ, როდესაც შულავერში გლეხთა აჯანყება დაიწყო, თებერვლის 25-ს გამო, როდესაც ჩვენ საქართველოში საბჭოთა ხელისუფლება ოფიციალურად გამოვაცხადეთ. აგრეთვე ხოლმე მაისის 26-სა და სხვ. თარიღების გამო.

თვითეული ასეთი თარიღის გამო ჩვენ კვლავ ვპოვებთ ხოლმე პროკლამაციას და ეს გასაკვირველიც არ არის. მენშევიკებს, საერთოდ, ბევრი ლიტერატორები ჰყავთ და პროკლამაციის დაწერა არც ისე ძნელია, მაგრამ ყოველივე ეს როდი ამტკიცებს მენშევიკების პარტიის რიცხვსა და ძლიერებას ჩვენს ქვეყანაში.

ჩვენ შეგვიძლიან თამამად განვაცხადოთ, რომ ჩვენი მოწინააღმდეგეების პოლიტიკური ძალა დაძლეულია. ერთი რამ უჩვეელია, რომ ჩვენდამი მტრულად განწყობილ პარტიებს არ ძალუძთ შექმნან ცოტად თუ ბევრად ფართო მოძრაობა და ჩაითრიონ ამ მოძრაობაში მოსახლეობის ცოტად თუ ბევრად დიდი ნაწილი. მენშევიკურმა პარტიამ, როგორც ყველამ უწყის, დაჰკარგა მთლად თავისი მუშათა აქტივი, მან დაჰკარგა გლეხობის საუკეთესო ელემენტები. მაშასადა-

მე, რაღა თქმა უნდა, ბურჟუაზიულ ელემენტებისა, თავადაზნაურობისა და ინტელიგენციის ნაფლეთებზე ვერავითარ აჯანყებას ვერ დამყარებენ.

ნაციონალ-დემოკრატების პარტია 1924 წლის შემდეგ განიავებულია არა მარტო პოლიტიკურად, არამედ ტექნიკურადაც. ასე რომ სრულიად თავისუფალი ასპარეზი გვაქვს მუშაობისათვის, რაკი ცოტად თუ ბევრად სერიოზული პოლიტიკური მოწინააღმდეგე არა გვყავს, რომელსაც შეეძლოს პოლიტიკურად ხელი შეგვიშალოს.

მაინც ეს იმას როდი ნიშნავს, რომ წინ დაბრკოლება და გაქირვება აღარ გადაგველობება, რომ, ამშენებლობის გზით მავალნი, ჩვენ აღარ შევხვდებით ხელისშემშლელ გარემოებათ და პირობებს.

მაგრამ ჩვენ ვამბობთ, რომ აღარა გვყავს მოქიშვე ძალა, რომელიც მოახერხებდეს ჩვენს წინააღმდეგ დარაზმოს მუშათა და გლეხთა ესა თუ ის თვალსაჩინო კადრი.

ამისგამო, თავის-თავად ბუნებრივია, რომ მენშევიკთა პარტიამ, როგორც შორსმჭვრეტელმა და გაგებულმა პარტიამ, რომელსაც, ასეა თუ ისე, გაუფლია მარქსიზმის სკოლა, აი ამ პარტიამ უარპყო წინანდელი ხერხი ჩვენთან შეიარაღებული ბრძოლისა და გადადის ახალ გზაზე. ამ ახალ გზაზე დამდგარი მენშევიკთა პარტია, საექვოა, მოახერხებდეს ჩვენს წინააღმდეგ საზოგადოებრივ ძალთა მობილიზაციას. ჟორდანი თავის წიგნაკში „რა მოხდა?“, რომელიც ჩაქრობილ აჯანყებას შეეხება, ამბობს:

„დატყვევებულმა საქართველომ შინჯა ერთი გზა ტყვეობისაგან განსათავისუფლებლად, საკუთარი ძალონით მოსკოველთა გასადევნათ, მიზანს ვერ მიახწია. ეს საშუალება არ გამოდგამიზანშეწონილი. მარა დარჩა სხვა გზები, სხვა საშუალებები, გაცილებით უფრო მჭრელი და ძლევამოსილი. ეს არის საბჭოთა მთავრობის საშინაო და საგარეო კრიზისი, რომელიც თანდათან ახლოვდება და ჩვენ გვიმზადებს ერთგულ მოკავშირეს. ეს იქნება ბრძოლა უკანასკნელი, სიცოცხლისა და თავისუფლების მომნიჭებელი“.

და შემდეგ, ჟორდანი თავისვე წერილებში, რომლებიც დაწერილია ამ უკანასკნელ თვეებში, ხოლო ნოე რამიშვილი ნოემბერში და დეკემბერში დაწერილ წერილებში, აცხადებენ, რომ დაუძლეველმა კრიზისებმა უკვე თავი იჩინა და საბჭოთა სახელმწიფო გიგანტური ნაბიჯით მიექანება უფსკრულისაკენ; ამიტომ აჯანყება საჭირო როდია, უნდა ველოდოთ ხელსაყრელ გარემოებათ, როდესაც საბჭოთა ხელისუფლება თავისთავად დაემხოვას—თავისვე წინააღმდეგობათა ტვირთის ქვეშ.

მენშევიკები ამბობენ, რომ ეს წინააღმდეგობანი უპირველეს ყოვლისა საგარეო ხასიათისაა. შიურიგებელია წინააღმდეგობა საბჭო-

თა სამეურნეო ურთიერთობის სისტემასა და კაპიტალისტურ ქვეყნების სისტემას შორის; აქედან წარმოსდგება ყველა ბურჟუაზიული ქვეყნის ბლოკი, საბჭოთა კავშირის იზოლიაცია და აუცილებელი შეტაკება მათ შორის, ხოლო ამის შედეგად—საბჭოთა რესპუბლიკის დამარცხება.

მეორეო—ამბობენ მენშევიკები—აუცილებელია შინაგანი კრიზისები, რადგანაც საბჭოთა სახელმწიფოს უნარი არ მოსდგამს მეურნეობის დასამყარებლად, საწარმოო ძალთა განსავითარებლად და მსხვილი მრეწველობის მოსაწყობად, და, მაშასადამე, სოციალიზმზე გადასასვლელად. აი, ეს უუნარობა ჰბადებს კონფლიქტებს ხელისუფლებასა და ხალხის ფართო მასებ შორის, კერძოდ, გლეხობასთან, რომლის მოთხოვნილებანიც თანდათან იზრდება და საბჭოთა ხელისუფლებას მათი დაკმაყოფილება არ შეუძლიანო. ამის გამო აუცილებელია კონფლიქტი საბჭოთა ხელისუფლებასა და მუშათა კლასს შორის და აუცილებელია დაშლა საბჭოთა კავშირისა, რომელიც მრავალ სხვადასხვა ერთაგან შესდგებაო. მენშევიკები ამბობენ, რომ ყოველივე ეს აუცილებელია და ამიტომ სოციალ-დემოკრატიულმა პარტიამ თავის უკანასკნელ არალეგარულ კონფერენციაზე შეიმუშავა ტაქტიკა—ველოდოთ ამ მომენტს და ვემზადოთ მის დასახვედრად, მოვახდინოთ ჩვენს რიგებში მუშათა და გლეხთა ფართო მასების მობილიზაცია და, იმისდამიხედვით, თუ როგორ გადასწყდება საკითხი, ვინ ჩადგება საბჭოთა სახელმწიფოს დამხობის შემდეგ ხელისუფლების სათავეში, რომელი პარტია და რომელი კლასი ვაბატონდება საქართველოში და რუსეთში, აი, ამისდამიხედვით, განვსაზღვროთ ჩვენი მომავალი ტაქტიკაო.

ამასთანავე ისინი აცხადებენ, რომ ორიენტაცია წარმართული უნდა იქნეს საქართველოს „დამოუკიდებლობისა“ და „დემოკრატიისაკენ“-ო. აგრეთვე ორიენტაცია იმ ქვეყნებისაკენ, რომლებიც ყველა დარგში დემოკრატიას განამტკიცებენო. ორიენტაცია ძლიერი მოკავშირისაკენ, რომელიც შესძლებს უზრუნველჰყოს საქართველოს „დამოუკიდებლობა“, რასაკვირველია, სომხეთისა, აზერბაიჯანისა, უკრაინისა და რუსეთისაგან. ამ ორიენტაციების შეფასება შეიძლება ყველა იმის მიხედვით, რაც ზევით იყო ნათქვამი. ერთის სიტყვით, მენშევიკები ემზადებიან ჩაებლაუქნენ ხელისუფლებას, როდესაც იგი ხელიდან გაუვარდება კომუნისტური პარტიის ხელმძღვანელობით მოქმედ პროლეტარიატს.

რაღა თქმა უნდა, რომ ყველა ეს ლათაიები უბრალო ოცნებაა. ჩვენ, რასაკვირველია, არ შეგვიძლიან პარიზში, თუ პარიზის მიდამოებში განცხრომით მყოფთ აღფუკრძალოთ ლირიზმით ცოდვილობა. რაღა დარჩენიათ სანუგეშოდ, თუ არა იმედი და ლოდი-



ნი?! მაგრამ ხანდახან იმედს და ლოდინს კაცი სულელობამდე მიჰყავს. დაგვიტყვი მათთვის ეს კმაყოფილება. ჩვენ კი თავისუფლად შეგვიძლიან განვაგრძოთ შემოქმედება და აღმშენებლობა და დავძლიოთ ის დაბრკოლებანი, რაც უეჭველია გზად გადაგვეღობება. და ჩვენ დაეძღვით ამ დაბრკოლებებს. მთლად ჩვენი შინაგანი მუშაობა, მთლად ის აღმშენებლობა, რასაც განუწყვეტლივ ვაწარმოებთ, აუარებელ ხელის შემშლელ გარემოებათა მიუხედავად, თავმდებია, რომ ჩვენ გავიმარჯვებთ. უპირველეს ყოვლისა ჩვენ მოვახერხებთ ჩაგვება აღმშენებლობაში მუშათა და გლეხთა ფართო მასსები, სააღმშენებლო გულხმვიერება გაგვეღვიძებინა მათში და, თუ მხედველობაში მივიღებთ, რა ზომამდე გავერანგებული დაგვხვდა ჩვენ მენშევიკების შემდეგ ჩვენი ქვეყნის საწარმოო ძალები, თამამად შეგვიძლიან ვსთქვათ, რომ ჩვენს მხარეზე დიდი მიღწევებია მაგრამ ეს იმას როდი ნიშნავს, რომ თავი უნდა დავიდაფნოთ, განცხრომას მივეცეთ და კრიტიკულის თვალთ არ შევხედოთ იმას, რაც ჩვენ გაგვიკეთებია და მოგვიპოვებია.

პირიქით, ჩვენი პარტიის თვითუღმა წევრმა მხედველობაში უნდა იქონიოს ის ციფრები, რის უარყოფაც შეუძლებელია, და კრიტიკის თვალთ შეხედოს იმ მუშაობას, რასაც ჩვენ ვაწარმოებთ და შეათასოს ის დაბრკოლებანი, რომელთა დაძლევა ჩვენ გვიხდება. მაგრამ ვიდრე გადავიდოდეთ ჩვენს მიღწევათა დამასურათებელ ციფრებზე, ყურადღება უნდა მიექცეს ორ-სამ უაღრესი მნიშვნელობის ფაქტს.

უპირველეს ყოვლისა, უნდა შევჩერდეთ ნაციონალური ურთიერთობის საკითხზე საქართველოს ფარგლებში. რაც უნდა კინკლაობა გვეკონდეს ეროვნულ უმცირესობათა ჯგუფებთან, ერთი რამ მაინც უეჭველია, რომ საქართველო, როგორც მრავალ-ეროვანი ქვეყანა, განიცდის შეურყეველ შინაგან ნაციონალურ მშვიდობიანობას.

მენშევიკების დროს საქართველომ გადაიხადა რამდენიმე ომი მეზობლებთან: 1) სომეხ-ქართველთა ომი; 2) ქართველ-აფხაზთა ომი; 3) მენშევიკების მიერ სამხრეთ-ოსეთის დარბევა; 4) აჭარის აჯანყების ჩაქრობა; 5) ცდა მოსახლეობის ყველა იმ ჯგუფების განიარაღებისა, რომელნიც ოფიციალური „დემოკრატიული“ საქართველოს თვალსაზრისზე არ იდგნენ.

ამ ჟამად საქართველოში ამის მსგავსი არა არის რა. როგორც საქართველოში, ისე ეროვნულ უმცირესობათა რესპუბლიკებში, ხელისუფლების სათავეში სდგას კომუნისტური პარტია. და აი, ეს არის სრული პოლიტიკური გარანტია, რომ არავითარი მიხლა-მოხლა პოლიტიკური ან ეროვნული ინტერესების ნიადაგზე არ შეიძლება მოხდეს. გაუგებრობამ შეიძლება, რასაკვირველია, იჩინოს თავი, კინკლაობამაც; ისიც მოსალოდნელია, რომ სწორი ანგარიში არ გაეწიოს ამა თუ იმ გარემოებას, რითაც განისაზღვრება ეროვნული ურთიერ-

თობა, მაგრამ, ყოველ შემთხვევაში, ჩვენ შეგვიძლიან საქართველოს გასა-
 ბჭოების ხუთი წლის თავზე თამამად ვსთქვათ, რომ ჩვენ მრავალ-ერიან
 რესპუბლიკაში სრული ეროვნული მშვიდობიანობაა. ამ მშვიდობიანობას
 უზრუნველყოფს კომუნისტური პარტიის ხელმძღვანელობა იმ რეს-
 პუბლიკებში, სადაც იგი ხელისუფლების სათავეში სდგას. ამასთან
 ერთად ჩვენ შეგვიძლიან ვსთქვათ, რომ არავითარი ნიშანი არა სჩანს
 იმისა, რომ შესაძლებელია ურთიერთობის გართულება ჩვენ მეზობლებ-
 თან, რომელნიც გუშინ მენშევიკების წყალობით ბრძოლის ცეცხლში
 იყვნენ გახვეულნი. ამიერკავკასიის ფედერაციის მოწყობა—სრული
 გარანტიაა მშვიდობიანი შემოქმედებითი მუშაობისა ამიერკავკასიის
 პირობებში, ამიერკავკასიის მასშტაბით. ფედერაცია ჩვენ დავამყარეთ
 ერის სახელმწიფოებრივ ერთეულად ჩამოყალიბების პრინციპზე, იმ
 პრინციპზე, რომლითაც ხელისუფლებას ხელმძღვანელობას უწევს კო-
 მუნისტური პარტია. ამაზე ძლიერი დღლაბი შეუძლებელია. ბევრს ეხ-
 სომება ამიერკავკასიის ხალხთა ერთად ცხოვრების პირობები კერენ-
 სკის დროს ან რუსეთში საბჭოთა გადატრიალების შემდეგ, როდესაც
 აქ ეგრედწოდებული ამიერკავკასიის სეიმი არსებობდა, რომელიც ვი-
 თომც ერთ მთლიან ამიერკავკასიას წარმოადგენდა. მას შეადგენდნენ
 ერთმანეთის მოწინააღმდეგე, შეურიგებელი ელემენტები. ჯერ ერთი,
 ეროვნული პარტიები—ქართული, აზერბაიჯანული და სომხური—სხვა-
 დასხვა მისწრაფებისა, სხვა-და-სხვა კლასობრივი ინტერესის წარ-
 მმოდგენელი თავიანთვე ქვეყნებში, სხვა-და-სხვა საგარეო ორიენ-
 ტაციისა. რაღა თქმა უნდა, ასეთი ფედერაცია ვერ გაისაძლისებდა და
 პირველსავე შეხებაზე უნდა დაღუპულიყო. ჩვენი ფედერაცია ურყევია,
 თუმცა ყოველ მხრიდან გაცოფებით გვეხეთქებიან. ეს იმიტომ, რომ
 ჩვენ განვაგებთ ერთი პარტიის მეშვეობით და სისწორით ვაფასებთ
 და მუშტრის თვალით ვსინჯავთ იმ სამეურნეო ელემენტებს, რომელ-
 ნიც ფუძედ უნდა დაუდვთ ჩვენი ერების ერთიანობას. ამას გარდა, ჩვენ
 შეექმენით საბჭოთა რესპუბლიკების კავშირი, რომლის შედგენილობა-
 შიაც შედის ჩვენი რესპუბლიკა—საქართველოს საბჭოთა რესპუბლი-
 კა—და რომელიც ამ ჟამად ცნობილია ყველა ქვეყნის მიერ, ამერი-
 კისა და „დიდი“ შვეიცარიის „სახელმწიფოს“ გარდა. შვეიცარია, მო-
 გეხსენებათ, დარაჯად უდგას ბურჟუაზიული ცივილიზაციის ყველა
 მონაპოვარს და ჩვენც იმიტომ არა გვცნობს, რომ უარყოფთ ამ ცი-
 ვილიზაციას. სწორედ იმიტომ, რომ ჩვენ გვაქვს ყველსაგან ცნო-
 ბილი კავშირი, ჩვენ ამიერკავკასიაში და, კერძოდ, საქართველოში გა-
 ბედულად ვგრძნობთ ჩვენს თავს, ვიდრე სხვა ვინმე. საბჭოთა ხელი-
 სუფლების მოწყობამ საქართველოში, ფედერაციამ ამიერკავკასიის
 რესპუბლიკებთან (საბჭოთა აზერბაიჯანთან და საბჭოთა სომხეთთან)
 და კავშირში მონაწილეობამ შესაძლებლობა მოგვცა მეგობრული გან-



წყობილება ვიქონიოთ ჩვენს მეზობელ ოსმალეთის რესპუბლიკასთან. ისეთი ბუმბერაზი კავშირის ფრთეთაქვეშ, რომელიც ყველასაგან ცნობილია, და რომელსაც ყველა ანგარიშს უწევს, შეგვიძლიან თავისუფლად განვაფიქროთ ჩვენი მეურნეობა, მაღალ დონემდე ავწიოთ ჩვენი ქვეყნის საწარმოო ძალები და ჩვენი ხალხი ავიყვანოთ ეკონომიკის უმაღლეს საფეხურზე, მაშასადამე, კულტურის მაღლობზედაც. თუ მხედველობაში მივიღებთ, რომ ჩვენი საბჭოთა რესპუბლიკების კავშირის სტაბილიზაცია უფრო მყარია, ვიდრე კაპიტალისტური სახელმწიფოების სტაბილიზაცია, ჩვენ ამთავითვე გაბედვით შეგვიძლიან დავისახოთ ორგანიული აღმშენებლობის პროგრამა, მრავალ წელთა განმავლობაში გამოსადეგი.

ის გარემოება, რომ აღარ არსებობს ისეთი პოლიტიკური ძალა, რომელსაც შეეძლოს ჩვენს მუშაობას ხელი შეუშალოს, აგრეთვე — მუშათა და გლეხთა ფართო მასსების მონაწილეობა ჩვენს შემოქმედებითი მუშაობაში, შინაგანი ეროვნული მშვიდობიანობა საქართველოსა და ამიერკავკასიაში და ყოველმხრივ ხელის შეწყობა ჩვენი ძლიერი კავშირის მიერ, — ყველა ეს ერთად აღებული, — უზრუნველყოფს ჩვენს წარმატებას შემდეგშიაც. ყველა ამ ფაქტორის გავლენა უკვე თვალნათლივად ეტყობა ჩვენს მიღწევებს. ხოლო რას მივალწიეთ, რას გვეუბნება ჩვენი ხუთი წლის მუშაობის ჯამი?

პირველყოვლისა უნდა შევხვით ჩვენს ბიუჯეტს. საერთოდ, ცნობილია, რომ ბიუჯეტი საუკეთესო სარკეა ყველა სახელმწიფოსი.

ჩვენ არ განვიხილავთ მთელი კავშირის ბიუჯეტს. შევხვებით მხოლოდ ჩვენს, საქართველოს ბიუჯეტს. ნამდვილი საქმიანობის თვალსაზრისით ჩვენ უკვე ვადგენთ მეორე ნორმალურ წლიურ ბიუჯეტს. ამ ორ წლამდე მხოლოდ ცდა იყო შედგენისათვის, ხოლო წარსულ წელს და, განსაკუთრებით, მიმდინარე წელს ჩვენა გვაქვს ნორმალური წლიური ბიუჯეტი, დიდის დაკვირვებით შემოწმებული. მათალია, ჯერ-ჯერობით იგი ღარიბია, მაგრამ, სამაგიეროდ, სრულიად ნორმალურია. წლებანდელი ბიუჯეტი რომ შარშანდელს შევუდაროთ — თვალნათლივად დავინახავთ მის ზრდას. ლიტონ სიტყვებად რომ არავის ეჩვენოს ნათქვამი, დავასახელებთ საქართველოს — მასში შემავალი რესპუბლიკებითა და ოლქებითურთ — ბიუჯეტის ციფრებს. 1924 — 25 წელს საკავშირო მთავრობამ საქართველოს ბიუჯეტი დაამტკიცა 13.679.000 მანეთის რაოდენობით. 1925 — 26 წლის ბიუჯეტი, რომელიც, მართალია, ჯერ დამტკიცებული არ არის საკავშირო ცენტრალური აღმასრულებელი კომიტეტის მიერ, ხოლო უკვე გატარებულია საკავშირო სახალხო კომისართა საბჭოში, აღრიცხულია 20.741.000 მანეთის რაოდენობით.

ჩვენი ბიუჯეტის ზრდა 30 პროცენტს აღემატება.

ხოლო თუ გადავთვალთ იერებთ ამ ბიუჯეტის ცალკე მუხლებს, შემდეგს დავინახავთ: განათლების სახალხო კომისარიატს შარშან ჰქონდა 5.982.000 მან. სოფლის მასწავლებელთა სამუშაო ხელფასითურთ, წელს აქვს 7.722.000 მან. სოფლის მასწავლებელთა სამუშაო ხელფასითურთ, ე. ი. 1.740.000 მანეთით მეტი, ვიდრე შარშან იყო.

ჯანმრთელობის სახალხო კომისარიატს, — რომელიც საკულტურო კომისარიატია, შარშან ჰქონდა 1.050.000 მან., წელს აქვს 1.679.000 მ. მიწათმოქმედების კომისარიატს, რომელიც დიდი მნიშვნელობის კომისარიატია, შარშან ჰქონდა 985.000 მან., წელს აქვს 1.513.000 მ.

ამრიგად, თვალი რომ გადავავლოთ ჩვენი ბიუჯეტის ცალკე ნაწილებს, ყველგან აუცილებელ ზრდას შევნიშნავთ წარსულს წელთან შედარებით. მაგრამ ეს ჩვეულებრივი ბიუჯეტია უწყებათა შესანახად და ამ უწყებათა ღონისძიებების განსახორციელებლად.

ამ ჩვეულებრივი ბიუჯეტის გარდა ჩვენ გვაქვს აგრეთვე ასიგნებები მრეწველობისა და სახალხო მეურნეობის სხვადასხვა დარგის საქმეებისათვის. მართალია, ბიუჯეტის ეს ნაწილი ჯერ-ჯერობით საბოლოოდ ჩამოუყალიბებელია სხვადასხვა გარემოებათა გამო, და იმისგამო, რომ ჯერ კიდევ საჭიროა მოხდეს ჩვენი რესურსების უფრო სწორი, უმეტესაკლებო აღრიცხვა. ამ მხრივ საქართველოსათვის ჩვენ გვაქვს საასიგნოდ შეტანილი 3.000.000 მან. ეს თანხა სახალხო მეურნეობის უმაღლეს საბჭოს გადაეცემა ახალი სამრეწველო საქმეებისათვის. გვაქვს აგრეთვე სხვა ფონდით ელექტროფიკაციისათვის 1.700.000 მან.; ამ თანხაში არ შედის ასიგნვა ზემო-აფქალის სადგურისათვის, რისთვისაც გადადებულია 1.900.000 მან.. ამ წელსვე აღმშენებლობისათვის ჩვენ გვაქვს საასიგნოდ განზრახული 300.000 მან.; რაღა თქმა უნდა, ეს თანხა შედარებით მცირეა, მაგრამ ამასთან ერთად ჩვენ შეტანილი გვაქვს საასიგნოდ საქართველოს მელიორაციისათვის 1.315.000 მან.

ამრიგად, ჩვეულებრივი ბიუჯეტის გარდა, რაც შარშანდელ ბიუჯეტს ექვსი მილიონით აღემატება, ჩვენ ხელთ იქნება ხუთ მილიონზე მეტი სხვადასხვა მშენებლობისა და მრეწველობისათვის და, თუ მხედველობაში მივიღებთ იმ სახსარს, რაც აქამდე სხვადასხვა მშენებლობაზე, კერძოდ ელექტროფიკაციაზე, დაგვიხარჯავს, — მაშინ ჩვენი ქვეყნის მატერიალური ზრდა უფრო თვალნათლივი იქნება.

სახალხო მეურნეობის სხვა დარგებში ჩვენ დიდი მუშაობა მიგვიძღვის; განსაკუთრებით, თუ მხედველობაში ვიქონიებთ, რა ძნელ პირობებში ვიდოდა ეს მუშაობა. მშენებლობის წარმოება ჩვენ გვიხდებოდა პირდაპირ გავერანებულ ადგილზე, რადგანაც მენშევიკებმა საქართველოდან გაქცევის დროს თან წაიღეს არა მარტო კაპიტალიზმი და საქონლის ზვიანები, არამედ დააცალიერეს თვით უწყებებიც,

არ დასტოვეს ფანქრები და კალმებიც კი. ამასთან ერთად მთელი ჩვენი ქვეყანა ავი ბალახივით მთლად მოდებული იყო ძველი წესწყობილების ნატამალით. სამკვიდროდ ჩვენ გვერგო: გადაუწყვეტელი საადგილმამულო საკითხი, გადაუჭრელი მუშათა საკითხი; სოციალურ დაზღვევას მენშევიკები ანხორციელებდნენ 1912 წლის კანონით, რომელიც მიღებული იყო იენისის 3-ს კანონის სახელმწიფო სათათბიროს მიერ, სადაც უმრავლესობას მემარჯვენე პარტიები წარმოადგენდნენ (ოქტიაბრისტები); გადაუწყვეტელი საკითხი სახელმწიფოს და ეკლესიის ურთიერთობისა; გადაუწყვეტელი, პირიქით, საშინლად გამწვავებული, ეროვნული საკითხი. ყველა ეს საკითხი პოლიტიკურად ჩვენ უკვე გადავჭერთ. საბოლოო ლიკვიდაცია მოვახდინეთ მემამულეთა მიწათმფლობელობის ნაშთებისა და მასთან ერთად თვით მემამულეებისაც. ჩვენ მთლიანად და სრულად განვახორციელებთ ჩვენი საბჭოთა კანონი მუშების სოციალური დაზღვევისა. ჩვენ საბოლოოდ გამოვაცალეთ ეკლესიას და სამღვდელოებას საფუძველი. და, ბოლოს, ჩვენ შევქმენით ჩვენი ქართული წითელი არმია. ჩვენ აქამად გვყავს საკმაოდ საგრძნობი ძალა, რათა შეურყეველი წესიერება არსებობდეს ჩვენს ქვეყანაში, და, თუ საჭირო იქნება, დავიცვათ ჩვენი საზღვრები წითელი არმიის რუსულ, სომხურ და თურქულ ნაწილებთან ერთად.

ახლა გადავშალოთ სურათი ჩვენი მიღწევებისა სახალხო მეურნეობის თვითეულ დარგში ამ ხუთ წლის მანძილზე. საქართველოში ქალაქის მოსახლეობა 26,54 პროცენტს უდრის. თითქმის არც ერთ სახელმწიფოში ამოდენა ქალაქის მოსახლეობა არ არის. საინდუსტრიო ქვეყნებში ქალაქის მოსახლეობა ძალიან დიდია, მაგრამ ჩვენისთანა ქვეყანაში, რომელიც სასოფლო მეურნეობის ქვეყანაა, ქალაქის მოსახლეობა მაინც 26,54 პროცენტს უდრის, ხოლო სოფლის მოსახლეობა 73,46 პროც. თუ მხედველობაში მივიღებთ, რომ ქალაქის მცხოვრებთა ერთი ნაწილი სოფლის მეურნეობას მისდევს, მაშინ 80 პროც. მაინც სოფლის მოსახლეობა გამოვა და 20 პროც. ქალაქისა.

ჩვენმა სოფელმა ამ ხუთი წლის განმავლობაში დიდი წარმატება გამოიჩინა ნათესის გაფართოების საქმეში. 1917 წ. საქართველოში პურეულით დათესილი იყო 489.000 დესეტინა; 1919 წ.—მენშევიკების დროს—522.000 დეს.; 1921 წ. (რევოლიუციონური მოქმედება სწორედ ხენა-თესვის პერიოდში იყო გაჩაღებული—თებერვალსა და მარტში) 479.000 დეს., ხოლო 1925 წელს 616.000 დეს. 1913 საქართველოში დათესილი იყო 710.000 დეს., ასე რომ, ჩვენ თითქმის გავუთანასწორდით ომამდე არსებულ დონეს.

ახლა შევენახეობის დარგი. მევენახეობა ამჟამად დიდ გაჭირვებას განიცდის. ვენახები დაასწულა ფილოქსერამ. მათი სივრცე თანდათან კლებულობს. 62.000 დესეტინიდან, რაც 1896 და 1900 წლებ-

ში ითვლებოდა, ვენახების სივრცე 30.000 დეს. ჩამოვიდა და თუ 1924 წლის მოსავალს შევედარებთ 1911-15 წლების მოსავალს, როდესაც 45.000 დეს. ითვლებოდა, დავინახავთ, რომ 1911-15 წლების მოსავალი 7.233.000 ვედროს უდრიდა, ხოლო 1924 წლის მოსავალი 5.484.000 ვედროსა უდრის. 1917 წ. ღვანის მოსავალი 4.735.000 ვედრო იყო. საშუალო მოსავალი 1911-15 წ.წ. 160 ვედროს უდრიდა დესეტინაზე, ხოლო 1924 წ.—170 ვედ. უდრის, ე. ი. 6,25 პროცენტით აღმატება ომამდე არსებულ რაოდენობას.

მევენახეობისა და მეღვინეობის წარმატებისა და ვენახების გამანდგურებელ ფილოქსერასთან ბრძოლის მიზნით—ამ ხნის განმავლობაში ჩვენ მივიღეთ ზოგიერთი მნიშვნელოვანი ღონისძიება არსებული ამერიკული ვაზის სანერგეების სივრცის გადიდებისა და ახალი სანერგეების შექმნისათვის: სანერგეების საერთო სივრცე ომამდე 14 დეს. უდრიდა; 1923 წ. ეს სივრცე ერთი სიმაღ გადიდებულია და 1924 წლის დამლევისათვის ჩვენ გვქონდა 76 დეს. სივრცის სახელმწიფო სანერგეები. არას ვამბობთ იმ სანერგეებზე, რომელთა ჩაყრაც განზრახულია, ვეხებით მხოლოდ უკვე არსებულ სანერგეებს.

სამრეწველო ხეხილის ბაღებს 1917 წ. ეჭირა 7.303 დეს., ხოლო 1924—წ. 8.556 დეს. აღმატება 17 პროც. უდრის. ეს არ უნდა გვაკვირვებდეს, რადგანაც ჩვენი სოფლის მეურნეობის ყველა დარგის პროდუქციამ მოიპოვა საბჭოთა ბაზარი და, იმისდამიხედვით, თუ რამდენად წინ წავიწვით ამ ბაზარზე, იმდენად ჩვენი პროდუქციაც იმატებს, ხოლო აქედან კი წარმოსდგება ძლიერი სტიმული ვენახებისა, ხეხილის ბაღებისა და ყველა იმ დარგის გაფართოებისა, რაც ჩვენს სასოფლო მეურნეობას შეადგენს.

მეთამბაქოებას შესამჩნევი ადგილი უჭირავს ჩვენს მეურნეობაში, განსაკუთრებით აფხაზეთში. თამბაქოს პლანტაციების სივრცე 1.000 დესეტინიდან, რაც მენშევიკების დროს იყო, 1924 წ. 4.353 დესეტინამდეა გადიდებული. მოსავალი 50,000 ფუთიდან 350,000 ფუთამდეა გადიდებული 1924 წ., ხოლო 1925 წ. მოსავალი (ჯერ გამოორკვეული არ არის) 550.000 ფუთამდე მიაღწევს.

მებამბეობას ოდესღაც ჰქონდა ფუძე ახლანდელი საქართველოს ზოგიერთს ადგილას. 1917 წ. ბამბის პლანტაციებს ეჭირა 1.200 დეს. და მოსავალი 15.800 ფუთს უდრიდა. 1924 წ. ჩვენ გვაქვს 4.500 დეს. ნათესი და 50,000 ფუთი მოსავალი. 1925 წელს ბამბის ნათესი 5.871 დეს. უდრის და თითქმის 1915 წლის სივრცეს გაუთანასწორდა (5.900 დეს.) საქართველოს მებამბეობის ორგანიზაციები შედიან ამიერკავკასიის მებამბეობის კომიტეტის შედგენილობაში და აწარმოებენ საბამბო ოპერაციებს, ავანსებს აძლევენ გლეხებს.

რევოლიუციის მატთანე.



წელს მათ გასცეს 704.000 მან. ავანსი. ამასთან ერთად წელსვე ჩვენ მოვაწყეთ სამი ახალი ბამბის საწმენდი ქარხანა: ორი—აღმოსავლეთ საქართველოში, ერთი—დასავლეთ საქართველოში.

მეაბრეშუმეობას საქართველოში დიდი ადგილი უჭირავს. დასავლეთ საქართველოს გლეხის ფულადი ბიუჯეტის მიხედვით ამ სასოფლო მეურნეობის დარგმა დიდი ცვლილებანი განიცადა. სარეკორდო წელიწადად საქართველოში ითვლება 1914 წელსწადი, ომის წინ, როდესაც ჭია გამოყვანილ იქნა 105.000 კოლოფი თესლისა და მიღებულ იქნა 128.000 ფუთი პარკი.

1914 წლიდან წარმოება დაბლა ეცემა. 1917 წ. იძლევა 37.000 კოლოფ თესლს და 42.000 ფუთ პარკს. საქართველოს დამოუკიდებლობის გამოცხადების წელიწადი—1918 წელი—იძლევა 32.000 კოლოფ თესლს და 40.000 ფუთ პარკს. 1920 წ.—45.000 კოლოფს და 50.000 ფუთ პარკს. აღმატება მცირეა.

1921 წ.—54.000 კოლოფი თესლია და 85.000 ფუთი პარკი; 1922 წ.—64.000 კოლ. და 100.000 ფუთი პარკი; 1924 წ.—104.000 კოლ. და 139.000 ფ. პარკი.

როგორც ვხედავთ, 1924 წ. მოსავალი ერთი-სამად აღემატება 1920 წლის მოსავალს. ამ ჟამად მოეწყო მეაბრეშუმეთა სპეციალური შენაერთი, რომელიც აწარმოებს ყველა ოპერაციას და მოახდენს მშრალი პარკის რეალიზაციას შინა და საგარეო ბაზარზე.

შემდეგი დარგი ჩვენი სასოფლო მეურნეობისა არის ჩაი. ჩვენ ყველანი ჩინურ ჩაისა ვსვამთ; ყოველ შემთხვევაში, ამ ჩაის ეტიკეტები ჩინურია. და უნდა ვსთქვათ, რომ ჩვენ ხელთაა ყველა ნიშნები და საბუთები, რომ ჩვენს ქვეყანაში ჩაის კულტურა დიდის მასშტაბით უნდა განვითარდეს. ჩვენი სტატისტიკოსებისა და აგრონომების გამოანგარიშებით, ჩვენ გვაქვს 120.000 დესეტინა მიწა, ჩაის კულტურის განვითარებისათვის გამოსადეგი, ხოლო სხვა დანარჩენ სასოფლო მეურნეობის კულტურისათვის გამოუსადეგარი.

ამ ჟამად ჩვენ მოვიკიდეთ ხელი ამ 120.000 დესეტინა მიწის სათანადოდ გამოყენების საკითხს და ეს მიწა შემუშავებული იქნება იმ ხნის განმავლობაში, რაც შესაძლებელია ჩვენს ხელთ ქონებული სახსარით. ამ მიზნით ჩვენ ვაწყობთ საქართველოს „ჩაის“ საზოგადოებას, რომელშიაც შედიან: მიწათმოქმედების კომისარიატები: საქართველოსი, აჭარისტანისა და რუსეთის ზფხრ-სა, სასოფლო-სამეურნეო ბანკი, ცენტროკავშირი, ჩაის სამმართველო,—ერთის სიტყვით, ყველა ის ორგანიზაცია, რომელიც დაინტერესებულია, როგორც ჩაის კულტურის აღორძინებით, ისე ჩაის ვაჭრობით.

ამ სამრეწველო დარგის პერსპექტივები მეტის-მეტად ფართოა, თუ მხედველობაში მივიღებთ, რომ მთელი ჩვენი კავშირის მოთხოვ-

ნიღების უდიდესი ნაწილი შეგვიძლიან დავაკმაყოფილოთ იმ ჩაით, რასაც 120.000 დესეტინის სივრცეზე მოვიყვანთ.

1914 წ. იმ სახალხო მამულებში, სადაც ჩაის პლანტაციებია, მოიკრიფა 265.550 გირვანქა ჩაი. შემდეგ ჩაის მოსავალი თანდათან დაბლა ეცემა 1920 წლამდე. 1920 წ. მოიკრიფა 202.066 გირვ. ჩაი; 1921 წ.—155.000 გირ., 1922 წ.—215.000 გირ., 1923 წ.—310.000 გირვ., 1924 წ.—376.000 გირ. საბჭოთა პერიოდის 4 წლის განმავლობაში—1921—1925 წ.წ.—(1925 წ. ცნობები ჯერ არა გვაქვს) ჩაის პროდუქცია შეადგენდა 1.056.000 გირ., ხოლო მთელი იმ პერიოდის განმავლობაში, რაც ომამდე იყო—1900—1914 წ.წ.—ჩაქვის მამულების ჩაის პროდუქცია უდრის 1.968.000 გირვან., ე. ი. საბჭოთა ხელისუფლების არსებობის ოთხის წლის პერიოდის პროდუქცია უდრის ომამდე (15 წლის განმავლობაში) მიღებული პროდუქციის მთელი რაოდენობის 53,6 პროცენტს. ამასთანავე, საბჭოთა პერიოდის პროდუქცია ერთი-ორად აღემატება მენშევიკების პერიოდის პროდუქციას (511.755 გირვ.).

ჩვენ არ შევჩერდებით იმ სააგრონომიო დახმარების ღონისძიებებზე, რასაც ჩვენი მიწათმოქმედების სახალხო კომისარიატი ჰხმარობს. შევეხებით მხოლოდ საჯუმლო ციფრებს ჩვენი მეურნეობის თვითეულ ცალკე დარგში.

მესაქონლეობის საქმე, სხვა დარგებთან შედარებით, საკმარისად ჩამოიქვეითებს. ეს იმიტომ, რომ ომის დროს დიდძალი წვრილფეხა საქონელი (ცხვარი) დაგვიზარალდა და, ამასთანავე, დიდძალი საძოვრები დაეკარგეთ.

ყველამ იცის, რომ საქართველოს ზოგიერთი ნაწილი გვალვანია და ფიცხი ნიადაგანია, ხოლო ზოგიერთი ნაწილი—ჭაობიანი. სამელიორაციო მუშაობას ჩვენი ქვეყნის სასოფლო მეურნეობისათვის უაღრესი მნიშვნელობა აქვს. ამიტომ ჩვენ ვაწარმოებთ ორმხრივ მუშაობას—ფიცხი ადგილების მოსარწყავად და ჭაობიან ადგილების დასაშრობათ. ზევით უკვე იყო აღნიშნული საგანგებო ბიუჯეტის ცნობები და, სხვათა შორის, ის, რა გვეძლევა წელს სამელიორაციო სამუშაოსათვის. საბჭოთა ხელისუფლების არსებობის ხუთის წლის განმავლობაში ჩვენ დიდი საქმე გავაკეთეთ. გაყვანილია ექვსი სარწყავი არხი, რომლის საერთო სიგრძე 114 ვერსს უდრის და რომელიც 43.500 დეს. რწყავს. ამ ჟამად ითხრება 4 არხი 98 ვერსი საერთო სიგრძისა და 26.400 დეს. სარწყავი სიგრძისა.

ამას გარდა, დაწყებულია მუშაობა ფოთის ჭაობების დასაშრობად 130.000 დეს. სივრცეზე და ყარაიას სარწყავი სისტემის შესაკეთებლად. აგრეთვე დაწყებულია მუშაობა ალაზნის ხეობისა (50.000 დეს.) და ელდარის ველის სარწყავი სისტემისათვის. სწარმოებს მთე-

ლი რიგი გამოკვლევა სხვა სარწყავი სისტემებისათვის, სხვათა შორის, სამგორის ველისა—42.000 დეს. სივრცეზე.

მელიორაციას საქართველოში აქვს მნიშვნელობა არა მარტომ გლეხთა სასოფლო მეურნეობის გასაუმჯობესებლად, რომელთაც უკვე მიწა აქვთ და ამუშავებენ, არამედ იმისთვისაც, რომ შეიქმნას მიწის ახალი ფონდი უადგილმამულო და მცირე ადგილმამულიანი გლეხების დასასახლებლად.

ჩვენი ქვეყანა მეტისმეტად მჭიდროდა დასახლებული. მიწაცოტა გვაქვს, ინდუსტრია ხომ სრულიადაც არა. ძველმა წყობილებამ არავითარი სამკვიდრო არ დაგვიტოვა, და ჩვენს წინაშე თავსატეხი საკითხი სდგას, რა ვუყოთ ამ ზედმეტ მოსახლეობას. ჩვენ ვფიქრობთ, რომ, თუ მოვრწყუთ ყველა ფიცხი ადგილები და დავაშრეთ ქაობები,—შეეძლებთ ამ მიწებზე მოვათავსოთ რამდენიმე ათეათასი საგლეხო მეურნეობა. ხოლო ეს საქმე აუარებელ სახსარსა საქიროებს, აგრეთვე, სხვადასხვა გარემოების გამო, დიდ დროს მოითხოვს, კერძოდ იმიტომ, რომ საკმაო სპეციალისტ-მელიორატორები არა გვყავან. ყველა ამ მოსაზრების გამო ამ საკითხს დიდი ყურადღება აქვს მიქცეული.

ჩვენს მუშაობაში დიდი ადგილი უჭირავს საქართველოს მიწათმოწყობის საქმეს. მართალია, ჩვენ მოვსპეთ მემამულეთა მიწათმფლობელობის ნაშთები, მოვანდინეთ ექსპროპრიაცია, მაგრამ ჯერ-ჯერობით ამ მიწების გლეხების სასარგებლოდ დამტკიცება ვერ მოვახერხეთ. საერთოდ, ჩვენ ვერ ვერ მოვახერხეთ დაგვემთავრებინა სოფლის-შინამიწათმოწყობისა და მაზრის-შინამიწათმოწყობის საქმე. ეს სამუშაო საქიროებს დიდ დროსა და დიდ სახსარს. ჩვენა გვაქვს მიწათმოწყობის ხუთწლელი გეგმა. ჩვენ განზრახული გვაქვს ამ ხუთის წლის განმავლობაში მიწათმოწყობის განსახორციელებლად დაეხარჯოთ 3.000.000 მანეთი. რასაკვირველია, ძნელი სათქმელია წინაღვე, მოვახერხებთ თუ არა, მთლად ამ საქმის გაკეთებას, რადგანაც თუნდ ეს სახსარი თავის დროზე მთლიანად ჩვენ ხელთ იყოს, მაინც დაბრკოლება მოსალოდნელია, თუნდაც იმიტომ, რომ შეიძლება ამ საქმისათვის საჭირო საკმარისი რიცხვი სპეციალისტებისა ვერ ვპოოთ. აგრონომები არა გვყავან. ქვემოდ იქნება ნათქვამი, რა კრიზისს განიცდის ამ მხრივ ჩვენი სასოფლო მეურნეობა.

მიწის რეფორმა, რაც მხოლოდ დამტკიცებას საქიროებს, განხორციელებულია შემდეგნაირად: მეფის დროს ხაზინას ეკუთვნოდა მთლად მიწის სივრცის 57,8 პროც., ე. ი. 3.535.544 დეს., თავდაზნაურობას—31,3 პროც., ე. ი. 1.914.214 დეს. ამრიგად ხაზინას და თავად აზნაურობას ეკუთვნოდა 89,1 პროც. დანარჩენი მიწა შემდეგნაირად იყო განაწილებული: გლეხობას ეკუთვნოდა 6,2 პროც., სამ-

ღვდელოებას და ვაჭართა წოდებას—2,4 პროც. საუფლისწულო მიწები შეადგენდა 1,9 პროც., ეკლესიებსა და მონასტრებს ჰქონდათ 0,4 პროც. მთლად საქართველოში ითვლებოდა 6.120.000 დეს. აქედან ხაზინას და თავად-აზნაურობას ეკუთვნოდა 89,1 პროც. და საუფლისწულო უწყებას—1,9 პროც. დანარჩენი განაწილდებოდა მოვაჭრეთა, სამღვდელთა და გლეხთა შორის. მიწის კონფისკაცია მენშევიკების დროს შეეხო 3.412 თავად-აზნაურთა და 411 გლეხთა კომლს, საბოლოო ანგარიშით—27.971 თავად-აზნაურთა, სამღვდელთა და მოვაჭრეთა კომლს შერჩა 204.785 დეს., ხოლო 274.721 გლეხთა კომლს—1.019.767 დეს. მაშასადამე, საშუალოდ, თავად-აზნაურთა კომლზე მოდიოდა 7,8 დეს., ხოლო გლეხთა კომლზე—3,7 დეს. მენშევიკების რეფორმით თავად-აზნაურობისათვის ჩამორთმეული მიწებიდან 86.419 დეს. მიეყიდა გლეხებს ფულად. ეს იყო საგეგმო მიწის რეფორმა, რომელსაც მენშევიკები ანხორციელებდნენ საფრანგეთის დიდი (ბურჟუაზიული) რევოლიუციისადაგვარად—თავად-აზნაურობას ჩამოერთვას, რომ გლეხობას მიეყიდოს. ჩვენ ეს რეფორმა ბოლომდე განვახორციელეთ და ყველა მიწის ნაშთი, რაც არა-მშრომელ ელემენტების ხელში იყო, ჩამოვართვეთ და გლეხებს გადავეცით. ახლა ეს გადაცემა დამკვიდრებულ უნდა იქნეს. ამისათვის საჭიროა აგრონომთა სათანადო კადრის მომზადება და საჭირო თანხის გადადება. ყველა ეს გათვალისწინებულია საპერსპექტივო გეგმაში.

საქართველოში ტყეებს დიდი სივრცე უჭირავს. მთლად ამიერკავკასიაში საქართველოს ტყეები შეადგენს 64 პროცენტს ტყეების საერთო სივრცისას. ხოლო საქართველოს ტერიტორიის 30 პროცენტი ტყიანია. ამ ქამად მიწათმოწყობასთან ერთად ჩვენ ვაწარმოებთ ტყის მოწყობის საქმეს. თავის დროზე ჩვენ ტყეები სახელმწიფო საკუთრებად გამოვაცხადეთ, მაგრამ პრაქტიკულ განხორციელებაზე რომ მიდგა საქმე, ისეთ ვითარებას წავაწყდით, რომ ჩვენი გადაწყვეტილება რამდენადმე გლეხთა ინტერესების წინააღმდეგი გამოდგა. მართალია, ჩვენ მივეციტ გლეხებს ტყეები, ნება დავრთვეთ ხე-ტყე მოეჭრათ, მაგრამ სარგებლობისათვის სათანადო ტყის ნაკვეთები ვერ მივუჩინეთ. ამ ქამად ეს მუშაობა უკვე დაწყებულია და ჯერ-ჯერობით, 1926 წლის იანვრისათვის, გლეხობას გადაეცა 127.700 დეს. ეს ტყეები ადგილობრივი მნიშვნელობის ტყეებია. მენშევიკების დროს ტყეები ნაციონალიზაცია ქმნილი იყო და ტყის ფონდში მოქცეული; ამ ტყეების მომეტებული ნაწილი კერძო მესაკუთრეებს ჩამოერთვა. ტყეებში შეიძლებოდა სხვა-და-სხვა მუშაობის წარმოება და მუშაობა გადაცემული ჰქონდათ თვით ყოფილ მესაკუთრეთ. ჩვენ ამ ყოფილ მესაკუთრეებს არ ვცნობილობთ და არავითარ მუშაობას მათ არ ვა-



ძლევთ. ამ ტყეებიდან გამოიყოფა ადგილობრივი მნიშვნელობის ტყისფონდი გლეხთა სარგებლობად.

სოფლის მეურნეობაში დიდი მნიშვნელობა აქვს სასოფლო-სამეურნეო კრედიტს. და ჩვენი ძირითადი მუშაობა სასოფლო-სამეურნეოსფეროში მიმდინარეობს ამ სასოფლო-სამეურნეო კრედიტის ხაზით.

საბიუჯეტო ასიგნებებს შეუძლიან გააუმჯობესოს მხოლოდ სახელმწიფო ორგანიზაციების, მაგალითად, მიწათმოქმედების სახ. კომისარიატის ღონისძიებანი როგორც არის აგრო-კულტურული დახმარება, საჩვენებელი მიწდებებისა და სადგურების მოწყობა და სხვ. მაგრამ სასოფლო მეურნეობის პროდუქციის გადიდების გეგმის განხორციელება, უეჭველია, წარმართული იქნება კრედიტის ხაზით. ამ მიზნით შექმნილია სასოფლო-სამეურნეო ბანკი სამის განყოფილებით: ქუთაისში, ბათუმში და სიღნაღში.

ამას გარდა, არსებობს 122 საკრედიტო კოოპერატიული ამხანაგობა, რომლებშიაც 39.085 წევრი ითვლება. სასოფლო-სამეურნეო ბანკის ძირითად კაპიტალს შეადგენს 1.500.000 მან. ამ ბანკის ჯუმლობრივი ბალანსი 1925 წ. აგვისტოს 1-თვის უდრიდა 6.708.000 მან. ბანკის განყოფილებათა ბალანსი გამოიხატა: ქუთაისის განყ.—405.000 მან., ბათუმის განყ.—374.000 მან. და სიღნაღის განყ.—693.000 მან. ამრიგად, სასოფლო-სამეურნეო ორგანიზაციების ჯუმლობრივი ბალანსი უდრის 10.000.000 მან., ხოლო ძირითადი კაპიტალი 2.000.000 მან.

თითქოს ამ მხრით მდგომარეობა დამაკმაყოფილებელია. ეს ასეც არის, მაგრამ მეორეს მხრით სასოფლო მეურნეობის სფეროში ზოგიერთი საქმე მოიქვეითებს: ჩვენს სასოფლო მეურნეობას არა ჰყავს მუშაობისათვის საჭირო ტექნიკოსები. ქართველი ხალხი თითქოს გაუზრბის ტექნიკურ განათლებას და მიელტვის ზოგად, ჰუმანიტარულ ცოდნას, ფილოსოფიური და პოლიტიკური საგნებისაკენ გადახრით. დიად, ასეთი გადახრა უეჭველია, ხოლო პრაქტიკული და ტექნიკური მუშაობა იშვიათად ვისმე აინტერესებს.

სოფლის მეურნეობის გაუმჯობესებასა და განვითარებაზე ფიქრიც არ შეიძლება, თუ სათანადო ტექნიკა არა გაქვს. ლექსს რამდენიც გინდა, იმდენს დასწერ, პლატონსა და არისტოტელზე კამათით ქვეყანას გააბრუებ, კოსმიურ საკითხებისათვის ენა არავის მოუცვდება, მაგრამ საგლეხო მეურნეობის საკითხები: მეთამბაქოება, მებაბრეშუმეობა, მეღვინეობა და სხვ.—საჭიროებს სპეციალურ ცოდნას. ამიტომ აუცილებელია, პირველ ხანში მაინც, გზა აუქცილით ზოგად—ჰუმანიტარულ საგნებისაკენ გადახრას. საჭიროა ხელი მოვკიდოთ პრაქტიკულ საქმეს. საჭიროა ვიყოლიოთ საშუალო საკომანდო პირთა შედგენილობა, რაც ჩვენ არა გვყავს. ჩვენი ეკონომიკა სრულიადაც

არ მოითხოვს იმოდენა განათლებულ პირთ, რაც ჩვენა გვყავნან. ყოველი ღონისძიება მიწათმოწყობისა, ტყისმოწყობისა და სასოფლო მეურნეობის წარმოების კულტურის გაუმჯობესებისათვის უზრუნველყოფილ უნდა იქნეს საკმარისი ტექნიკური კადრით. უამისოდ ჩვენს სასოფლო-მეურნეობას ვერ ვიხსნით. და რადგანაც ჩვენში მოსახლეობა მეტისმეტად მატულობს, ხოლო მიწა-კი ცოტა გვაქვს, ჩვენს წინაშე სდგება საკითხი ჩვენი ქვეყნის ნაყოფიერების გაძლიერებისა, სასოფლო მეურნეობის ინტენსიფიკაციისა და სასოფლო-სამეურნეო ინდუსტრიის დანერგვისა სასოფლო მეურნეობის ნაწარმოების გადასამუშავებლად. ყველა ამ მუშაობისათვის დაგვჭირდება დიდი რიცხვი საშუალო ხარისხის სპეციალისტებისა. ამის გამო ჩვენი უაღრესი ყურადღება უნდა მიექცეს აგრონომებისა, მეტყეეებისა, ტექსატორებისა, მეღვინეებისა და სხვ. მომზადების საქმეს.

ახლა გადავიდეთ სახელმწიფო მრეწველობაზე. სახელმწიფო მრეწველობა ჩვენს პირობებში მეტის-მეტად რთული საქმეა. როგორც ვიცით, პარტიულ ყრილობაზე აღიძრა კამათი—რა არის სახელმწიფო მრეწველობა? არის იგი სახელმწიფო კაპიტალიზმი, თუ სოციალისტური მრეწველობა? მივდივართ კერძო კაპიტალიზმისაკენ, კერძო სამეურნეო თაოსნობისაკენ, თუ მივდივართ სოციალიზმისაკენ? აი, ეს კამათი იყო პარტიულ ყრილობაზე. ესევე საკითხი საკამათოდ გახდა მთლად ჩვენი ემიგრაციისა და დასავლეთ ევროპის ბურჟუაზიული ელემენტებისათვის. მათ ასწონ-დასწონეს ეს საკითხი და სთქვეს, რომ საბჭოთა კავშირი აუცილებლად კაპიტალიზმის განვითარების ხაზით უნდა წავიდესო.

ჟორდანია სწორედ ამაზე ამყარებს თავის იმედებს. იგი ამბობს, რომ კაპიტალიზმის განვითარებამ დალუპამდე უნდა მიიყვანოს ის პოლიტიკური ზედნაშენი, რომელიც კაპიტალიზმს ებრძვისო. შეუძლებელიაო, ამბობს ჟორდანია, მეურნეობის კაპიტალისტური ფორმებისა და პროლეტარიატის დიქტატურის ერთად შეთავსებაო. ჩვენს საბჭოთა მრეწველობას უაღრესი მნიშვნელობა აქვს ჩვენთვის და, მაშასადამე, უაღრესივე მნიშვნელობა აქვს იმ საკითხის განსაზღვრას, თუ საითკენ მიისწრაფის იგი და რა ხასიათისაა. ჩვენს პარტიას მიაჩნია, რომ ნაციონალიზაციაქმნილი მრეწველობა, ის მრეწველობა, რომელსაც ჩვენ საკომანდო მწვერვალს ვუწოდებთ, აი, ეს მრეწველობა თანამიმდევრობით სოციალისტური ტიპის მრეწველობაა. იგი უნდა უწევდეს ხელმძღვანელობას ჩვენი ქვეყნის მეურნეობის ყველა დარგს და, კერძოდ, სოფლის მეურნეობასაც. სწორედ ამ მრეწველობის, მსხვილი ინდუსტრიის, განვითარების ნიადაგზე შესაძლებელია მუშათა და გლეხთა საქმიანი და მტკიცე კავშირი და სასოფლო მეურნეობის გაძლიერება.



მრეწველობის ისეთი ფუძენი, რომელთაც შეეძლოთ თან გაი-
ყოლიონ გლეხობა, საქართველოში ჯერ-ჯერობით არ მოიპოებია. სწო-
რედ ამით განვსხვავდებით ჩვენ რუსეთისა და უკრაინისაგან. ხოლო,
ჩვენ რომ დიდი მოთხოვნილება გვაქვს ამგვარი მრეწველობის მო-
წყობისა, ეს უეჭველია და უპირველეს ყოვლისა იმიტომ, რომ უამი-
სოდ ჩვენ ვერ მოვსპობთ უმუშევრობას, რაც მოსახლეობის ზედმეტი
ზრდის შედეგია. მეორეც იმიტომ, რომ მხოლოდ ინდუსტრიის გან-
ვითარებას შეუძლიან მოამზადოს გლეხობის ფართო მასების შეგნება
იმისათვის, რომ სოციალიზმის დანერგვა და განმტკიცება აუცილე-
ბელია. აი, ამიტომაც მრეწველობის აღორძინებას ჩვენთვის უაღრესი
მნიშვნელობა აქვს. ჩვენი ქვეყანა გლეხური ქვეყანაა, მუშური ფენი
მასში მეტისმეტად თხელია და საჭიროა მისი გამკვრივება, შედეგება;
მუშათა კლასის ხვედრითი წონა უნდა გადიდდეს, მაშინ გლეხი მუ-
შას არ ჩამოშორდება.

და აი, ჩვენც ამ უამად ვცდილობთ ჩვენი პროგრამა ისე განვა-
ვითაროთ, დავნერგოთ ის მრეწველობა, რომელსაც ჩვენი ქვეყნის პი-
რობები ხელს შეუწყობს, სახელდობრ: ნედლეულობა, სათანადო სა-
თბობი მასალა და შესაფერი ბაზარი.

ამ მხრივ კავშირი ჩვენ გვეხმარება. კავშირსა და ჩვენს პარტიას
საჭიროდ მიაჩნია აღორძინდეს მრეწველობა იქ, სადაც წინად იგი
არა ყოფილა. და აი, ამას ჩვენ უკვე შევუდექით.

ხოლო იმ მცირე მრეწველობის სფეროში, რაც ჩვენ გვაქვს, მი-
ღწევები თვალსაჩინოა. ჩვენ ამას იმიტომ ვამბობთ, რომ დავამტკი-
ცოთ — მართალნი არ არიან ისინი, ვინც ფიქრობს, რომ საბჭოთა
ხელისუფლება უნდა დაემხოს, რადგანაც მას უნარი არ მოსდგამს მო-
აწყოს სახალხო მეურნეობა, განავითაროს ქვეყნის საწარმოო ძალები
და დააკმაყოფილოს გლეხობის მოთხოვნილება მრეწველობის ნაწარ-
მოებით. ამ მაგალითს, საქართველოს მრეწველობიდან ამოღებულს,
რომელსაც, რასაკვირველია, გადაამწყვეტი მნიშვნელობა არა აქვს ჩვენი
მეურნეობისათვის იმიტომ აღვნიშნავთ, რათა თვალნათლივ ვყოთ, რომ
თვით ცუდ პირობებშიც-კი ჩვენ შეგვიძლიან მივალწით დიდ შედეგს.

ამ საკითხზე მრავალჯერ ყოფილა ლაპარაკი. თვით ამ სტრი-
ქონების დამწერს შემთხვევა ჰქონდა წარსული წლის პარტიულ ყრი-
ლობისათვის წარედგინა მოხსენება ჩვენი მრეწველობის შესახებ. იმ
მოხსენებაში ვრცლად იყო აღნიშნული ჩვენი მრეწველობის მდგომარე-
ობა, გადაშლილი იყო სურათი ტენიკური გაწყობილობისა და გან-
საზღვრული იყო ამ მრეწველობის ნაყოფიერების ხვედრითი წონა.
აგრეთვე განემარტეთ გეგმა ჩვენი სამრეწველო აღმშენებლობისა.

ამის გამო აქ ვიწროდ შემოვფარგლავთ საგანს და აღვ-
ნიშნავთ მხოლოდ იმას, რას მივალწიეთ ჩვენ ხუთის წლის განმავლო-

ბაში იმ სამრეწველო საწარმოთა გამოყენებით, რაც მოწყობილი იყო ცალკე მეწარმეთაგან მარტოოდენ იმ მიზნით, რომ მოგება მიეღოთ და არავითარ ანგარიშს არ უწევდნენ ქვეყნის ნამდვილ სამეურნეო მოთხოვნილებათ. ამასთანავე მხედველობაში უნდა ვიქონიოთ, რომ რაც ამ საწარმოთ ხელსაწყო და გაწყობილობა გააჩნდათ, ჯერ ერთი— მთლად მოძველებული იყო თავისი კონსტრუქციით, თუ ჩვენს დროს შევადარებთ, და მეორეც—75 პროცენტამდე მოცვეთილი. უპირველეს ყოვლისა ჩვენ შევინარჩუნეთ ის მცირე კადრი კვალიფიციური მუშებისა, რომელნიც ჩვენ გყვანდნენ.

ამ წლების განმავლობაში ჩვენი მრეწველობის საერთო პროდუქტია შემდეგია: 1922—23 წელში ომამდე არსებული ფასებით იგი შეადგენდა 4.498.000 მან.; 1923—24 წ.—4.823.000 მან.; 1924—25 წ.—8.980.000 მან.

ჩვენს საწარმოებში მომეცადინე მუშების რიცხვი ამ ხნის განმავლობაში გაიზარდა. საქართველოში, საერთოდ, მუშა 100.000-დეა, თუ რკინის გზის მუშებსა და ყოველგვარი სახის მუშებს,—პროფესიონალურ კავშირის წევრთ,—ვიანგარიშებთ. ხოლო ნაციონალიზაციისა და კაპიტალიზაციის სახელმწიფო მრეწველობის საწარმოებში 1923 წ. იყო 3.457 მუშა; 1924 წ.—4.398; გადიდება 27 პროც. უდრის; 1925 წ.—5.263; გადიდება თითქმის 50 პროც. უდრის. ამ რიცხვში არ შედის კრა-კერვის მრეწველობის 600 მუშა.

ცალკე დარგობით რომ ავიღოთ, ჩვენს მრეწველობაში პირველი ადგილი შეაქვას (მარგანეცს) უჭირავს. ჩვენ აქ ციფრებს არ აღვნიშნავთ, რადგანაც უკანასკნელი წლის განმავლობაში ეს ციფრები არაერთხელ იყო გამოქვეყნებული. ამ ხნის განმავლობაში შეაქვას ამოღებას და გატანას თანდათან ზრდა ემჩნეოდა. ხოლო ამ ჟამად შევიქვა ჩვენ გადავეცით საკონცესიოდ ამერიკელ კაპიტალისტების ჯგუფს ჰარიმანის მეთაურობით, რომელმაც მოაწყო სააქციონერო საზოგადოება „საქართველოს მარგანეცი“. ამის შესახებ დიდი მითქმა-მოთქმა და აურზაური ასტეხა თეთრმა პრესამ. ჟურნალ „ბრძოლა“-ში ამაზე სწერენ ყველანი: პოლიტიკოსებიც, ეკონომისტებიც და ყოფილი მინისტრებიც. ყოფილ მინისტრს, როგორც შორს მყოფ ადამიანს შეჰშვენის, თავის ანგარიშში ციფრები არეც-დარეცით მოჰყავს და ბრალსა გვდებს, რომ ჩვენ შევიქვა, ე. ი. ჩვენი რესპუბლიკის ყველაზე მეტად შემოსავლიანი საგანი, უცხოელებს გადავეცით. ამ საკითხის შესახებ არა-ერთხელ ყოფილა გამოქვეყნებული განმარტება. ამრიგობაზე მხოლოდ ერთ რამეს აღვნიშნავთ: ყოველ შემთხვევაში, მენშევიკებს, და კერძოდ იმ წერილის ავტორს კანდელაკს, ძალიან ცოტა რამ ეთქმით იმის შესახებ, ვითომც ჩვენ უცხოელებისათვის გადავეცეს რამ. იყო დრო, როდესაც მათ სურდათ



ინგლისელებისათვის დაეგირავებინათ მთელი საქართველო ხუთ მილიონ გირვანქა სტერლინგად; იყო დრო, როდესაც ისინი მზად იყვნენ, ბრესტის ზავის შემდეგ, 1918 წელს გერმანიის კაპიტალისათვის, რომელიც ჯერ კიდევ დამარცხებული არ იყო, გადაეცათ მთლად საქართველოს სიმდიდრენი. ჩვენს კონცესიას ის აზრი აქვს, რომ ოცის წლის განმავლობაში ჩვენ უზრუნველყოფილი ვართ განსახლებული თანხის შემოსავლით. ჩვენ ვიცით, რომ ოცის წლის განმავლობაში, რაც უნდა გაყინული იყოს შავიქვის მრეწველობა, ჩვენ მაინც მივიღებთ განსახლებული რაოდენობის ფულს. და, თუ მხედველობაში ვიქონიებთ, რომ ამჟამად მარგანეცის მოთხოვნა იზრდება და განსაკუთრებით-კი ამერიკის მიმართულებით, რადგანაც ამერიკა გააფთრებით ანვითარებს სამეტალურგო მრეწველობას (ამერიკა ამზადებს ფოლადის მსოფლიო წარმოების 60 პროც.), შავიქვის შემოსავალი თვალსაჩინოდ გაიზრდება.

რასაკვირველია, შავიქვის მოთხოვნა იმატებს, როგორც ქიმიურ მრეწველობაში, ისე მეტალურგიაში. ამ მრეწველობის ზრდის მიხედვით გაიზრდება აგრეთვე შავიქვის ამოღება და გატანა. რაღა თქმა უნდა, ჩვენ ამ საქმეზე ზოგ-რამეს ვკარგავთ, რადგანაც კონცესიონერს დახარჯულ კაპიტალზე სარგებელს ვაძლევთ და იმ მოგებას, რასაც იგი უნდა გამოიღოს. ხოლო ჩვენ მივიღებთ ჩვენ წილ შემოსავალს ისე, რომ არაუითარ ხარჯს არ გავწევთ.

ჩვენს ქვანახშირის მრეწველობას, როგორც ვიცით, დიდი ბაზარი არა აქვს. ეს ჩვენი წარმოება მცირეა. 1913 წ. ამოღებული ქვანახშირი 350,000 ფუთს უდრიდა; 1923 წ. ეს რაოდენობა 153.000 ფუთამდე დაეცა; 1924 წ., იყო 319.000 ფუთი; 1925 წ. 381.000 ფუთი. ეს არის ტყიბულის ქვანახშირი. ჩვენ გვაქვს აფხაზეთში ტყვარჩელის ქვანახშირი აუარებელი რაოდენობისა, მაგრამ მისი დამუშავება ჯერ კიდევ არ სწარმოებს. გამოკვლევისათვის გადაღებულია განსახლებული თანხა. ქვანახშირის ამოღება, საერთოდ, მატულობს. ამ ქვანახშირის ზოგი რამე ნაწილი უცხოეთის გემებს მიაქვთ, დანარჩენი—დასავლეთი ნაწილის რკინის გზას ხმარდება. შემდეგში ერთი ნაწილი დასჭირდება ნავთის მილის ქარხნებს ბათუმში, რასაც აზერბაიჯანის ნავთის ტრესტი მოაწყობს.

როგორც ვხედავთ, ზოგ-რამე პროდუქციას ეს მრეწველობაც იძლევა. არარაობისაგან რაღაც-რამ შეეკმენით.

ნედლი თამბაქოს წარმოებასთან ერთად იზრდება აგრეთვე ამ ნედლეულობის საწევ თამბაქოდ და პაპიროსად გადამუშავებაც. თამბაქოს წარმოების თვიური პროდუქცია უდრიდა 1924 წ. ოქტომბერში 72.000 სამრეწველო საშრომო ერთეულს, ხოლო 1925 წ.

მაისში—102.000 სამრ. საშრ. ერთეულს. გადიდება 41,67 პროცენტია.

თვალსაჩინო ზრდა ეტყობა ტყავეულობის წარმოებას. 1922—23 წ. ტყავეულობის წარმოებაში დამუშავებული იყო დიდი ზომის ტყავი: 17.233 ცალი; 1923—24 წ.—23.706 ცალი; 1924—25 წ.—35.253 ცალი. წვრილ-წვრილი ტყავი: 1922—23 წ.—16.511 ცალი; 1923—24 წ.—6.679 ცალი; 1924—25 წ.—30.586 ცალი. დამზადებულ იქნა ფეხსაცმელი—ევროპიული: 1922—23 წ. 4.220 წყვილი; 1923—24 წ.—6.280 წყვ.; 1924—25 წ.—13.650 წყვ. აზიური: 1922—23 წ.—31.281 წყვ.; 1923—24 წ.—47.333 წყვ.; 1924—25 წ.—88.975 წყვ. ტყავეულობის მრეწველობა, უეჭველია, იზრდება და ეს ხდება იმ პირობებში, რომ ეს მრეწველობა ჩვენამდე მთლად განადგურებული იყო.

ახლა შევეხოთ ჩვენი მრეწველობის სხვა დარგებს. ამ ჟამად ჩვენ ვაწყობთ ტყის მრეწველობას. ტყე ჩვენ ბევრი გვაქვს. ჩვენი ტყეები იმდენად ხნოვანია, რომ ერთის მხრით მოგების მიზნით და მეორეს მხრით—სახელმწიფო ზარალის თავიდან ასაცდენად, საჭიროა ამ ტყეების დამუშავება აჩქარებულის ტემპით. ეს დამუშავება ისე უნდა სწარმოებდეს, რომ ტყე გამოყენებულ იქნეს საშინაო საჭიროებისათვის და აგრეთვე გაიყოს საკონცესიოდ და უცხოეთში გასატანად.

ამისდა, მიხედვით ჩვენ ვაპირებთ ქალაქის ფაბრიკის აგებას; ვაწყობთ ნაგრები მებულის ფაბრიკას, საბოჭკე ფიცრების ქარხანას, სახერხ ქარხნებს და სხვ. ტყის მრეწველობაში ჩვენ უკვე მოვათავსეთ 2.000.000 მანეთამდე. მაგრამ ეს საკმარისი არ არის. დღევანდლამდე ჩვენ ტყის მრეწველობა სრულიად არა გვქონია. ამ საქმეს ახლა შევუდექით და, იმედია, კარგს ნაყოფს მოგვცემს.

შემდეგ, განსაკუთრებული ყურადღება აქვს მიქცეული სამთო-ქიმიურ საქმეს. აგრეთვე ჩვენ გვაქვს მთელი რიგი წიაღის ამონათხარი, რაც ხელს შეუწყობს ჩვენს მეურნეობას. სამთო-სამრეწველო საქმეს ჩვენში დიდი მომავალი აქვს, განსაკუთრებით იათ-ფასიანი ელექტრონის ენერჯის წყალობით.

ელექტრონის ენერჯია და წიაღის ამონათხარი ხელს შეუწყობს ჩვენი ქიმიური მრეწველობის განვითარებას, რომელსაც ამ ჟამად ჩანასახის ხასიათი აქვს.

ამას გარდა, ქუთაისში ჩვენ მოვაწყეთ მაუდის ფაბრიკა, რომელიც თვეში 3.000 მეტრ მაუდს ამზადებს. მიღებულია უკვე ღონისძიება ამ ფაბრიკის ხელახალ მოწყობისათვის, რათა წლიურმა პროდუქციამ 530.000 მეტრამდე მიაღწიოს. ოზურგეთში შენდება აბრეშუმის სახვევი ფაბრიკა. ამ ფაბრიკის გაწყობილობა საზღვარგა-



რეთ არის შეკვეთილი. მალე მივიღებთ. იმედია, მომავალი წლის საზაფხულო სეზონისათვის ეს ფაბრიკა მთლად გამართული გვექნება.

სამრეწველო საწარმოთა რიცხვს ეკუთვნის ჩვენი ბორჯომის კომბინატიც, სადაც გვაქვს შუშის ქარხანა ბოთლების დასამზადებლად, ნახშირმჟავის ქარხანა და მინერალური წყლების ქარხანა.

ნახშირმჟავის ქარხანა საქართველოს გასაბჭოების პირველ წლებში იძლეოდა 9.260 კილოს; უკანასკნელ წელს მისმა პროდუქციამ მიაღწია 53.520 კილომდე, ასე რომ ერთი-ექვსად იმატა.

მინერალური წყლების ქარხანამ 1920 წელს, მენშევიკების დროს, გაანაღდა 383.000 ბოთლი ბორჯომის წყალი. 1924 წ. ჩამოიხსნა 2.200.000 ბოთლი და განაღდებულ იქნა 1.850.000 ბოთლი. 1925 წ. განაღდებულია 3.200.000 ბოთლი, ე. ი. გადიდება 45, 45 პროცენტს უდრის.

შუშის ქარხანა იძლევა ყოველდღე 12.000-დან 14.000 ბოთლანდე.

რამდენიმე სიტყვა ჩათახის ქარხანაზე. იგი მოქმედობს, მაგრამ პრიმიტიულად არის მოწყობილი. ამას გარდა, იგი ძალიან დაშორებულია და უხეირო სატრანსპორტო პირობებშია. ქარხანა ხის ნახშირს ხმარობს, რაც სხვაგან მიღებული არ არის. მაინც ქარხანას ზოგი-რამ შენაკვეთი აქვს. აქამდე ქარხანა ზარალს იძლეოდა და დოტაციას იღებდა. ხოლო, რაკი თუჯის მოთხოვნა გადიდდა, იქნებ ქარხანა ისეთ პირობებში ჩადგეს, რომ მოგებას იძლეოდეს. ჯერ-ჯერობით-კი ეს ქარხანა ჩვენს სამრეწველო ბალანსზე ხარჯის მუხლად არის მოქცეული.

მთლად ეს ჩვენი მრეწველობა სულდგმულობს არა საბიუჯეტო ასსიგნებებით, არა იმ კაპიტალის ანგარიშით, რაც სამკვიდროდ მიგვიღია, არამედ საკრედიტო ოპერაციებით. ბევრი იმ აზრისა იყო, როცა ჩვენ საბჭოთა ხელისუფლებას ვამყარებდით, რომ საქართველოს ბანკები არ უნდა ჰქონდესო. მათ ეგონათ, რომ საბანკო სისტემის შემოღება—კაპიტალიზმის აღდგენააო.

ახლა-კი აშკარაა, რომ ჩვენი მრეწველობა დამოკიდებულია საბანკო სისტემაზე. ახალი ეკონომიური პოლიტიკა, რომელიც ჩვენ 1921 წელს შემოვიღეთ, სწორედ იმაში მდგომარეობს, რომ უნდა ეყრდნობოდე ნაციონალიზაციქმნილ საკომანდო მწვერვალებს, პროლეტარიატის ხელში უნდა იქონიო ტრანსპორტი, სამთო-საქარხნო საქმე, ქარხნები და ფაბრიკები, მიწა და ტყე, ფულის სისტემა და ბანკები,—ამავე დროს მეურნეობაში ქვეყნის სიმდიდრეთა გასაძლიერებლად, უნდა გამოიყენო საბაზრო ურთიერთობანი.

ამ სისტემაში ბანკებს შესამჩნევი ადგილი უჭირავთ, ხოლო ამჟამად—უპირველესი ადგილი, რადგანაც სახელმწიფო ბიუჯეტის

ასიგნებებით მრეწველობას სუბსიდია არ ეძლევა და მრეწველობა აშენებულა შინაგანი კრედიტის გაცემის პრინციპზე. ჩვენ გამოუშვებთ ხოლმე მეურნეობის აღსადგენ სესხს და ყოველგვარ სხვა სესხს: საგლეხო, ოქროსი და სხვ. ყველაფერი ეს საკრედიტო ოპერაციებია. რასაკვირველია, დედამიწის ზურგზე არც ერთი სახელმწიფო არ არსებობს საბიუჯეტო სახსარით. აი, ამერიკა სწორედ იმით არის ძლიერი და ევროპასაც სწორედ იმით ყიდულობს, რომ აუარებელი საკრედიტო კაპიტალი აქვს თავის ქვეყანაში და უცხოეთშიაც გააქვს. ამერიკამ დაიგროვა სამი მეოთხედი მთლად მსოფლიო ოქროს მარაგისა; იგი ხელს უმართავს საბანკო კრედიტს, სხვა ბანკებს კრედიტს აძლევს, იპყრობს მრეწველობას და სხვ.

საბჭოთა მეურნეობაშიაც საბანკო კრედიტის სისტემამ უნდა იქონიოს გადამწყვეტი მნიშვნელობა. ჯერ-ჯერობით საქართველოში არსებობს სახელმწიფო ბანკი — ქუთაისის, ბათუმის და სიღნაღის განყოფილებებით, კოოპერატიული ბანკი, საგარეო ვაჭრობის ბანკი, სამრეწველო ბანკი, კომუნალური ბანკი, სასოფლო-სამეურნეო ბანკი, ელექტრო-ბანკი, ქალაქის ლომბარდი და სხვ. ეს სულ საკრედიტო დაწესებულებანია.

1925 წლის თებერვლის 1-ს ცნობებით, იმ ხნის განმავლობაში, რაც ეს ბანკები არსებობს, მათ საქართველოში მრეწველობისა და ვაჭრობისათვის კრედიტად გაუციათ 13.457.000 მან. ეს პატარა ფული როდია და არც საბიუჯეტო თანხებია.

ამ თანხიდან — 13.457.000 მან. — სახელმწიფო სამრეწველო საწარმოთ კრედიტად მიუღიათ 4.659.000 მან., ხოლო კოოპერაციას — 5.923.000 მან.

კერძო კლიენტებს მიუღიათ 939.000 მან., კომუნალურ საწარმოთ და საბინაო აღმშენებლობას — 1.784.000 მან.

აი, როგორ ინერგება ჩვენში საკრედიტო სისტემა და რა მნიშვნელობისაა იგი.

შინა-მრეწველობას საქართველოში მკვიდრი საფუძველი აქვს განვითარებისათვის. სახალხო მეურნეობის მთელი რიგი დარგი ამ მიმართულებით ვითარდება. სამწუხაროდ, შინამრეწველობა ჯერ-ჯერობით ორგანიზაციულად მოუწყობელია.

1923 წლის სასოფლო-სამეურნეო აღწერამ რეგისტრაციაში გაატარა 100.000 სული და 49.000 ოჯახი, რომელნიც შინა-მრეწველობას ეწევიან. საერთო შემოსავალი ამ მრეწველობისა 7.000.000 მან. უდრის.

ამ ჟამად სხვადასხვა ღონისძიებაა მიღებული შინა-მრეწველთა კოოპერატიულად მოწყობისათვის, მათთვის სახელმწიფო დახმარების გაწევისათვის და სხვ.

უკეთეს კარგი ორგანიზაცია იქნება და საქმის კულტურული გაძლიერება, ჩვენი შინა-მრეწველობა დიდ დახმარებას გაგვიწევს მოსახლეობისათვის სხვადასხვა საქონლის მიწოდების საქმეში.

გადავიდეთ ახლა კოოპერაციაზე. ეს ძალიან დიდი და ამასთანავე ტვირთ-მძიმე დაწესებულებაა.

ჩვენში ორგვარი კოოპერაციაა: მომხმარებელთა კავშირი—ცეკავშირი და სასოფლო-სამეურნეო კოოპერაცია—წარმოკავშირი. ცეკავშირი ხნოვანობით უფროსია, მისგან გამოიყო წარმოკავშირის ორგანიზაცია. დავიწყეთ უფროსისაგან. ცეკავშირი მთლად საქართველოში ითვლიდა 132 კოოპერატიულ ამხანაგობას 106.000 წევრით. ერთი წლის შემდეგ უკვე 141 სამომხმარებლო ტიპის კოოპერატიული ამხანაგობა ირიცხებოდა და 144.000 წევრი. ეს იყო წარმოკავშირის გამოყოფის შემდეგ. როგორც ვხედავთ, ზრდა როგორც ამხანაგობებისა, ისე დუქნებისა და წევრებისა ექვ-გარეშეა. შემჩნეულია აგრეთვე გლეხთა წევრების რიცხვის თანდათან ზრდა. სამომხმარებლო კოოპერაციის წევრთა რიცხვის 42 პროცენტი გლეხობაა. ამ სამომხმარებლო კოოპერაციის სააღებ-მიცემო ბრუნვა დიდია, რასაკვირველია შედარებით. ავიღოთ მაგალითისათვის წარსული 1924—1925 საოპერაციო წელიწადი. პირველ კვარტალში ყოველი სახის კოოპერატივების (საქალაქოს და სასოფლოს) საერთო სააღებ-მიცემო ბრუნვა უდრიდა 3.629.866 მან. მეორე კვარტალში—3.878.611 მან.; მესამე კვარტალში—4.781.246 მან.; და მეოთხე კვარტალში—5.326.195 მან. საერთოდ წლიური ბრუნვა უდრიდა 17.515.918 მან.

1924 წლის პირველი შვიდი თვის განმავლობაში სააღებ-მიცემო ბრუნვა უდრიდა 7.000.000 მან., ხოლო მთელი წლის განმავლობაში—9.595.000 მან. მთელი წლის განმავლობაში ცეკავშირის მიერ საერთოდ შეძენილი საქონლიდან 39,1 პროც. იყო კოოპერატიული ორგანიზაციებისაგან, 60,2 პროც. სახელმწიფო ორგანოებისაგან და დანარჩენი 0,7 პროც.—სხვებისაგან. ცეკავშირის მუშტარს შეადგენენ 55,2 პროც. კოოპერატიული ორგანიზაციები, 33,7 პროც. სახელმწიფო ორგანოები და 1,1 პროც. სხვანი.

უბედურება ის არის, რომ მთელი ეს ბრუნვა სხვისი ფულით სწარმოებს. საკუთარი სახსარი ცეკავშირს არა აქვს და, თუ აქვს რამე,—ძალიან ცოტა; იგი მოქმედობს კრედიტით. უკეთეს პირობებში ცეკავშირს დიდი საქმის გაკეთება შეუძლიან. ერთი დიდი საქმე მაინც განახორციელა: მან კოოპერატიულად დარაზმა 150.000 წევრი.

ტფილისის ერთიანი კოოპერატივი განცალკევებითა სდგას. 1923-24 წ. მისი საქონლის ბრუნვა გამოიხატა 5.423.334 მან., 1924 წ.—8.343.603 მან. გადიდება 59,6 პროც. უდრის.

ერთიანი კოოპერატივი დიდ სამსახურს უწევს ტფილისის მუშა-ხალხს და ხელს უწყობს სამუშაო ხელფასის ერთ დონეზე დგომას მით, რომ საქონელს საბაზრო ფასებზე ნაკლებ ფასებში ჰყიდის და პურსა, რძესა და სხვ. პროდუქტებს თავის დროზე და სისტემატიურად აწვდის მოსახლეობას. მან დაარსა მთელი ქსელი პურის ვაჭრობის პუნქტებისა და სწორედ ამაში გამოიხატება მისი დიდი დამსახურება.

სასოფლო სამეურნეო კოოპერაციას—წარმოკავშირს—1923 წელს 4 კოოპერატივი ჰქონდა. 1924 წ. იანვრის 1-თვის უკვე 25 კოოპერატივი ითვლებოდა; 1924 წ. დეკემბრის 1-თვის—97 და 1925 წ. ოქტომბრის 2-თვის—163. წარმოკავშირში წევრებად მთლიანი მეურნეობანი შედიან. 1922 წ. ითვლებოდა 2.900 საგლეხო მეურნეობა; 1923 წ.—10.897; 1924 წ.—19.413 და 1925 წ.—32.058.

იმ ცნობების მიხედვით, რაც ჩვენ ხელთაა, მათი სოციალური შედგენილობა გამოიხატება შემდეგნაირად: უღარიბესი ელემენტი უდრის 60-70 პროცენტს, შუათანა—20-25 პროც. და შემძლე ელემენტი—10-15 პროცენტს.

საქონლის ბრუნვა 53 ამხანაგობაში (იმ ცნობით, რაც ჩვენ ხელთაა), რომელთაც 22.258 წევრი ჰყავთ, წელიწადში შეადგენს 6.751.696 მან., ხოლო საშუალო წლიური ბრუნვა თვითეულ ამხანაგობაში—127.390 მან., ე. ი. თვითეულ წევრზე მოდის 303 მან. წარმოკავშირის მიერ უკანასკნელ წელიწადში ნაყიდი საქონლის 20¹/₂ პროც. მოდის სახელმწიფო ორგანოებზე, 78.6 პროც. კოოპერატიულ ორგანიზაციებზე, ხოლო 0,9 პროც. კერძო პირებზე. წარმოკავშირის მუშტარის 57,6 პროც. სახელმწიფო ვაჭრობაზე მოდის, 38,2—კოოპერატიულ ორგანიზაციებზე და 4,2 პროც.—კერძო ვაჭრობაზე.

აქ არ შევეხებით ღვინისა და სხვ. პროდუქტების შესყიდვა, რადგანაც ეს დიდ დროს წავგვართმევს. წარმოკავშირში გარედან შემოსულ სახსართა რაოდენობა გამოიხატება შემდეგი ციფრებით: 1923 წ. ოქტომბრის 1-თვის—345.025 მან., 1924 წ. იანვრის 1-თვის—338.913 მან., 1924 წ. ოქტომბრის 1-თვის—1.834.590 მან., 1925 წ. იანვრის 1-თვის—2.805.348 მან., 1925 წ. ოქტომბრის 1-თვის—4.979.413 მან. ეს სხვისი სახსარია. აი, სწორედ ამის გამო წარმოკავშირის სალარო დეფიციტს გვიჩენებს, ე. ი. სავაჭრო დეფიციტს.

ასეთია კოოპერაციის საქმე. კოოპერაციას ჩვენს მეურნეობაში, როგორც ზევითაც იყო ნათქვამი, უდიდესი მნიშვნელობა აქვს და თუ არა აქვს, უეჭველად უნდა ჰქონდეს.

ხოლო ამისათვის საჭიროა მივიღოთ სათანადო ღონისძიება, რა საც შეეძლოს კოოპერაციის საქმის გაუმჯობესება. უპირველეს ყოვ-

ლისა, კოოპერაციამ ერთხელ და სამუდამოდ უნდა შეიგნოს, რომ ყველა საქმეს ვერ მოჰკიდებს ხელს. საერთოდ, უნდა შევნიშნოთ, რომ ეს უნივერსალობისადმი მისწრაფება — მეტის-მეტად მავნე მოვლენაა. იგი უნდა აკეთებდეს იმას, რასაც დასძლევს და მუდამ მხედველობაში უნდა ჰქონდეს თავისი კაპიტალის შემძლეობა. ფეხი ისე უნდა გაიწვდინოს, როგორც საბანი გასწვდება. რასაკვირველია, თვალისათვის კარგია 17-18 მილიონიანი ბალანსი, მაგრამ ეს სხვისი, ფულია. ამ ფულს ხომ მოგება არ მოაქვს, რადგანაც დიდ სარგებელს მოითხოვს.

წარმოკავშირის რეორგანიზაცია უკვე მოხდა და, უშეკვლია, საქმე მოწესრიგდება. ისიც ეჭვგარეშეა, რომ წარმოკავშირი დიდ როლს ითამაშებს, თუ მისი საქმე ჯანსაღი იქნება. ამას, რასაკვირველია, პარტია ყურადღებას მიაქცევს და მოიხზარს ყოველ ღონისძიებას, კოოპერაციამ სწორე გზას არ გადაუხვიოს.

ჩვენს ცხოვრებაში და სახალხო მეურნეობაში უაღრესი მნიშვნელობა აქვს ელექტროფიკაციას. ელექტროფიკაციის პოპულიარიზატორი ამხ. ლენინი-იყო. ყველაზე მეტად მას ჰქონდა ნათლად გარკვეული ამ საქმის მნიშვნელობა და ამასთანავე საკითხის ფართოდ გაშლის უნარი. სწორედ მისი ინიციატივით არის ელექტროფიკაციის საქმე კავშირში დაყენებული. პროგრამა გამორკვეულია და გეგმაც არსებობს. ჩვენც მოვკიდეთ ხელი ელექტროფიკაციას. მართალია, იგი ჩვენს გეგმაში არ შედიოდა, მაგრამ როგორღაც სტიქიურად აღორძინდა და ამ უამად ჩვენ გვაქვს უკვე რამდენიმე დაწყებული საქმე; ზოგი დამთავრების მიწურულშია, ზოგიც აგების პროცესში. ყოველ შემთხვევაში, ელექტროფიკაციამ საქართველოს მეურნეობაში დიდი როლი უნდა შეასრულოს.

მიმდინარე წლის შემოდგომაზე დამთავრდება ზემო-ავჭალის სადგური, რომელსაც 36.000 ცხენის ძალის ენერგია ექნება.

შენდება აგრეთვე აბაშის სადგური. საამისო ფული გადადებულია.

შენდება აჭარისტანის სადგური. განზრახულია ახლო მომავალში ქუთაისის სადგურის აგება რიონზე.

აბაშის სადგური ნავარაუდევია 2.000 ცხენის ძალის ენერჯისთვის, აჭარისტანისა — 7.000, ქუთაისისა — 40.000 ცხენის ძალის ენერჯისათვის. როდესაც ეს უკანასკნელი სადგური დამთავრდება, ჩვენ აღბად ყველა სადგურებს გადავადამთ ერთ გადამცემ ხაზად და ამრიგად დამთავრდება ერთი მთლიანი წრე საქართველოს ელექტროფიკაციისა, რაც დღევანდელი დღისათვის საკმარისი იქნება.

ჩვენ ამ სადგურებით დავაკმაყოფილებთ არსებულ მოთხოვნილებას და, თუ მრეწველობისა და კაპიტალის ზრდა მოითხოვს, ახალ

სადგურებსაც ავაგებთ. ყოველ შემთხვევაში, ელექტრო-აღმშენებლობა საქართველოში ჩქარის ტემპით მიდის.

ერთი უსაქმოდ დარჩენილი მენშევიკი, რომელიც საზღვარგარეთ იმყოფება, ეკამათება თავის წერილში ამხ. ფილიპე მახარაძეს, რომელმაც საქართველოს გასაბჭოების წლის თავზე აღნიშნა ჩვენი მიღწევები და, კერძოდ, ზემო-აგჭალის ელექტრო სადგურსაც შეეხო. ავტორი იმ წერილისა დაგვცინის, მაგისტანა სადგურები ევროპაში ყოველ ნაბიჯზე არისო, დანუ თუ ამ ერთი სადგურის აშენებისათვის საჭირო იყო მოსკოვისათვის საქართველოს მიყიდვა და თავისუფლების მოსპობაო.

რა ნება გვაქვს ჩვენი საზღვრების გადაღმა მყოფ ადამიანს ავუკრძალოთ სწეროს ის, რაც მოეპრიანება? მაგრამ რად ავიწყდებათ, რომ მენშევიკებს არც ერთი სადგურით არ აუშენებიათ და დაქცევით კი ბევრი რამ დააქციეს. ისინი ფულს გაფაციცებით დაეძებდნენ პურის სასყიდლად, ჩვენ კი ზემო-აგჭალისა, აბაშისა, აჭარისტანისა და ქუთაისის სადგურებს ვაშენებთ. ჩვენ არავის წინაშე ბოდიში მოსახდელი არა გვაქვს და ბედსაც ვერ დავემდურებით. დეე, მენშევიკებმა გვლანძღონ, ჩვენ მაინც ჩვენსას არ დავიშლით და მათ გასაბრაზებლად სადგურს სადგურზე ავაშენებთ. ჩვენ რომ შეგვეძლოს — ყველა ასეთ წერილზე თითო, თუნდა პაწია, სადგურის აშენებით ვუპასუხოთ ხოლმე, — ეს მენშევიკების სრული გაკოტრება იქნებოდა მსოფლიო მასშტაბით.

ზემო-აგჭალის სადგური განზრახულია ქალაქის მრეწველობისათვის. ჩვენის აზრით, ქუთაისის სადგური საფუძველი იქნება ჩვენი რკინის გზების ელექტროფიკაციისათვის. ზემო-აგჭალის სადგურს ჯერ-ჯერობით მომხმარებელი უკვე ჰყავს. შემოდგომიდან, იმედია კარგი და იაფი ენერჯია გვექნება.

მრეწველობაში ჩვენ უფრო ნაკლები ტექნიკური ძალები გვეყვანან, ვიდრე სოფლის მეურნეობაში. არიან ყოველგვარი ტექნიკოსები. მათი რიცხვი, პროფესიონალური კავშირის საბჭოს რეგისტრაციით, 700 კაცამდეა. მაგრამ მათ შორის ძალიან ცოტაა სამრეწველო აღმშენებლობისათვის გამოსადეგი ინჟინერი, პრაქტიკულად გაწაფული ტექნიკოსი. და ეს ჩვენი ზოგადი უბედურების ბრალია, ჩვენს ხალხს არ უყვარს ტექნიკური ცოდნის შექენა. ჩვენს ახალგაზრდობას სრულიადაც არ ეტყობა მიდრეკილება ტექნიკური განათლებისა და პრაქტიკული მეცადინეობისადმი. ხოლო იმ მიზნის განსახორციელებლად, რომ საქართველო საინდუსტრიო ქვეყანად ვაქციოთ, აუცილებლად საჭიროა ტექნიკურ მომუშავეთა სათანადო კადრი. სწორედ ამიტომ საჭიროა, ჰუმანიტარულ სკოლების სანაცვლოდ, დავაარსოთ სატექნიკო სკოლები, სადაც მომზადდებოდეს საშუალო-ტექნიკური ცოდნის რეგოლიუციის მატჩანე.

მქონე პირთა კადრი, ინჟენერები და ტექნიკოსები. და ეს საქმე საერთო, ამიერკავკასიის, მასშტაბით უნდა იქნეს დაყენებული. ტექნიკას ხომ არ უყვარს ერთი რომელიმე განკერძოებული ენის ფარგლებში მეცადინეობა. ამიტომ, საქმე ასე უნდა იქნეს მოწყობილი: ამიერკავკასიაში უნდა არსებობდეს ერთი, სერიოზულად დაყენებული ინსტიტუტი ყოველგვარი ფორმაციის ინჟინერის მოსამზადებლად. ჩვენის აზრით, ეს საქმე ბაქოში უფრო მოეწყობა.

ხოლო სოფლის მეურნეობისათვის შესაფერი სწავლულნი შეიძლება ჩვენშივე მომზადდნენ. საქართველოში არის ჩაი, ბამბა, მანდარინი, ყურძენი და სხვა, რაც გინდა. სასოფლო-სამეურნეო ცოდნის შეძენა ჩვენშიაც შეიძლება. უამისოდ-კი წინ ვერ წავიწევთ.

აქ ჩვენ პირისპირ დაეუახლოვდით სახალხო განათლების საკითხს. ეს საკითხი საკამათოდ არის გადაქცეული ჩვენშიაც და ჩვენს გარეშეც. ჩვენ მრავალი მასწავლებელი და მეცნიერი გვყავს და ბევრი სამეცნიერო დაწესებულება გვაქვს, მაგრამ პრაქტიკულ სარგებლობას ჯერ-ჯერობით ცოტას ვხედავთ. აი, სწორედ ამიტომ, ხელი უნდა მივყოთ ჩვენი სახალხო განათლების რეკონსტრუქციის საქმეს. ჩვენ უნდა მოვსპოთ წერა-კითხვის უცოდინარობა, რათა ჩვენს მოზარდ თაობაში ყველამ იცოდეს წერა-კითხვა. ხოლო ეს იმას როდი ნიშნავს, რომ ყველა უნივერსიტეტში უნდა შედიოდეს. ჩვენში მოსწავლეთა საერთო რიცხვი 200.000 უდრის. 1924—25 წ.— 237.631 მოსწავლე ირიცხებოდა. წარმოიდგინეთ, 9 წლის შემდეგ რომ ყველა ეს მოსწავლე უნივერსიტეტში შევიდეს, რა მოხდება? ჩვენ გერმანიის მაგალითს უნდა მივმართოთ. ყოველწლივ უმაღლეს სასწავლებლებში უნდა გავატაროთ იმდენი და ისეთი კვალიფიკაციის მოსწავლე, რამდენსაც შეისისხლხორცებს განვითარების გზაზე დამდგარი ჩვენი მრეწველობა. გერმანია გამოუშვებს ხოლმე სასწავლებლებიდან იმდენ პირს, რამდენიც მის მრეწველობას დასჭირდება. ამიტომ გერმანიაში უსაქმო ინჟინერს ვერ შეხვდებით. ის, ვინც თავის ცოდნას საქმეში ვერ გამოიყენებს, სასარგებლო როდია.

ახლა, ორიოდ სიტყვა საკურორტო საქმეზე, რომელიც ხალხის დასვენებისა და გაჯანსაღების მიზანს ემსახურება. ამასთან ერთად ჩვენს კურორტებს სამრეწველო ხასიათიც უნდა ჰქონდეთ.

საქართველო—კლიმატიური სადგურია, მაგრამ ყოველმხრით გამოყენებული როდია.

ჩვენ ვცდილობთ რამდენიმე წლის შემდეგ ევროპული ხასიათის კურორტები გვქონდეს, რომ სახელმწიფოს შემოსავალი მისცეს. ამისგამო, კურორტების გასაუმჯობესებლად სათანადო საქმის დაწყებისათვის განზრახულია ფულის გადადება.

აი, ყოველივე ის, რაც შეიძლება, რასაკვირველია სქემატიურად, ითქვას ჩვენი მეურნეობის შესახებ ამ ხუთის წლის განმავლობაში. რაც რამ გაკეთებულა—ძალიან კარგია. ამისათვის ჩვენ ვერაფერს დაგვძრახავს. მენშევიკები, რაღა თქმა უნდა, გაგვლანძლავენ, მაგრამ არა უშავს—რა. როცა ისინი ილანძლებიან—კარგი ნიშანია, მაშ, საქმე რიგზე ყოფილა. ბებელი ამბობს: როცა მტერი გვლანძლავს—მაშ კარგად გვიმოქმედნიაო. მართალია, კარგად ვმოქმედობთ, მაგრამ მაინც ჩვენი საქმე უნდა გავაუმჯობესოთ. ჯერ ერთი, უნდა გავაუმჯობესოთ ჩვენი სახელმწიფოებრივი აპარატი, რომელსაც მემკვიდრეობით ძველიდგან ზოგი რამ ნაკლი შერჩენია, იგი არ არის საკმაოდ მოქნილი, მუშაობას დაყოვნება ეტყობა ხოლმე. კერძოდ, სამრეწველო მეურნეობაში სჩანს საქმის გაჭიანურება და სხვ.

საჭიროა ფართო მასების მუშაობაში ჩაბმა, მაგრამ უწინარეს ყოვლისა საჭიროა უაღრესი მნიშვნელობა მიექცეს იმას, რომ სასოფლო მეურნეობაში გადიდდეს საქონლიანობა და გაუმჯობესდეს სასოფლო-სამეურნეო პროდუქტების გასაღების საქმე. რათა ჩვენი სასოფლო მეურნეობის ნაწარმოები კარგად გასაღდეს, საჭიროა თვით პროდუქციის ხასიათის გაუმჯობესება. ჩვენი მეურნეობის პროდუქტები უმეტეს ნაწილად ადვილად და სწრაფად ფუჭდება. საჭიროა მათი გადამუშავება. საჭიროა სასოფლო მეურნეობის ინდუსტრიალიზაცია, რათა ისეთი პროდუქცია შეიქმნას, რომ მან თავისი სამომხმარებლო მნიშვნელობა და ფასი არ დაჰკარგოს, რადგანაც, მაგალითად, თუ გლეხმა ხილი ან ბოსტნეულობა თავის დროზე არ გაასალა, მალე გაუფუჭდება. ამისათვის საქმე ისე უნდა მოეწყოს, რომ გლეხს საშუალება მიეცეს ადვილად გასაფუჭებელი პროდუქტი ფასიან და ხანგრძლივ შესანახ საქონლად გარდაქმნას. ეს გააძლიერებს გლეხის ალებ-მიცემობის უნარს. ასეთ საქმედ შეიძლება ჩაითვალოს საკონსერვო წარმოება, ხილეულ-ბოსტნეულობის გახმობა და სხვ.

შემდეგ, საჭიროა სხვადასხვა სამრეწველო ფუძის შექმნა. აი, ის ორი დარგი, რასაც უნდა მიექცეს ჩვენი უპირატესი ყურადღება, რაც შეეხება თვით სახელმწიფო აპარატის მოწყობას, საჭიროა ახლო მომავალში მისი სრულყოფამდე გაუმჯობესება ბიუჯეტის ასაგებად. ჩვენი სახელმწიფო ბიუჯეტი მეტის-მეტად ღარიბია, სამაგიეროდ, იგი მტკიცეა. საჭიროა აგრეთვე ადგილობრივი ბიუჯეტის ქონა. უნდა ვსთქვათ, რომ თუ უახლოეს ორის წლის განმავლობაში ჩვენი სახელმწიფო აპარატის სათანადო რეორგანიზაცია არ მოვახდინეთ, ადგილობრივ ბიუჯეტს ვერ დავამყარებთ. ჩვენი ადმინისტრაციული სისტემის წყალობით, თემური სისტემის წყალობით, შეუძლებელია ბიუჯეტის აგება. უნდა გვახსოვდეს, რომ ქართული თემი რუსული ვოლოსტი როდია; ამ ვოლოსტს აქვს სამეურნეო ფუძე

ადგილობრივი ბიუჯეტის აგებისათვის. ქართულ თემს ეს ფუძე არ გააჩნია. ამისგამო ჩვენს მიზანს შეადგენს ისეთი ადმინისტრატიული შენაერთი მოვაწყოთ, რომელსაც შეეძლოს თავისი საკუთარი ბიუჯეტი შექმნას. საჭიროა ჩვენი ქვეყანა ტერიტორიალურად ისე დავანაწილოთ, მოსახლეობის რაოდენობისა და სამეურნეო სახსართა მიხედვით, რომ ადგილობრივი ბიუჯეტის აგება შესაძლებელი გახდეს. თუ ადგილობრივი ბიუჯეტი არ გვექნა, მარტო სახელმწიფო ბიუჯეტით თავს ვერ გავიტანთ. ყველა ქვეყანაში არსებობს ადგილობრივი ბიუჯეტი. ამას გარდა, აუცილებელია აპარატის გამართვა და სახელმწიფოებრივი ხელისუფლების ყველა დაბალი და მაღალი საორგანიზაციო უჯრედის შეფარდება პირდაპირ ამა თუ იმ სამეურნეო საჭიროებისათვის. ჩვენ უნდა ისეთი რეფორმა განვახორციელოთ, რომ რაც შეიძლება ცოტა სახსარი ვხარჯთ აპარატის შენახვაზე და რაც შეიძლება მეტი მოვათავსოთ მრეწველობასა და სასოფლო მეურნეობაში.

ქართველ მუშებსა და გლეხებს არავითარი საბუთი არა აქვთ გული გაიტეხონ იმ ორიენტაციის გამო, რომელიც საბოლოოდ აირჩიეს. მათი მიზანია თავიანთი ცხოვრება აღადგინონ და განავითარონ ახალი გზით, სოციალისტური აღმშენებლობის გზით.

თუ ჩვენ ეს შევძელით, ამით მთლად და სრულად განვახორციელებთ იმ მიზანს, რომელიც დავვისახა ამხ. ლენინმა და რომელიც, ხანგრძლივი კამათის შემდეგ, დაამყარა მე 14 პარტიულმა ყრილობამ. ჩვენ ვლაპარაკობთ ინდუსტრიისა და გლეხობის ერთმანეთზე გადაბმის შესახებ და სოციალისტურ აღმშენებლობაში გლეხობის ჩაბმის თაობაზე.

დარწმუნებული ვართ, მომავალი ხუთის წლის გავლისას, ჩვენ მოგვიხდება, ცოტა არ იყოს, სხვაგვარი საზომით შევაფასოთ ჩვენი მდგომარეობა. მაშინ ხელთ სულ სხვა ციფრები გვექნება და ის ციფრები დავგვიახლოვებენ იმ წესწყობილებას, რომლისაკენაც ამხ. ლენინი მოგვიწოდებდა.

შ. ელიავა.

1905 წლის რევოლუციის ოცი წლის თავი.

(ტფილისის საბჭოს სადღესასწაულო სხდომა ფაბრიკარკომებისა და ადგილკომების მონაწილეობით 1925 წლის 19 დეკემბერს).

აგხ. ფ. მახარაძის სიტყვა.

ამხანაგებო! სწორედ ოცი წლის წინად მოსკოვის პროლეტარი-ატმა ომი გამოუცხადა მთავრობას და ჩაება მასთან შეიარაღებულ ბრძოლაში. მთელი ორი კვარა გაგრძელდა ეს სასტიკი ბრძოლა მთავრობისა და პროლეტარიატის ძალთა შორის, მაგრამ წინდაწინ შეიძლებოდა იმის თქმა, რომ ცენტრის, რევოლიუციის მთავარი ცენტრის — პეტერბურგის (ამხანაგებო, წინასწარ ვაცხადებ, რომ ამ მოხსენე-ბის დროს მე მოვიხსენიებ ძველს თარიღს და ძველ სახელებს) და აგრეთვე სხვა ქალაქების დაუხმარებლათ მოსკოვის პროლეტარიატს არ შეეძლო გამაგრება. და ჩვენ ვიცით, რომ რევოლიუცია მოსკოვის აჯანყებასთან ერთად სასტიკად დამარცხდა.

ამხანაგებო, მიუხედავად ამ დამარცხებისა რუსეთის რევოლიუციას ჰქონდა უდიდესი მნიშვნელობა. მისი სიდიადე ოდნავადაც არ მცირდება ამ სასტიკი დამარცხებით.

ჩვენმა პირველმა რევოლიუციამ შეარყია და მოძრაობაში მოიყვანა საზოგადოების სხვა-და-სხვა ფენები, მასთან ყველაზე ჩამორჩენილნი. მაშინდელი რუსეთის იმპერიისა და მასში მცხოვრებ ხალხთა ისტორიაში პირველად იქნენ მოწოდებული შემოქმედებისა და თვითმოქმედებისათვის დაბალი ფენები — მუშათა კლასი გლეხობასთან ერთად, პირველად ამათში გაიღვიძა თვითშეგნებამ და ადამიანის ღირსების გრძნობამ. ამხანაგებო, მე ვისურვებდი აზროვნობით გადავსულიყავ 1905 წლის პირობებში, იმიტომ, რომ მას შემდეგ გავიდა ორი ათეული წელი, აღიზარდა მთელი ახალი თაობა, ძველები მოგვშორდნენ და გვშორდებიან. ამ ხნის განმავლობაში იმდენათ შეიცვალა მთელი ჩვენი ცხოვრების პირობები, რომ განსხვავება ახლანდელსა და მაშინდელ პირობებს შორის დიდია. იმდენათ შეცვლილია ჩვენი ცხოვრება, რომ შესაძლებელია ამჟამად ეს პირობები და მაშინ მოხქმედი პირნი ჩვენ ვიპოვნოთ არქივებში ან სიძველეთა მუზეუმებში.

უპირველესად შევეხოთ რევოლიუციონურ წლის, რევოლიუციონური მოძრაობის რაიონს. რომელი ადგილები, რომელი ქალაქები, სოფლები და მაზრები იყო მოცული რევოლიუციონური მოძრაობით?



ამხანაგებო, პირველ რიგში უნდა ვილაპარაკოთ რკინის გზის შესახებ. შეიძლება ითქვას, რომ რევოლიუციონური მოძრაობით იყო მოცული რკინის გზის მთელი ხაზი, ზოგან სუსტად, ზოგან ძლიერ. შემდეგ თუ გვინდა წარმოვიდგინოთ მაშინდელი მდგომარეობა, იმ დროინდელი ადმინისტრაციული დაყოფვა მთელი ამიერ-კავკასიისა, რევოლიუციონური მოძრაობა ვითარდებოდა უმთავრესად ქუთაისის და ტფილისის გუბერნიებში, ბათუმის ოლქში. რაც შეეხება აღმოსავლეთ ამიერ კავკასიას, სამხრეთ ამიერ-კავკასიას—ახლანდელ ადერბეიჯანს და სომხეთს, უნდა დავასახელოთ პირველად უმთავრესად ქალაქი ბაქო და მისი მრავალათასოვანი პროლეტარიატი. ერევნის და ელისავეტოპოლის გუბერნიები უმთავრესად დასახლებულია სოფლის მცხოვრებლებით და ეს გუბერნიები რევოლიუციონური მოძრაობის გარეშე დარჩნენ.

მე ვამბობ, რომ სოფლის მოსახლეობა, გლეხობა დარჩა რევოლიუციონური მოძრაობის გარეშე. ტფილისის გუბერნიაში რევოლიუციონური მოძრაობა გავრცელებული იყო გორის, დუშეთის, სიღნაღის, თელავის მაზრებში. რაც შეეხება ბორჩალოს, ახალქალაქის და ახალციხის მაზრებს, იქ რევოლიუციონური მოძრაობა არ ყოფილა. ამხანაგებო, აქ მე არ შევდივარ იმის ახსნა-განმარტებაში, თუ რად მოხდა ეს ასე, აღვნიშნავ მხოლოდ ფაქტებს. ჯერ ჯერობით მივაქცევ თქვენს ყურადღებას ერთს საკითხს: ესაა 1905 წლის, რუსეთის ამ პირველი რევოლიუციის, რომელიც მოხდა მე-20 საუკუნის პირველ ნახევარში, ხასიათი. ამ რევოლიუციის ხასიათზე, მის შინაარსზე ბევრს ლაპარაკობდნენ ჯერ კიდევ მაშინ, გამოსთქვამდნენ სხვადასხვა აზრს—რა ნაირია ეს რევოლიუცია—ბურჟუაზიულია თუ სხვაგვარი? მართლაც, რაღაც ახალი მოხდა. ბურჟუაზიული რევოლიუციები ისტორიამ იცოდა ჯერ კიდევ მე-17 საუკუნიდან. ისინი განმეორდნენ მე-18 საუკუნეში, შემდეგ განმეორდნენ მე-19 საუკუნის პირველ ნახევარში, განმეორდნენ იმ დროს, როცა პროლეტარიატი, როგორც კლასი, ჯერ კიდევ არ იყო ჩამოყალიბებული, ის ჯერ კიდევ არ იყო რევოლიუციონური მოძრაობის ავანგარდი, მას არ ჰქონია საკუთარი პოლიტიკური პარტია. აი ამ ხანებში ხდებოდა ბურჟუაზიული რევოლიუციები იმიტომ, რომ რევოლიუციონურ აჯანყებათა და მოძრაობათა მოთავედ გამოდიოდა ბურჟუაზია როგორც კლასი, უკვე ჩამოყალიბებული, რომელსაც იმ დროს უკვე ჰქონდა თავისი პოლიტიკური პარტიები. მაგრამ მე-20 საუკუნის გარიჟრაჟზე, როცა რუსეთში უკვე ირაზმებოდა ქალაქის პროლეტარიატი როგორც კლასი, რომელმაც სხვებზე ადრე შექმნა თავისი პოლიტიკური პარტია, თავის თავად იგულისხმება, ამ პირობებში ლაპარაკი იმაზე, რომ რუსეთში ხდება

ჩვეულებრივი ბურჟუაზიული რევოლიუცია ისეთ ფორმებში, როგორ შიაც ის წინად სხვა ქვეყნებში მოხდა, არ შეიძლება.

ამხანაგებო, წინად ბურჟუაზიამ ჩამოაგდო ფეოდალური ხელისუფლება და დაიკავა მისი ადგილი იმიტომ, რომ მაშინ ის იყო მთელი ხალხის ავანგარდი. მაგრამ რა ნაირია ამ კლასის — ბურჟუაზიის მდგომარეობა იმ ჟამად რუსეთში, როცა არსებობდა რევოლიუციონური პროლეტარიატი განსაზღვრული იდეალებით, რომელსაც ჰყავდა თავისი საკუთარი პარტია. აი ამ საკითხს უტრიალებდენ ჯერ კიდევ მაშინ ყველა რევოლიუციონური მოღვაწენი. მენშევიკებმა ეს საკითხი შაბლონურად გადასწყვიტეს. ისინი ამბობდენ: რადგანაც ჩვენ არ შეგვიძლია სოციალისტური რევოლიუციის მოხდენა, იმიტომ, რომ თუ პროლეტარიატი უხელმძღვანელებს ამ რევოლიუციას, მან უნდა უეჭველათ მოახდინოს სოციალისტური, პროლეტარული რევოლიუცია და რადგანაც ეს შეუძლებელია, უნდა მოვახდინოთ ბურჟუაზიული რევოლიუცია, ამიტომ უკეთესია თვით ბურჟუაზიამ მოახდინოს ეს რევოლიუცია, ჩვენ კი ბურჟუაზიას წავუბიძგებთ, დავეხმარებით, ოპოზიცი-აში ვიქნებით და ასე ბურჟუაზიას გადავხრით რევოლიუციის მხარეზე.

აი, ამხანაგებო, ასეთი იყო მენშევიკების შაბლონური ახსნა. ეს იმას ნიშნავდა, რომ ისინი ანგარიშს არ უწევდენ იმ პირობებს, რომელშიაც მოექცა მაშინდელი რუსეთი, მაგრამ აშკარა იყო, რომ ჩვენ სრულიადაც არ ვფიქრობდით სოციალისტური რევოლიუციის მოხდენას მე 20 საუკუნის დასაწყისში. პროლეტარიატი არ ფიქრობდა ამაზე, მაგრამ მეორე მხრით ბურჟუაზიას არ შეეძლო ხელი მოეკიდა რევოლიუციისათვის, სათავეში ჩასდგომოდა მას, იმიტომ, რომ მას არავითარი ანგარიში არ ჰქონდა იმ დროს, როდესაც პროლეტარიატი, როგორც კლასი, ყალიბდებოდა და რომელიც (პროლეტარიატი) ამ რევოლიუციას გადააქცევდა ბურჟუაზიის საწინააღმდეგო რევოლიუციით. ცხადია, ბურჟუაზიისათვის ხელსაყრელი იყო საქმე ჰქონოდა იმავე თვითმპყრობელობასთან, რომელთანაც ასე თუ ისე უკეთესად შეეძლო ეცხოვრა ვიდრე პროლეტარიატთან.

როგორი იყო ამ პირველი რევოლიუციის ამოცანები ბოლშევიკების გაგებით. ეს რევოლიუცია გულსხმობდა ფეოდალიზმის ყველა ნაშთების მოსპობას და ნამდვილი დემოკრატიული წყობილების, დემოკრატიული რესპუბლიკის დამკვიდრებას. პროლეტარიატი ძლიერ იყო დაინტერესებული როგორ ჩატარდებდა ქვეყნის დემოკრატიზაცია და მივიდოდა ის თავის ლოლიკურ დასკვნამდე თუ არა იმიტომ, რომ პროლეტარიატი დაინტერესებული იყო, რათა რევოლიუციას მოეხდინა სრული გადატრიალდება, რომ მას უზრუნველყო ის ისე-

თი კანონებით, რომლებიც გაუადვილებდა ბრძოლას სოციალიზმისათვის.

ამხანაგებო, აი როგორია 1905 წლის რევოლიუციის ახსნა-გაგება. მას არ შეეძლო ყოფილიყო წმინდა ბურჟუაზიული რევოლიუცია არა მარტო იმიტომ, რომ მთავარ მის ხელმძღვანელად გამოდიოდა არა ბურჟუაზია, არამედ პროლეტარიატი, არამედ იმიტომაც, რომ ეს რევოლიუცია მოხდა პროლეტარული ბრძოლის მეთოდებით. მას არ შეეძლო ყოფილიყო წმინდა ბურჟუაზიული რევოლიუცია უკვე იმიტომ, რომ რუსეთში არსებობდა პროლეტარიატი, როგორც კლასი, მაგრამ მას არ შეეძლო იმ ჟამად ყოფილიყო აგრეთვე სოციალისტური იმიტომაც, რომ პირობები არ იყო მომწიფებული ამისთვის. ის არ ჰგავდა სხვა, წინად მომხდარ რევოლიუციებს. დამდგარი იყო სწორედ ახალი ეპოქა. ამ აზრით განმარტავდენ მაშინ ამ რევოლიუციას, ახლაც ასე ეხებიან მას ბალშევიკები, აგრეთვე ისეთი სოც. დემ. როგორც მაგ. კაუცკი—ეს არ არის ბურჟუაზიული რევოლიუცია ამ სიტყვის ჩვეულებრივი აზრით. ეს რევოლიუცია აუცილებელი იყო რუსეთისათვის. თუმცა ლაპარაკობდენ, რომ რევოლიუციონური მოძრაობა რუსეთში დიდი ხანია დაიწყო, მაგრამ რევოლიცია ჯერ კიდევ არ დამდგარიყო. რევოლიუციის აუცილებლობას უკარნახებდა მთელი ისტორიული მსვლელობა. ის გამოწვეული იყო მუშათა კლასის ეკონომიური მდგომარეობით ერთის მხრით და მუშათა კლასისა და გლეხობის უუფლებობით, მეორე მხრით. მუშათა კლასს და გლეხობას, ცხადია, სული ეხუთებოდა თვითმპყრობელობის კლანჭებში მეტად, ვიდრე ბურჟუაზიას. განვითარება მომავალში, თავისი მძიმე მდგომარეობის შემსუბუქება, მატერიალური პირობების გაუმჯობესება მუშათა კლასს არ შეეძლო. უკვე ყველაფერი მზად იყო რევოლიუციისთვის. მუშათა და გლეხთა მდგომარეობა უარესდებოდა დღით-დღე. არავითარი გამოსავალი ამ კლასებს არ მოეპოვებოდათ, და ცხადია, ის უნდა გამონახულიყო. დიახ, ერთად ერთი გამოსავალი თვითმპყრობელობის ჩამოგდება იყო.

მე 19 საუკუნის გასულს, ყოველ შემთხვევაში, მე 19 საუკუნის მეორე ნახევარში რუსეთში იწყება აგრარული არეულობანი, იწყება მუშათა კლასის მღელვარება, ხდება მუშების სტიქიური ბრძოლა ჯერ კაპიტალისტების, შემდეგ კი არსებული წყობილების წინააღმდეგ. ამასვე ვამჩნევთ ჩვენ ამიერ-კავკასიაში. მუშათა კლასის და გლეხობის სტიქიურ აჯანყებასთან ჩვენ საქმე გვაქვს მე 19 საუკუნის გასულს. საჭირო იყო ამ სტიქიური მოძრაობის შეგნება, მისი მოთავსება განსაზღვრულ კალაპოტში, მისი ხელმძღვანელობა, რათა გლეხთა და მუშათა ეს სტიქიური მოძრაობა გადაგვექცია შეგნებულ რევოლიუციონურ მოძრაობათ.

ეს ამოცანა დაეკისრა სოციალ-დემოკრატიის. ჩვენში, ამიერ-კავკასიაში, განსაკუთრებით ტფილისში, ბათუმში, ბაქოში და სხვა ქალაქებში ამ მოძრაობას სათავეში უდგება სოც. დემოკრატიული მუშათა პარტია. სხვა პარტიები მაშინ თითქმის არ ყოფილა. მე არ ვლაპარაკობ ნაციონალისტურ პარტიებზე, როგორც მაგ. დაშნაკუტუნია და სხ., რომელნიც მიზნად ისახავდნენ ნაციონალურ განთავისუფლებას. მაგრამ კლასიური პარტია, რომელსაც დაეცვა განსაზღვრულ კლასთა ინტერესები ამიერ-კავკასიაში მე 20 საუკუნის დასაწყისში არ ყოფილა. რევოლუციონური მოძრაობის აღმოცენების შემდეგ ქალაქებში, რაც მოხდა სოც. დემკრატების მეთაურობით, ამ მოძრაობის უშუალო გავლენით იწყება მოძრაობა გლეხობაშიაც, პირველად ასეთი მოძრაობა, როგორც მოგეხსენებათ, იწყება ოზურგეთის მაზრაში, გურიაში. 1902 წელს გურიის გლეხობა გამოდის რევოლუციონურ ასპარეზზე. პირველად გლეხობა ომს უცხადებს მემამულეებს და როცა მემამულეთა დასაცავად გამოდის პოლიცია და საერთოდ თვითმპყრობელური ხელისუფლება, ამის შემდეგ გლეხობა იწყებს პოლიტიკურ ბრძოლას ე. ი. იბრძვის ის თვითმპყრობელური წყობილების წინააღმდეგ. მეტად ჩქარა ვითარდება ჩვენში მუშათა და გლეხთა მოძრაობა, სულ რაღაც 2-3 წელში ჩვენს ქალაქებს მოედო გაფიცვები და მასთან ერთად პოლიტიკური მოძრაობა, წამოყენებული იქნა არა მარტო ეკონომიური ხასიათის მოთხოვნები, არამედ—წამოყენებულ იქნა, ჯერ კიდევ 1905 წლამდე, პოლიტიკური მოთხოვნები. ასევე ხდება გურიის გლეხობაშიაც, საიდანაც ნელ-ნელა გლეხთა მოძრაობა გადადის მეზობელ მაზრებში ჯერ კიდევ 1905 წლიდან; განსაკუთრებით ახალსენაკის და ქუთაისის მაზრებში. საკმაოდ ძლიერი რევოლუციონური მოძრაობა იყო სოც. დემ. უშუალო ხელმძღვანელობით 1900-დან 1905 წლამდე; ამასთან ერთად, ამხანაგებო, ყოველგვარი გაუგებრობის თავიდან ასაცილებლათ აქ უნდა აღვნიშნო, რომ მაშინ სოც. დემ. ამიერ-კავკასიაში ერთავად იღგა ბოლშევიკურ პლატფორმაზე, ძველი „ისკრისა“ და ამხ. ლენინის ნაწერებზე, ამ ხანებში ჩვენში საკმაოდ ძლიერი რევოლუციონური მოძრაობა იყო, მაგრამ აშკარა ბრძოლის სახე თვითმპყრობელობის წინააღმდეგ მას არ მიუღია, ე. ი. არ ყოფილა ის, რასაც ეწოდება რევოლუცია. 1904 წლის გასულს, დეკემბერში, ბაქოში იწყება საყოველთაო გაფიცვა, რომელიც გაგრძელდა თითქმის მთელი თვე და რომელიც კინალამ გადაიქცა შეიარაღებულ შეტაკებათ და რომელიც კინალამ არ შეიქმნა ასეთი აჯანყების გამოსავალ წერტილად ეს გაფიცვა ჯერ კიდევ 1905 წლის დასაწყისში, იანვრის პირველ რიცხვებში, გადადის ბათუმის ქარხნებში. ამ სახით, დამძიმებული ატმოსფერა ჩვენში, ამიერ-კავკასიაში, უკვე არსებობდა, მით უფრო, რომ გურიის გლეხთა მო-

ძრაობა გადადიოდა სხვა მაზრებში. მაგრამ ამ მომენტში ადგილი აქვს ერთს მოვლენას, რომელიც საზღვრად ედება წინანდელ რევოლიუციონურ მოძრაობას და ახალ ხანას. ეს მოვლენა, ეს ამბავი ხდება პეტერბურგში იანვრის 9-ს.

ამ მოვლენას მე აქ დაწვრილებით არ შევეხები, მაგრამ მიუხედავად ამისა საჭიროა გაშუქებულ იქნას აქ რისთვის, სწორედ ამ დღიდან, (9 იანვარი) დაიწყო რუსეთში რევოლიუცია. რა მოხდა? არავითარი შეიარაღებული გამოსვლა არ ყოფილა. პირიქით, მუშათა მასები მიდიოდნენ მეფესთან საეკლესიო დროშებით, ნიკოლოზის სურათით, ხატებით, ოხრანის აგენტის მღვდლის გაპონის მეჯურბით. აი ასეთი იყო მდგომარეობა. აქ რევოლიუციონურ გამოსვლაზე ლაპარაკი ამ სიტყვის ჩვეულებრივი აზრით, არ შეიძლება. თითქოს ყველაფერი რიგზე იყო—იქ იყო ხატები, მეფის პორტრეტი და მუშების სრულიად მშვიდობიანი სულიერი განწყობილება, მაგრამ საქმით კი, ეს იყო არსებითად ნამდვილი რევოლიუციონური გამოსვლა. ჯერ ერთი ნუშებს მიჰქონდათ თან წმინდა პოლიტიკურ და სოციალურ მოთხოვნათა პეტიცია. ისინი ამბობდნენ: „მეფევ, შენ ან აასრულებ ყველა ჩვენს მოთხოვნილებებს, ან ყველანი ჩვენ დავიხოცებით შენი სასახლის წინო“. ეს კი რევოლიუციას ჰგავდა. ეს უკვე აღარ ნიშნავდა იმას, რომ ხალხი პატივს სცემს და ენდობა მეფეს, აქ ხალხი მეფეს ეჭვის თვლით უყურებდა. ამხანაგებო, მხოლოდ ეს ერთი ფაქტი, რომ პეტერბურგში 1905 წლის დასაწყისში მუშათა მასა—200 ათას კაცამდე მეფესთან მიდის იმედით, რომ ის შეასრულებდა მათ მოთხოვნილებებს, მხოლოდ ეს ფაქტი ლაპარაკობს იმაზე, რომ რევოლიუციონური მოძრაობა რუსეთში არ იყო მისული რევოლიუციამდე, იმიტომ, რომ თუ პეტერბურგის პროლეტარიატს იმდენი ნდობა ჰქონდა მეფისა, იმდენათ გამჭვალული იყო იმ აზრით, რომ მეფე შეიწყნარებდა მის თხოვნას, მხოლოდ ეს ამტკიცებს რამდენათ დაბალი ყოფილა ამ პროლეტარიატის შეგნება. და ასეთი შეგნების ხალხი, ცხადია, რევოლიუციას ვერ მოახდენდა. და აი აქ ხდება რაღაც დაუჯერებელი... და როცა მეფემ არ შეიწყნარა მათი თხოვნა, ხდება ამ შეგნების განვითარება, გაფართოვება. მეფემ არა თუ შეიწყნარა მუშების თხოვნა, არამედ—ტყვიებითაც კი გაუმასძინებდა. მუშები ათასობით იქნენ დახოცილნი.

ამხანაგებო, ამან შეასრულა უდიდესი როლი, ამან გაარევოლიუციონერა პეტერბურგის პროლეტარიატი და მასთან ერთად მთელი რუსეთის პროლეტარიატი. დაანახვა, რომ მშვიდობიანი გზა უფარგისია. არავითარი პეტიციები მათ არ იხსნის, არამედ—იხსნის მხოლოდ სხვა. ძალას უნდა დაუპირდაპირდეს ძალა, იარაღს—იარაღი. აი რა გაიგო ამ სისხლიან დღეს მთელი რუსეთის პროლეტარიატმა და უმ-

თავრესად, პეტერბურგის პროლეტარიატმა. აი ეს ნიშნავდა, რომ იწყებოდა ნამდვილი რევოლუცია. რევოლუცია დაიწყო.

ჩვენ ვიცით თუ პეტერბურგის მუშების ამ გამოსვლამ როგორი გამოძახილი ჰპოვა სხვა ქალაქების მუშათა შორის. ამ გამოსვლამ გამოაფხიზლა და აღაშფოთა მუშათა კლასი და დააყენა ის ბრძოლის გზაზე.

ამასთან ერთად იწყება გლეხთა მოძრაობა. თქვენ იცით, ანხანაგებო, რომ გლეხთა მოძრაობა რუსეთში მიმდინარეობდა სტიქიურად და არა ისე, როგორც ჩვენში, ამიერ-კავკასიაში, — ქუთაისის გუბერნიაში, სადაც მან იფეთქა რუსეთის გლეხთა მოძრაობასთან ერთად. ჩვენში გლეხთა მოძრაობა ორგანიზაციულად იყო ჩამოყალიბებული სოც. დემოკრატიის მიერ. ასე არ ყოფილა რუსეთში. იქ გლეხთა მოძრაობა სტიქიურად ვითარდებოდა. რას ნიშნავს ეს? ეს იმას ნიშნავს, რომ გლეხები არბევდნენ მემამულეთა სახლ-კარს, ართმევდნენ მემამულეთ მიწებს და იყოფდნენ ურთიერთ შორის, ჰკლავდნენ თავად-აზნაურთ და სხ. სოც. დემოკრატია ჯერ კიდევ არ ხელმძღვანელობდა ამ მოძრაობას. სოც. დემ. სხვა ამოცანებს ემსახურებოდა და არავითარი გავლენა მას გლეხობაზე არ ჰქონია. მაგრამ გლეხთა ასეთმა სტიქიურმა მოძრაობამ იქ მაინც უდიდესი როლი შეასრულა.

გლეხთა მოძრაობამ ამ ფორმით უდიდესი როლი ითამაშა. რად? იმიტომ, რომ დაქსაქსა მთავრობის ძალები. მ. იანვრის შემდეგ იფეთქა მუშათა მოძრაობამ ამიერ-კავკასიაში. იანვრის მეორე ნახევარში ყველგან დაიწყო გაფიცვები და საპროტესტო დემონსტრაციები. ამ ხანებში მოძრაობა კიდევ უფრო ძლიერდება. მთავრობა შემფოთებულია და პირველ რიგში ის მოწადინებულია ჩააქროს გლეხთა მოძრაობა გურიაში. ამ მიზნით თებერვლის დამდეგს იქ იგზავნება გენ. ალიხანოვის მეთაურობით დიდძალი ჯარი. უკვე მობეზრდა მთავრობას გურიის მოძრაობის მოთმენა; გურიაში კი მოძრაობა ძლიერი იყო იმ აზრით, რომ ადმინისტრაცია, ამ სიტყვის სრული შინაარსით, საგსებით დაშლილი იყო, ხალხი უკვე რამდენიმე წელი ბოიკოტს უცხადებდა ადმინისტრაციას, ხალხს ჰქონდა საკუთარი ორგანოები — არც სასამართლო, არც პოლიცია, არც სხვა რომელიმე მთავრობის ორგანო იქ არ მოქმედებდა. თუ სადამდე შეიძლებოდა მისულიყო გურიის ასეთი მდგომარეობა, ეს მთავრობისათვის აშკარა იყო. მას კარგათ ჰქონდა ყველაფერი ეს შეგნებული, ამიტომ მთავრობამ გადასწყვიტა საბოლოოდ, „სამაგალითოდ დაესაჯა“ როგორც ამბობდნენ, გურიის გლეხობა, გაენადგურებია გლეხთა მოძრაობის ქურა გურიაში და ასე მთელს ამიერ-კავკასიაშიც ჩაეხშო რევოლუციონური მოძრაობა. აი, ამხანაგებო, ამ მიზნით იგზავნება იქ ცნობილი ალიხანოვი. მაგრამ ამ გარემოებამ მეტად შეაშფოთა მაშინდელი საზოგადოება. საქმე იმაშია,

რომ ეს იყო არაჩვეულებრივი დრო. საზოგადოებაში მეტადღლ იერი აღელვება იყო მთავრობის რეპრესიების წინაბღმდეგ, ასე რომ გენ. ალიხანოვის გაგზავნა ჩუმაღ არ ჩატარებულა. კავკასიის უმაღლეს ადმინისტრაციას წარუღდა დეპუტაცია შუამღგომღობით, რომ გენ. ალიხანოვის რაზმი გამოწვეული ყოფიღიყო გურიიღან და მის მაღვირად გაგზავნიღიყო გურიის გღეზობის საჭიროებათა გამოსარკვევად სხვა პირი, რომ პრესაში თავისუფღად ეწერათ იმის შესახებ, რაც გურიაში ხღდება. მოუღლოღნღლათ ეს შუამღგომღობა დაკმაყოფიღებულ იქნა, მხოლოღ გენ. ალიხანოვი არ გამოუწვევიათ, მაგრამ მისი შესღვღა ჯარით გურიაში შეჩერებულ იქნა. გურიაში გაიგზავნა სულთან-კრიმ-ღირეღი, კავკასიის მთავარმართღების საბჭოს წვერი სასამოქღალაქო საქმეღთა მოხელე; ყოვეღ შემთხვევაში, არა პოღიციეღღი, არა სამხედრო; რომ ასე თავისი მღგომარეობით, გარეგნობით გავეღენა მოეზღნღნა, გღეზობაზე, დაეშინეზღნა მოეკუთღანეზღნა, იგზავნება თითქოს მშვიღობის მოყვარე კაცი. კრიმ-ღირეღი მივიღდა ოზურგეთში და იქ გადასწვეღტა გურიის ყვეღა სოფღების ჩამოღვღა, გღეზთა ყრიღობებზე ხაღხის საჭიროებათა მოსმენა. ისეღი მღგომარეობა შეიქნა, რომ ყვეღა ყრიღობეღიღან განღღეღნიღ იქნენ პოღიციეღღები და საერთოღ მოხელენი. ასეთ ატმოსფერაში გღეზებს შეეღღღოთ თავისუფღად ლაპარაკი. მოღაპარაკეღთა სახელსა და გვარებს არ იწერღღენ. ერთი სიტყვით, ყვეღაფერი ისე იყო მოწყობიღღი, რომ გღეზობას შეეღღღო თავისუფღად ლაპარაკი.

უნღდა მოგახსენოთ, რომ ყვეღაფერი ეს იყო ორგანიზაციის, სწორედ სოც. დემ. ორგანიზაციის საქმე, რომელიც გურიაში მაშინ მეტად ძღიერი იყო; გურიის ყვეღა საზოგადოებებში, სოფღებში ორგანიზაციას თავისი წარმომადგენღები ჰყავღდა. და აი, სულთან-კრიმ-ღირეღი ყრიღობებს მიმართა დაახლოვეზღით შემღდეღი სიტყვით. მე მსურს გაგაცნოთ იმ კიღოს, რომღითაც კრიმ-ღირეღი მოვიღდა გურულღებთან. პირვეღი სიტყვა, რომელიც მან წარმოსთქვა და რომელსაც ყვეღღან იმეორებღდა შემღდეღ, ასეღი იყო: „მოგესაღმეზღბით გურიის შვიღღებო, თქვენში ბევრია ისეღი პირები, რომელთაც რუსული ენა იციან: მეტად მოხარული ვარ, რომ მომიხღდა მშვენიერ გურიაში ყოფნა, რომ გავცნობოღღი გურულღებს და ბეღნიერად ჩავსთვღღი თავს, უკეთუ ჩემი მოსღვღა თქვენ მოგიტანთ სულიერ სიმშვიღღეს“ და სხ. „მე გაღღმომცეს, რომ თქვენს შორის არიან მეტად გატაცებულღი სუბიექტები, სასტიკად ნუ დასჯით მათ, მაგრამ ნურც მოისმენთ მათ მოუფიქრებღლ რჩევას“ (აქ აშკარაა ვინ ყავღდა მხეღღეღღობაში). „გურიის მღგომარეობა მძიმეა, ბევრი გაუმჯობესება და მოწყსრიგებაა საჭირო, მაგრამ იქონიეღ მოთმინება. თქვენ ღიღი ხანია იტანჯებოღღით, მაგრამ იქონიეღ მამაცობა, მოითმინეღთ კიღვე ცოტა“. შემღდეღ კრიმ-

გირეი მიუთითებს იმაზე, რომ მთავრობა ზრუნავს, გლეხთა მდგომარეობის გაუმჯობესებაზე, ჩამოთვლის სხვადასხვა მანიფესტებს და შემდეგ ურჩევს ხალხს იყოს „კეთილგონიერი“.

„გურიაში მომხდარი ამბების ახსნა შეიძლება—ამბობს ის—მაგრამ მისი გამართლება არა. თქვენ არ შეგიძლიათ არ აღიაროთ, რომ ბევრი თქვენგანი უკანონოდ მოქმედებდა“. დაბოლოს მისი მიმართვა ასე თავდებოდა: „ღმერთი იყოს თქვენი შემწე ამ ძნელ წამში, რომ მოგანიჭოსთ ჩვეულებრივი სიმშვიდე, სიფრთხილე და კეთილგონიერება“.

ამ მისალმებაზე გლეხებმა უპასუხეს იმ ტანჯვა-წვალებათა ჩამოთვლით, რაც მათ უკანასკნელ წლებში განიცადეს. გლეხთა მოთხოვნილი საშინელ სურათს წარმოადგენდა, თვით კრიმ გირეი გაკვირვებული იყო, აჩერებდა ორატორებს და ეკითხებოდა—ნუ თუ ყველაფერი ეს სიმართლეაო. მაგრამ გლეხები არ კმაყოფილდებოდნენ მხოლოდ გაჭირვებათა ჩამოთვლით, ისინი აყენებდნენ აგრეთვე ისეთ მოთხოვნილებებსაც, რაც ჩვეულებრივ ფარგლებს სცილდებოდა, რაც სოცდემ. მუშათა პარტიის პროგრამა-მინიმუმში შედიოდა. თითოეული მუხლი ასეთი მოთხოვნილებისა დასაბუთებული იყო: რატომ უნდა მოხდეს ყველას გათანასწოლება, ე. ი. მოსპობილ იქნას წოდება; რადაა საჭირო სიტყვისა და წერის თავისუფლება, რისთვის უნდა იქნას მოწვეული დამფუძნებელი კრება, რად უნდა გამოეყოს ეკლესია სახელმწიფოს,—ყოველივე ამას ყოველ სოფელში თითოეული გლეხი საკმაოდ ასაბუთებდა, ზოგჯერ კი ზოგიერთ სოფელში გლეხები კრიმ გირეის გამოუვალ მდგომარეობაში აყენებდნენ. სხვათა შორის, ერთ სოფელში მას ასე უპასუხეს: „თუ თქვენ იმისათვის მობრძანდით გურიაში, რომ აქ იპოვოთ რალაც არაჩვეულებრივი ისეთი რამ, რაც არსად რუსეთში ან სხვაგან არ გინახავთ და არ გსმენიათ, დიდათ შესცდებოდით—არაფერი არაჩვეულებრივი ჩვენში არ მომხდარა. ჩვენში ისეთი ამბები ხდება, რაც ყველგან რუსეთში. ჩვენი მოთხოვნილება გამოიხატება სამ სიტყვაში: ჩვენ გვინდა პური, მართლმსაჯულება და თავისუფლება. ჩვენ არც ერთი ეს არა გვაქვს“.

ამნაირათ გლეხი აღწერდა რა თავის მდგომარეობას, ამბობდა: „როდესაც დავწევები, ჩემს მიწაზე თავი მიდევს, ფეხები კი სხვის მიწაზეო“. ამით გარკვევით იყო ნათქვამი, რომ ასე ცხოვრება შეუძლებელია, რომ გლეხობის უმრავლესობას არა თუ ცოტა აქვს მიწა, არამედ—ზოგიერთებს სრულიადაც არ აქვთო.

ერთ-ერთ სოფელში კრიმ-გირეის ერთმა გლეხმა შემდეგის სიტყვებით მიმართა: „თქვენ გვითხარით, რომ ბევრი გითმენიათ და კიდევ მოითმინეთო, მაგრამ ჩვენ მეტი მოთმენა აღარ შეგვიძლია“. ჩვენი მთავრობისაგან კარგს არაფერს მოველით, განა თქვენ ჩვენზე უკე-

თესად არ მოგეხსენებათ, რომ ერთი დიდი კაცი, (ლაპარაკია მეფეზე) მხოლოდ თავისი სურვილებისამერ მართავს ქვეყანას, ჩვენ ყურადღებას არ გვაქცევს და მოქმედობს ჩვენს მტრებთან ერთად. ჩვენ ვიცით, რომ ყველა ჩვენი მოთხოვნილების ასრულება მოასწავებს ახლანდელი წყობილების დანგრევას. ჩვენ ახლა პასუხს მოვითხოვთ იმ დიდი კაცისაგან. ნურავინ იფიქრებს, თითქოს ჩვენი მოსყიდვა, ან დაშინება შესაძლებელი იყოს“.

მოისმინა რა ყველაფერი ეს, კრიმ-გირეი თავის ნაწერებში ამბობს: „იმათ ვერ დააკმაყოფილებს არა თუ ჩვენი კონსტიტუცია, არამედ—საფრანგეთის რესპუბლიკა“. და მართლაც, მდგომარეობა მეტად სერიოზული იყო. ამ აზრით დაბრუნდა კრიმ-გირეი ტფილისში. ალი-ხანოვის ჯარი კი შევიდა ოზურგეთში, მაგრამ საომარი მოქმედებისთვის არ მიუწყვია ხელი.

ერთსა და იმავე დროს ეს მოძრაობა გურიიდან გადადის სხვა მაზრებში. უნდა აღინიშნოს, ამხანაგებო, რომ მთავრობამ უდიდესი შეცდომა დაუშვა, როცა გურიაში კრიმ-გირეი გაგზავნა. რად? იმიტომ, რომ რასაც იქ ლაპარაკობდნენ კრებებზე, სტენოგრაფიულად იწერებოდა და იბეჭდებოდა ყველა გაზეთებში. ამნაირად, ის ვრცელდებოდა მთელს საქართველოში. გლეხებიც სხვა მაზრებში ამბობდნენ, როცა ეკითხებოდნენ რა გინდათო—ის, რაც გურულებს უნდათო და ჩამოთვლიდნენ ყველა იმ მოთხოვნილებებს, რასაც აყენებდა გურიის გლეხობა. უკვე 1905 წლის დასაწყისში, როგორც მოგახსენეთ, მოძრაობა გადადის სხვა მაზრებში, მასთან ერთად ტფილისის გუბერნიაშიც. ოფიციალური ცნობა გვაუწყებს, რომ მარტიდან დაწყებული გლეხთა მოძრაობა დღითიდღე მწვავედება. (ის ეხება გორის მაზრას). სოფლის მოხელე პირთ არ ძალუძთ მოძრაობის წინააღმდეგ გამკლავება. გლეხები ანადგურებენ სასოფლო კანცელარიებს, ფოსტა არ მუშაობს, გლეხები მოითხოვენ, რომ მემამულეებმა დასტოვონ თავიანთი სახლ-კარი, გადასახადს არ იხდიან მიწაზე, და საერთოდ უარს ამბობენ ყოველგვარი გადასახადის გადახდაზე. და ბოლოს ამბობენ, რომ ეს არ არის ეკონომიური, არამედ—ის ლებულობს პოლიტიკურ ხასიათსო. გორის მაზრაშიაც გაგზავნილ იქნა მეორე მოხელე, მეფის მოადგილის კანცელარიას მოსამსახურე, მაგრამ არა ნამდვილი მოხელე, არამედ—ცნობილი სწავლული ვეიდენბაუმი. ისიც სრულიად უწყინარი კაცი. რა ირკვევა? ოფიციალურ მოხსენებაში ის ამბობს: „ყველა რაიონებში მოწვეულ იქნა სასოფლო ყრილობები. გლეხების საუბრიდან მე გამოვიტანე ის დასკვნა, რომ ახლანდელი სულიერი განწყობილება გორის მაზრის მცხოვრებთა, ჩემის ღრმა რწმენით, აგიტატორების გავლენის ნაყოფია და სხ.“. ამით მას სურდა გლეხთა რამდენიმეთ თავის მხარეზე გადაყვანა.

აი, ასეთი იყო, ამბანაგებო, მდგომარეობა. ასეთია საერთო სურათი. განსაკუთრებული რამ გორის მაზრაში არაფერი ყოფილა. ასეთსავე სურათს ვხედავთ ჩვენ დანარჩენ მაზრებშიაც; არ იფიქროთ, რომ მთავრობა მაინც ასეთსავე მდგომარეობაში დარჩა, რომ მას არ მიუშართავს რეპრესიულ ზომებისათვის. იმ ხანებშივე გლენებსა და მთავრობის მოხელეთა შორის ბრძოლა იყო გაჩაღებული. ამის დასამტკიცებლად მე მოვიყვან ერთს შემთხვევას, რომელსაც ადგილი ჰქონდა დუშეთის მაზრის სოფ. მჭადის ჯვარში. იქ გლენებმა უარი უთხრეს მემამულეს საიჯარო გადასახადის მიცემაზე. მაზრის უფროსმა ამის გამო განკარგულები გასცა 3 გლენის დაპატიმრებისა, რომელთაც ის მოძრაობის წამქეზებლებათ თვლიდა. შეიკრიბნენ გლენები მრავლათ და დაპატიმრებული გლენები გაანთავისუფლეს. ამის გამო იქ გაიზავნა ერთი როტა ჯარისკაცები და ყაზახები. გლენებს ძალით ახდევინებენ საიჯარო გადასახადს. მეორე დღეს გლენები მიდიან მემამულე მუხრანსკისთან და ძალათ ართმევენ ფულს. ამ ნიადაგზე მოხდა შეტაკება, მოკლულ იქნა რამდენიმე ათეული გლენი. ეს არ ყოფილა არაჩვეულებრივი ფაქტი. ამგვარსავე ფაქტებს ადგილი ჰქონდა ბევრ სხვა ადგილებშიაც, მაგრამ გლენები მაინც იცავდნენ თავიანთ უფლებებს, ისინი ებრძოდნენ ადმინისტრაციას, მემამულეებს და უნდა ითქვას, რომ მოქმედებდნენ მეტად ენერგიულად. მიუხედავად რეპრესიებისა, დევნისა და მკვლელობისა, ისინი მაინც ატარებდნენ ცხოვრებაში თავიანთ მოთხოვნებს.

ასეთია საერთო სურათი საქართველოში. რა ხდებოდა ამიერკავკასიის აღმოსავლეთ ნაწილში? ყველაზე მეტად ჩვენ აქ გვინტერესებს ბაქო. ჩვენ ვიცით, რომ 1905 წლის დასაწყისში ბაქოში მოეწყო მუშათა ისეთი დიდი გაფიცვა, რომელიც საერთო შეტაკებათ კინალამ გადაიქცა, ზოგიერთ ალაგას კი—ეს გაფიცვა გადაიქცა შეიარაღებულ შეტაკებათ. მუშები ამ გაფიცვებიდან მაინც გამარჯვებულნი გამოვიდნენ.

შემდეგშიაც ბაქოს პროლეტარიატს მოწინავეობა უნდა გაეწია რევოლუციონურ მოძრაობაში. ეს კარგათ იცოდა მთავრობამ. მთავრობის მიზანი იყო ბაქოს პროლეტარიატში რევოლუციონური მოძრაობის შესუსტება. რა საშუალებებით? ერთად ერთი საშუალება, რომელიც მთავრობას მოეპოვებოდა, ეს იყო პროვოკაციის მოწყობა სომხებსა და თათრებს შორის. სომეხ-თათართა შეტაკების ნიადაგი დიდი ხნიდან იყო მომზადებული. მთავრობამ ისარგებლა ერთის მხრით თათრის მასათა სიბნელით, შეუგნებლობით, მეორეს მხრით დაშნაკუტიუნის პარტიის ნაციონალისტური აგიტაციით და ასე, წაჰკიდა ერთმანეთს ორი ერი. და ეს იმ დროს, როდესაც რევოლუციონური მოძრაობა ვითარდება მთელს დასავლეთ ამიერკავკა-



სიაში, ამ დროს ბაქოში, რევოლიუციონური მოძრაობის ამ მხრე-ვილ ცენტრში, იწყება სომეხ-თათართა ჟღეცა. ეს მოვლენა თავისი შედეგებით ისეთი საშინელება იყო რევოლიუციისათვის, რომ აქ ჩვენ უნდა აღვნიშნოთ ის, როგორც ერთი შემაფერხებელი მიზეზთაგანი რევოლიუციისა. ბაქოში და საერთოდ აღმოსავლეთ ამიერ-კავკასიაში რამდენიმე დღე გაგრძელდა ეს სისხლის ღვრა, რამაც შეაჩერა რევოლიუციონური მოძრაობა. მუშათა კლასს უკვე აღარ ახსოვდა თავისი მოვალეობა რევოლიუციონური მოძრაობის მიმართ. მთელი თავისი ძალდონე მუშათა კლასმა იმას მოახმარა, რომ შეეჩერებია ეს ჟღეცა. ნამდვილათ მთავრობას არა თუ არ მიუღია არავითარი ზომები, არამედ — არც შეეძლო რაიმე ზომების მიღება და მთელი სიმძიმე სომეხ-თათართა ჟღეცისა, მისი ჩაქრობა მუშათა კლასს, განსაკუთრებით სოც.-დემ. პარტიას დაატყდა თავს. ჟღეცა თუმცა შეწყვეტილ იქნა, მაგრამ თვით ფაქტი აღიბეჭდა მესხიერებაში. სომეხ-თათართა შეტაკება მოედო სხვა, სომეხებითა და თათრებით დასახლებულ ქალაქებს. ასე რომ, ამ მოვლენამ, ამხანაგებო, დიდათ შეუწყო ხელი რევოლიუციონური მოძრაობის შესუსტებას თვით მთავარ ცენტრში — ბაქოში, რაც, ცხადია, გავლენას ახდენდა დასავლეთ ამიერ-კავკასიის რევოლიუციონურ მოძრაობაზე. მე თქვენ გელაპარაკე იმის შესახებ, თუ როგორი აღელვება იყო მაშინ საზოგადოებაში. გლეხობისა და მუშათა კლასის გარდა საზოგადოების ყველა ფენები იყვნენ ჩათრეული მთავრობის საწინააღმდეგო ბრძოლაში. მემამულეთა და კაპიტალისტების მცირე ჯგუფის გარდა საზოგადოების ყველა ფენები, თვით დაბალი, ჩამორჩენილი ფენები, მეტად იყვნენ აღშფოთებული არსებული წყობილების წინააღმდეგ, უმთავრესად ღელავდა საშუალო სკოლათა მოსწავლე ახალგაზრდობა. ამ ხანებში ჩატარებული ყოველგვარი კრებები დიდის აღფრთოვანებით მიმდინარეობდა და თუ ვინმე გაბედავდა იმის წინადადებით გამოსვლას, რომ მუშებისა და გლეხების წინააღმდეგ რეპრესიებისათვის მიემართათ, ასეთ პირს უეჭველად სასაცილოდ აიღებდნენ. ასეთი გაბედული პირები თითქმის არც კი გამოჩენილან, ყველა კლასები ასე თუ ისე განმათავისუფლებელ მოძრაობას თანაუგრძნობდა. აი, ეს არის, ამხანაგებო, ყველაზე უფრო ღირსშესანიშნავი მომენტი, ასეთი მომენტი არც მანამდე, არც შემდეგ, შეიძლება ითქვას, არ ყოფილა. მე ვლაპარაკობ აქ ამიერ-კავკასიაზე. მაგრამ საქმე იმაშია, რომ ყველაფერს თავისი საზღვარი აქვს. არ შეიძლებოდა მუშებისა და გლეხების ასეთ აღელვებულ მდგომარეობაში გაჩერება. მოძრაობის სათავეში მყოფთ უნდა გაერკვიათ, თუ რა უნდა გაეკეთებიათ შემდეგში. განეგრძოთ ამ სახით გაფიცვები, დემონსტრაციები, კრებები და როდემდის? აი აქ გამოირკვა, რომ ამ მხრით ჩვენში მდგომარეობა ცუდათაა. მე თქვენ მოგახსენე.

რომ 1905 წლამდე სოციალ-დემოკრატია კავკასიაში მხარს უჭერდა ძველ „ისკრა“-ს და ლენინს, მაგრამ 1905 წლის შემდეგ ხდება უცარი ცვლილება. სოც.-დემ. სათავეში მყოფნი თავს აცხადებენ მენშევიკებათ და აი, ამასთან ერთად იწყება ტაქტიკის შეცვლა რევოლუციონურ მოძრაობისათვის.

რას გვეუბნებოდა მენშევიკების ტაქტიკა? ის გვეუბნებოდა, რომ რევოლუციონურ მოძრაობაში უმთავრესად დაინტერესებულია ბურჟუაზია, რომელმაც უნდა აწარმოვოს რევოლუციაო. მეორეც ის, რომ სოც.-დემ. სრულიადაც არ უნდა გამოიმუშაოს ამ მოძრაობის გეგმა, ის უნდა მოქმედებდეს სტიქიურად, როგორც თვით რევოლუციონური მოძრაობა სწარმოებსო. ჩვენში კი რევოლუციონური ბურჟუაზია, ეგრეთ წოდებული რადიკალური და ლიბერალური ბურჟუაზია, არ ყოფილა. თუ ასეთი ბურჟუაზია იმ ხანებში რუსეთში მოიპოვებოდა, ჩვენში, კავკასიაში, კერძოდ საქართველოში, არ ყოფილა, არსად ის არ გამოჩენილა. ლიბერალურ ბურჟუაზიას არსად თავისი სახე არ გამოუჩენია და ასე, მას არ შეეძლო ხელმძღვანელობის გაწევა საქიროც რომ ყოფილიყო ეს. მეორეს მხრით მენშევიკები სრულიადაც არ ფიქრობდნენ რაიმე გეგმის გამოიმუშავებაზე მომავალი რევოლუციონური მოძრაობისათვის. ერთად ერთი ფორმულა, რომლის ცხოვრებაში გატარებას ისინი მხარს უჭერდნენ, ეს იყო რევოლუციონური თვითმართველობა. ისინი ამტკიცებდნენ, რომ ქალაქის თვითმართველობათა ხელში ჩაგდებათ პროლეტარიატი თანდათანობით ხელს შეუწყობს ბრძოლას თვითმპყრობელობის წინააღმდეგო, მაგრამ არავის წარმოდგენილიც კი არ ჰქონდა, თუ რა ფორმის უნდა ყოფილიყო ასეთი რევოლუციონური თვითმართველობა. ასეთი თვითმართველობა ხომ მოიპოვებოდა ზოგიერთ ადგილებში მაგ. ჯურიაში და სხვა ადგილებში, სადაც ხალხი თვით მართავდა თავის თავს, მაგრამ ამით თვითმპყრობელობის ჩამოგდებას სკივთხი სრულიად არ წყდებოდა, რადგანაც თვითმპყრობელობას შეეძლო, როცა მოისურვებდა, იერიში მიეტანა ამ ორგანიზაციაზე და გაენადგურებია ის. და თუ დროებით ის თავს იკერდა ასეთი მოქმედებისაგან, ეს იმას არ ნიშნავდა, რომ ამისი განგრძობა კიდევ შესაძლებელი იქნებოდა. საქმისადმი ასეთი დამოკიდებულებით, ასეთი ტაქტიკის წარმოებით შეიძლება აიხსნას ტფილისში მომხდარი სისხლის ღვრა აგვისტოს 29-ს. მენშევიკები, რომლებიც ხელმძღვანელობდნენ 29 აგვისტოს გამართულ მიტინგს და რომლებიც გაბატონებულნი იყვნენ ტფილისის ორგანიზაციაში, იმედოვნებდნენ, რომ საკმაოა შევიდეთ ქალაქის თვითმართველობაში, გავმართოთ იქ მიტინგი, წარმოვსაქვათ სიტყვები თვითმპყრობელობის წინააღმდეგ და საქმე ამით გათავდებაო. სხვაფრივ ფიქრობდა მთავრობა. მუშები



შეცდომაში იქნენ შეყვანილი და ყველა ის მოქალაქენი, რომელთაც მოუწოდებდნენ ქალაქის თვითმართველობაში, ცხადია, მოტყუილებულნი იყვნენ, რადგანაც ისინი სრულიადაც არ ფიქრობდნენ რაიმე წინააღმდეგობის გაწევაზე. მეორეს მხრით მთავრობა ფიქრობდა, რომ ქალაქის თვითმართველობაში შეკრებილი ხალხი წინააღმდეგობას გასწევსო. აი, ამხანაგებო, ამ ნიადაგზე, ამ უბედურ გაუგებრობაზე აშენდა ერთი უსაშინელესი ტრადედია, რაც კი ახსოვს რევოლიუციონურ მოძრაობას. სრულიად უაზრო ტრადედია, რომელსაც არავითარი მნიშვნელობა არ ჰქონია. ბევრი სისხლი დაიღვრა, ხალხს სჩებავდნენ და როგორ ფიქრობთ—ვის სდებდნენ ბრალს ამაში მენშევიკები? მომხდარი სისხლის ღვრის გამო მენშევიკების მიერ გამოკემულ პროკლამაციაში ასეთი ლოზუნგი იყო: „ძირს მშვიშარა ლიბერალებიო“. თითქოს, ვერმიშევის ნაცვლად რომ ქალაქის თვითმართველობაში ვინმე სხვა ლიბერალი ყოფილიყო, რომელიც იქიდან არ გაიქცეოდა, არ მოხდებოდა ის ტრადედია, რაც მოხდა. რა შეიძლებოდა მომხდარიყო უკეთეს შემთხვევაში: შეიძლებოდა ვერმიშევის იქვე მოკვლა. სხვა არაფერი არ მოხდებოდა. მენშევიკების წარმოდგენით კი ბრალი ედებოდა სწორედ მშვიშარა ლიბერალებს. მენშევიკების ლოზუნგი, ვიმეორებ, იყო: „ძირს მშვიშარა ლიბერალები“. ამ ღროს აშკარავდება კრიზისი. ყველასათვის საგრძნობი გახდა, რომ რაღაც გვაკლია. 29 აგვისტოს შემდეგ რაღაც დაფანტულობა გამოსჭვივოდა. „რა ვაკეთოთ“. თითქოს მომხდარი ფაქტი გამომაფხიზლებლათ იმოქმედებდა მენშევიკებზე, მაგრამ, სამწუხაროდ, ეს არ მოხდა. მათი ტაქტიკა ერთ ადგილზე გაჩერებისა, ვაგრძელდა ამის შემდეგაც. ხელ-ახლა დადგა საკითხი—როგორ მოვიქცეთ შემდეგში: ახალი გაფიცვების მოწყობა, თუ სხვა რამ. ცხადია, მენშევიკებმა 29 აგვისტოს სისხლის ღვრას უპასუხეს არა მარტო პროკლამაციების გამოკემით, რომელთა შესახებ ვილაპარაკეთ, არამედ—ტერორისტულათ აქტებით, რაც მიმართული იყო კახაკების წინააღმდეგ. რამდენიმე ყუმბარა იქნა გადასროლილი ყაზახთა ყაზარმაში. მაგრამ, ცხადია, ამით საქმის გამოსწორება არ შეიძლებოდა. მენშევიკები მართალია, შეიარაღებული აჯანყების წინააღმდეგნი იყვნენ, მაგრამ ხშირად მიმართავდნენ ტერორისტულ აქტებს, თუმცა ოფიციალურად ტერორს უარყოფდნენ. ასეთი არევ-დარევის, დაბნეულობის, რაღაცას მოლოდინში, რაც არავინ იცოდა რა სახეს მიიღებდა, იწყება საყოველთაო გაფიცვა. ეს იყო ოქტომბრის დასაწყისში.

გაფიცვა დაიწყო მოსკოვში. პირველად იქ იყო კერძო ხასიათის გაფიცვა, რომელიც თანდათან გაიზარდა და ოქტომბრის შუა რიცხვებში გადაიქცა საყოველთაო გაფიცვად. ეს უმაგალითო გაფიცვაა მთელ ისტორიაში. ამ ღრომდე ხდებოდა კერძო ხასიათის

გაფიცვები, ეს გაფიცვა კი იყო საყოველთაო მთელი რუსეთის მასშტაბით ჩატარებული. მაგრამ უნდა ითქვას, ამხანაგებო, რომ ეს საყოველთაო გაფიცვა აღმოცენდა სტიქიურად, მოუშზადებლათ, უგეგმოდ. საქმე უბრალოთ გადაწყდა—საჭიროა გაფიცვა, მოთხოვნების წამოყენება დამფუძნებელი კრების მოწვევის შესახებ, შემდეგ კი,— როგორ ჩატარდეს ეს გაფიცვა, ამის შესახებ არავითარი დარიგება, არავითარი დირექტივები არც ერთი პარტიისაგან არ ყოფილა. როგორც შემდეგ გამოირკვა, თვით მოსკოვის მუშები ფიქრობდნენ ამ გაფიცვის შეიარაღებულ აჯანყებათ გადაქცევას და შეიძლება ეს გაფიცვა შეიარაღებულ აჯანყებათაც გადაქცეულიყო, მაგრამ საქმე ამ ზომამდე არ მისულა. იქონიეთ მხედველობაში, რომ თვითმპყრობელობა ინგროდა, მაშასადამე, ბევრი იყო იმის მომხრე, რომ გაფიცვის წინააღმდეგ რეპრესიული ზომებისთვის მიემართათ. ე. ი. ჩაქროთ ის შეიარაღებული ძალით. მეორეს მხრით, ცნობილი ვიტეს მეთაურობით იყვნენ იმის მომხრენიც, რომ დაეთმოდ. როგორც იცით, გაიმარჯვა ამ უკანასკნელმა მიმდინარეობამ. მინისტრ ვიტეს მოხსენების თანახმად 17 ოქტომბერს მეფემ გამოსცა მანიფესტი.

უნდა მოგახსენოთ, რომ 9 იანვრიდან მეფის მთავრობა დათმობის გზას დაადგა. მაგრამ ეს დათმობა იყო უმნიშვნელო, რომელსაც არ ჰქონია არავითარი არსებითი მნიშვნელობა აჯანყებული ხალხისთვის. როგორც იცით, თებერვალში მეფემ მიიღო მინისტრ ბულიგინს შეედგინა კომისია სახელმწიფო სათათბიროს მოსაწვევე კანონის გამოსამუშავებლათ. ასეთი კანონი მართლაც გამოცემულ იქნა აგვისტოს სათათბირო ორგანოს შესახებ, რომელსაც არ ჰქონდა მინიჭებული არავითარი საკანონმდებლო ფუნქცია. თვითმპყრობელობა, როგორც ამბობდნენ, რჩებოდა სრულიად შეურყეველი. თავის თავად იგულისხმებდა, რომ ამ დათმობას არავისი დაკმაყოფილება არ შეეძლო, თუმცა უნდა ითქვას, რომ მენშევიკებმა ჩვენში, ამიერ-კავკასიაში, გადასწყვიტეს მონაწილეობა მიეღოთ სახელმწიფო სათათბიროში.

და აი, მეფე მიდის დათმობაზე, სცემს 17 ოქტომბერს მანიფესტს, სადაც ნათქვამია, რომ ამიერიდან მართლაც მყარდება პიროვნების ხელუხლებლობა, კრების თავისუფლება და სხ. და ამასთან ვერავითარი კანონი სახელმწიფო სათათბიროს დაუდასტურებლათ ძალაში ვერ შევაო. ამით ნ აგვისტოს კანონი უქმდებოდა. ასე რევოლუციონურმა მოძრაობამ მიიღწია უმაღლეს წერტილს, რადგანაც, რევოლუციონური მოძრაობის მიზანი იყო თვითმპყრობელური წყობილების დანგრევა, ელემენტარული თავისუფლების დამყარება, თუ გინდ შეკვეცილი პარლამენტარიზმის სახით, რომელსაც იძლეოდა 17 ოქტომბრის მანიფესტი. ეს რამდენიმეთ საფუძველს



იძლეოდა რევოლიუციონური მოძრაობის გასაფართოებლათ. მაგრამ როგორ ფიქრობთ, — ნუ თუ თვითმპყრობელობა ფიქრობდა ამ მანიფესტის განხორციელებაზე? მას არ უფიქრია ამაზე, როგორც კი გამოცემულ იქნა მანიფესტი, იმ წამსვე გაიცა განკარგულება, რომ მანიფესტის განხორციელება შეეფერხებიათ, არ მიეცათ ნება შავრაზმელი დემონსტრაციების საპასუხოთ მოეხდინათ მუშათა რევოლიუციონური დემონსტრაციები. აი, ეს იყო თვითმპყრობელი მთავრობის ცბიერობა. მას სურდა საზოგადოების ერთი ნაწილის, (ლიბერალური ბურჟუაზია), რომელმაც პროლეტარიატის გავლენის ქვეშ იმყოფებოდა, თავის მხარეზე გადაყვანა, მეორეს მხრით მას სურდა დროს მოგება, რადგანაც მთავრობა იმ ხანებში კრიტიკულ მომენტში იმყოფებოდა; ერთი სიტყვით, მოკლედ რომ ვსთქვათ, მას სურდა რევოლიუციონური ხალხის მოტყუილება. ამ მხრით თავისი განზრახვა მთავრობამ სისრულეში მოიყვანა, რაც აიხსნება რევოლიუციონური ორგანიზაციების სისუსტით, მოუწყობლობით, რომ ეს ორგანიზაციები ვერ უწყვედენ სათანადო ხელმძღვანელობას რევოლიუციონურ მოძრაობას.

ამ მანიფესტის ცხოვრებაში განსახორციელებლათ საჭირო იყო ყველა მოხელეთა შეცვლა, რათა ასე რევოლიუციისათვის შექმნილიყო მაგარი დასაყრდნობი, სხვათრეც ეს მანიფესტი ჰაერში გამოკიდებული რჩებოდა. გამოცემული მანიფესტი ცხოვრებაში უნდა გაეტარებია იმავე მოხელეებს, რომლებიც ემსახურებოდნენ თვითმპყრობელობას. ამ მოხელეთა ხელში იყო მთელი სამხედრო ძალა-უფლება.

იმ ხანებში ჯარში საკმაოდ ძლიერი იყო მოძრაობა, რევოლიუციონურ გამოსვლებსაც ჰქონდა ადგილი — საკმაოა აქ „პოტიომკინ“-ის მეზღვაურთა გამოსვლა მოგვიხსენიოთ ნათქვამის დასასურათებლათ, მაგრამ საქმე იმაშია, რომ ჯარი საერთო რევოლიუციონური მოძრაობის გარეშე რჩებოდა და მის გამოსვლებს სრულიად შემთხვევითი ხასიათი ჰქონდა. საერთო კავშირი მუშათა მოძრაობასა და ჯარებს შორის არ ყოფილა. ჯარები მთავრობის განკარგულებაში იმყოფებოდნენ.

ამნიარად, მანიფესტით თითქოს ყველაფერი იყო მოცემული, მაგრამ თვითმპყრობელობა მაინც თავის ალაგას რჩებოდა, არსებითად არაფერი არ ყოფილა მოცემული. საჭირო იყო ამ მომენტში რევოლიუციონურ ორგანიზაციებს ხელი მოეკიდათ მაგარი ხელისუფლების შექმნისათვის, რათა ასე ცხოვრებაში გატარებულიყო მანიფესტით დაპირებული თავისუფლებანი. ამისათვის არ იყო საკმარისი მხოლოდ რევოლიუციონური თვითმართველობა. საიმედო მხარის დაქერის გარეშე მუშათა დეპუტატების საბჭო, რომელიც აღმოცენდა სწორედ საყოველთაო გაფიცვების დროს, ჰაერში გამოკიდებული

რჩებოდა, თუნდაც პროლეტარიატის უდიდესი ნდობით სარგებლობდა. საბჭო ვიტეს მთავრობის გვერდით დროებით მთავრობას წარმოადგენდა. მაგრამ თვითმპყრობელობა საბჭოს ითმენდა, ამასთანავე ემზადებოდა მის მოსასპობათ, აღგენდა სამისო გეგმებს და ამ შემთხვევაში, მთავრობა თავისი თვალსაზრისით მოქმედებდა სწორად.

მთავრობას მოეპოვებოდა ცენტრი, საიდანაც ის იძლეოდა განკარგულებებს, ღირექტივებს, რევოლუციას კი ასეთი ცენტრი არ გააჩნდა. ამ ხნის განმავლობაში მაინც ვერ მოხერხდა ასეთი ცენტრის შექმნა. ამის მიზეზად ჩაითვლება ხელმძღვანელის არ ყოლა. რატომ არ იყო არც ერთი ხელმძღვანელი? იმიტომ, რომ ხელმძღვანელის როლში გამოდიოდა რამოდენიმე პარტია—ერთი მხრით მენშევიკური, მეორეს მხრით ბოლშევიკური, შემდეგ სოციალისტ-რევოლუციონერების. ამას მე ვამბობ რუსეთის შესახებ. ჩვენში სოციალისტ-რევოლუციონერები არ ყოფილან. და თითოეული პარტია თავისებურადად მოქმედებდა. პეტერბურგის საბჭო მენშევიკური ორგანიზაციის გავლენის ქვეშ იმყოფებოდა. და აი, ყველაზე კრიტიკულ მომენტში არ ყოფილა მიღებული შესაფერი ზომები, არ მოუხდენიათ საჭირო განკარგულებანი. ყველა ენდობოდა სათავეში მყოფ ორგანიზაციას—მენშევიკურ ორგანიზაციას, სწამდათ გაფიცვების სასწაულ მომქმედი ძალა. მაგრამ გაფიცვებმა თავისი გააკეთეს. რაც შეეძლოთ მიეცათ გაფიცვებს, უკვე მისცეს. ამის შემდეგ გაფიცვებს არაფრის მოცემა არ შეეძლოთ. ასეთი მოქმედებით წათამამებული მთავრობა შეტევაზე გადავიდა. ჯერ დააპატიმრეს პეტერბურგის საბჭოს თავმჯდომარე, შემდეგ აღმასრულებელი კომიტეტის სრული შემადგენლობა. აღმასრულებელმა კომიტეტმა გამოსცა მანიფესტი, მაგრამ ვის უნდა გაეტარებია ის ცხოვრებაში? ვის უნდა დაყრდნობოდა აღმასკომი? ისეთი ორგანიზაცია, ისეთი ძალა, რომელზედაც შეეძლო დაყრდნობა აღმასკომს,—არ იყო.

აქ მდგომარეობა კიდევ უარესი იყო იმიტომ, რომ მენშევიკები ატარებდნენ განსაზღვრულ ხაზს, სახელდობრ, უწყვედენ პასიურ წინააღმდეგობას, არ ფიქრობდნენ შეიარაღებულ გამოსვლებზე.

რას ფიქრობდა გურიის ორგანიზაცია მას შემდეგ, რაც მიღებულ იქნა მანიფესტი? (სხვათა შორის აქ მე არაფერი მითქვამს ეგრეთ წოდებულ ნასაკირალის თავდასხმის შესახებ, რომელიც მოხდა გურიაში ოქტომბრის დღეებში). ეს ორგანიზაცია ამბობდა, რომ რუსეთში უკვე შემოღებულია 17 ოქტომბრის მანიფესტზე დამყარებული კანონი. ახლა უნდა განხორციელებულ იქნან თავისუფლებები. ჩვენ ვხსნით ბოიკოტს მთავრობის ყველა დაწესებულებათაგან და ვიწყებთ პარტიულ მუშაობას ლეგალურ ნიადაგზე. ჩვენ, ამბობდნენ ისინი, დღემდე ვასრულებდით მთავრობის როლს, ეს არ შეჰფერის პარტიას,

ჩვენ უნდა უარვყოთ ეს, ახლა ჩვენ ოპოზიციაში უნდა ჩავუდგეთ მთავრობას, რომ არ დავკარგოთ ხალხში ნდობა, თუ კი მთავრობა განხორციელებს ხსენებულ მანიფესტსო. საიდან იცოდენ მათ, რომ მთავრობა ანხორციელებდა მანიფესტს? ამ მანიფესტის გამოცემის შემდეგ ბრძოლა კიდევ უფრო გამწვავდა იმიტომ, რომ იმ წამსვე დაიწყო მთავრობის მიერ მოწყობილი „პოგრომები“, ისე როგორც ჩვენში შავრაზმელმა პატროიტებმა მოაწყვეს „პოგრომები“. ამნაირათ, არავითარი საფუძველი არ ჰქონია გურიის სოც. დემ. კომიტეტს დაეჯერებია, რომ მთავრობას სურდა 17 ოქტომბრის განხორციელება. მიუხედავად ამისა კომიტეტი აცხადებს: „ამ დღიდან ჩვენ ვხსნით ბოიკოტს მთავრობას, მთავრობას უბრუნდება თავისი კანონიერი ძალა, ჩვენ კი კრიტიკას გაუწევთ ამ მთავრობასო. ასევე მოიქცენ მენშევიკები ნაძალადეგში 4 დეკემბრის კრებაზე, როცა მთავრობა შეტევაზე გადავიდა პროლეტარიატის წინააღმდეგ. ამ კრებაზე მენშევიკებს გამოაქვთ რეზოლიუცია, სადაც ნათქვამია, რომ ამიერიდან შეგვიძლია მოვაწყოთ რევოლუციონური თვითმართველობა, დავაყენოთ ჩვენი განკარგულების ქვეშ ჯარი, პოლიცია და ჩვენი ნება-სურვილი ვუკარნახოთ ცენტრალურ მთავრობასო.

ეს იყო თავის მოტყუილება, რადგანაც არავითარ თვითმართველობას არ შეეძლო არაფრის კარნახი, ვინაიდან მთავრობას შეეძლო გაენადგურებია ასეთი თვითმართველობა, როდესაც კი მოისურვებდა. ბოლო ახლოვდებოდა, რადგანაც რევოლუციონური ძალები აღმოჩნდნენ მეტად დასუსტებულნი და დაშლილნი.

როგორც მოგახსენეთ, არ ყოფილა ერთი ცენტრი, საიდანაც შეიძლებოდა დირექტივების გამოცემა. პროლეტარიატმა მიიღო ომი, მაგრამ ის გამოვიდა ამ ომში უორგანიზაციოდ. გლებთა მოძრაობა თავისი გზით მიდიოდა, მუშათა მოძრაობა—თავისი გზით. ჯარის კაცთა მოძრაობასაც აგრეთვე არ ჰქონია არავითარი კავშირი მუშათა მოძრაობასთან. თავის თავად ცხადია, ასეთ პირობებში გამარჯვების ყოველივე შანსი თვითმპყრობელობის მხარეზე იყო.

ამიერ-კავკასია იმ ხანებში, როგორც მოგეხსენებათ და როგორც მე ვსთქვი, იმყოფებოდა ერთი, მენშევიკების ორგანიზაციის უშუალო ხელმძღვანელობის ქვეშ. აქ იყვნენ: როგორც მოგახსენეთ, ბოლშევიკური ორგანიზაცია, იყვნენ სხვა პარტიებიც. მაგრამ მთავარ როლს ასრულებდნენ მენშევიკები. აქ არ შემდგარა მუშათა დეპუტატების საბჭო, თუმცა ბოლშევიკები წინადადებას იძლეოდნენ ასეთი საბჭოების შესადგენათ. მენშევიკები თუმცა აღიარებდნენ, რომ საბჭოები მათი გამოგონილი იყო, მაგრამ მაინც არ თანხმდებოდნენ მის შედგენაზე. მდგომარეობა ამიერ-კავკასიაში ისეთი იყო, რომ რევო-

ლიუციის მხარეზე მეტად დიდი ძალები მოიპოვებოდა, მხოლოდ საჭირო იყო მათი გამოყენება.

იგივე გურიის ორგანიზაცია, რომელსაც გამოაქვს ასეთი დადგენილება, უკვე ნოემბერში აცხადებდა, რომ ხელისუფლების ფუნქციაზე ხელს იღებს და რჩება პარტიულ ორგანიზაციადო. ამასვე ურჩევდნ და თავის ძალებს სთავაზობდნ გურულები ქუთაისს, ბათუმს, სამტრედიას, ტფილისს. ასეთივე ძალები რევოლუციას შეეძლო მიეღო სხვა მაზრებიდანაც, მაგრამ საქმე იმაშია, სათავეში ისეთი ორგანიზაციები იყო საჭირო, რომლებიც მომხრე იქნებოდნ შეიარაღებული აჯანყების, მთავრობის ძალთა შეიარაღებული ძალითვე დანგრევის. მხოლოდ ასეთი საშვალელებით შეიძლებოდა გამარჯვება. მიუხედავად იმისა, რომ საქმე მთავარ ცენტრში სწყუდებოდა, ამიერკავკასიაში მინც იყო ისეთი პირობები, როცა სწორი ტაქტიკითა და სტრატეგიით შეიძლებოდა ადგილობრივი ხელისუფლების ჩამოგდება და ძალაუფლების ხელში ჩაგდება. ვიმეორებ, ყველა ეს პირობები იყო, მაგრამ მით ვერ ისარგებლეს.

როდესაც მოსკოვში და პეტერბურგში დეკემბრის დასაწყისში გაისმა მოწოდება საყოველთაო გაფიცვისა, აქ ბოლშევიკების წინადადებით შედგენილ იქნა გაფიცვის ბიურო, რომელიც რამდენიმეთ ეწეოდა მუშათა დეპუტატების საბჭოს მაგიერობას, მაგრამ გადამწყვეტი როლის შესრულება მას ყოველ შემთხვევაში არ შეეძლო, მით უფრო, მენშევიკური ტაქტიკით. გაფიცვის ბიუროში შევიდნენ: სოციალ-დემოკრატები, სოციალისტ-რევოლუციონერები, სოციალისტ-ფედერალისტები, ჰნჩაკისტები, დაშნაკუტიუნი. უნდა ვსთქვათ, რომ ყველაზე უფრო კრიტიკულ მომენტში დაშნაკუტიუნი ამ ბიუროდან გავიდა და მით დაამტკიცა, რომ ის სრულიადაც არ არის რევოლუციონური პარტია.

საერთო გაფიცვა ჩვენში დაიწყო რკინის გზაზე 10 დეკემბერს. 12-ს დაიწყო საყოველთაო გაფიცვა. უნდა ითქვას, რომ გაფიცვა მიმდინარეობდა მეტად გონიერად, ე. ი. იმის გამო, რომ რევოლუციონური ორგანიზაციის გეგმონიას აღირებდნ საზოგადოების ყველა ფენები, ისინი ყოველმხრით ხელს უწყობდნ, რომ გაფიცვას მიეღო საყოველთაო ხასიათი. ბაქოში გაფიცვა ჩაიშალა იმ განხეთქილების მიზეზით, რომელიც წარმოიშვა სომეხ-თათართა ქლეტის გამო.

15 დეკემბერს ადგილობრივი ადმინისტრაცია უკვე გადადის აშკარა შეტევაზე: ტფილისში ცხადდება სამხედრო წესები, ყველა ადგილებს იკავებენ ჯარის ნაწილები. რკინის გზასაც ჯარი იკავებს.

იქონიეთ მხედველობაში, რომ სანამ მთავრობა გადადგამდა ასეთ ნაბიჯს, ის დიდხანს არკვევდა ხაკითხს—მოქცეულიყო ასე თუ არა, რადგანაც ის ფიქრობდა, რომ რევოლუციონური ორგანიზაცია აქ-



ტიურ წინააღმდეგობის გაწევას შესძლებდა. წარმოიდგინეთ, რომ სასიუჟო წინააღმდეგობის გაწევის მეტი მთავრობას არაფერი შეხვედრია. მისთვის არაფერს არ წარმოადგენდა სადგურის ჯარებით დაკავება, სადაც იმყოფებოდა გაციცვის ბიურო. მაგრამ რკინის გზის დასაკავებლათ მთავრობას დიდი ძალა სჭირდებოდა, რადგანაც მუშები მას ეწინააღმდეგებოდნენ. მთავრობას დახმარება გაუწია პატრიოტულმა პარტიამ გოლოვაჩევსკის მეთაურობით. ეს პარტია აღუთქვამდა მთავრობას ყოველგვარ დახმარებას, მაგრამ დაბოლოს ესეც არ ღარჩა საკმაო. უნდა ითქვას საერთოდ, რომ 15 დეკემბრიდან ტფილისში იწყება შავი რაზმის სრული ბატონობა. ხალხს იჭერდნენ, სადაც მიჰყავდათ, ჰკლავდნენ. ჩვენ ვიცით, რომ 18 დეკემბერს ყახახებმა მოჰკლეს 10 მუშა, რომელთაც აზრათ არ ჰქონიათ რაიმე თავდასხმის მოწყობა. როგორც მოგახსენეთ, მთავრობისთვის დიდ სიძნელეს წარმოადგენდა რკინის გზის დაკავება. განსაკუთრებით ეს ძნელი იყო დასავლეთ საქართველოში. გორიდან დაწყებული თითქმის ყოველი სადგურის დაკავება ძალით ხდებოდა. იქ მთავრობას წინააღმდეგობას უწყევდნენ, რადგანაც არ იცოდნენ, თუ რა ბედი ეწია რევოლუციას, არ იცოდნენ ჯერ კიდევ, თუ რანაირი მდგომარეობა იყო ცენტრში, უმთავრესად რუსეთში; იცოდნენ, რომ იქ ხდებოდა შეიარაღებული აჯანყება, მაგრამ არ იცოდნენ, თუ რით დამთავრდა, ამ დროს კი რევოლიუციის ბედი უკვე გადაწყვეტილი იყო. მაგრამ მიუხედავად წინააღმდეგობისა, მთავრობა მაინც ახერხებდა დასავლეთ საქართველოსკენ წაწევას და იქ რევოლიუციონური მოძრაობის ლიკვიდაციას. დეკემბრის გასულს შეიძლებოდა თქმა, რომ რევოლუცია დამარცხებული იყო, მაგრამ ნაწილობრივად შეტაკებები ხდებოდა, განსაკუთრებით დასავლეთ საქართველოში. რევოლუციის ლიკვიდაცია გაგრძელდა რამდენიმე წელს. ხდებოდა „პოგრომები“, განსაკუთრებით შურს ძიობდნენ გლეხებზე, სწვავდნენ ქალაქებს, სოფლებს, ხალხს აპატიმრებდნენ, ხვრეტდნენ, ასახლებდნენ. საქმეები ირჩეოდა სამხედრო, საველე და სხ. სასამართლოებში. ასეთი მდგომარეობა გაგრძელდა რამდენიმე წელს 1906 წლიდან დაწყებული 7, 8 და 1909 წელსაც კი. ამ ხნის განმავლობაში, დაწყებული 1903 წლიდან 1909 წლის პირველ ნახევრამდე მთელს ამიერკავკასიაში ოფიციალური ცნობით სასამართლოში გაიჩნა 8334 კაცის საქმე. ამას ვარდა ადმინისტრაციული წესით ციხეში გატარდა 13 ათასი კაცი. უმთავრესად დაპატიმრება ხდებოდა ტფილისის და ქუთაისის გუბერნიებში. ტფილისის გუბერნიაში დაპატიმრებული იყო. 2931 კაცი, ქუთაისში—2164 კაცი, სულ 5994 კაცი ე. ი. 61% მეტი.

აქ არ არის ცნობა ბათუმის ოლქის შესახებ. დაისაჯა მეტ წილად ეს ორი გუბერნია. მაგრამ საქმე იმაშია, რომ აქ ცნობა გვაქვს

იმათ შესახებ, ვინც ასე ოუ ისე დაისაჯა სასამართლოს ან ადმინისტრაციული წესით. დანარჩენნი, რომელთა საქმეც გაიჩა სამხედრო ან სამხედრო-საველე სასამართლოებში, ან საერთოდ მოკლულ იქნენ შეტაკების დროს, აქ არ არიან მოხსენებული. იმ ცნობებით, რომელიც ჩვენ მოგვეპოვება, შეტაკების დროს მსხვერპლი მცირე არ ყოფილა. თუ ვიმსჯელებთ ამ ცნობების თანახმად, ცხადია, შეუმოწმებლათ შეგვიძლია ვთქვათ, რომ ასეთი 1000 ნაკლები არ იქნებოდა. დახვრეტილთა და ჩამოხრჩობილთა რაოდენობა ჩვენ არ ვიცით, ვიცით, რომ რამდენიმე წლის განმავლობაში მთავრობას სიკვდილის განაჩენი ბლომათ გამოჰქონდა. ყველა ის ცნობები, რომელიც გაზეთებში იყო გამოქვეყნებული და რომელიც ეხებოდა მაშინდელ რუსეთს, მოკლეთ იყო 14 ან 15 ათასი. დახვრეტილი 1000 მეტი. დაჭრილი 20 ათასამდე მეტი და გადასახლებული 70 ათასამდე. არ ვიცო, ვგონებ, ამ რიცხვში არ შედიან ისინი, ვისზედაც მე აქ ვლაპარაკობ. იმ ცნობების თანახმად, რომელიც აქ მოგახსენეთ, სჩანს, თუ რა დაუჯდა მუშათა კლასს და გლახობას რუსეთის რევოლუცია. სწორედ ამიერკავკასიაში ეს მსხვერპლი მეტად დიდი იყო, დიდი მსხვერპლი გავიღეთ ჩვენ. მსურს კიდევ რამოდენიმე სიტყვა ვთქვა იმ პარტიებზე, რომლებიც მონაწილეობას იღებდნენ რევოლუციონურ მოძრაობაში. როგორც ვსთქვი, რევოლუციონური პარტიებიდან 1905 წლის დასაწყისიდან ჩვენში მოქმედებდა სოც.-დემოკრატია—ორ ნაწილად გაყოფილი, მაგრამ 1905 წლიდან ხელმძღვანელ როლს ასრულებს მენშევიკური პარტია. სოც.-რევ. აქ არავითარ როლს არ თამაშობდენ, რადგანაც ეს პარტია მცირერიცხოვანი იყო და მისი მოღვაწეობა განისაზღვრებოდა მხოლოდ ტერორისტული აქტებით.

რაც შეეხება ქართველ ფედერალისტებს, ეს იყო წმინდა ქართული ნაციონალისტური პარტია, რომელსაც არავითარი საქმე არ ჰქონდა სოციალიზმთან. ეს პარტია მიზნად ისახავდა მხოლოდ ნაციონალისტურ იდეას, მოითხოვდა საქართველოს ავტონომიას. რევოლუციონურ პერიოდში ამ პარტიამ მიიღო სოციალისტური ელფერი. რა თქმა უნდა, მხოლოდ გარეგნობით, არსებითად კი ის დარჩა მხოლოდ ლიბერალურ, წვრილ-ბურჟუაზიულ პარტიად.

უნდა მოგახსენოთ, რომ სიტყვა ფედერალისტი იმ აზრით, როგორც მას ატარებდენ ქართველი ფედერალისტები, ითვლებოდა სალანძღავ სიტყვად. საკმაო იყო გეთქვათ, რომ ის „ფედერალისტი“-ო, ეს ნიშნავდა, რომ მას ლანძღავდენ. რევოლუციონური აზრით ეს პარტია არავითარ როლს არ თამაშობდა. ის ეტმასნებოდა რევოლუციონურ პარტიებს, რომ ასე შეეძინა ცოტაოდენი კაპიტალი.

დამნაკუთუნის როლზე არ ვილაპარაკებთ. ამ პარტიის მუშაობა ყველასათვის ცნობილია. რევოლუციონურ მოძრაობას ამ პარტიამ ცუდი სამსახური გაუწია, გადავიდა რა ნაციონალისტური უთანხმოება 1905 წელს, ამით გამოიწვია მთავრობის მიერ უდანაშაულო სომხის ხალხთა დარბევა. კრიტიკულ მომენტში ეს პარტია სრულიად ჩამოშორდა რევოლუციას, უარყო გაფიცვის კომიტეტში მონაწილეობა.

ლიბერალური პარტიები, ვიმეორებ, ჩვენში არ ყოფილა 1905 წლის რევოლუციის ბოლომდე. თვალსაჩინო როლი ითამაშა ჩვენში პატრიოტულმა ორგანიზაციამ, ე. წ. „რუსი ხალხის კავშირმა“; ეს „კავშირი“ მოეწყო 1905 წლამდე მისიონერთა ცნობილ ეკლესიაში, სადაც ბატონობდა დეკანოზი ვოსტორგოვი, 1905 წლიდან კი — მღვდელი გოროდცევი, რომელიც თავის გარშემო იკრებდა ყველა კონტრ-რევოლუციონურ ელემენტებს და ნაძირალებს. ის ჩასჩიჩინებდა რუს მოხელეებს, რომ ეს რევოლუციონური მოძრაობა არის „ინორდ-ცების, — ტუხმეცების“ მოძრაობა, მიმართული რუსების წინააღმდეგ და რამდენიმეთ მათ შესძლეს თავიანთ მხარეზე მუშათა შეუგნებელი ელემენტების მიმხრობა რკინის გზის მთავარ სახელოსნოდან. ვორონცოვ-დაშკოვის ჩამოსვლისთანავე, რომელიც მაისის პირველ რიცხვებში ჩამოვიდა, პატრიოტებმა მოაწყვეს სასახლის წინ მანიფესტაცია, მართვეს მეფის მოადგილეს პეტიცია მეფისადმი. ცნობილი გოლიცინის შემდეგ ვორონცოვ-დაშკოვს თავი მოჰქონდა ლიბერალად. მან დანიშნა ქუთაისის გუბერნატორად უეჭველად არა თავის წრის კაცი, რადიკალი სტაროსელსკი, რომელიც შემდეგ გახდა რევოლუციონერი. მაგრამ სულითა და გულით ეს ვორონცოვ-დაშკოვი მაინც შავრაზმელი იყო. ეს გამოიჩვენა ტფილისში 22 ოქტომბერს გამართული პატრიოტული მანიფესტაციის შემდეგ. პატრიოტების ბრბო ქუჩაში გამოვიდა ამ დღეს და ასე ის დაუპირდაპირდა მუშათა დემონსტრაციებს. ვორონცოვ-დაშკოვმა ეს მანიფესტაცია მიიღო, მას მიესალმა. პატრიოტებმა თავიანთი ხულიგნურო მოქმედობით წინააღმდეგობა გამოიწვიეს, რადგანც ისინი ხალხს აძულებდნენ ქუდი მოეხადათ, ემღერათ „ბოჟე ცარია ხრანი“ და სხ. ეს კი წმინდა წყლის პროვოკაცია იყო. და აი, გოლოვინის (ახლა რუსთაველის პრ.) მოხდა ერთი საშინელი „პოგრომთაგანი“. გაქვლეტილ იქნა სრულიად უდანაშაულო ხალხი, დაანგრიეს სახლები. ეს მოიმოქმედეს იუნკრებმა, ოფიცრებმა და, ჩვენდა სამარცხვინოდ, მთავარ სახელოსნოების მუშათა ერთმა ნაწილმა. ეს მუშებივე დეკემბრის გაფიცვის დროს გამოყენებულ იქნენ მთავრობის მიერ გაფიცულთა წინააღმდეგ.

ხედმატი არ იქნება ამგვარივე შავრაზმელი ქართული ორგანიზაციის შესახებაც ცოტა რამ ვთქვათ. ეს ორგანიზაცია დაარსდა



გორის მაზრაში. მას სათავეში ჩაუდგა უმაღლეს სწავლა მიღებული აზნაური აბდუშელიშვილი. ამ ორგანიზაციამ მიზნად დაისახა მემამულეთა სახლ-კარის დაცვა გლეხთა განადგურებისაგან და გლეხი-რევოლუციონერების და საერთოდ რევოლუციონერების მოსპობა. ორგანიზაციაში შედიოდა 600-მდე კაცი, რომელთაც კარგად შეეძლოთ იაოალის მოხმარა. ესენი იყვნენ თავად-აზნაურნი, მათ ბლომათ ჰქონდათ ფული, იარაღი და სხვა საშვალეხანი. გლეხებმაც მოაწყვეს თავიანთი რაზმები, რომელსაც უწოდეს წითელი რაზმი და დაუპირდაპირეს შავს რაზმს. გლეხებს თუმცა ნაკლები შესაძლებლობა ჰქონდა, მათ არ ჰქონდა არც იარაღი, არც ფული, მაგრამ მაინც შესძლეს ამ შავი რაზმის განადგურება. თავად-აზნაურთა მიზანი იგივე იყო, რაც „რუსთა კავშირისა“, რომლის სათავეში იყო ვორონცოვ-დაშკოვი.

ამხანაგებო, მე აქ ვილაპარაკე იმის შესახებ, თუ რათ დამარცხდა 1905 წლის რევოლუცია. ამის მიზეზი იყო ერთი ავტორიტეტის მქონე ხელმძღვანელი ორგანიზაციის არ ყოლა. შემდეგ, გლეხთა მოძრაობა თავისი გზით მიდიოდა, მუშათა მოძრაობა—თავისით და ჯარისკაცთა მოძრაობა სრულიად არ ყოფილა დაკავშირებული რევოლუციასთან, თუმცა ჯარში დიდი მოძრაობა იყო, განსაკუთრებით მოსკოვში, შემდეგ—შორეულ აღმოსავლეთში.

ჩვენში, საქართველოში, 17 ოქტომბრის მანიფესტის შემდეგ რევოლუციონურ მოძრაობას დიდის ინტერესით ეკიდებოდნენ ჯარისკაცები, მაგრამ ასეთი მდგომარეობა ვერ იქნა გამოყენებული. ამის მთავარი მიზეზი იყო ის, რომ ბევრ ორგანიზაციას სწამდა, რომ გაფიცვა იყო მთავარი იარაღი თვითმპყრობელობის წინააღმდეგ, — ისეთი გაფიცვა, რომელიც არ გადაიქცეოდა შეიარაღებულ აჯანყებათ. მაგრამ მუშათა კლასმა და მისმა პარტიამ ის გაკვეთილი მიიღო, რომ მომავალში ეს მიზეზები უნდა აშორებული ყოფილიყო, რომ რევოლუციის გამარჯვება, თვითმპყრობელობის დამარცხება მოხდებოდა სრულიად სხვა გზით, გაითვალისწინა რა მან 1905 წლის გამოცდილება. მაგრამ ჩვენ ვიცით, რომ გარდა იმისა, რომ გამოაშკარავდა უარყოფითი მხარეები, მაინც იყო დადებითი შედეგები, სახელდობრ: საბოლოოდ დაეკარგა მუშათა კლასს და გლეხობას ნდობა მეფისადმი, ამასთან ერთად შეთვისებული იქნა შეიარაღებულ აჯანყების აუცილებლობა, რაზედაც მუდამ ლაპარაკობდნენ ბოლშევიკები. ამას გარდა 1905 წლის რევოლუციის შემდეგ მუშათა კლასის თვალში ფასი მიეცა ორგანიზაციებს, თუმცა ეს ორგანიზაციული მუშაობა გადატანილ იქნა არალეგალურ ნიადაგზე, რომელსაც შემდეგ თავს დაატყდა სტოლიპინის რეაქციის მთელი სიმძიმე, მაგრამ მუშები მაინც დარწმუნდნენ, რომ აუცილებელია საკუთარი ორგანიზაციები, რომ ასეთი ორგანიზაციების გარეშე—იქნება ის პოლიტიკუ-

რი, თუ პროფესიონალური, მუშათა კლასს არ შეუძლია არსებობა. ეს დადებითი შედეგები გამოჩნდა მხოლოდ რამდენიმე წლის შემდეგ. ეს არის 1905 წლის რევოლიუციის პირველი სტადია. ლენინს არა ერთხელ უთქვამს, რომ 1905 წლის რევოლიუციის გარეშე არ იქნებოდა არც თებერვალი, არც ოქტომბერი, — არც თებერვლის, არც ოქტომბრის რევოლიუციაო.

ეს იმას ნიშნავდა, რომ რევოლიუციონურ მოძრაობას რუსეთში უნდა განეწყო რამდენიმე საფეხური, სხვათვლით მას არ შეეძლო ამ საფეხურების გადალახვა და პირდაპირ სოციალისტურ გზაზე დადგომა.

პირველი ეტაპი — ეს 1905 წელია, ეს პირველი საფეხურია ჩვენი სოციალისტური და რევოლიუციონური განვითარებისა, ეს აუცილებელი იყო. ამასთან ერთად ამ რევოლიუციამ დაგვანახვა, თუ შემდეგში მუშათა კლასი როგორ აწარმოებს ბრძოლას დამჩაგვრელთა წინააღმდეგ გლახობასთან ერთად. ამის შემდეგ მუშათა კლასის და გლახობის მოტყუილება არ შეიძლებოდა.

ამხანაგებო, გადავხედავთ რა განვლილ ბრძოლას, შეგვიძლია ვთქვათ, რომ 1905 წლის მთელი გამოცდილება გამოყენებულ იქნა მუშათა კლასის და მისი ერთად ერთი კომუნისტური პარტიის მიერ, მენშევიკები კი ჩამოშორდნენ რევოლიუციას. პირველი რევოლიუციის დამარცხების შემდეგ მათ საბოლოოდ აღიარეს, რომ რუსეთში რევოლიუცია აღარ მოხდებოდა, რომ პირველი რევოლიუციის დამარცხებით დამთავრდა რევოლიუციონური პერიოდი. ბოლშევიკებმა მაშინვე განაცხადეს, რომ ეს დამარცხება იყო დროებითი და რომ ჩვენს დაიწყებოდა მოძრაობა, რომელიც ახალი რევოლიუციონურ აფეთქებამდე მიგვიყვანდა, და მაშინ გამოყენებული იქნებოდა 1905 წლის მთელი გამოცდილება, გათვალისწინებული ყველა ის შეცდომები, რომელთაც რევოლიუცია დამარცხებამდე მიიყვანეს.

ვიგონებთ რა იმ მსხვერპლთ, რომლებიც მიტანალ იქნენ ამ რევოლიუციაში, ჩვენ თავს ვიხრით ბრძოლებში, კატორღაში, გადასახლებაში და სახრჩობელებზე დაღუპულ ამხანაგთა ხსოვნის წინაშე. ჩვენ შეგვიძლია ვთქვათ, რომ იმ საქმემ, რომლისთვისაც ისინი იბრძოდნენ, გაიმარჯვა, რომ ჩვენ დავსძლიეთ ე. ი. მუშებმა და გლეხებმა, გაიმარჯვეს. უკეთეს პირველმა რუსეთის რევოლიუციამ მიგვიყვანა ოქტომბრამდე, ჩვენ, ამხანაგებო. დარწმუნებული ვართ, პროლეტარიატი ბოლშევიკური პარტიის ხელმძღვანელობით მსოფლიო მასშტაბით მიგვიყვანს მსოფლიო ოქტომბრამდე (ცხარე ტაში). ამის გარანტიაა მუშათა და გლეხთა მჭიდრო კავშირი, გაერთიანებული ბოლშევიკური პარტიის მეთაურობით.

გაუმარჯოს მუშათა და გლეხთა დაურღვეველ კავშირს! გაუმარჯოს მსოფლიო ბოლშევიზმს და ლენინიზმს! (ცხარე ტაში. ინტერნაციონალი).

1905 წლის რევოლუცია.

(კონსპექტი აშხ. მაგია ოკახელაშვილის მოხსენებისა თბილისის
პარტ-აქტივის კრებაზე 16 დეკემბერს) *).

რევოლუციის დაგვიანება.

რუსეთის პირველმა რევოლიუციამ ისტორიულად „დაიგვიანა“
ნახევარი საუკუნით. თუ ინგლისში ბურჟუაზიულმა წესწყობილებამ
შესცვალა ფეოდალური წესწყობილება ჯერ კიდევ მე-17-ე საუკუნე-
ში, საფრანგეთში—მე-18-ე საუკუნის ბოლოს, ცენტრალურ ევროპის
ქვეყნებში—მე-19-ე საუკუნის შუა წლებში, ევროპის აღმოსავლეთ ნა-
წილში, მეფის ვეებერთელა იმპერიაში, რომელიც ამასთან ერთად წა-
რმოადგენდა „ხალხთა ციხეს“, პირველი ნამდვილი რევოლიუცია მო-
ხდა მხოლოდ მე-20 საუკუნის დასაწყისში, და ამასთან ერთად რევო-
ლიუცია დამთავრდა არა გამარჯვებით, არამედ დამარცხებით, თუმ-
ცა დროებითი დამარცხებით. რუსეთის რევოლიუციის ეს დაგვიანება,
ცხადია, იყო შედეგი განსაზღვრულ ეკონომიურ, პოლიტიკურ და საე-
რთაშორისო მიზეზების, მაგრამ თავის მხრივ ეს დაგვიანება იყო რუ-
სეთის პირველი რევოლიუციის იმ მთელ რიგ თავისებურ ოვისებათა
მიზეზი, რომლითაც ის განირჩევა ყველა მის წინანდელ ბურჟუაზიულ
რევოლიუციებისაგან ევროპაში.

პირველი რევოლუციის ხასიათი.

„რუსეთის რევოლიუციის თავისებურობა მდგომარეობს იმაში,
რომ ის მისი სოციალური შინაარსით იყო ბურჟუაზიულ-დემოკრა-
ტიული, მაგრამ ბრძოლის საშუალებით იყო პროლეტარული, ის იყო
ბურჟუაზიულ-დემოკრატიული, ვინაიდან მიზანი, რომლისკენაც ის
უშუალოდ მიისწრაფოდა და, რომლის მიღწევა უშუალოდ შეეძლო
თავისი საკუთარი ძალებით, იყო დემოკრატიული რესპუბლიკა, რვა
საათის სამუშაო დღე, თავად აზნაურთა დიდძალი მიწების კონფის-
კაცია, ყველაფერი ეს წარმოადგენდა იმ ზომებს, რომლებიც თითქმის
სავსებით განახორციელა ბურჟუაზიულმა რევოლიუციამ საფრანგეთ-

*) იხ. „კომუნისტი“ № 291 (1446)—1925 წ.



ში 1792 და 1793 წლებში, რუსეთის რევოლიუცია ამავე დროს იყო პროლეტარულიც, არა მხოლოდ იმ მხრივ, რომ პროლეტარიატი წარმოადგენდა ხელმძღვანელ ძალას, მოძრაობის ავანგარდს, არამედ იმ მხრივაც, რომ ბრძოლის სპეციფიურად პროლეტარული საშუალება, სახელდობრ კი გაფიცვა, წარმოადგენდა მთავარ იარაღს მასების ასამოძრაებლად და ყველაზე უფრო დამახასიათებელ მოვლენას გადამწყვეტ ამბების ტალღისებურად განვითარებაში* (ლენინი).

რას წარმოადგენდა ძველი რუსეთი.

მეფის იმპერია მე-20-ე საუკუნის დასაწყისში წარმოადგენდა უმთავრესად წვრილი გლეხური მეურნეობის ქვეყანას, ფეოდალურ ურთიერთობათა ნაშთებით. მაგრამ ამ მიწათმოქმედების ქვეყანაში იყო არა თუ განვითარებული შინაური და საგარეო ვაჭრობა, არამედ აგრეთვე თანამედროვე მსხვილი მრეწველობაც და ამასთან ერთად უცხოეთის კაპიტალი სიამოვნებით ებმებოდა სარკინისგზო აღმშენებლობაში და სამთომადნო მრეწველობაში.

ფეოდალური ხუნდები, რომლებიც ხელ-ფეხს უბორკავდნენ გლეხს, როგორც მწარმოებელს, ფაქტიურად აგდებდა მას მონურ დამოკიდებულობაში მსხვილი მემამულისადმი, რომელიც სარგებლობდა არა მარტო საუკეთესო მიწებით (მათ შორის იმ მიწებით, რომლებიც ჩამოართვეს გლეხებს 1861 წლის რეფორმის დროს), არამედ აგრეთვე მეფური წესწყობილების მეფარველობით და მხოლოდ შერბილებულ ფეოდალური უფლებით. უმიწაწყლობა სულს უხუთავდა მრავალმილიონიან გლეხობას—საქმეს არ შევლიდა ციმბირში, იმპერიის განაპირა მხარეებში გლეხურ მოსახლეობის მხოლოდ უმნიშვნელო ნაწილის გადასახლება. ამავე დროს ყოველივე სარგებელი ხელსაყრელ საბაზრო პირობებიდან პურის ბაზარზე (ქვეყნის შიგნით და საგარეო ბაზრებზე) ხელში უვარდებოდა მემამულეს, რომელიც ასეთ ხელსაყრელ პირობებით უერთებდა თავის მეურნეობას ყველა მიწებს, რომელთაც პურის ბაზარზე შექმნილ კრიზისების დროს უმეტეს შემთხვევაში აძლევდა იჯარით (მონურ პირობებში) გლეხებს. ეკონომიური წინააღმდეგობა გლეხობისა და მემამულეს შორის ღებულობდა წინააღმდეგობის ხასიათს წვრილ-ბურჟუაზიულ გლეხურ მეურნეობასა, რომელიც ცდილობდა თავისუფალ ბაზარზე გამოსვლას, და მიწებით მდიდარ, ზოგიერთ ფეოდალურ პრივილეგიებით დაჯილდოვებულ მემამულეების მეურნეობის შორის. აგრარული საკითხი რუსეთში იმდენად გამწვავდა და გართულდა, რომ არ შეიძლებოდა მას არ ეპოვნა თავისი გამოხატულება გლეხობის აჯახებაში მემამულეებისა და ცარიზმის წინააღმდეგ, რომელიც წარმოადგენდა რუსეთის სავაჭრო კა-

პიტაღორის და რუსეთის მსხვილი მემამულეების სამხედრო დიქტატურას. ამის გამო სამეფო იმპერიის გლახობა წარმოადგენდა ძალას, რომელსაც შეეძლო მხარი დაეჭირა რევოლუციონურ გამოსვლისათვის თვითმპყრობელურ თავად-ახსნურულ წესწყობილების წინააღმდეგ, ძალას, რომელსაც შეეძლო მიეცა ასეთი გამოსვლისათვის „ხალხური ხასიათი“.

რუსეთის ბურჟუაზია არ იჩენდა ბრძოლის უნარს.

ლატაკ და დაბეჩავებულ გლახობას—იმპერიის მოსახლეობის მთავარ მასას (80 პროცენტზე მეტს) არ შეეძლო ყოფილიყო ფაბრიკა-ქარხნების პროდუქციის საკმაო მომხმარებელი. მტკიცე და მდიდარი შინაური ბაზრის შექმნას ხელს უშლიდა სწორედ გლახობის გალატაკება. ამ გალატაკების შედეგი იყო უმუშევართა დიდძალი სარეზერვო არმიის შექმნა, რაც მრეწველებს ყოველთვის ხელში უგდებდა მზა-მზარეულ იაფ მუშა ხელს. ეს იყო მიზეზი იმისა, რომ რუსეთის სამრეწველო ბურჟუაზია არ იჩენდა საკმაო სურვილს რევოლუციონური ბრძოლისა რუსეთის ცარიზმის წინააღმდეგ ბურჟუაზიული წესწყობილებისათვის: მუშების უზომო ექსპლოატაციიდან მიღებული სარგებელი ზოგჯერ ავიწყებდა ბურჟუაზიას იმ ხანგრძლივ სარგებელს, რომელსაც მოუტანდა მას მეფური რუსეთის ბურჟუაზიულად გარდაქმნა და შინაური გლახური ბაზრის გაჩენა ფეოდალური მიწათმფლობელობის ნამსხვრევებზე. ცარიზმის წინააღმდეგ ბრძოლის კიდევ უფრო ნაკლებ სურვილს იჩენდა სავაჭრო კაპიტალი, რომელიც გზას იკაფავდა მეფური ბიუროკრატის დახმარებით აღმოსავლეთის ბაზრისაკენ (კავკასია, შუა აზია, შორეული აღმოსავლეთი, სპარსეთი, ჩინეთი, და სხვ.). უკანასკნელ დროს მეფის ყველა ომები (მათ შორის რუსეთ-იაპონიის ომიც) წარმოადგენდნენ ომებს რუსეთის სავაჭრო კაპიტალის სფეროს გაფართოებისათვის, ანუ სავაჭრო გზების ხელში ჩაგდებისათვის.

ასეთ კაპიტალს, ცხადია, არ შეეძლო ბრძოლა ცარიზმის დამხობისათვის. და ჩენი პარტიის პირველი ყრილობის მანიფესტმა ასე შეაფასა რუსეთის ბურჟუაზიის შინაბუნება და პოლიტიკური პოზიცია: „რაც უფრო შორს მიდის აღმოსავლეთით, მით უფრო ირყეება ბურჟუაზია“. ეს პოლიტიკური გათახსირება, როგორც ზევით არის ნათქვამი, ნაწილობრივ ახასიათებდა სამრეწველო ბურჟუაზიასაც, რომელიც მოწოდებული იყო განეხორციელებია ისტორიული ამოცანა—ბრძოლა ფეოდალურ-მეფურ წესწყობილების ბურჟუაზიული წესწყობით შეცვლისათვის. მაგრამ ეს ბურჟუაზია დიდათ არ ვასცილებია მოლიბერალო მემამულეებს: როგორც მათ, ისე მასაც სურდა გადაეჭრა საკითხი ცარიზმთან შეთანხმების გზით.



წვრილ ბურჟუაზიის როლი 1905 წ. რევოლუცი- ციაში.

საშუალო ფენები, ეგრეთწოდებული ქალაქების წვრილი ბურჟუაზია, სუსტად იყო წარმოდგენილი პოლიტიკაში. მაშინ, როცა დასავლეთ ევროპის დედა-ქალაქის ხელოსნები შეადგენენ ბურჟუაზიულ რევოლუციებში რევოლუციონურ მასების უაღრესად აქტიურ ნაწილს, ჩვენში ხელოსნები წარმოადგენდნენ მშრომელთა უმნიშვნელო და მცირე გავლენიან ფენას. მათ არ შეეძლოთ რაიმე საკუთარი დადი დაესვათ რევოლუციის წინანდელ ეპოქისათვის ან რევოლუციონურ პერიოდისათვის.

ინტელიგენციის აქტივობა.

სამაგიეროდ ნაწილობრივ წვრილ ბურჟუაზიიდან გამოსულმა ინტელიგენციამ (როგორც ტექნიკურმა, ისე იდეოლოგიურმა) საკმაოდ თვალსაჩინო როლი ითამაშა: ინტელიგენცია რუსეთში უწყურადღებოთ იყო მიტოვებული, კაპიტალმა ვერ შესძლო მისი „გულის მოგება“. თითქმის მთელი ზედმეტი ღირებულება, რომელსაც აგროვებდა უცხოეთის კაპიტალი, არ რჩებოდა სახელმწიფოში, არ ხმარდებოდა რუსეთის მეცნიერებას და ხელოვნებას, არამედ ნადიოდა უცხოელ კაპიტალისტების სამშობლოში. მეფის სახელმწიფოებრივ მანქანა დაბოროტიკობდა ისე მოუხეშავად, ის ნთქავდა ხალხის და მისი მომავლის საზარალოდ იმდენ საშუალებებს, კულტურული სიბნელე მის გარშემო იყო იმდენად გაუვალა, რომ ინტელიგენციას არ შეეძლო არ მიმხრობოდა რევოლუციას, რომლიდანაც ის მოელოდა თავისი, როგორც „ინტელექტის“, მატარებელის, ხელმძღვანელობის საერთო აღიარებას. ამ ინტელიგენციის მოწინავე, ყველაზე უფრო მოძრავი და სინდისიერად გატაცებული რაზმი—სტუდენტობა ეხმაურებოდა რევოლუციას, სოციალიზმს, სანამ ცხადი არ გახდა მისთვის წინათ გაუგებარი ქვეშარიტება, რომ რევოლუციის მთავარ ძალას, ხელმძღვანელობას, წინამძღოლს, გეგმონს წარმოადგენს მუშათა კლასი.

რევოლუციის ხელმძღვანელი კლასი.

ამ კლასს 1905 წელს უკვე ჰქონდა თავისი კლასობრივი მოძრაობის 30-ზე მეტი წლის ისტორია. ბევრი იყო უიმედობა, გულუბ-ყვრილობა და თვით ცრუმორწმუნოებაც საერთოდ ჩამორჩენილ და კულტურულად დაბლა მდგომ მუშათა კლასში, მაგრამ ის იყო ძლიერი და ორიგინალური მით, რომ მას არ გაუვლია ლიბერალური გამოთავყვანების და გაყვლეფილთა და გამყვლეფელთა ინტერე-

რესების ჰარმონიის ქადაგების გამხრწნელი სკოლა. შეგნების ნაპერწკლები, რადენადაც ისინი გამოდიოდნენ მუშათა კლასიდან, ყოველთვის მიიმართებოდნენ თავის საკუთარ კლასიურ ინტერესებისაკენ. ის რწმენაც კი „კეთილი მეფისადმი“, რომელიც აქა-იქ ჩამორჩენილი მუშების ფენებში (ამ ნახევრად გლეხებში) ყოველთვის რთულდებოდა იმ შეგნებით, რომ არ შეიძლება მეფე წინააღმდეგი იყოს მუშის და ფაბრიკანტის, გლეხის და მემამულის თანანწორობისა. რუსეთის მუშების კლასობრივი შეგნება რევოლიუციის და სოციალიზმის ჩარჩოებში მიმდინარეობდა. ამით რუსეთის მუშათა მოძრაობა განირჩეოდა ინგლისისა და ჩრდილოეთ ამერიკის მუშათა კლასის მოძრაობისაგან, სადაც ბურჟუაზიული გაიძვერები ან „სოციალისტური“ მაკდონალდები კარგად ახერხებდნენ მუშათა კლასის მოტყუებას და მასში იმ რწმენის ჩანერგვას. რომ ბურჟუაზიულ საზოგადოებაში კლასობრივი ჰარმონია არსებობს საკმაოა მოვიგონოთ კ. კაუცკის წიგნაკი „რუსეთის და ამერიკის მუშა“, როდესაც კაუცკი ჯერ კიდევ არ იყო ბურჟუაზიული შხამით შოწამლული, რომ ღირსეულად დავაფასოთ რუსეთის მუშათა კლასის ეს დამახასიათებელი თვისება.

რუსეთის მუშის აი ეს თვისება — რევოლიუციონერობა, კლასობრივი განცალკევება და შეგნება თითქმის სავსებით აქარწყლებდა რუსეთის ბურჟუაზიის „რევოლიუციონერობას“. მას არა სწამდა, რომ ასეთი მუშათა კლასი დასთანხმდებოდა მხოლოდ საომარ მასალის როლზე ცარიზმთან ბრძოლის დროს. მას არ სჯეროდა, რომ ის ბრძოლისა და გამარჯვების ნაყოფს დაუთმობდა „ნამდვილ“ პატრონს, რუსეთის ბურჟუაზიას და მის განათლებულ ვეჟილებს. ეს ბურჟუაზია საკმაოდ სუსტი სხეულით და სისხლნაკლული იყო; ის აღიზარდა მეფის თვითმპყრობელობის ორანჟერეაში და საზრდოობდა სახელმწიფო დაკვეთებით; მის თვისებას შეადგენდა პოზიორობა, ლიბერალური სიტყვები, შემთანხმებლობა მეფესთან და არა რევოლიუციონერი ბრძოლა. ის არ იყო რუსეთის რევოლიუციის მამოძრავებელი ძალა. ამგვარ ძალას წარმოადგენდა მხოლოდ მუშათა კლასი თავისი ბუნებრივი მოკავშირით — გლეხობით.

მენშევიკების კოზიცია.

ეს არ უნდოდათ და არ ესმოდათ მენშევიკებს, რადგან ისინი თვით იყვნენ წვრილ-ბურჟუაზიული და ინტელიგენტური ფენებიდან გამოსული. მათ რევოლიუცია უდაოთ ბურჟუაზიულად გამოაცხადეს და მის ჰეგემონათაც სწორედ ბურჟუაზიასა სთვლიდნენ, ხოლო მუშებს დაუტოვეს ბრძოლის ვალდებულება და ბურჟუაზიის „გადაჩოჩება“ მარცხნით ზოგიერთი სოციალური ხასიათის რეფორმებისათვის მუ-

შათა სასარგებლოდ. გლახობას კი ისინი სთვლიდენ „მქონებელ კლასად“, მას არ სთვლიდენ რევოლიუციონურ ძალათ—და უკეთეს შემთხვევაში სცნობდენ ისეთ ნეიტრალურ ელემენტად, რომლის გულის მოგება საჭირო იყო მიწის რეფორმით.

მაგრამ დიადი 1905 წლის ამბებმა გამოაშკარავეს რუსეთის სოციალური ფენების ყველა განსაკუთრებული თვისებები, ხოლო რეაქციის პერიოდმა კი ჯაში გაუკეთა როგორც რუსეთის რევოლუციის მამოძრავებელ ძალებს, ისე მის მოვლენებს.

სავსებით დადასტურდა მარქსისტი პლენანოვის წინასწარმეტყველება სოციალისტური ინტერნაციონალის ჯერ კიდევ პირველ კონგრესზე (პარიზი, 1889 წ.) „რუსეთის რევოლუცია გაიმარჯვებს, როგორც მუშური რევოლუცია, ან სრულებით არ გაიმარჯვებს“.

1905 წლის ბაზიციზმი.

1905 წელს რუსეთის მუშათა კლასი სათავეში ჩაუდგა ყველა მშრომელებსა და დაჩაგრულებს და აამხედრა ისინი დიადი ბრძოლისათვის კლასობრივი და ეროვნული მზავრელების წინააღმდეგ. მუშათა კლასმა გაამახვილა ამ წელს თავისი სპეციფიური იარაღი—გაფიცვა. თუ რუსეთში გაფიცულთა საშუალო წლიური ციფრი 10 წლის განმავლობაში რევოლუციამდე 43 ათასს უდრიდა, 1905 წლის იანვარში კი; ესე იგი რევოლუციის პირველი თვის განმავლობაში, გაფიცულთა რიცხვი იყო 440 ათასი. მაშასადამე, მხოლოდ ერთ თვეში მეტი, ვიდრე წინა ათეული წლის მანძილზე. ხოლო მთელი ამ წლის განმავლობაში გაფიცულთა რიცხვი ავიდა 2 მილიონ 800 ათასამდე. „...ეს გვიჩვენებს იმას, თუ რამდენად დიადი შეიძლება იყოს პროლეტარიატის მთვლემარე ენერჯია, ეს გვეუბნება იმას, რომ რევოლუციონურ ეპოქაში პროლეტარიატს შეუძლია ასჯერ მეტი ენერჯია განავითაროს, ვიდრე ჩვეულებრივ მშვიდობიან დროს. ეს მოწმობს იმას, რომ კაცობრიობამ 1905 წლამდე არ იცოდა კიდევ, თუ რა დიადი, რა გრანდიოზული შეიძლება იყოს პროლეტარიატის ძალთა დაჭიმვა, თუ საქმე შეეხება ნამდვილად დიადი მიზნებისათვის ბრძოლას („ლენინი“).

„რუსეთის რევოლუცია მსოფლიო ისტორიაში არის პირველი, და ის იქნება უეჭველად არა უკანასკნელი დიდი რევოლუცია, რომელშიაც მასიურმა პოლიტიკურმა გაფიცვამ არაჩვეულებრივ დიდი როლი ითამაშა“ (იგივე): ამასთანავე სპეციალურად უნდა გაესვას ხაზი პროლეტარული მასის ავანგარდის—მელითონეთა—მოღვაწეობას. მათი ხვედრითი წონა და მათ მიერ გაწეული მსხვერპლი პო-

ლიტიკურ ბრძოლაში სამჯერ აღმატებოდა მთელი დანარჩენი მასის მსხვერპლსა და წონას.

გლახობა 1905 წელში.

რა უწყობდა ხელს და უადვილდებდა მუშათა კლასს რევოლიუციის სათავეში ჩადგომას და მისინამდვილ სახალხო, „ნაციონალურ“ რევოლიუციით გადაქცევას. ეს იყო გლახობის მონაწილეობა რევოლიუციაში. გლახობის, შვეფროების და გალატაკების იმ განუწყვეტლივ მომქმედ მიზეზებს, რომლის წყარო იყო გლახების და მემამულეთა მეურნეობის იხტერესების მტრული შეტაკება ერთის მხრივ და გლახის შეტაკება მემამულესთან წოდებრივ ხაზზე მეორეს მხრივ, ახლა მოემატა რუსეთ-იაპონიის ომი, რომელიც მთელი თავისი სიმძიმით მშრომელთ, მუშებს და გლახებს დააწვა.

9 იანვარი მეფის წყალობით შეიქნა დღეთ, როდესაც ასეულ და ათასეულ მუშებთან ერთად დახვრეტილ იქნა არა მარტო მუშების რწმენა კეთილ მეფისადმი, არამედ გლახობის ფართო მასების რწმენაც მირონცხებულის ღვთიურობაში. გლახობა იქდინებდა რევოლიუციონური სულისკვეთებით, ის შეძლების დაგვარად და თავის შეზღუდულ საშუალებათა მიხედვით იღებს მაგალითს ქალაქის მუშებისაგან, რომელთაც რევოლიუციის გადამდები სენი შეჰქონდათ სოფლად და იერიში მიაქვს მემამულეთა ციხე-სიმაგრეზე. — „ჩვენ ვაცხადებთ, რომ თავის ძმებათ ვსთვლით იმათ, ვისაც ქალაქში მთავრობა „მეამბოხეებს ეძახის“ (გურიის გლახობის განცხადება მეფის მოადგილის წარმომადგენელ სულთან-კრიმ-გირეისათვის). გლახების ეკონომიური მოძრაობა გართულდა გლახების ფართე პოლიტიკურ მოძრაობით ქალაქში, პროლეტარიატის მასსიური გაფიცვების გაერთიანება გლახობის მოძრაობასთან სოფლად საკმარისი იყო იმისთვის, რომ შერყეულიყო ცარიზმის ყველაზე „მტკიცე“ და უკანასკნელი დასაყრდენი არმია: „იწყება სამხედრო აჯანყებათა მთელი რიგი ფლოტში“ (ლენინი). სამხედრო ფორმაში გამოწყობილი მუშები და გლახები აჯანყების სულის ჩამდგმელი იყვნენ; მოძრაობა ხალხური გახდა. მაგრამ მას აკლდა ერთის მხრივ სიმტკიცე და გამბედაობა მასსების, რომელნიც დაავადებული იყვნენ ნდობის სენით, მეორე მხრით აკლდა სამხედრო მუნდირში გამოწყობილ სოციალ-დემოკრატიულ მუშების ორგანიზაცია: მათ არ შესწევდათ უნარი აეღოთ მეთაურობა თავის ხელში, დამდგარიყვნენ რევოლიუციონურ არმიის სათავეში და გადასულიყვნენ შეტევაზე სახელმწიფო ხელისუფლების წინააღმდეგ.

მოძრაობის ორი უმაღლესი წერტილი.

რევოლუციონური მოძრაობის მიღწევებს შორის უნდა აღინიშნოს ორი უმაღლესი წერტილი: საგაფიცვო მოძრაობის ხაზზე—რკინისგზის სახელოვანი გაფიცვა ოქტომბერში, რომელმაც გამოიწვია 17 ოქტომბრის მანიფესტი, სასიკვდილოთ დაშინებული ცარიზმის კონსტრუქციონური ბუში; უშუალო რევოლუციონური ბრძოლის ხაზზე—მოსკოვის პროლეტარიატის დეკემბრის აჯანყება. „რუსეთის რევოლუციის განვითარებას აუცილებლად უნდა გამოეწვია შეიარაღებული გადამწყვეტი შეტაკება მეფის მთავრობისა და მოწინავე კლასიურად შეგნებულ პროლეტარიატს შორის“. (ლენინი).

მაგრამ დეკემბრის აჯანყება ჩაქრობილ იქნა და რევოლუცია შესუსტების გზით წავიდა.

დამარცხების მიზეზები.

რა არის რევოლუციის დამარცხების მიზეზი?

„გლეხებმა დასწვეს ორი ათასამდე მემამულის სასახლე, გაიყვეს ურთიერთ შორის მემამულეების მიერ, ხალხში ნაძარცვი ქონება. საუბედუროთ ეს მუშაობა ვერ იყო საკმაოდ საფუძვლიანი. საუბედუროდ გლეხებმა მაშინ გაანადგურეს მემამულეთა სასახლეების მხოლოდ ერთი მეთუთხმეტედი ნაწილი იმისა, რაც მათ უნდა გაენადგურებიათ, რათა მიწის პირიდან აღეგვათ ფეოდალურ მსხვილ მიწადმფლობელობის სამარცხვინო მოვლენა საუბედუროდ გლეხები მეტად დაქსაქსულად, უწესრიგოდ, არა ენერგიულად მოქმედებდნენ და სწორედ ამასი მდგომარეობს რევოლუციის დამარცხების ერთ-ერთი ძირითადი მიზეზი“. (ლენინი).

მრავალ მილიონ გლეხების მოძრაობის ხელმძღვანელობა მუშათა კლასის მიერ არ იყო ყველგან საკმაოდ ორგანიზაციული და საკმაოდ მტკიცე. კავშირი ვერ გამოდგა საკმაოდ მჭიდრო.

იაპონიასთან ომის დამთავრება თავის თავად აძლევდა სულის მოთქმის საშუალებას გლეხობას. ცარიზმს კიდევ ერთხელ შეეძლო გამოეყვანა გლეხების შვილები—ჯარისკაცები მშრომელი ხალხის წინააღმდეგ.

ცარიზმმა ამ შემთხვევაშიაც „საუკეთესოდ გამოიყენა მოსახლეობის ყველაზე უფრო ჩამორჩენილ, უფიც ფენების საზიზლარი ცრუმორწმუნეობა“ და მოაწყო ებრაელების დარბევა, სომეხ-თათართა ქლექა და სხვა. ამგვარად ეროვნული მოძრაობა, რომელიც უნდა გამხდარიყო რევოლუციის დამხმარე ძალად, ზოგიერთ ადგილებში საშინლად დამახინჯებულ იქნა და დიდი სარგებლობა მოუტანა რეაქციას.

306 უღალატა ჩემოლიუციას.

ბურჟუაზიამ, როგორც აფრთხილებდა ჩენი პარტია, უღალატა რევოლიუციას და გაჰყიდა ის. როცა პეტერბურგის პროლეტარიატმა ნოემბერში გამოაცხადა გაფიცვა, რათა განემტკიცებია რევოლიუციონური წესით განხორციელებული 8 საათის სამუშაო დღე—ბურჟუაზიისათვის არჩევანი აშკარა გახდა: მან და მისმა იდეოლოგებმა თვით „სახალხო თავისუფლების“ პარტიამდე, თავი შეაფარეს თვითმპყრობლობის საიმედო კალთას. რევოლიუციის დამარცხებაში, თავის თავად ცხადია, ბურჟუაზიულ პარტიებს გარდა დამნაშავენი არიან ორ სკამზე მჯდომარე და მათ კუდში მაჩანჩალა წვრილ-ბურჟუაზიული პარტიები. ესენია მენშევიკები, ესერები და სხვ. ჰქონდათ რა გავლენა მუშათა კლასის და გლეხობის მნიშვნელოვან მასსებზე, ეს პარტიები რევოლიუციის დასაწყისში თამაშობდნენ რევოლიუციონური მოძრაობის განვითარების მუხრუჭის როლს, ბოლოს კი მკვდარის, უსარგებლო გვამის როლს. რევოლიუციის კლასიური ხასიათის შეფასებაში, მისი მოძრავი ძალების და ბრძოლის საშუალებათა საკითხში მენშევიზმი თავის თავს ბოლშევიზმს უპირდაპირებდა. ამ მტრულ და შეუთრგებელ განსხვავებას ვხედავთ ისეთ ცენტრალურ საკითხებში, როგორიც არის: 1) აჯანყების მომზადება, 2) რევოლიუციის ხელმძღვანელობა, 3) ბურჟუაზიული დიქტატურა თუ პროლეტარიატის და გლეხობის რევოლიუციონურ-დემოკრატიული დიქტატურა ნამდვილ დემოკრატიული რესპუბლიკის უზრუნველსაყოფად და მუშათა კლასის პროგრამა-მინიმუმის განსახორციელებლად, 4) საბჭოების როლი.

მენშევიზმის ოპორტიუნიზმი და კუდში მაჩანჩალობა ასუსტებდა რევოლიუციის ისეთ მნიშვნელოვან ინსტრუმენტს, როგორიც იყო რევოლიუციონური პროლეტარიატის პარტია. მენშევიკურმა ჟანგმა, რომელიც ნახევრად მოედო ჩვენს იარაღს, დაასუსტა მთელი მოძრაობა. ბურჟუაზია ამოეფარა თვითმპყრობელობის კალთებს, ბურჟუაზიას და ლეგალიზმს გაჰყვა მენშევიზმიც.

მუშათა კლასის პარტია განიწმინდა და მით გაძლიერდა. მან შეითვისა 1905 წლის, ამ „გენერალურ რეპეტიციის“, მთელი გამოცდილება და 1 ნახ. ათეული წლის შემდეგ ხელმძღვანელობა გაუწია გრანდიოზულ პროლეტარულ გადატრიალებას ბურჟუაზიის, მემამულეების, მენშევიკების, ესერების და კაპიტალის სხვა მოკავშირეების წინააღმდეგ.

როდის წარმოიშვა საბჭოთა ორგანიზაციული ფორმა.

თუ ამ გადატრიალების გულს შეადგენს მარქსისა და ლენინის მთელი მოძღვრება პროლეტარული დიქტატურის შესახებ, რომელიც ამ მოძღვრებით წარმოადგენს უკლასობრივო და უსახელმწიფოებრივო კომუნისტურ საზოგადოებას, სამაგიეროდ დიქტატურის მამოძრავებელ კუნთებს რუსეთის სამეურნეო-კულტურულ პირობებში შეადგენს ლენინის მოძღვრება და საბჭოთა სახელმწიფოებრივობის პრაქტიკა—მუშურ-გლეხური ბლოკი, კავშირი, პროლეტარიატისა და მისი პარტიის ხელმძღვანელობის ქვეშ. ამ მოძღვრების საფუძვლები წარმოიშვა სწორედ 1905 წელს, ის განსახიერდა ბოლშევიკების უმნიშვნელოვანეს ლოზუნგში პროლეტარიატის და გლეხობის რევოლიუციონურ-დემოკრატიულ დიქტატურის შესახებ.

საბჭოთა ხელისუფლება—ნაპოენი ისტორიული ფორმა არის; მასში ხორციელდება პროლეტარიატის დიქტატურა, რომელიც მუშათა და გლეხთა ბლოკს ხელმძღვანელობს.

ეს თავისებური მისიური ორგანიზაცია გაჩნდა რუსეთის სხვადასხვა ქალაქებში 1905 წელშიაც, და ლენინის ანალიზატორულმა გონებამ მაშინვე დაინახა მასში აჯანყების ხელმძღვანელი ორგანო, ორგანო რევოლიუციონური ხელისუფლების, მუშათა და გლეხთა ეხალი ტიპის სახელმწიფოს ჩანასახი. სოც. საბჭოთა რესპუბლიკების კავშირის 8 წლის არსებობა მეფის იმპერიის ნანგრევებზე უდავო დამტკიცება არის იმისა, რომ მშრომელთა საბჭოების როლი სწორადაა შეფასებული,—ეს საბჭოები წარმოადგენენ აჯანყებისა და მუშურ-გლეხური სახელმწიფოების ორგანოებს.

1905 წლის რევოლიუციის ცეცხლში პროლეტარიატმა გამობრძმედა თავისი იარაღი, ლენინურად განამტკიცა თავისი პარტია და მით უზრუნველჰყო უფრო გრანდიოზული „შესწორება“ და ძლიერ-მოსილი გამოცემა 1905 წლის.

1905 წელი ამიერ-კავკასიაში.

რევოლიუციონურ მოძრაობას ა/კ. (და საქართველოში) ზოგიერთი განსაკუთრებული თვისებები ჰქონდა, რომლებიც უნდა აღინიშნოს.

მოძრაობის განსაკუთრებული ორგანიზაცია არა მარტო სამრეწველო ცენტრებში (და საერთოდ ქალაქებში) როგორც არის ბაქო, თბილისი, ბათუმი და ქუთაისი, არამედ სხვა ასეთ ქალაქებშიაც კი

იძლეოდა სოციალ-დემოკრატიული პარტიის ხელმძღვანელობის პრო-
ლეტარულ მასებთან მწყობრი მოძრაობის სურათს.

საყოველთაო გაფიცვები ბაქოში ნიმუში იყო სიმტკიცისა და
წესრიგისა.

ქალაქის მუშათა უმუშალო გავლენის ქვეშ ზოგიერთ რაიონში
გლეხებიც ამოძრავდნენ. დასავლეთ საქართველოს (განსაკუთრებით
გურიის) სოფელი მემამულეებისა და მეფის ბიუროკრატიის წინააღ-
მდეგ დარაზმულ ბრძოლაში უკან არა რჩებოდა ქალაქს. იქ 1905
წლიდან იყო მღელვარების ფერმენტი, როდესაც ქარხნებიდან დათ-
ხონილი ბათუმის მუშები ნაწილობრივად სოფლებში იყვნენ ძალად
დამკვიდრებულნი.

ქართველი და რუსი მენშევიკები ერთი წყლის ხალხია.

ზოგიერთები ფიქრობენ, რომ ქართველი მენშევიკები მაშინ
იყვნენ თითქმის ბოლშევიკები, რადგან ისინი გაბედულად ებრძოდნენ
მემამულეებს, ბოქაულებს, ჯაშუშებს და სხვ. შემცდარი აზრია. ტე-
რორს მიმართავდნენ (და უფრო ხშირადაც მიმართავდნენ) დაშნაკლე-
ბიც, მაგრამ ამ გარემოებას არ გამოუცვლია ისინი. და რომ ქარ-
თველი მენშევიკები, რომლებიც თოფს ესროდნენ ზოგიერთ „ძლიერ“
მემამულეებს, ჯაშუშებს, მეფის ბოქაულებს, მაინც შორს იდგნენ ბოლ-
შევიკურ რევოლუციონერობისაგან, ამას ამტკიცებს თუნდაც ასეთი
ცნობა: როდესაც გურიაში გაუქმებული იყო მთავრობის და სამოსა-
მართლო აპარატი, როდესაც იქ შემოღებული იყო ხალხის თვით-
მართველობა, მენშევიკებმა მემამულეთა მთელი მიწების კონფისკა-
ციის ნაცვლათ დააწესეს მხოლოდ დაკლებული, „სამართლიანი“ საი-
ჯარო გადასახალი მიწებზე, რომლებზედაც გლეხები ეწეოდნენ მეურ-
ნეობას. ქართველ მენშევიკების წვრილ ბურჟუაზიული ბუნება, რო-
მელიც ასე საზიზღრათ გამოაშკარავდა პროლეტარულ რევოლუციის
წლებში, შესამჩნევი იყო ჯერ კიდევ 1905 წ.

მოძრაობას ამიერ-კავკასიის გადამწყვეტ ცენტრებში (და გან-
საკუთრებით საქართველოში) ჰქონდა ზედმიწევნით ინტერნაციო-
ნალური ხასიათი.

კლასიური მომენტი იყო მთავარი. მშრომელნი ნაციონალურ
მოთხოვნილებებს არ აყენებდნენ, რადგან ფიქრობდნენ, რომ წესწყო-
ბილების დემოკრატიზაციის შემდეგ ეროვნული ინტერესები სავსე-
ბით დაცული იქნებოდა. არავითარ სიძულვილს ან უნდობლობას
რუსეთის მუშისა და გლეხისადმი ადგილი არ ჰქონია. მათთან ერთად
სინხარული, მათთან ერთად ბრძოლა საერთო მტრის წინააღმდეგ და

მათთან ერთად უკეთესი მომავლის მიღწევა -- ასეთი იყო განწყობილება.

მეფის ჯოჯოხეთურმა ზრახვამ ამიერ-კავკასიის ხალხთა შორის შუღლის ჩამოგდების შესახებ, გამარჯვება ჰპოვა ამიერ-კავკასიის მხოლოდ აღმოსავლეთ ნაწილში: სომეხ-თათართა ხოცვა-ჟლეტა, მოძმეთა დაღვრილა სისხლის ზღვა აქრობდა რევოლიუციონურ ცეცხლს.

მიუხედავად განმეორებითი ცდისა ცარიზმმა და მისმა მოციქულებმა (პუბლიცისტი ველიჩკო) ვერ მოახერხეს ეროვნებათა შორის ბრძოლის გაჩაღება საქართველოში. უფრო მოხერხებული იყვნენ ამ ჯოჯოხეთურ მუშაობაში ქართველი მენშევიკები ოქტომბრის რევოლიუციის შემდეგ, როდესაც ნაციონალიზმის და შოვინიზმის ყველა მხეცებთან ერთად ფრონტი შეაბრუნეს არა მარტო რევოლიუციის, არამედ სომხების, რუსების, თათრების, ოსების, აფხაზების, აჭაოლების და სხვ. წინააღმდეგ.

1905 წლის რევოლიუციის მნიშვნელობა მსოფლიოში.

1905 წლის რევოლიუციას, რომელიც იყო საერთო სახალხო, ეროვნული რევოლიუცია, ჰქონდა მსოფლიო მნიშვნელობა. მან არა მარტო სასიკვდილოთ დააფრთხო თვითმპყრობელობა რევოლიუციონურად ამოძრავებულ ხალხთა საშიშროებით, არამედ მან გამოაღვიძა აღმოსავლეთიც. „რუსეთის რევოლიუციამ გამოიწვია მოძრაობა მთელ აზიაში. რევოლიუცია ოსმალეთში, სპარსეთში, ჩინეთში, ამტკიცებს, რომ 1905 წლის მძლავრმა აჯანყებამ დააჩნია ღრმა კვალი და აღმოუფხვრელია მისი გავლენა, რომელიც გამოიხატა ასეულ მილიონიან ხალხთა შეტევითი მოძრაობაში“. (ლენინი).

ჩვენი პირველი რევოლიუციის გამოხმაურებათ უნდა ჩაითვალოს ის გარემოებაც, რომ ბრძოლა საყოველთაო საარჩევნო უფლებებისათვის ავსტრიაში სრული გამარჯვებით დამთავრდა. მთელმა მსოფლიომ გაიგო, რომ მიუხედავად რევოლიუციის დამარცხებისა, წარმოიშვა რევოლიუციონური რუსეთი და ამიერიდან მეფის რუსეთი, „ევროპის უანდარმი“ განწირულია სასიკვდილოთ მშრომელთა რევოლიუციის მეორე შემოტევის დროს.

1917 წ. იანვარში ლენინმა თავისი მოხსენება ციურხის ახალგაზრდობის აუდიტორიის წინაშე შემდეგი სიტყვებით დაასრულა: „რუსეთის რევოლიუცია (1905 წ.) წარმოადგენს ევროპის მომავალ რევოლიუციის შესავალს. ექვს გარეშეა, ეს მომავალი რევოლიუცია, შეიძლება იყოს მხოლოდ პროლეტარული რევოლიუცია. ეს მომავალი რევოლიუცია კიდევ უფრო თვალსაჩინოდ დაგვანახებებს, რომ მხო-

ლოდ სასტიკი ბრძოლები, სწორედ სამოქალაქო ომები გაანთავისუფლებენ კაცობრიობას კაპიტალის უღლისაგან და მეორეს მხრივ, რომ მხოლოდ კლასიურად შეგნებულ პროლეტარებს შეუძლიათ გამოვიდნენ და გამოვლენ კიდევ ექსპლოატაციის ქვეშ მყოფთა დიდ უმრავლესობის სახით“...

არ გასულა 10 თვე და ამ სიტყვების ავტორი ხელს აწერდა დედამიწის ერთი მეექვსედის პროლეტარულ მთავრობის დეკრეტებს. ყველა მშრომელებთან ერთად 1905 წელს ლენინმა მოაწყო „გენერალური რეპეტიცია“, 1917 წელს მან დაანახვა მთელ მსოფლიოს „თუ როგორ კეთდება ეს საქმე“ და რას ნიშნავს იგი. ამით ლენინმა დაიმსახურა სოციალისტური რევოლიუციის უდიდესი ხელოსანის, პროლეტარული გადატრიალების დანტონის სახელი (ტაში).

1905

ოცი წლის უმადებ.

(ამხ. ლ. დ. ტროცკის მოხსენება სრულიად საკავშირო პოლიტ-კა-ტორღელთა მეორე ყრილობაზე 1925 წ. დეკემბრის 26-ს.

ამხანაგებო! კაცობრიობის ისტორიამ იცის მთელი რიგი მაგალითები, როდესაც ტანჯული მასა კონვენსიულურად აღმდგარა მტანჯველთა და ტანჯვა-წვალების წინააღმდეგ. წლებისა და ათეულ წლების ბნელეთით მოცული მონობა გაურღვევია, არღვევს და კვლავ გაარღვევს აღშფოთებით გამოწვეული აფეთქებანი, ხოლო ამ აფეთქებათა ისტორიული მნიშვნელობა განისაზღვრება ქვეყნის, სადაც ის მოხდა, კულტურული დონით, მასის რაოდენობით, რომელიც მასში მონაწილეობდა და ხელმძღვანელთა შეგნებით, რომელთა მეთაურობით აჯანყებული მასა ბრძოლას აწარმოებდა. კაცობრიობის ისტორიაში არის წლები, რომელნიც არა მარტო თითოეული რევოლუციონერის, არამედ თითოეული წერა-კითხვის მცოდნე ადამიანის მეხსიერებაში ტანჯულთა ბანაკიდან, მოსჩანან ბრინჯაოსაგან სამუდამოთ ჩამოსხმულად და აშკარად განირჩევიან იმ წელთა დაუბოლოვებელი მწკვრივისაგან, რომელთაც არ გააჩნია არც ტანი, არც სახე.

1793 წელი კაცობრიობის მეხსიერებაში დარჩა როგორც ერთი ასეთი ლითონის წელთაგანი, როდესაც იაკობინელების, მე-18 საუკუნის ამ ბოლშევიკების ხელმძღვანელობით, პლებსმა, სანკიულოტებმა, ხელოსნებმა და ნახევრად პროლეტარებმა, პარიზის მიდამოთა ჩაგლეჯილებმა, ნახევრად ტიტვლებმა, დააწესეს რკინის დიქტატურა და მოახდინეს დაუფიწყარი გასამართლება ძველი საზოგადოების მპყრობელ გვირგინოსანთა და პრივილეგიის მქონე პირთა.

1848 წელი სცოცხლობს კაცობრიობის მეხსიერებაში იმდენათ არა, რომ ჩამორჩენილი ბურჟუაზია შეეცადა იმ წელს ხელთ ეგდოძალა-უფლებმა, რამდენათაც იმით, რომ თავისი პოლიტიკური სურვილების გამომხატველი მხდალი და მრუში ბურჟუაზიის გავლენისაგან განთავისუფლდა და უკვე ახალგაზრდა, ლომისებური თავი წამოიყუ პროლეტარიატმა.

1871 წელი აღიბეჭდა მშრომელთა მეხსიერებაში იმ წელიწადათ, როცა პარიზის გმირმა პროლეტარიატმა სცადა ხელში აეღო ახალი, განათლებული საზოგადოების მართვებლობა.

1905 წელი ერთი ასეთი ბრინჯაოს წელთაგანია კაცობრიობის ისტორიაში და განსაკუთრებით ჩვენთვის. 1905 წლამდე ჩვენმა ისტორიამ რევოლიუცია არ იცოდა. ჩვენში იყო სასტიკი გლეხური „ბუნტები“ როგორც რაზინშიჩინა და პუგაჩოვშიჩინა. ოთხმოცი წლის წინად ჩვენს პირველ რევოლიუციამდე, — 1825 წელს — პეტერბურგი დეკაბრისტების გამირული აჯანყების ასპარეზი იყო. ყველაფერი ეს რევოლიუციის აუცილებელი ელემენტებია, მაგრამ ის რევოლიუცია კიდევ არ არის. გლენთა მოძრაობას არ გააჩნდა ხელმძღვანელობა ისეთი კლასისა, რომელსაც შეეძლებოდა ხელთ ძალა-უფლების აღება. დეკაბრისტების აჯანყებას არ გააჩნდა სოციალური დასაყრდენი, ნამდვილმა რევოლიუციამ რუსთა მიწა-წყალზე პირველად იფეთქა მხოლოდ ოცი წლის წინად.

1905 წლამდე რევოლიუცია ჩვენთვის იყო ან თეორეტიული შემეცნება, ან რომანტიული მოგონება სხვათა ბრძოლაზე, ან იმედი. საფრანგეთის დიდი რევოლიუციის სახენი, კონვენტისა და პარიზის მიდამოთა სცენები, პირველად ეთანაბრებოდენ მოგონებებს პუგაჩოვშიჩინაზე, შემდეგ უფრო და უფრო — საყოველთაო გაფიცვის იდეას. და მხოლოდ 1905 წელი ჰქმნის ჩვენთვის რევოლიუციის მშობლიურ ნაციონალურ სტიქიათ. მშრომელთა ახალი თაობანი მონაწილეობენ ამ რევოლიუციაში, — მის განცდებს, მის სანახევრო გამარჯვებებს, მის სასტიკ გაკვეთილებს ისისხლხორცებენ. ხდება ხალხის სულიერი გადახალისება. მხოლოდ 1905 წლის რევოლიუციაში გავლით ჩვენმა ქვეყანამ 12 წლის შემდეგ შესძლო შთაეწერა ის ჯორიაში ყველა წლებზე უუდიდესი — 1917.

1905 წლის რევოლიუციაში ერთსა და იმავე დროს გამოსავალსა და გადაქრას ეძიებდა სამი სხვადასხვა ისტორიული წინააღმდეგობანი, რომ გაგებულ იქნას ამ წლის შინაგანი დინამიკა, მისი მსვლელობა და გამოსავალი, უნდა აუცილებლათ თვალწინ გვედგას წინააღმდეგობათა რთული თვითქმედება სამი თანამიმდევრობითი ისტორიული რიგებისა: უპირველესად, ფეოდალური საზოგადოებიდან აღმოცენებული წინააღმდეგობა ნახევრად ბატონ-ყმურ გლეხობისა და ბატონ-ყმურ მემამულეთა კლასს შორის; მეორედ, წინააღმდეგობა განვითარებაში მყოფ ბურჟუაზიულ საზოგადოებასა და ძველ, ნახევრად ბატონ-ყმურ წყობილებას შორის; დაბოლოს, წინააღმდეგობა მესამე, ახალი რიგისა: პროლეტარიატსა და ბურჟუაზიას შორის.

1905 წლისათვის რომ ისტორიას არ მოეტანა უაღრესი წინააღმდეგობა გლენსა და ბატონს შორის, ჩვენ ვერ გავხდებოდით სამი რევოლიუციის მონაწილენი, რომელნიც ასე კანონიერ-შეწონილათ არიან ასახულნი: 1905 წელი, 1917 წლის თებერვალი და ოქტომბერი. ანტაგონიზმი გლენობასა ერთის მხრით, მემამულეთა წოდებასა და



სახელმწიფოს შორის მცორეს მხრით—ის დაუშვრეტელი მარაგი იყო ხალხური რევოლიუციონური ვნებისა, რომლის წყალობითაც ასეთი გიგანტიური გაქანება მიიღო ჩვენმა რევოლიუციამ. მაგრამ მხოლოდ ეს ერთი ანტაგონიზმი რევოლიუციისათვის საკმაო არ არის: რევოლიუციონური ქალაქის ხელმძღვანელობის გარეშე გლახთა მოძრაობას არ შეეძლო ამალღებულები ახალ პუგაჩოვშინაზე ზევით.

რომ არ გვეკონოდა პოლიტიკურად მომწიფებული წინააღმდეგობანი პროლეტარიატსა და ბურჟუაზიას შორის, ე. ი. რომ ჩვენ არ გვეყოლოდა მძლავრი, ინდუსტრიალური პროლეტარიატი, რევოლიუცია, როგორც დიდი რევოლიუცია, შეუძლებელი იქნებოდა; მხოლოდ იმ შემთხვევაში, უკეთეს გლახთა მასების სათავეში ჩადგებოდა ქალაქთა წვრილი ბურჟუაზია,—ჩვენში მოხდებოდა საფრანგეთის დიდი რევოლიუციის ტიპის რევოლიუცია. მაგრამ ამ შესაძლებლობას ჩვენ წარმოვიდგენთ მხოლოდ ლოლიკურად. რეალურმა ეკონომიურმა განვითარებამ ის მეტის-მეტად უკან დასტოვა.

ბატონყმობამ და მეფობამ ჩვენში მიაღწიეს იმ ეპოქამდე, როცა მათ კალთებს ქვეშ დამკვიდრდა მსხვილი კაპიტალისტური მრეწველობა, რომლის საშოში ღრმა წინააღმდეგობა დაგროვდა პროლეტარიატსა და ბურჟუაზიას შორის. აი რატომ 1905 წლის რევოლიუცია ნიშნავდა აუცილებლათ კითხვის დაყენებას იმის შესახებ, თუ ვინ უხელმძღვანელებდა ძველს, ნახევრად ბატონყმური წესების მოსპობას—ბურჟუაზია თუ პროლეტარიატი? ეს კი ნიშნავდა ახალი კითხვის დაყენებას—ქალაქის მებრძოლ ორ კლასთაგან რომელი აიღებდა თავის თავზე გლახთა სტიქიური მოძრაობის ხელმძღვანელობას: ლიბერალური ბურჟუა, თუ სოციალისტური პროლეტარი?

ქვეყანა ჯერ კიდევ ბურჟუაზიული რევოლიუციით იყო ფეხ-მძიმეთ. ეს უკანასკნელი კი თავის საშოში ატარებდა პროლეტარიატის რევოლიუციას. აი, რატომ, როდესაც გამოიჩნდა, რომ დამარცხებულმა 1905 წ. გადაუჭრელი დასტოვა აგრარული საკითხი, ჩვენ ასე დარწმუნებით მოველოდით მეორე რევოლიუციონურ ტალღას. და აი რატომ, როცა პირობები მომწიფდა, ეს მეორე ტალღა, ბურჟუაზიულ-დემოკრატიული რევოლიუცია 1917 წლის თებერვლისა, 8 თვის შემდეგ განთავისუფლდა სოციალური ფეხმძიმობისაგან პროლეტარიატის რევოლიუციის შობით. ის, რაც ინგლისში, უძველეს კაპიტალისტურ ქვეყანაში, გაგრძელდა სამი საუკუნე (1648 წლის დასაწყისიდან და უფრო ადრე) ის ჩვენში, ჩამორჩენილ ქვეყანაში, გაკეთდა 12 წლის განმავლობაში (1905—1917).

ეს დავიმახსოვროთ: სამი რიგის ისტორიული წინააღმდეგობანი შემჭიდროვდა 1905 წელში, მათ ასაზრდოვეს რა ერთმანეთი, იმავე დროს გათიშეს, გაანადგურეს ერთმანეთი. 1905 წლის მსვლელობა და გა-

მოსავალი განისაზღვრება ამ წინააღმდეგობათა ურთიერი გაღვნიით. რევოლიუციის წელიწადი იწყება 9 იანვრის სისხლიანი კვირით და თავდება 19 დეკემბერს, როცა დარბეული მოსკოვი სავსებით მინისა და ღუბასოვის ხელში აღმოჩნდა. ამნაირათ, 1905 წელი სხვა რევოლიუციონური წლებისაგან განსასხვავებლათ კალენდარულათ ეთანხმება მომხდარ ამბავთა ძირითად გაქანებას. იანვარიდან დეკემბრამდე იშლება პროლეტარიატის რევოლიუციონური ამბაღება, რომელიც შემდეგ მსწრაფლ ეცემა აქ, მოსკოვში, პრესნის საბარაკადო ბრძოლაში. მუშათა კლასის ძალუმი მოძრაობა ნებას არ აძლევს ბურჟუაზიას მიზნად დაისახოს აბობოქრებული გლეხობის დაპყრობა, თავის გაღვნიის ქვეშ დაყენება, მაგრამ მუშაც ვერ ახერხებს გაიყოლიოს სოფელი. **ბურჟუაზია ვერც ბედავს და არც სურს, პროლეტარიატს კი—არ ძალუძს.** და აი, ამ რევოლიუციონური უმეფობით განისაზღვრება 1905 წლის ბოლო.

მართალია, 1905 წელს სოფელმა უკვე გამოიჩინა ბრძოლის უდიდესი ენერგია, მაგრამ გლეხთა მოძრაობა დაქსაქსული, გაფანტული, რომელიც პოლიტიკურად ოდნავ შორდებოდა საშუალო საუკუნეს, ვერ უთანხმდებოდა პროლეტარიატის მოძრაობას, რომლის მობილიზაცია შედარებით ჩქარა მოხდა. გლეხთა მოძრაობის ფართო გაქანება იწყება მხოლოდ 1905 წლის შემოდგომიდან და გრძელდება 1906 წლის ზაფხულამდე, ამასთან ეს მოძრაობა უმაღლეს წერტილს აღწევს, თუმცა არა საკმაო სიმაღლემდე, მხოლოდ მაშინ, როცა პროლეტარიატის შეტევა უკვე მოგერიებული იყო.

ჯარი, ყაზარმაში მოთავსებული, გლეხობის გამომხატველია, მაგრამ ეს ჯარისკაცები გაწვეულნი არიან რევოლიუციის დაწყებამდე. და აი, იმ გლეხთა არმიას, რომელსაც ჯერ კიდევ არ გაუვლია გლეხთა აგრარული მოძრაობის სკოლა, მუშათა კლასი ვერა სძლევს. 1905 წელმა, ახლანდელი სიტყვებით რომ გამოვსთქვათ, ჯერ კიდევ არ იცოდა პოლიტიკური კავშირი ქალაქსა და სოფელს, პროლეტარიატსა, გლეხობასა და გლეხობიდან გამოსულ ჯარს შორის.

მაგრამ რევოლიუციონური კავშირის აუცილებლობას მწვავედ გრძნობდენ მასები, არა მარტო პროლეტარული, არამედ გლეხური. მართლაც აღსანიშნავია, რომ 1905—1906 წლებში რევოლიუციის სოფელი ეძახდა არა სხვა სახელს, თუ არ გავიფიქრებ... ეს ჩვენ უკვე დაგვაიწყდა: მცირე წელთ არ გაუვლია და თითოეულ მათგანს ჩვენს მენხიერებაში საკმაო ჭრილობანი დაუტოვებია. მაგრამ ეს ფაქტი უნდა მოგონებულ იქნას, რადგანაც ის უაღრესად ნიშანდობლივია. გლეხები ამბობდენ ჩვენ გავიფიცეთ მემამულის პირუტყვი, ჩვენ გავიფიცეთ მემამულის პური, ჩვენ გავიფიცეთ მიწა, ზოგიერთ შემთხვევაში ასეც ამბობდენ ჩვენ გავიფიცეთ მემამულე (Забастовали

помещика). ეს უქანასკნელი გამოთქმა კი ნიშნავდა, რომ გლეხებმა მიიღეს რა „საკუთარი ზომები“, წითელი ტერორი, მოჰკლეს უახლოესი მტერი. ასეთი გამოთქმით გლეხობა აშკარად ამბობდა, რომ პოლიტიკურად მისი ხელძღვანელი იყო მუშათა კლასი. და თუ არ მოხდა და არც შეიძლება მომხდარიყო სათანადო კავშირის გაბმა ერთბაშად, რევოლიუციის პირველსავე აბობოქრებისთანავე, ეს იმიტომ, რომ მასები სწავლობენ არა წიგნების საშუალებით და რევოლიუციაც არ ხდება გეგმის თანახმად. შემეცნების საფუძველია გამოცდილება, გამოცდილების საფუძველი—მოქმედება. სწორედ უპირველესად იმიტომადი დიდებული 1905 წელი, რომ მან პირველად ჩვენი განვითარების ყველა საკითხი დააყენა არა ქალაქებში, არამედ გიგანტიურ რევოლიუციონურ შეტაკებებში; რომ ყველა სოციალური წინააღმდეგობანი მან გვაჩვენა თავის ურთიერთ ზედმოქმედებაში: რომ ყველა კლასები დაუპირდაპირა ერთმანეთს, ასწონა რა ისინი რევოლიუციის სასწორზე. ამ ბრძოლაში პროლეტარულმა ავანგარდმა ჰპოვა თავისი გზა. ამ ცდაზე საბოლოოდ ჩამოყალიბდა ბოლშევიზმი.

მას შემდეგ, რაც დაპატიმრებულ იქნა პეტერბურგის საბჭო; მას შემდეგ, რაც სემიონოვის პოლკმა დაარბია პროლეტარული მოსკოვი და ქალაქის ბატონ-პატრონი შეიქნა დუბასოვი; მას შემდეგ, რაც რკინის გზის ხაზებზე დაიწყო რეპრესიები,—ავარარულ მღელვარებას, თუმცა გაძლიერებულს, არ შეეძლო მეფობის დამხობა. აი, აქ არის დამარცხების მიზეზი.

მაგრამ იყო თუ არა ეს სრული დამარცხება. არა. როგორც 1905 წლის 17 ოქტომბერს ჩვენ ვამბობდით, რომ გამარჯვება ჯერ კიდევ არაა, არის ნახევრად გამარჯვება, ისე 1905 წლის დეკემბრის გასულს ჩვენ ვამბობდით, რომ დამარცხება არ არის. არის ნახევრად დამარცხება. მეფობა თავის ალაგას შერჩა, მაგრამ ის იყო შერყეული მეფობა, თუმცა ის რეაქციის ხანაში თავხედურად იწვევდა ხალხს. სტოლიპინი, ეს ყველაზე უფრო „წარჩინებული“ სამი ივნისის მონარქიის წარმომადგენელთაგან, გაიძახოდა სათათბიროში: „ვერ შეგვაშინებთ“-ო. ხოლო ვაჟიდა ხანი და შეაშინეს (ტაში), დააშინეს—სიკვდილით. (ტაში). ვ ივნისის მეფობა, რომელმაც გამოიარა 1905 წელი, მაინც მეტის მეტად მამაცობდა, მაგრამ მის ხერხემალი მაგრად იყო ჩაჭდობილი ტყვია შემდეგი დალით—„წითელი პრესნა 1905 წლისა“. (ტაში).

და ამ ნახევრად გამარჯვებულმა, ნახევრად დამარცხებულმა 1905 წლის რევოლიუციამ შეარყია ძველი საზოგადოების საფუძველნი ევროპასა და აზიაში. ეს უნდა გვახსოვდეს ოცი წლის თავზე.

ავსტრიის ერებმა პეტერბურგის და მოსკოვის მუშათა ხელიდან მიიღეს მაშინ საყოველთაო საარჩევნო უფლება: ჰაბსბურგთა მონარქია შედრკა რევოლიუციონური გაფიცვის წინაშე.

გერმანიის სოციალ-დემოკრატია, რომელსაც მაშინ ღრღინდა ოპორტიუნისმი, მუშათა მასების ძალდატანებით იძულებული შეიქნა ბრძოლის საშუალებათა რიცხვში ოფიციალურად შეეტანა საყოველთაო პოლიტიკური გაფიცვა და თუ ბელადები თვალთმაქცობდნენ, გერმანელი მუშების ახალი თაობა სერიოზულად ჰკიდებდა ხელს ამ იარაღს და სწორედ 1905 წლის გაკვეთილებზე აღიზარდნენ მომავალი სპარტაკელების კადრები.

საფრანგეთში 1905 წლის ძალუმი ბრძოლების უშუალო ზგავლენით იშვა რევოლუციონური სინდიკალიზმი, რომელმაც ნიადაგი მოამზადა ახლანდელი კომუნისტური პარტიისათვის.

იმავე პერიოდში ინგლისში ჩვენ ვხედავთ ძლიერ გაფიცვებს, რომლებმაც შეარყიეს ძველი კონსერვატიული ტრედ-უნიონები და პირველი მაუწყებელნი შეიქნენ იმ დიადი სამოქალაქო ბრძოლისა, რომლებიც ინგლისში ხდება.

აზიაში, რომელშიაც მოსახლეობს კაცობრიობის ნახევარზე მეტი და რომელიც დიდი ხანი არაა მას შემდეგ, რაც სამუდამო გაყინვის, გაჩერების მატერიკად ითვლებოდა, 1905 წელმა გამოიწვია სამი რევოლუცია: სპარსეთში, ოსმალეთში და ჩინეთში.

არა, 1905 წელს უკვალოდ არ ჩაუვლია კაცობრიობის ისტორიაში, ის არ ჩაითვლებოდა უკვალოდ იმ შემთხვევაშიაც, მას რომ არ ეშვა 1917 წელი. მაგრამ თავისი უშუალო მიზანი, თვითპყრობელობის ჩამოგდება, ბატონ-ყობის მოსპობა, ჩვენმა პირველმა რევოლუციამ ვერ გადასჭრა. თვით პროლეტარიატმა მხოლოდ 1905 წ. დეკემბერში გაიგო, ახლანდელი აზრით, რას ნიშნავს რევოლუცია, რას ნიშნავს ბრძოლა ძალა-უფლებისათვის, — შეიგნო საბოლოოდ როგორის დაუდევრობით, როგორის სისასტიკით მქონებელი კლასები იცავენ და დაიცავენ თავიანთ ბატონობას. მარქსის სიტყვები იმის შესახებ, რომ კრიტიკის იარაღს რევოლუცია გადააქცევს კრიტიკად იარაღისა, ახლანდელის გაგებით შეითვისა მუშათა კლასის ავანგარდმა ოქტომბრის მანიფესტის შემდეგ, როცა რეაქცია გადმოვიდა კონტრ-შეტევაზე.

ამასთან დაკავშირებით მე მაგონდება ორი სცენა პეტერბურგის საბჭოს იმ დროინდელ ცხოვრებიდან. ერთი — 29 ოქტომბერს, ქალაქში გავრცელებული იყო საშიში ხმები იმ „პროგრომი“ შესახებ, რომლისათვისაც ემზადებოდა შავი რაზმი და საბჭო საწინააღმდეგო ზომებს იმუშევებდა. მუშა დეპუტატები, მოსულნი საბჭოს სხდომაზე პირდაპირ ქარხნებიდან, ტრიბუნიდან აჩვენებდნენ იმ იარაღის ნიმუშებს — ხმლისა, ხანჯლისა და სხ. რაც მუშებს გაეკეთებიათ შავი რაზმის წინააღმდეგ. ისინი არჩვენებდნენ ფინურ დანებს, კასტეტებს, ხანჯლებს, მავთულის მათრახებს, აქნევდნენ ჰაერში, მაგრამ ყვე-



ლაფერი ეს უფრო გართობა იყო, ვიდრე საქმე,—ეს იყო ოხუნჯობა, ხუმრობა. ისინი თითქოს ფიქრობდნენ, რომ მზადება თავის თავად სწყვეტდა წინააღმდეგობის გაწევის საკითხს. მათი უმრავლესობა ჯერ კიდევ ვერ გამსჭვალულიყო იმ აზრით, რომ იღვა სიკვდილ-სიცოცხლის საკითხი და მხოლოდ უღმობელ კრიტიკას იარაღით შეეძლო საბოლოოდ განადგურება სახელმწიფოსი და უპირატესობით აღჭურვილი საზოგადოებისა, და აი, ეს ასწავლეს მათ დეკემბრის დღეებმა.

მ დეკემბერს პეტერბურგის საბჭოს ალყა შემოარტყეს გვარდიელებმა, იქ იყო ამ ჯარის ნაწილები ყოველგვარი იარაღით. აღმასრულებელმა კომიტეტმა ქანდარიდან ძირს, სხდომის დარბაზში, სადაც უკვე თავშეყრილი იყვნენ დეპუტატები ასობით, გადაისროლა შემდეგი ლოზუნგი: „წინააღმდეგობას ნუ გაუწევთ, მტერს იარაღს ნუ ჩააბარებთ“ იარაღი იყო ხელით სახმარი, უფრო ჯიბის: რევოლვერები, ბრაუნინგები, მაუზერები... და აი სხდომის დარბაზი, რომელიც უკვე გარშემორტყმული იყო ყოველის მხრით გვარდიელების მიერ, — ქვეითი, ცხენოსანი და არტილერიის ნაწილებით, მუშათა დეპუტატები შეუდგნენ თავიანთი იარაღების გაფუჭებას, ბრაუნინგებით ამტვრევდნენ მაუზერებს, მაუზერებით — ბრაუნინგებს, ეს არ მიმდინარეობდა ისეთი ოხუნჯობათა და ხუმრობით, როგორც ეს იყო 29 ოქტომბერს. ლითონის ასეთს ქლარუნში მოისმოდა პროლეტარიატის კბილთა ღრქენა, რომელმაც პირველად იგონა, რომ საჭიროა სხვა უფრო ძლიერი ღონისძიება, სხვა უფრო ძლიერი იარაღი საუკუნებრივი მონობის სიმაგრის დასანგრევათ. შემდეგ კი მახლოვებულ დღეებში, მინებმა და ღუბასოვებმა პროლეტარიატს დამატებითი საშინელი ვაკვეთილი მისცეს—ეს იყო 9 დეკემბრიდან 19-მდე, როდესაც მოსკოვის მუშების ოკანასკნელი ცდა სისხლში იქნა ჩახრჩობილი.

და შემდეგ დადგა წლები მიმოქცევისა, რიგების შემკიდროვების, დვენის, გადასახლების, კატორღის, ემიგრაციის, ერთის მხრით, განდგომის, რენეგატობის, დაცივნისა, მეორეს მხრით—შავი და ყრუ წლები კონტრ-რევოლიუციისა. რამდენი დაცივნა იყო მაშინ ოფიციალური და ოფიციალური, ოპოზიციონური და ცრუ-რევოლიუციონური 1905 წ. ლოზუნგებისა, მეთოდებისა და იმედების შესახებ. ამ დარბაზის ყველა იარუსების ავსება შეიძლება რეაქციის წლების ლიტერატურით, რომელიც ცდილობდა ამ დიდებული წლის მეხსიერებიდან აღმოფხვრას, რევოლიუციის დროშის საბოლოოდ ამოსვრას მ ივნისის რეაქციის ტალახში. ცრუ-რევოლიუციონერები ლიბერალებთან ერთად დასცინოდნენ 1905 წლის ხსოვნას, მის „უაზრო ოცნებებს“. ეს არ გაუმართლდათ. დღეს, 1905 წლის 20 წლის თავზე, ვიგონებთ რა წარსულს და განუჭვრეტთ მომავალს, ჩვენ ვეუბნებით ჩვენი ქვეყნის ხალხს და მთელი მსოფლიოს ხალხებს: 1905-ს არავინ

მოუტყუილებია, ყველაფერი, რასაც ის შეგვპირდა, შეასრულა 1917-ში (ტაში).

პირველად 1905 წელს იქნა გადასროლილი მასათა შეგნებაში საბჭოთა ხელისუფლების იდეა. ყველა ჯიშისა და მოდემის სუვორინელები დამარცხებულ, „გაყვლიტულ მუშათა მთავრობას“ დასცინოდნენ 3 ივნისის რეჟიმის წლებში. მაგრამ კარგად იცინის ის, ვინც ბოლოს იცინის: საბჭოების ხელისუფლების ლოზუნგი, რომელიც გამოსროლილ იქნა 1905 წელში არა თუ უძლიერესი ფაქტი შეიქნა რუსეთში, არამედ—მან მთელი კაცობრიობის ისტორიაში გადაშალა ახალი ეპოქა.

1905 წელმა გადმოისროლა ლოზუნგი მიწისა და თავისუფლებისა, მას უწოდებდნენ რომანტიულს და ფანტასტიურს. მასში მცირედი არ ყოფილა რომანტიკა, მაგრამ ამ ლოზუნგმა მოიშორა რა რომანტიული კანი, გარდაიქცა რკინის რეალობათ მემამულეთა მიწების კონფისკაციის და თავად-აზნაურთა წოდების მოსპობის საქმეში, რომელიც (თავად-აზნაურობა) საუკუნოებით სჩაგრავდა რუსეთს.

8 საათის სამუშაო დღე, ისე როგორც საბჭოთა ხელისუფლების დასაწყისი,—1905 წლის რევოლუციაშია, როცა მისი შემოღება მუშებმა სცადეს ძალადობით. რამდენი ბრძენი, რამდენი გაიძვერა იმ დროს და შემდეგშიც, დასცინოდა ამ რევოლუციონურ ცდას, როგორც უჭკუობას, რამაც ჩამოაშორა ბურჟუაზია თავისუფლებისათვის ბრძოლას. ეს ბრძენი და გაიძვერანი ფიქრობდნენ და ზოგიერთები ფიქრობენ დღემდეც, რომ პროლეტარიატს პოლიტიკური თავისუფლება ესაჭიროება როგორც აბსტრაქცია,—არა,—1905 წელმა გვაჩვენა, რომ პროლეტარიატს ესაჭიროება მატერიალური შესაძლებლობა თავისუფლებით სარგებლობისა. რეალური თავისუფლება მუშისათვის იწყებოდა იმ საათიდან და იმ წამიდან, როცა ის თავის კუნთებსა და ტვინს ინთავისუფლებდა საქარხნო მონობისაგან, როცა ის ამოკლებდა თავის შრომას და აღიდებდა თავისუფალ დროს, რათა მიეღო მონაწილეობა ქვეყნის საზოგადოებრივ ცხოვრებაში. ამიტომ 8 საათის სამუშაო დროსთვის ბრძოლა მისთვის იყო თავისუფლებისათვის ბრძოლის უსაჭიროესი შემადგენელი ნაწილი. 1905 წელმა შეპირება გასცა და შეეცადა, 1917 წელმა კი საქმით განახორციელა 8 საათის სამუშაო დრო და დააწესა ის შეურყევლად მანამდე, ვიდრე ტენჩიკა ნებას არ მოგვცემს შევსცვალოთ ის შვიდი, ექვსი და ხუთი საათის სამუშაო დროთი (ტაში).

რესპუბლიკა? რამდენი ლაპარაკი იყო იმის შესახებ, რომ ეს ლოზუნგი უტოპიური იყო. რამდენი სტატია დაიწერა, რამდენი სიტყვა წარმოითქვა იმის დასამტკიცებლათ, რომ გლეხთა მასების შეგნებაში ღრმად ჰქონდა ფესვები გამდგარი მონარქიას და დოქტრი-



ნერობაა რუსეთის რესპუბლიკის იდეაო. ამას ლაპარაკობდნენ და სწერდენ არა მარტო 9 იანვრამდე, არამედ მეფის ხალხთან სისხლიანი შეხვედრის შემდეგ, იმის შემდეგ, რაც პეტერბურგის პროლეტარიატმა მუქარით წყევა-კრულვა გაუფხავნა რომანოვთა ბრბოს: სიკვდილი სისხლიან მეფეს და მის გველის შთამომავლობასო! რეაქციის წლებში ეს სიტყვები უძღურების მუქარად მოსჩანდნენ. სამი ივნისის მონარქია წამოდგა, კატორღა და სახრჩობელა იყო მისი გზის მაჩვენებელი. ცარიზმი ზეიმობდა და ისე გამოდიოდა, თითქოს რესპუბლიკის ლოზუნგი მართლაც უაზრო ოცნება იყო. მაგრამ დაჭკრა საათმა და 1918 წლის 16 ივლისს ურალის პროლეტარმა ბელობოროდოვმა სისრულეში მოიყვანა მუშათა კლასის სასტიკი განაჩენი! (ტაში).

პეტერბურგის საბჭოსა და გლეხთა კავშირის დაძმობილება დაიწყო 1905 წლის ოქტომბრის დღეებში. ლიბერალებმა და მენშევიკებმა ვერ შეიგნეს ის, რაც მათ თვალწინ ხდებოდა. იმ დღეებში საფუძველი ეყრებოდა მუშათა კლასისა და გლეხობის კავშირს—საბჭოთა ძლიერების ამ საფუძველს.

2 დეკემბერს პეტერბურგის საბჭომ გლეხთა კავშირთან და სხვა რევოლიუციონურ ორგანიზაციებთან ერთად გამოსცა ფინანსიური მანიფესტი. ეს მანიფესტი შეიცავდა წინასწარმეტყველებას და ვალდებულებას. ის წინასწარმეტყველებდა მეფის ფინანსების აუცილებელ დანგრევას და მეფის ვალების გადახდაზე უარს ამბობდა. და რა მოხდა? ეს მანიფესტი, რომელიც გამოცხადდა პეტერბურგის საბჭოს დარბევის წინა დღით, აღმოჩნდა ყველა მინისტრებზე და ფინანსისტებზე უფრო ძლიერი. მეფის მანეთის დაღუპვას ჩვენ ვხედავდით იმპერიალისტური ომის დროს, მისი სულთმობრძეა გრძელდებოდა კერენსკის მთელ რეჟიმში, საბოლოოდ მეფის მანეთი იფერფლებოდა საბჭოთა ხელისუფლების დროს, ვიდრე ის არ შესცვალა მუშურ-გლეხურმა ჩერვონეცმა. ამნაირად 2 დეკემბრის მანიფესტის წინასწარმეტყველება შესრულებულია სისწორით. მაგრამ არა მარტო წინასწარმეტყველება, არამედ ვალდებულებაც; ბირჟის მოსაქმენი, დიპლომატები და ბურჟუაზიული მეგაზნეთეები ბრალს გვდებენ ჩვენ, ჩვენს რეჟიმს, ჩვენს მთავრობას იმაში, თითქოს ჩვენ არ ვასრულებთ მიღებულ ვალდებულებათ. ეს არ არის მართალი! ჩვენ მათ ვასრულებთ სრული 100 პროცენტით. 1905 წლის 2 დეკემბერს ჩვენ მუშათა კლასის და გლეხობის დეპუტატების ხელის მოწერით გავაფრთხილეთ, რომ მეფის ვალებზე ჩვენი ხალხი პასუხს არ აგებს. 1918 წლის 10 თებერვალს კი საბჭოთა მთავრობის დეკრეტით გაუქმებულათ გამოცხადდა მეფის ყველა ვალები. აი როგორ მოჰყავს სისრულეში რევოლიუციას თავის ვალდებულებანი! (ტაში).

1905 წლის ზაფხულზე შავი ზღვის ტალღებში გასცურა წითელი დროშით აჯანყებულმა ჯავშნოსანმა „პოტიომკინმა“. ბევრ ქალაქებში მუშებს შეუერთდნენ წითელი დროშებით ჯარის ნაწილები. ჩვენს თვალში ეს იმის წინამორბედი იყო, რომ რევოლუციონურ კლასს შეუძლია გახდეს გამარჯვებულ ძალად, რომ პროლეტარიატს შეუძლია შექმნას სახელმწიფო, რომელიც დაეყრდნობა საკუთარ ჯარს. ჯავშნოსანი „პოტიომკინი“ დანებდა. ის ჯარისკაცები, რომლებაც წითელი დროშებით გამოვიდნენ, დახოცეს, ან კატორღაში გაგზავნეს. ისე გამოდიოდა, თითქოს მშრომელთა აზრი შეიარაღებული ძალის შესახებ უტოპიური ოცნება იყო, მაგრამ ძალუმად შემოტრიალდა ისტორიული ბორბალი და ყველაფერი, რაც კი მეფის ფლოტიდან გადარჩა, წითელი დროშის ქვეშ დადგა: მშრომელთა საშოდან წარმოსდგა უმაგალითო არმია, რომელიც მსოფლიო რევოლუციის წითელი დროშითა დგას.

რაც 1905 წელს იყო წინათგრძნობა, იმედი, 1917 წელს ის გახდა გამარჯვებული რეალობა. აი რატომ გვაქვს ჩვენ სრული უფლება ვსთქვათ: მართალია, იყო ილუზიებიც, მაგრამ ეს ილუზიები ეხებოდა ფორმებს, ვადას და ნაწილობრივად მეთოდებს; ყველაფერი ის კი, რაც შეადგენდა 1905 წლის გულს—პროლეტარიატის რევოლუციონური მიწოლა,—თავის გარშემო დაბეჩავებული მასების შემოკრება—აი, ეს არ გაცრუებულა. 1917 წელმა აასრულა ის, რაც 1905 წელმა აღუთქვა!

მაგრამ ისტორია არ შეჩერებულა. 1917 წელი თავის მხრით გადაშლის უდიდეს პროგრამას, რომელიც მოელის ხორცის შესხმას. შევსძლებთ კი? მოვახერხებთ?

ამ ორი ათეული წლების მაგალითებით განსწავლულთ ჩვენ შეგვიძლია და ვალდებულნი ვართ კიდევ უფრო ფხიზლათ და ბეჯითად გადავხედოთ მომავალს, ვიდრე ვიცქირებოდით 1905 წელს. ამოცანები დიდია. ისტორია ჩვენს-მხარეზეა, მაგრამ მთელი საკითხი იმაშია, რომ გავმაგრდეთ, არ დაუთმოთ ის, რაც მოპოვებულია რკინითა და სისხლით; განვამტკიცოთ მონაპოვარნი, განვაფითაროთ და გავამდიდროთ ისინი. დაბრკოლებანი კი მრავალია და ზოგიერთი დაბრკოლებანი თავს იჩენენ სწორედ ახლა და ჩნდებიან იქ, სადაც ბევრი არც კი მოელოდა და მტერიც კბილებსა ჰკრეჭს იმ იმედით, რომ არეგ-დარევა მოხდება. უნდა მოგვეპოვებოდეს წარსულ საქმეში შემოწმებული მასშტაბი, რათა სისწორით იქნეს გაზომილი მომავალის გზა, უნდა მოგვეპოვებოდეს სწორი კრიტერიუმი, რომ ნათლად შევაფასოთ ხვალინდელი დღე, რადგანაც დღეს, ამ საიუბილეო კრებაზე ჩვენი მოგონებები პლატონიური ხასიათის არაა, არამედ—გმსჯე-



ლობთ იმის შესახებ, რომ უკეთესად შევიარაღდეთ ხვალინდელი დღისათვის.

შევეკითხობთ თავს კიდევ ერთხელ: ხომ არ არის იმის საშიშროება, რომ ბურჟუაზიული ქვეყანა ჩვენ დაგვძლევს? კაპიტალიზმი ხომ ბევრად მდიდარია ჩვენზე და, მაშასადამე, უფრო ძლიერიც, დიანხ, უმდიდრესიც არის და უძლიერესიც, მაგრამ ის დაქსაქსულია და ერთი მისი ნაწილი—ამერიკა, სიცოცხლეს უმწარებს მეორე ნაწილს—ევროპას. კოლონიები მეტროპოლიების სამეურნეო საფუძვლებს ანგრევენ. ჩინეთი, აზიის მთავარი მასა, შერყეულია განმათავისუფლებელი ბრძოლის კონფუსიებით. ბოროტ ნებისყოფაში ევროპას ნაკლი არა აქვს, მაგრამ მას ძალა აკლია. ევროპა დაცემულია, ევროპა ორ ცეცხლს შუა არის მომწყვდეული. ბურჟუაზიულ ევროპას არ აქვს გამოსავალი ისე, როგორც ის არ ჰქონდა ცარიზმს.

ძველი ევროპა—მთელი კაპიტალისტური კულტურის კერაა. მისი ტანიდან სხვადასხვა მიმართულებით გაიზარდა ორი ტოტი: ამერიკა და ჩვენი, ევროპიულ-აზიური საბჭოთა რუსეთი,—ამ ჟამად საბჭოთა კავშირი. და ევროპაც ამ ჟამად ამ ორ ცეცხლს შუაა მოქცეული.

ევროპამ არა მარტო აღმოაჩინა ამერიკა, არამედ თავისივე ძალებით აამალლა, განავითარა. მთელ რიგ სარწმუნოებრივ მოძრაობათა და რევოლუციების დროს ევროპა ოკეანეს იქით ისვრიდა ხოლმე უფრო აქტიურ და გაბედულ თავის შვილებს ანუ, უფრო სწორედ რომ ვსთქვათ, გერებს. მიწის მუშა ემიგრანტებმა, მწყემსებმა, ტყის მუშებმა, ღურგლებმა და ზეინკლებმა გამოაღვიძეს ახალი ქვეყნის მიძინებული ძალები. საქმიანი სული, შრომის დისციპლინა, პურიტანული მისწრაფება დაგროვებისა—აი რა თესლი დააბნია ევროპამ ამერიკის ნიადაგზე, რამაც გამოიღო საუცხოვო ნაყოფი. ევროპის ვიწრო ფარგლებში მოქცეულმა ტეხნიკურმა აზრმა ფართო ასპარეზი მოიპოვა ამერიკაში და საოცრად განვითარდა. ჯერ კიდევ ომამდე შეერთებულმა შტატებმა დიდათ გაუსწრო წინ თავის წინანდელ მეტროპოლიას—ინგლისს და თავისსავე უფრო დიდ მეტროპოლიას—ევროპას. და როცა ომის შემდეგ და იმის ცდისა, რომ ეცხოვრათ სამხედრო მეთოდებით—ტაციობითა და ძარცვით, რურის ოკუპაციისა და ისტორიაში უძნელესი გერმანიის პროლეტარიატის უკან დახევისა 1923 წლის შემოდგომაზე, ევროპა შეეცადა შესდგომოდა მშვიდობიან ცხოვრებას და გადახედა რა თავის საქმეებს, შეშინებული დარწმუნდა, რომ ის გამოიყურება ეკონომიურის მხრით ბუზანკალად ოკეანეს გაღმა მყოფ მდევთან შედარებით. ევროპამ ჰშვა ამერიკა, უევროპოდ არ იქნებოდა ნიუ-იორკის ვებერთელა სახლები, ნიაგარის ჰიდრო-სადგური, ფორდის ავტომობილები

და ტრაქტორები. საკუთარი კონსერვატიზმის ბადეში გახლართული ევროპა უძლური აღმოჩნდა ამერიკის წინაშე. დოლარი საშინელის ძლიერებით უხუთავს მას სულს. ყოველ ფენის ნაბიჯზე ამერიკა იკავებს ევროპის ქვეყანათა პოზიციებს, მიერეკება მათ ჩიხში, ჰქმნის მათთვის ცხოვრების აუტანელ პირობებს; ევროპას გამოსავალი აღარ აქვს.

მეორეს მხრით საბჭოთა კავშირი, რომელიც ცხოვრობს, იბრძვის და იზრდება აგერ მეცხრე წელიწადია, ევროპისათვის წარმოადგენს რევოლუციონურ საშიშროებათა წყაროს.

ევროპასთან ჩვენ ორგვარი ანგარიში გვაქვს. ოფიციალური ევროპა ჩვენ ექსპლოატაციას გვიშვრებოდა სესხის საშუალებით; ის ასაზრდოებდა მეფობას, ის მას აიარალებდა, მიჰქონდა რა ხალხისგან პროცენტები და ამით აქვეითებდა ჩვენს მეურნეობას და ჩვენს კულტურას. თვითმპყრობელობის საშინელი თუჯის სარქველს ქვეშ, კანონის მიხედვით—წინააღმდეგობის ძალა ეთანაბრება მოქმედების ძალას—გროვდებოდა ორთქლი, ეწრთობოდა მოწინავე რაზმების რევოლუციონური ნებისყოფა და აქ, მეორე, არა ოფიციალური ევროპა მოდიოდა დამხმარედ, იდეურად აიარალებდა მათ.

დეკაბრისტების მოძრაობა პირველი ცდა იყო თავად-აზნაურული ინტელიგენციისა, რომელიც ეზიარა საფრანგეთის დიდი რევოლუციით. ამ მოძრაობას ღირსეული წინააღმდეგობა უნდა გაეწია ცარიზმისათვის და კარი გაეღო ევროპისათვის. თავად-აზნაურული ინტელიგენცია შესცვალა „რაზნოჩინულმა“ ინტელიგენციამ, რომელიც შეიარაღებული იყო ნაროდნიკული თეორიით—და ამ ახალმა, უფრო ფართო ტალღამ, წინ წამოსწია ნაროდოვოლცების ჯგუფი, რომელთა გმირული სახეები სამარადისოდ არიან შეტანილნი ჩვენს რკანის ინვენტარში (ტაში). ნაროდოვოლცები შესცვალა მარქსისტთა პირველმა თაობამ, ჯერ ინტელიგენტების, შემდეგ მუშების ჯგუფებიდან—1905 წლამდე და 1905 წლის დეკემბრის დამარცხებიდან 1917 წლის ოქტომბრის უებრო გამარჯვებამდე. რომ შესრულებულიყო ეს მუშაობა, რომ მისცემოდა რევოლუციას ის გაქანება, რაც მან ჩვენში მიიღო, რევოლუციონური ავანგარდისთვის აუცილებელი იყო განსაკუთრებული იდეური შეიარაღება. საიდან მიიღო მან ის? ევროპიდან.

საუკუნეთა მთელი საზოგადოებრივი გამოცდილება, დაგროვილი მთელი განზოგადოებული აზროვნება იყო საჭირო პროლეტარული ავანგარდისთვის მასზე დაკისრებული საზოგადოებრივი მისიის შესასრულებლათ. სამი ევროპული ძლიერი წყარო: ინგლისის პოლიტიკური ეკონომია, საფრანგეთის კლასობრივი ბრძოლის გამოცდილებანი და გერმანული კლასიკური ფილოსოფია, ეს სამი წყარო შეერთდა მარქსიზმის სისტემაში. ეს სისტემა—და რაც ყველაზე ძვირ-



ფასია ამ სისტემაში: მეთოდი—ჩვენ მოგვცა ევროპამ. მაგრამ უნდა შეგვძლოს იმის აღება, რასაც გაძლევენ. მარქსიზმი არ არის პასიუზორი, საიდუმლოებათა განმკვრეტი დოქტრინა. საკმარისი არ არის ხელის გაშვება, რომ ის აიღოთ. მარქსიზმი ნებისყოფითი დოქტრინაა. ის იკვლევს ქვეყნიერებას, რომ გარდაქმნას იგი. თუ ჩვენ მარქსიზმი მოგვცა ევროპამ, ჩვენ შევსძელით მიგველო ის. ჩვენ შევსძელით მიგველო ის რევოლიუციონური ავანგარდის გამოწრთობილი ნებისყოფის წყალობით. მიძიმე მუშაობა დაიწყო დეკაბრისტებიდან. ამ მუშაობის მიზანი იყო აღქატი, დაქსაქსული საზოგადოებრივი მასისაგან შექმნილიყო რკინის მებრძოლთა თაობა. ტერორისტული ინტელიგენციის განმარტოვებულათ ბრძოლამ ცარიზმთან გამარჯვება ვერ მოიტანა. მაგრამ ასეთი ბრძოლა აუცილებელი საფეხური იყო რევოლიუციონურ იდეათა და ბრძოლის მეთოდების განვითარების საქმეში. რადიშჩევი რომ არ ყოფილიყო, არც პესტელი იქნებოდა. უპესტელოდ არც ჟელიაბოვი იქნებოდა, ჟელიაბოვი რომ არ ყოფილიყო, არც ალექსანდრე ულიანოვი იქნებოდა; უალექსანდროდ არც ვლადიმერი იქნებოდა. ამით ყველაფერია ნათქვამი. ჩვენი სასტიკი და სახელოვანი რევოლიუციონური ისტორია—გადასახლების, ემიგრაციის, კატორღის, სახრჩობელის ისტორია, აუცილებელი მოსამზადებელი სკოლა იყო მარქსიზმის, როგორც დოქტრინის, შესათვისებლათ, რომელიც განზოგადოებული აზრებიდან გამომდინარე უკანასკნელი დასკვნებით აიარაღებს თვით რევოლიუციონური კლასის ნებისყოფას. ლენინიზმში ცხოვრობენ—დეკაბრისტები, განმანათლებლნი—მესამოცე წლების მოღვაწენი, ნაროდნიკები და ნაროდოვოლცები. ლენინიზმში ჩვენი ეროვნული გმირული რევოლიუციონური ტრადიცია სავსებით და საბოლოოდ უერთდება მუშათა კლასს, იმ მაღალი მეცნიერული აზროვნებით შეიარაღებული, რაც კი ევროპას შეუქმნია.

იწვოდა რა თვით ომის ცეცხლში, ევროპა ტეხნიკური ძლიერების ახალ-ახალ ბიძგებს აძლევდა ამერიკას, ისე როგორც ის რუსეთს აძლევდა რევოლიუციონური აზროვნების ახალს ბიძგს. ამერიკას თავისი განძი არ გაუფლანგავს. ტეხნიკა მან უმაღლეს წერტილამდე აიყვანა. მაგრამ არც ჩვენ შეგვიმცირებია, არ გავვიფლანგავს ევროპიდან მიღებული განძი—რევოლიუციონური აზროვნება, პირიქით, ჩვენ ის გავამდიდრეთ 1905 და 1917 წლების გამოცდილებით და მზადა ვართ ეს ახალი შენაძენი გავუზიაროთ ევროპის პროლეტარიატს (ტაში).

და აი, ბურჟუაზიული ევროპა დღეს ორ ცეცხლს შუა არის მოქტეული: ერთი მხრითაა ამერიკა, რომელიც ახრჩობს დოლარით (დოლარი კი საშინელი ძალაა, როცა ის ბლომადაა), მეორე მხრითაა საბ-

ქოთა კავშირი, რომელიც მიისწრაფვის სახელმწიფოს სოციალისტური ფორმა შეუთანხმოს ამერიკის ტენიკას.

ამხანაგებო, როგორიც არ უნდა იყვნენ ის სიძნელენი, რომელთა შორის ჩვენ ვცხოვრობთ, როგორიც არ უნდა იყოს ხვალინდელი გასაჭარი,—ყველაფერი ეს არაფერი არ არის იმ სიძნელეებთან შედარებით, რომლებიც წინ უდგანან ბურჟუაზიულ ევროპას. ჩვენ, მარქსისტები, 1905 წლის ადრე ვამბობდით ამის შესახებ. მტრები დაგვცინოდნენ, მცირე მორწმუნენი—ეჭვიანობდნენ. და აი, ასეთი დრო უკვე დადგა. მტრებმა ჩვენ დაგვამარცხეს და ფიქრობდნენ, რომ სამუდამოთ. და ჩვენ კი 1907 წლის 3 ივნისის შემდეგ ვამბობდით, რომ დადგებოდა 1917 წელი. და ის მოვიდა, მოვიდა სამუდამოთ (ტაში). და დღესაც ჩვენ ვიმყოფებით კაპიტალისტური მტრების რკალში. მოიპოვებინან ისეთი არამზადები და სულელნი, რომლებიც დასცინიან 1917 წლის მსოფლიო რევოლუციის „აუსრულებელ იმედებს“. კარგად იცინის ის, ვინც ბოლოს იცინის. ამ დარბაზში შეიკრიბება ბევრი ჩვენთაგანი, ვიმედოვნებ ჟმრავლესობა აქ დამსწრეთა, რომ შევეგებოთ ოქტომბრის გამარჯვებას ჩვენი ქვეყნის საზღვარს გარეთ (ტაში).

1917 წელი ისტორიის მათიანეში არ არის უკანასკნელი ლითონის წელი. არა, ევროპისა და მსოფლიოსაკენ მიიწევს ციფრებით არ გამოხატული, მაგრამ აუცილებელი ახალი წელი პროლეტარული რევოლუციისა. ის დაჰკრავს. ჩვენ მოველით მას იმედით, ძალთა დისციპლინარული დიქომვით. ის მოვა. ჩვენ, აქ შეკრებილი კატორღელები და გადასახლებაში ნამყოფნი, ორი რევოლუციის ვეტერანები, ამ ახალს, ჯერ კიდევ ციფრებით არ აღნუსხულს დიად წელს, რომელიც მოდის და მოვა კიდევ,—ჩვენ პროლეტარიატის მთელ კომუნისტურ ავანგარდთან ერთად ვეუბნებით: მოდი, ჩვენ შევეგებებით სრულის შეიარაღებით. (ტაში. ინტერნაციონალი).

ჩვენი მოგონებანი ბათუმში რევოლუციონერ- რი მუშაობის შესახებ 1901—1902 წ.წ.

ამ წლებში ბათუმის სხვადასხვა სტამბებში ვმუშაობდი. რევოლუციონური მოძრაობა 1900—1901 წლებში ან სულ არ იყო, ან თუ იყო, ძალიან ვიწრო ფარგლებში და პირველად მე ცოტა დამოკიდებულება მქონდა მასთან. მთელ ბათუმის სტამბის მუშებში რევოლუციონერთათ განწყობილი ვიყავით 3—4 კაცი, — ამხანაგები: მაქსიმე წულაძე, სილიბისტრო თოდრია, ილიკო სიხარულიძე და მე. ჩვენ შორის ყველაზე მომხადებელი და ისეთი, რომელსაც კავშირი ქონდა მაშინდელ ლეგალურ მარქსისტებთან — კარლო ჩხეიძესთან და ისიდორე რამიშვილთან, (რომელნიც მაშინ მასწავლებლობდნენ ქართულ სკოლაში) იყო ამხ. მაქსიმე წულაძე, მაგრამ ყველა მათი „რევოლუციონური“ მუშაობა მხოლოდ იმაში გამოიხატებოდა, რომ ამხ. მაქსიმე წულაძის მეშვეობით გვაწოდებდნენ მცირეოდენ არალეგალურ ლიტერატურას და ეს მოწოდებაც ისეთი საიდუმლოებით და ფანტასტიურათ იყო მოწყობილი, რომ რევოლუციონურ განვითარებას ცოტათი უწყობდა ხელს. მახსოვს ასეთი ფორმა ლიტერატურის გადმოცემისა ამხ. მაქსიმე წულაძისაგან: ერთ დღეს მეუბნება: „შენ იცი თუ არა, რომ აკრძალული წიგნები იბეჭდება და რიგდება მუშებსა და გლეხებს შორის წასაკითხათ“ — ო, მე უპასუხე გამიგია, მარა არ მოუციათ ჩემთვის და არ წამიკითხავს მეთქი. „გინდა, რომ მიიღო და წაიკითხოვო“. მე უპასუხე როგორ არ მინდა მეთქი. ამაზე ამხ. მაქსიმემ მითხრა, რომ შენ ნუ იკითხავ ვისგან, როგორ და ვინ მოიტანს, მხოლოდ იცოდე, რომ არის ისეთი ხალხი, რომლებიც ასეთ ბროშიურებს ბეჭდავენ და არიგებენ ხალხში, არის ისეთი საშუალებაც, რომლითაც დაკეტილ ოთახშიაც კი გააჩენენ ასეთ ლიტერატურას, შენს ოთახშიც გააჩენენ, — ნახე ბალიშს ქვეშ, თუ იყოს, წაიკითხე ფრთხილათ. როდესაც წაიკითხავ, დადე ისევ ბალიშს ქვეშ და ის იქიდან მერე ისევ გაქრება, როგორც გაჩნდაო. ეს მართლაც ისე განმეორდა რამდენიმეჯერ. რითაც თვით ეს ფანტასტიური მოვლენა მეტს ყურადღებას იპყრობდა მაშინ ჩემის მხრით, ვინემ თვით ბროშიურის შინაარსი. აქ, რასაკვირველია, ფანტასტიური არაფერი იყო, როგორც მერე დაუკვიდრი, რადგან მე და ამხ. მაქსიმე მაშინ ერთ ოთახში ვცხოვრობდით.

1901 წლის მეორე ნახევარში თბილისიდან ჩამოვიდა ლასა მგელაძე და მოიტანა ჩემს და სილიას ოთახში მოზრდილი შეკვრა არალეგალური „ბრძოლის“ პირველი ნომრები და მოგვახალა: ჰა, თქვენ მამა... წაიკითხეთ და სოციალისტები გახდით, გაიგეთ როგორ იბრძვიან ამხანაგები თბილისში და თქვენც იმათს მაგალითს მიჰბადეთო.

„ბრძოლა“-ს ნომრები ყველამ დიდის ხალისით წავიკითხეთ და სხვებსაც წავაკითხეთ, მარა ჩვენი რევოლუციონური „მუშაობა“ იმ ხანათ ამას არ ვაშორებია.

ლასა მგელაძე ბათომში დარჩა. ერთ კვირა დღეს მთელი ჯგუფი სტამბის მომუშავეებისა წავედით სასადილოთ და ლასაც თან მივიპატიეთ. როგორც მოსალოდნელი იყო, ლენოც დავლიეთ და როდესაც პირველი ბოთლი დაიცალა, ლასამ ითხოვა, რომ ეს ცარიელი ბოთლი მისთვის გვეჩუქებია. თამადათ ილიკო სიხარულიძე იყო და დიდის სიამოვნებით მიაჩუქა ლასას კომპანიის სახელით ცარიელი ბოთლი. როგორც კი მიიღო ლასამ ბოთლი, ხელათ გამოაცხადა ამ ბოთლზე „საჯარო ვაჭრობა“—„ტორგი“. დაფასებულნი იყო 50 კაპ. და გაიყიდა ცხრა მანეთად და 75 კაპ. „ტორგით“ ბოთლი დაირჩინა ილიკო სიხარულიძემ. ეს 9 მან. 75 კ. ლასამ გამოაცხადა „ბრძოლის“ მომავალ ფონდათ, აგვარჩევია განსაკუთრებული ხაზინადარი—ძველი ასოთ-ამწყობი ბეგლარი (გვარი არ მახსოვს) და ეს ფული მას ჩააბარა. ეს იყო პირველი ჩანასახი არალეგალური პროფესიონალური ორგანიზაციისა.

ამ დროს ბათომში გამოდიოდა რეაქციონური გაზეთი—„ჩერნომორსკი ვესტნიკი“ ცნობილი შავრაზმელი პალმის რედაქტორობით. —გაზეთი იბეჭდებოდა მიხეილის ქუჩაზე გურსკაიას სტამბაში. ამ სტამბაში ვმუშაობდით მე და ს. თოდრია; გაზეთის ასოთ-ამწყობებს რალაც ლაპარაკი მოუვიდათ, — მიზეზი არ მახსოვს კარგათ, მარა, მგონი, მუშები მომატებას თხოულობდნენ, —მართველი—არშაკა—(გვარი არ მახსოვს) არ დათახმდა ასოთ-ამწყობთა მოთხოვნილებას და იმათაც მიატოვეს მუშაობა. თუმცა გაზეთზე არ ვმუშაობდით არც მე და არც სილია, მაგრამ ჩვენც მივართოვეთ მუშაობა და ვავყევით იმათ. დასაწყისი უბრალო რალაც იყო, მაგრამ შემდეგში მთელი რიგი ეკონომიური მოთხოვნილებები წავუყენეთ. გაფიცვა ერთ კვირამდე ვაგრძელდა და თბილისიდან შტრეიკბრებერების ჩამოყვანის გამო გათავდა დამარცხებით. რამდენიმე ასოთ-ამწყობმა დავკარგეთ ადგილი და სილია ნახევარი დღე პოლიციაშიც კი იჯდა. ეს იყო ჩემი პირველათ „მონათვლა“ ეკონომიურ ბრძოლაში.

1901 წლის თბილისიდან ჩამოვიდა ამხ. სოსო (სტალინი) ჯუღაშვილი. მისი წინადადებით მოწყობილ იქნა მოწინავე მუშებისაგან ახალი წლის (1902) შეხვედრა ბარცხანაში; დაესწრო ხუთმეტამდე

ამხანაგი, მათ შორის ამხ. სოსო, ს. თოდრია და მე (დანარჩენთა გვარები არ მახსოვს). ეს ახალი წლის შეხვედრა გამოყენებული იქმნა ბათომის სოც.-დემოკრატიულ მუშათა პარტიის ჯგუფის შესაქმნელათ! რამდენი კაცისაგან იყო ეს ჯგუფი, არ მახსოვს, გარდა ამხ. სოსოსა.

მე და ამხ. სილიას დაგვევალა სტამბებიდან ასოების გამოტანა და დაგროვება მომავალი არალეგალური სტამბისათვის.

ამხ. სილია და მე ამხ. ჭიჭიკო კალანდაძის დახმარებით შეუდექით ასოების დაგროვებას და შევაგროვეთ კიდევაც აუცილებელი საჭიროებისათვის საკმარისი ასო. ამასთან ერთად შევუდექით არალეგალური სტამბისათვის სხვა მასალებისა და ბინის შოვნისთვის ზრუნვას, მაგრამ ამ საქმის დათავება ვერ მოვასწარი, რადგან სწორედ ამ ხანებში სხვადასხვა ზავოდებიდან 30 მოწინავე ამხანაგი იქნა დაჭერილი, რამაც გამოწვია საერთო გაფიცვა ყველა ქარხნების მუშებისა. გაციკულებმა წამოაყენეს ერთად ერთი მოთხოვნილება—დაჭერილი ამხანაგების განთავისუფლება. მოთხოვნილება არ იქნა შესრულებული და რამდენიმე ათასმა მუშამ მწყობრათ და სიმღერით სხვადასხვა გზაზე ბარცხანიდან გაიარა ქალაქის უმთავრესი ქუჩები და მიაღდა სიოლქო სატუსალოს მოთხოვნილებით: ან განთავისუფლეთ დაჭერილი ამხანაგები, ან ყველანი დაგვაპატიმრეთო. ადმინისტრაციამ ყოველივე დასაშინებელი ზომები მიიღო—ჯარები ჩააყენა ციხესა და მუშებს შორის ტყვიის მფრქვეველებით და ემუქრებოდა მუშებს ხოცვა-ჟლეტით; როდესაც მუქარამ არ გასჭრა, ხევწნა-მუდარასაც მიმართეს, რომ როგორმე უკანვე გაებრუნებიათ მუშები, მაგრამ არც მუქარამ და არც ხევწნამ არ გასჭრა მუშებზე, ისინი მაინც თავისას მოითხოვედნენ—ან დაჭერილების განთავისუფლებას, ან ყველას დაჭერას. დიდი ყოყმანის და ფიქრის შემდეგ გამოუცხადეს მუშებს, რომ დაჭერილების განთავისუფლება არ შეგვიძლია და ამიტომ თქვენც დაგიქერთო, რაკი თქვენც მოითხოვთო, მარა ამ ციხეში, ყველანი ვერ დაეტევით და ამიტომ წადით და რკინის ყაზარმებში (ვაგზლის გადაღმით იყო ახალ გაწვეულ სალდათებისათვის) და იქ დაიტუსაღეთ თავიო; მუშები დათანხმდნენ, მარა მოითხოვეს 30 დატუსაღებული ამხანაგებიც იქ გადაეყვანათ, ადმინისტრაცია ამაზე არ თანხმდებოდა, მარა ბოლოს იძულებული შეიქნა დაეთმო. ციხიდან გამოყვანილ 30 ამხანაგთან ერთად, მწყობრათ და სიმღერით ისე, როგორც მოვიდნენ, გასწიეს რკინის ყაზარმისაკენ მხოლოდ იმ განსხვავებით, რომ ამ შემთხვევაში ჯარი აცილებდა გარშემორტყმული. ასე რამდენიმე ათასი კაცი დაპატიმრებულ იქნა ყაზარმებში.

ეს მოხდა 7 მარტს 1902 წელს. ამ დღესვე საღამოს ამხ. სოსომ წინადადება მოგვცა მე და ამხ. ს. თოდრიას დაგვებეჭდა მოწო-

დება-პროკლამაცია, მიუხედავად იმისა, რომ გარდა შრიფტისა არავითარი სტამბის მოწყობილობა არ გვექონდა იმ დროისათვის მომზადებული. ჩვენ შრიფტის კასის მაგიერ უბრალო დიდ ფურცელ კარდონზე გავარჩიეთ ასოები, ავაწყეთ პროკლამაცია, საბეჭდავი დაზგის მაგიერ გამოვიყენეთ უბრალო ჩოთქი და ამრიგად დავბეჭდეთ პირველი არალეგალური მოწოდება, რომელიც იმავე ღამეს და ნაწილობრივ მეორე დღით იყო გავრცელებული. სახლში, ან ვის ოთახში დაიბეჭდა ეს პირველი პროკლამაცია, აღარ მახსოვს, მარა დაიბეჭდა იქავე ახლოს რკინის ყაზარმებთან, რკინის გზის გაღალმით.

ამ მოწოდების გარცელებას მოყვა დანარჩენი გაუფიცავი ქარხნების მუშების გაფიცვა და ისევე მწყობრად და სიმღერით რკინის ყაზარმებისაკენ სვლა და დაჭერილი ამხანაგებისადმი სოლიდარობის გამოცხადება და მათთან ერთად მათი ბედის გაზიარება.

ასე სოლიდარულად შეკავშირებულ მუშათა მოძრაობას თვითპყრობელობის მცველებიც მომზადებული შეხვდნენ და რკინის ყაზარმებს გარშემო ჯარი შემოარტყეს.

როგორც კი მიუახლოვდნენ მუშები ყაზარმებს, ჯარების უფროსმა, ჯალათმა ანთაძემ უბრძანა ჯარს ესროლეთო. ჯარმაც „ხალპი“ მისცა და ათაზე მეტი მუშა გულ-განგმირული დაეცა ამ უსწორო ბრძოლაში, ბევრიც დაიჭრა.

ეს იყო პირველი მხვერპლი და სისხლი ბათომის მუშათა მოძრაობაში.

ამ უთანასწორო ძალთა განწყობილების პირველ შეტაკებაში ფიზიკურად დამარცხებული ბათომის მუშათა კლასი უკან იხევს, რომ აწარმოვოს სისტემატიური რევოლუციონური მუშაობა, უკეთ მოამზადდოს და დარაზმოს ორგანიზაციულად შემდეგი ბრძოლისათვის.

ამის შემდეგ აუცილებელ საჭიროებას წარმოადგენდა სისტემატიურად პროკლამაციების გამოშვება, მაგრამ ისე კუსტარულად ფურცლების ბეჭდვა, როგორც პირველი ფურცლის დაბეჭდვა მოხდა, შეუძლებელი იყო. ამიტომ გადაწყვეტილი იყო, რომ აუცილებლად მოწყობილიყო არალეგალური სტამბა. გამონახულ იქნა აქარაში, არდაგანის გზის ახლოს მცხოვრები მოხუცი ხასანა (გვარი, სამუხუხაროთ, აღარ მახსოვს), რომელიც დაგვთანხმდა აგვეშენებია მის ეზოში სახლი და იმ სახლში გვეწარმოებია ისეთი საქმე, რომელიც „პრისტავ-ოკოლოდონიკ-გოროდოვების“ წინააღმდეგ იქნებოდა მიმართული (საშინლად ეჯავრებოდა ხასანას ზემოდ ჩამოთვლილი ხალხი). ამ ხასანას ეზოში და მისი დახმარებით აშენებულ იქნა პატარა ორ-ოთახიანი სახლი. სანამ სახლი შენდებოდა ბათომის, სხვა და სხვა ქარხნებში საბეჭდავი „სტანოკი“ იქნა გაკეთებული. ყველა ეს სტამბის მოწყობილობა — სტანოკი, შრიფტი, კასები და სხვა მასალები იმა-



ვე ხასანამ გადაიტანა თავისივე ურმით და როდესაც ყველაფერი ეს მიტანილ იყო ადგილზე, წავედით ღამით (დღისით ყურადღებას მიიპყრობდა ჩვენი აჭარაში სიარული) მე და ამხ. ს. თოდრია და სავსებით დავდგით და მოვაწყვეთ მაშინ ბათომისთვის საკმარისი პირველი არა-ლეგალური სტამბა.

მოხუცი ხასანას ოჯახობა შესდგებოდა ჩასიძებული ახალგაზრდა აჭარელისაგან (რომელსაც სახელათ ოსმანა ერქვა, სამწუხაროთ გვარი არც მისი მახსოვს) მისი ცოლის, ხასანას ქალიშვილისაგან, ხასანას ერთი პატარა ვაჟიშვილისაგან და თითონ ხასანასაგან. სულ ყველა ჩამოთვლილი პირები, მიუხედავად იმისა, რომ მათ არავითარი პოლიტიკური მომზადება არ ქონდათ, შეძლებისადაგვარათ ყველაფერში დაუზარებელი გვეხმარებოდნენ და საოცარი სიმპატიით გვეპყრობოდნენ.

მუდმივით ამ სტამბაში არავინ ჩვენგანი არ ცხოვრობდა. ღამით მივიდოდით, ავაწყობდით, დავბეჭდავდით პროკლამაციას და გათავების შემდეგ ღამითვე წამოვიდოდით და თან მოგვექონდა დაბეჭდილი ფურცლები. ხშირათ მოდიოდნენ და გვეხმარებოდნენ მუშაობაში ამხ. სოსო ჯუღაშვილი (სტალინი), კოწია კანდელაკი (შემდეგში სახელმწიფო დუმის წევრი), მიშა დავიდოვი და დათიკო ღამბაშიძე.

მე და ამხ. ს. თოდრია ორივე ბათომის ერთ ლეგალურ სტამბაში ვმუშაობდით—პაპამოსკიჩის სტამბაში—როდესაც დაღლილები ვიქნებოდით და ღამით აჭარაში წასვლა შეგვეზარებოდა პროკლამაციის დასაბეჭდათ, მაშინ გადავწყვეტდით პროკლამაცია ბათომშივე იმ ლეგალურ სტამბაშივე დაგვებეჭდა, სადაც ჩვენ ვმუშაობდით, ეს იოლი მოსახერხებელიც იყო, მარა მანქანის ჩარხის გადამტრიალებელი ოგანეზა გვიშლიდა ხელს.

ოგანეზას დავალებული ჰქონდა ხაზეინისაგან, რომ მანქანიდან ყოველი გამოსული პირველი ეგზემპლარი წაეღო და ეჩვენებია მისთვის და მხოლოდ მერე დაგვებეჭდა. აწყობა პროკლამაციის მე მუდამ შემეძლო, რადგან მთელ სტამბაში ჩვენ სამის მეტი არავინ იყო და ოგანეზამ კი კითხვა არ იცოდა და ვერც კანტროლს გამიწევდა, თუ რას ვაწყობ, მაგრამ როგორც კი მანქანაზე დავდობდით აწყობილს, პირველ დაბეჭდილ ფურცელს, მაშინვე „ხაზეინთან“ გააქანებდა. ამიტომ საჭირო იყო, რომ როგორმე 15-20 წამით ოგანეზა მოგვეშორებინა თავიდან.

ამ დაბრკოლებასაც იოლათ ვიშორებდით თავიდან. ამნაირათ დავნაძლევედებოდით მე და სილია რამეზე, ვინც წაავებდა იმას რამდენიმე გირვანქა ხილი უნდა ეყიდა. ამას ოგანეზა სიხარულით უყურებდა, რადგან ერთი ჩვენგანი რომ წაავებდით, ამაში დარწმუნებუ-

ლი იყო და წაგებულ ხილში კი მასაც წილი ჰქონდა. როდესაც პროკლამაცია აწყობილი იქნებოდა და მანქანაც მოცლილი, ილიკო სიხარულიძეს დაუძახებდით რომ მოსულიყო და დარაჯათ დამდგარიყო კარებში, რომ მოულოდნელათ „ხაზინი“ ან პოლიცია არ შემოსულიყო სტამბაში; როდესაც ყველაფერს მოვამზადებდით, მაშინ ერთ-ერთი ჩვენგანი წააგებდა და ხილის საყიდლათ გახარებულ ოგანეზას გავეზავნიდით და უეჭველათ თათრის ბაზარში, სადაც ხილი იაფი იყო, ამიტომ ოგანეზაც სიამოვნებით მიდიოდა იქ. სანამ ოგანეზა თათრის ბაზარში მივიდოდა, ხილს იყიდდა და დაბრუნდებოდა, მანამ ჩვენც 400-500 პროკლამაციას დავბეჭდავდით. და ამ რიგათ აჭარაში წასვლას და დაქანცვას ვიშორებდით თავიდან.

არალეგალური სტამბის სახლის სავესებით დასათავებლად აჭარაში ერთი თუ ორი კვირით დურგლების მუშაობა იყო კიდევ საჭირო, მარა სანამ სტამბა აქ იყო, დურგლების მოყვანა შეუძლებელი იყო.

ამ მდგომარეობიდან გამოსასვლელად მივმართეთ ისევ ჩვენ მოხუც ხასანას. მოხუცმა ხასანამ ამ მდგომარეობიდან იოლად გამოგვიყვანა. ხასანა თურმე მთელი სოფლის მეველე იყო. დიდი ნაწილი მისი მეზობლებისა თავისი საქონლით მთებში წასულიყო საზაფხულოდ, მათი პატარა ბინები კი ხასანას მეთვალყურეობის ქვეშ იყო დატოვებული. ხასანამაც გვიჩივა გადაგვეტანა დროებით ჩვენი „მანქანები“ ერთ-ერთ ცარიელ სახლში. ჩვენც, რასაკვირველია, დავეთანხმეთ და თვითონ ხასანამ და მისმა სიძემ გადაგვიტანია სტამბა გოდრით ერთ მოშორებულ ქოხში.

ერთ თვემდე ვასტანა სახლის კეთებამ, ამ ხნის განმავლობაში ვმუშაობდით ახალ ბინაზე (მეჯოგის ქოხში), მარა რადგანაც ქოხი სამინდის ყანაში იყო და ღამე ამ ქოხს ჩვენ თითონ ვერ მივაგნებდით, ამიტომ წინასწარ ხასანასთან მივიდოდით, ხასანა გავგიძღვეზოდა წინ, მიგვიყვანდა ქოხში და თითონ დაბრუნდებოდა თავის სახლში, მაგრამ ასეთი მოგზაურობა ჩვენ გზასაც ღიდათ აგრძელებდა, გვქანცავდა და მოხუც ადამიანსაც მეტად სტანჯავდა, ამიტომ ერთ ღამეს მე და სილიამ გადავსწყვიტეთ აღარ შეგვეწუხებია არც ხასანა, ჩვენც გზა შეგვემოკლებია და გზიდან ყანებით პირდაპირ ქოხში მივსულიყავით. ეს ძალიან იოლადაც წარმოვიდგინეთ, მაგრამ ჩვენი ანგარიში არ გამართლდა. გადავედით სიმინდებში, ვიარეთ კარგა ხანს იმ მიმართულებით, საითაც ქოხი გვეგულებოდა, ბოლოს მთვარეც ჩავიდა და დაბნელდა, ვერ მივაგენით ვერც ქოხი, ვერც შარა-გზა. მშვივრებმა იქავე კიტრები ვსქამეთ და გათენებამდე დაქანცულებმა ყანაშივე დავიძინეთ. სინათლეზე დილით, როგორც იქნა, მივაგენით ჩვენი ქოხი და შევუდექით მუშაობას. ქოხის ახლო-მახლო

საუკეთესო გოგრები და სიმინდი იყო. გადავწყვიტეთ შეგვეწვა ერთიც და მეორეც და შევქცეოდით და ამ მიზნით გავაჩაღეთ ცეცხლი რაღაც ბუხარის მსგავს ყორე-ქვისაგან ამოშენებულში; ჩვენი ყურადღება სიმინდებისა და გოგრის შეწვაზე იყო მიქცეული და ვერც ერთმა ვერ შევამჩნიეთ, რომ ჩვენს ქობს ცეცხლი გასჩენია გაუწმენდავი ბუხარისაგან და ისეთი ბოლი დამდგარა, რომ შორეული სოფლიდანაც კი შეუშინევიათ. დაბოლოს, როგორც იქნა, ჩვენც შევამჩნიეთ, გამოვვარდით გარეთ და შევუდექით ცეცხლის ჩაქრობას. ქობი ისეთი დაბალი იყო, რომ სახურავზე გასვლა არ იყო საჭირო. მივაყარეთ მიწა, ნედლი გოგრის ფოთლები და სხვა რამ, რაც კი მოგვხვდა ხელში, მაგრამ არაფერი არ ეშველა. ქობში ერთი დიდი ღოქი შევამჩნიე, წამოუსვი ხელი მექანიკურად და გავიქეცი სადმე წყალის საშოვნათ, მართლაც სულ რამდენიმე წუთში მოვარბენიე ერთი ღოქი წყალი, დავასხით და ჩავაქრეთ ცეცხლი. სანამ ცეცხლი გაჩნდებოდა, წყალი სასმელათ გვინდოდა და ვერსად ვნახეთ ახლო-მახლო და როდესაც ცეცხლის ჩასაქრობათ ისე ჩქარა მოვიტანე, ამხ. სილიამ სიცილით მითხრა: რომ მცოდნებოდა ასე ჩქარა იშოვნინდი წყალს, განგებ გავაჩენდი ცეცხლს, რომ როგორმე წყურვილი მომეკლავ.

ერთ შაბათ დღეს ამხ. ლადო კეცხოველმა მოგვმართა მე და ამხ. ს. თოდრიას: აი თქვენ პროკლამაციის ორიგინალი, წადით სალამოს სტამბაში, ააწყვეთ და დაბეჭდეთ და კვირა სალამოს აუცილებლათ ჩამოიტანეთ აქ. მე თითონ შეგხვდები ბარცხანაში, ფურცლებსაც წავიღებ და თქვენც პატივსა გცემთო.

ამხ. ლადოს მომართვა ჩვენთვის სავალდებულოც იყო, სასიამოვნოც, ამიტომ სალამოსვე გავწიეთ აჭარაში. პროკლამაცია შეიცავდა მოწოდებას ახლათ ჯარში გაყვანილ ჯარის კაცებისადმი და დაწერილი იყო ქართულად. მოწოდება აწყობილი იყო და ის იყო ბეჭდვას უნდა შეესდგომოდით, მაგრამ ამ დროს სილიას შემოაქვს წინადადება: კაცო, მოწოდება ეხება ახალ გაწვეულ ჯარის კაცებს, ჯარის კაცები კი მარტო ქართველები არ არიან, ამიტომ მოდი და რუსულიც გაუროთ შიგ, რომ არა ქართველებისათვისაც გასაგები იყოსო. ასეთი წინადადება მეც დიდ აღმოჩენათ წარმოვიდგინე და მაშინვე დავეთანხმე. გახარებულნი ასეთი გამოგონებით შევუდექით ტექსტის შედგენას, რაც ხელად მზად იყო. ეს ტექსტი წარმოადგენდა ლექსივით აკინძულ ოთხ პატარა სტრიქონს შემდეგი შინაარსით:

(„ამხანაგებო სალდათებო

ნუ ესვრით ხალხს

ძირს თვით-მპყრობელობა

გაუპარჯოს დემოკრატ. რესპუბლიკას“)

ეს ოთხ სტრიქონიანი რუსული ტექსტი ჩავდევით ქართული ფურცლის „ნაბორის“ შუა გულში და დავბეჭდეთ.

კვირა საღამოს ამხ ლ. კეცხოველი მართლა შემოგვხდა გზაში ბარცხანის ზემოთ სოუსქესთან და რომ დაგვინახა მივდიოდით, შემოგვძახა: ბიჭებო, მზად არისო? — ჩვენც, რასაკვირველია, ამაყათ მიუგეთ: „მზად არის“. ასეთ პასუხზე ამხ. ლადომ მოგვხვია ხელები, ჩაგვკოცნა ორივენი, მაგრამ სიხარული და ქება მოკლე ხნის გამოდგა. ამხ. ლადომ პირველი ქუჩის ფარნამდე მიიბრინა, გაშალა შეხვეული ფურცლები და როგორც კი დახედა, ისეთი ხარხარი აუტყდა, რომ მე და სილია განცვიფრებაში მოგვიყვანა. ჩვენ ვერც კი მოვასწარიით კითხვა, თუ რატომ ხარხარობდა და თვითონ მოგვიბრუნდა და შემოგვძახა: „თქვენ მასხარებო, რათ წაგინდენიათ ფურცელი, რათ ჩაგირთავთ შიგ რუსული ლექსიო“. ჩვენ შევეცადეთ მტკიცება, რომ ძალიან კარგათ ვქენით, რომ რუსი ჯარის კაცები მეტია ქართველებზე და სხვა, მაგრამ აღარ გვაცალა, ისევე ხარხარით და ხუმრობით თითო მუჯღუფუნცი წამოგვკრა და გვითხრა: ეხლავე გაბრუნდით უკან, ამოაგდეთ ეს რუსული სტრიქონები, დაბეჭდეთ ხელ-ახლა და დილისთვის მზათ ჩამოიტანეთო და თან დაგვემუქრა. აშკარა იყო, რომ ჩვენი „აღმოჩენა“ არ გამოდგა ჭკვიანური და სხვა გზა რა გვქონდა, უნდა გავებრუნებულიყავით უკან და ხელ-ახლა გადაგვებეჭდა. ასედაც მოვიქეციით და ორშაბათ დილით ფურცლები ამხ. ლადოს ჩავაბარეთ...

ერთხელ მე და სილიამ გადავსწყვიტეთ, — გზა რომ შეგვემოკლებია და ადრე მივსულიყავით სტამბაში, სოუქსუდან პირდაპირ სიმაგრეზე დადაგველო, ვიფიქრეთ, — სიბნელეში დარაჯები ვერ შეგვამჩნევენო; ძალიან ფრთხილად მივდიოდით, მაგრამ დარაჯებმა მაინც გაგვიგეს და როდესაც დაძახილზე პასუხი არ მივეციით, ისეთი სროლა აგვიტეხეს, რომ შიშით შარა-გზაც მიგვატოვებინეს და გზის შემოკლების მაგიერ ორჯერ მეტი გზა გაგვარბენინეს და სულ დაგლეჯილ-დაბეგვილები მივედით აჭარაში.

1902 წლის უკანასკნელ თვეებში ამხ. სილია გადაყვანილ იქნა ბაქოში რ. ს. დ. მ. პ. ცენტრალურ კოიიტეტის არალეგალურ სტამბაში და ბათომში არალეგალური ლიტერატურის მბეჭდავით, დავრჩი მარტო მე. აჭარაში მარტო მუშაობა და სიარული ძალიან ძნელი იყო ერთისათვის და ამიტომ ჩვენი სტამბა გადმოვიტანეთ ბარცხანაში ივანე მგელაძის სახლებში. აქ მენმარებოდა თვით ამხანაგი ივანე მგელაძე და ხან ამხ. მაქსიმე წულაძე. დიდხანს აქ მუშაობაც შეუძლებელი შეიქნა და იძულებული შევიქენით ახალი ბინა გვეძებნა. ასეთი ბინა აღმოვაჩინეთ ვაგზლის გადაღმა მეოთხე საპოლიციო უბნის სამმართველოს გვერდით. ვისი სახლი ან ბინა იყო, აღარ მახ-

სოვს; ბოქაულათ კი ამ უბანში თავისი სიმხეცით განთქმული ჩხიკვაძე იყო. მიუხედავად ამისა ამ სტამბაში ვმუშაობდით განუწყვეტლივ მე და ნოე ხომერიკი (ხუნხუხა) თვე ნახევრის განმავლობაში სავსებით შეუმჩნევლად. ამ ხნის განმავლობაში გამოვეცი თვრამეტი (18) დიდი ფორმატის პროგრამული სახელმძღვანელო ფურცელი.

1903 წლის დასაწყისში ამხ. ეგენია სოლორაშვილის მეშვეობით წინადადება მომეცა პარტიის სახელით საჩქაროდ შემესწავლა სომხური კითხვა, იმავე სოლორაშვილის მიერ გამოცემილი იქნა სომეხი მასწავლებელი და შევუდექი მეცადინეობას. რისთვის იყო სომხურის შესწავლა საჭირო ჩემთვის, არავის აუხსნია, მაგრამ აუხსნელათაც იოლი წარმოსადგენი იყო, რადგან სომეხ ასოთ-ამწყობებში იმ დროს შეუძლებელი შეიქნა სანდო ასოთ-ამწყობის შოვნა.

ამიტომ მეც დიდი სურვილით შევუდექი სომხურის სწავლას და ერთი თვის განმავლობაში იმდენათ შევითვისე სომხური, რომ შემდეგში თავისუფლად ვაწყობდი სომხურ არალეგალურ ჟურნალს „ბანვორი კრიე“-ს (ბრძოლას) და სხვა ყველა საჭირო არალეგალურ ლიტერატურას. მხოლოდ ცუდათ დაწერილს ვერ ვარჩევდი კარგათ და ამიტომ ბევრი შეცდომებიც მომდიოდა, რასაც მერე დიდი გასწორება სჭირდებოდა. ასე რომ არ მომხდარიყო, საჭირო იყო გარჩეულად და ბეჭდვური ასოებით ყოფილიყო დაწერილი. ასეთი წერა იცოდა ამხ. სერგო ხანოიანმა და მუდამ იმას უხდებოდა სპეციალურად გადაეწერა ჩემთვის.

როდესაც სომხური შევისწავლე შედარებით, მეც გადაყვანილი ვიქენი ბაქოში იმავე რ. ს. დ. მ. პ. ცენტრალურ კომიტეტის არალეგალურ სტამბაში და ამით გათავდა ჩემი რევოლიუციონური მუშაობა ბათომში...

ლადო დუმბაძე.

ოქტომბრის პროლეტარული რევოლუციის ათი წლის თავზე.

1927 წელს ოქტომბრის დიდ პროლეტარულ რევოლუციას უსრულდება ათი წელი. ამ წლის აღსანიშნავად საბჭოთა კავშირის მასშტაბით პარტიის განყოფილებები უკვე შეუდგენ მასალების შეგროვება-დამუშავებას.

საბჭოთა კავშირში შემავალი რესპუბლიკები ყველანი ერთი ხნის არ არიან.

ლენინგრადში 1917 წელს დანთებული პროლეტარული რევოლუციის ცეცხლი მაშინვე არ მიწვდომია ყველა განაპირა ქვეყნებს, მაშინვე არ გადაუბუგავს ყველაფერი ძველი. იქ ოქტომბრის რევოლუციის შემდეგ რამდენიმე ხანს განაგრძობდნენ ბატონობას ამ რევოლუციის ანტიპოდები — ესერები, მენშევიკები და სხვადასხვა მსხვილ-ბურჟუაზიული თუ წვრილ-ბურჟუაზიული პარტიები.

საბჭოთა კავშირში შემავალ რესპუბლიკათა შორის ოქტომბრის რევოლუციის ტალღები ყველაზე გვიან შემოიჭრა საქართველოში.

ოქტომბრის დღეებს საქართველო ითვლის 1921 წლის თებერვალ—მარტიდან.

ამ რიგათ 1927 წელს საბჭოთა საქართველოს უსრულდება 7 წელი...

ჩვენი საბჭოთა მშენებლობა და მისი მიღწევები ამიტომ განსაზღვრული იქნება 7 წლის მანძილით. ყველა დანარჩენი, რაც საბჭოთა კავშირის ცენტრალურ პარტიისაგან გამოგზავნილ სქემაშია (რომელიც ქვემოთ იბეჭდება), უდგება საქართველოს სინამდვილეს და ჩვენ არაფრის დამატება, ან შეცვლა მისი არ მოგვიხდება.

მაშ, ვემზადოთ დიდი ოქტომბრის რევოლუციის 10 წლის-თავისთვის!..

ს. კ. პ. ცუკას პარტიის განყ. გამგე ს. თალაკვაძე.

ოქტომბრის რევოლუციის ათი წლის თავისთვის.

ყველა პარტიის განყოფილებებისადმი.

ძვირფასო ამხანაგებო!

ვინაიდან თითქმის ყველა პარტიის განყოფილებები უკვე შეუდგენ მუშაობას ოქტომბრის რევოლუციის 10 წლის თავისთვის მასალების შესაგროვებლათ, საჭიროა გამორკვეულ იქნას, თუ რა ფორმაში უნდა გამოიხატოს საიუბილეო საგამომცემლო მუშაობა ადგილებზე.

ს.კ.პ. (ბ) პარტიის ფიქრობს ყველაზე უბრალო და გავრცელებული ფორმაა **სტატიების, მოგონებათა და დოკუმენტების კრებულები**, რომლებშიაც მოექცევიან პერიოდები—ოქტომბრამდე (1917 წლის თებერვლიდან), ოქტომბრისა და სამოქალაქო ომის პერიოდი (სამხედრო კომუნიზმის ეპოქა).

ამ კრებულთა ზომა არავითარი შემთხვევაში არ უნდა აღემატებოდეს 12—15 ნაბეჭდ ფურცელს. ამის მიღწევა შეიძლება შემდეგი წესით: 1) სტატიები უნდა იყოს მოკლე და შინაარსიანი, ისინი არ უნდა წარმოადგენდნენ ნედლს, ასე თუ ისე შეერთებულ მასალას (როგორც ეს იყო მეტ ნაწილად 1905 წლის აღსანიშნავად გამოცემული კრებულების დროს); 2) მოგონებანი და დოკუმენტები უნდა წარმოადგენდნენ სტატიების დამატებებს და არა კრებულის დამამძიბელ მასალას, ამიტომ მათგან უნდა მოთავსებულ იქნას უფრო დამახასიათებელი და საყურადღებო. ამას გარდა, საიუბილეო გამოცემათა სხვა ფორმათაგან სასურველია ცალკე მეცნიერულ გამოკვლევითი შრომანი მონოგრაფიის სახით, თემაზე: 1) პარტიული ორგანიზაცია (1917—1927 წ.წ.) 2) საბჭოთა მშენებლობა (1917—1927 წ.წ.) და სხ. დაბოლოს მესამე ფორმა—პოპულიარული ბროშიურები ოქტომბრის რევოლუციისა და სამოქალაქო ომის ცალკე მონენტების შესახებ.

გამოცემათა მეორე და მესამე ფორმა ადგილებზე შესაძლებელია მხოლოდ იმ შემთხვევაში, უკეთეს იქ მოიპოვებიან შესაფერი კვალიფიკაციის მუშაკები.

საოქო და რესპუბლიკანური პარტიები, რომელთაც მოეპოვებათ ნივთიერი შესაძლებლობანი, ცხადია, თავიანთ მუშაობას არ განსაზღვრავენ ჩამოთვლილი სამი ფორმით.

მიგვაჩნია რა საჭიროდ შევფუძსუბუქოთ პარტიის განყოფილებებს მუშაობა გეგმათა და სქემების შემუშავებაში, სკპ (ბ) ცკ პარტიმა გამოიძემა სამიგალითო საჩვენებელი სქემა მასალათა დასამუშავებ-



ლათ და ნარკვევთა მოსამზადებლათ ოქტომბრის 10 წლისთავის: რომელიც ამასთან ერთად გეგზავნებთ.

კომ. სალამით,

სკპ (ბ) ცკ პარტისის გამგე **ს. კანაჭიკოვი.**

სკპ (ბ) ცკ პარტისის სამდიენოს გამგის მაგ. **კ. კასატკინი.**

ოქტომბრის ათი წლისთავისთვის.

ოქტომბრის რევოლიუციის ისტორიის მასალათა დასამუშავებელი და ნარკვევთა დასამზადებელი სქემა.

I. ადგილობრივი ოქტომბრის წინასწარი

1. გამორკვევა ადგილობრივ მეურნეობისა (გლეხთა მეურნეობისა და მრეწველობის) იმპერიალისტური ომის პერიოდში (თუ ეს წარმოადგენს აუცილებლობას) და იმ დროისა, რომელიც მას უშუალოდ წინ უსწრებდა. 2. როგორი იყო მუშათა მდგომარეობა ომის ეპოქაში მეურნეობის კრიზისთან და შიმშილთან დაკავშირებით. 3. მუშათა მოძრაობა ადგილობრივათ ომიანობის წლებში; პოლიტიკური პარტიები ადგილობრივ მუშათა მოძრაობაში. 4. ჰქონდა თუ არა ადგილობრივად გლეხთა მოძრაობას ადგილი. როგორი იყო ამ მოძრაობის ფორმები, მიზანი, რომელთაც გამოხატულება ჰპოვეს ლოზუნგებში. ვინ ხელმძღვანელობდა ამ მოძრაობას. 5. თუ ადგილობრივად იმყოფებოდენ სამხედრო ნაწილები, ან თქვენი რაიონი იქნება სამხედრო სახლგაო ბაზისის მეზობლათაა, მაშინ რაში გამოიხატა არმიის და ფლოტის ნაწილების მონაწილეობა მასიურ მოძრაობაში. ვინ იყვნენ ამ მოძრაობის ხელმძღვანელები. 6. თუ თქვენი რაიონი (ოლქი, გუბერნია, ქალაქი, მაზრა) დასახლებულია ეროვნული უმცირესობით, მაშინ რაში გამოიხატა კონკრეტულად მათი შევიწროვება ბურჟუაზიულ-მემამულური რუსეთისაგან. იყო თუ არა შემთხვევები პოლიტიკური გამოსვლების (ომის დროს) ამ შევიწროვებით გამოწვეული. ამ გამოსვლათა ფორმა და ხასიათი. ბელადები. 7. თქვენს რაიონში მომხდარი გამოსვლები სამხედრო დამარცხებით თუ იყო გამოწვეული. რანაირ ფორმას ლებულობდა მაშინ მოძრაობა. მისი ლოზუნგები. 8. ჰქონდა თუ არა მასიურ მოძრაობას ადგილი შიმშილობის ნიადაგზე. 9. ვინ და როგორ ამზადებდა თქვენს რაიონში თებერვლის გადატრიალებას. 10. თებერვლის გადატრიალების მოკლე მიმოხილვა და ბურჟუაზიულ-დემოკრატიული ხელისუფლების ორგანიზაცია თქვენს რაიონში. 11. მოეპოვებოდა თუ არა ბურჟუაზიას თქვენს რაიონში თავისი პოლიტიკური ორგანიზაციები. როგორი იყო

მათი როლი თებერვლის გადატრიალებაში და მათი მოღვაწეობა თებერვლის რევოლიუციის ეპოქაში. 12. რაში გამოიხატება წვრილ-ბურჟუაზიული პარტიების (მენშევიკების, ესერების, ბუნდოველების და სხ.) აქტიური მონაწილეობა თებერვლის რევოლიუციაში. 13. ამ პარტიათა შემთანხმებლური მოღვაწეობის მიმოხილვა. 14. რაში გამოიხატა და როგორ გატარდა ცხოვრებაში თქვენს რაიონში (გუბერნია, ოლქი, ქალაქი, მაზრა) დროებითი მთავრობის სოციალურ-ეკონომიური ღონისძიებანი (მაგ. ღონისძიებანი საადგილ-მამულო საკითხში, სასურსათო, საგადასახადო, მრეწველობისა და მუშათა საკითხში. 15. ეს სოციალურ-ეკონომიური ღონისძიებანი იწვევდენ თუ არა მუშათა მასაში უკმაყოფილებას. რაში გამოიხატა ეს უკმაყოფილება. იყო თუ არა თქვენს რაიონში ამ ნიადაგზე მასიურ-რევოლიუციონურ მოქმედებათა შემთხვევები. ვინ უწევდა ხელმძღვანელობას ამ მოძრაობას. (მიექცეს განსაკუთრებული ყურადღება იმ პერიოდს, რომელიც რაიონში ითვლება ოქტომბრის უშუალო მოსამზადებელ ხანად). 16. გაუარესდა თუ არა მშრომელ მასათა ეკონომიური მდგომარეობა თქვენს რაიონში დროებითი მთავრობის დროს. 17. შესწავლილ იქნას გლახთა მოძრაობა თებერვლის რევოლიუციის პერიოდში. როგორი იყო ამ მოძრაობის ლოზუნგები, ვინ ხელმძღვანელობდა ამ მოძრაობას. 18. დროებითი მთავრობის პოლიტიკით თუ წესრიგდებოდა თქვენს რაიონში ნაციონალური წინააღმდეგობანი. ხელს თუ უწყობდენ ეს წინააღმდეგობანი ფართო მასათა გარევილიუციონერებას (განსაკუთრებით გლახთა) ოქტომბრის რევოლიუციის წინა დღით. (განსაკუთრებით ზედმიწევნით უნდა დამუშავდეს საკითხი ეროვნულ რესპუბლიკებში, ოლქებში და ადგილებში, რომელნიც დასახლებული არიან ეროვნულ უმცირესობით). 19. რევოლიუციონური მოძრაობის გამორკვევა არმიისა და ფლოტის ნაწილებში დროებითი მთავრობის დროს (საკითხი დამუშავდება იმ რაიონებში, სადაც დაბანაკებული იყო დიდი სამხედრო ნაწილები, ან იმ ადგილებში, რომელთა ფარგლებში მოქცეულია სამხედრო ნავთსადგურები, სალდათთა და ფლოტის მასათა გაბალშევიკება. 20. რაში გამოიხატებოდა ადგილობრივ საბჭოების მოღვაწეობა ოქტომბრის რევოლიუციამდე. ვინ ხელმძღვანელობდა ამ საბჭოებს. დაწვრილებით შეჩერება მასათა და საბჭოთა ურთიერთ დამოკიდებულებაზე. 21. პარტიული ორგანიზაცია: ა) რა მდგომარეობაში მოუსწრო ორგანიზაციას თებერვლის რევოლიუციამ. ბ) ორგანიზაციის მოღვაწეობა თებერვლის რევოლიუციის პერიოდში (რევოლიუციონური პროლეტარიატის ძალთა ორგანიზაცია, შეიარაღება, საბჭოებში მონაწილეობა, აგიტაციის ხასიათი), გ) ორგანიზაციის ბრძოლა სოციალ-ობორონკებთან (ბრძოლის საყურადღებო ეპიზოდები და საფეხურები). დ)



მუშაობა გლახთა შორის, ე) როგორ შეხედენ ორგანიზაციები ლენინის ლოზუნგებს, ვ) როგორ მიმდინარეობდა ორგანიზაციის ზრდა და მისი გავლენა მასებში, ზ) ივლისის დღეების გავლენა ორგანიზაციებზე, თ) სამზადისი ოქტომბრისათვის,

შენი შვნა: 1. გამოარკვეეთ ცალკე მუშა ქალთა და გლახქალთა მონაწილეობა მასიურ მოძრაობაში ომისა და თებერვლის რევოლუციის პერიოდში.

2. იმ ადგილებში, სადაც ახალგაზრდობის მოძრაობა ღებულობდა ფართო პოლიტიკურ ხასიათს, ვურჩევთ სპეციალურად იქნას დამუშავებული მასალები ამ საკითხზე.

II. ოქტომბრის გადატრიალება ადგილებზე.

1. როგორ და როდის მზადდებოდა თქვენს რაიონში (ოლქი, ვუბერნია, ქალაქი, მაზრა,) ოქტომბრის გადატრიალება. გადატრიალების მომწყობ ორგანიზაციებს ჰქონდათ თუ არა კავშირი (და რაგვარი) თავიანთ ცენტრალურ ორგანოებთან ან სხვა ადგილობრივ ორგანიზაციებთან. როგორი იყო ფართო მასის დამოკიდებულება ლოზუნგისადმი — „მთელი ძალა-უფლება საბჭოებს“. როგორ მიმდინარეობდა მასის ორგანიზაცია საბჭოებისთვის ბრძოლაში (გამოარკვეეთ ცალკე გადატრიალების მომზადება მუშათა მასაში, თუ რაიონი პროლეტარული ცენტრია, სპეციალურად შეჩერდით პროლეტარიატის შეიარაღებაზე, მებრძოლი რაზმების ორგანიზაციაზე, წითელ გვარდიაზე; თუ თქვენი რაიონი გლახურია, გამოარკვეეთ გადატრიალება სოფლად და შესაფერ შემთხვევებში გამოარკვეეთ ოქტომბრის მომზადება არმიის და ფლოტის ნაწილებში). 2. ბოლშევიკების როლი ოქტომბრის რევოლუციის ორგანიზაციის საქმეში; შეიარაღებული ბრძოლის ხელმძღვანელობა, ძალა-უფლების ხელში ჩაგდება, ბრძოლა კონტრ-რევოლუციისთან. პარტიის ხელმძღვანელები თქვენს რაიონში და ის ამხანაგები, რომელნიც სპეციალურად მუშაობდნენ გადატრიალების მოსამზადებელ ამა თუ იმ სფეროში. როგორი იყო ბოლშევიკების და მასის ურთიერთობა. პროფკავშირები და მათი როლი. 3. როგორი იყო ადგილობრივი საბჭოების მოღვაწეობა ოქტომბრის წინა დღით. ამ საბჭოების გაბალშევიკება. 4. თუ თქვენს რაიონში ოქტომბრის გადატრიალება მასათა მოძრაობის სტიქიური შედეგი იყო, შესწავლილ იქნას ეს მოძრაობა. 5. ოქტომბრის გადატრიალების მიზნობილვა (აღნიშნეთ თარიღი) თქვენს რაიონში. ძალა-უფლების ხელში ჩაგდების დროს თუ იქნა გაწეული შეიარაღებული წინააღმდეგობა. როგორი იყო მებრძოლი რაზმები, რომელნიც კონტრ-რევოლუციის განკარგულებაში იყო გადატრია-

ლებს დროს. მათი შემადგენლობა და რიცხვი. მუშათა და გლეხთა მებრძოლი ძალები. მათი შემადგენლობა, რიცხვი, ხელმძღვანელები. როგორი ფორმები მიიღო კონტრ-რევოლიუციონური წინააღმდეგობის ლიკვიდაციამ. გაშუქებულ იქნას სპეციალურად მუშათა რაზმების (წითელი გვარდია) როლი გადატრიალებაში. 6. ოქტომბერი სოფლად. როგორი ფორმები მიიღო ოქტომბრის გადატრიალებამ სოფლად. (თუ რაიონი განსაკუთრებით გლეხურია, მიექცეს განსაკუთრებული ყურადღება დოკუმენტების, მოგონებათა და სხ. მასალების დამუშავებას სოფლად მომხდარი გადატრიალების შესახებ). ვინ ხელმძღვანელობდა გადატრიალებას სოფლად. სოფლის რომელი ფენები გამოდიოდნენ ოქტომბრის აქტიურ მონაწილეებათ. როგორი იყო როლი კულაკის, საშუალო გლეხის და ლატაკისა ოქტომბრის დროს. პარტიათა გავლენა სოფლის გასარევოლიუციონერებლათ. 7. თუ თქვენი რაიონი შედის ნაციონალური რესპუბლიკის ან ოლქის შემადგენლობაში, როგორი სპეციფიური ფორმები და ხასიათი მიიღო ამ გადატრიალებამ თქვენს რაიონში. 8. მუშა ქალის, გლეხ-ქალის და ახალგაზრდობის მონაწილეობა გადატრიალებაში. 9. საბჭოთა ხელისუფლების პირველი დღეები თქვენს რაიონში (ცალკე ქალაქი და სოფელი). 10. ბრძოლა კონტრ-რევოლიუციონურ გამოსვლებთან გადატრიალების მეორე დღეს.

III. საბჭოების ძალა-უფლება.

1. როგორ დაიპყრეს მუშებმა და გლეხებმა ხელისუფლების ადგილობრივი აპარატი (გამოარკვეით ცალკე ქალაქად და სოფლად). 2. როგორ მოეწყო ადგილობრივი საბჭოები და მათი ორგანოები. როგორ მიმდინარეობდა ბრძოლა საბოტაჟთან და აშკარა კონტრ-რევოლიუციონერებთან. 3. ადგილობრივი რევოლიუციონური კომიტეტების მოღვაწეობა (თუ ასეთები იყვნენ, მათი როლი საბჭოთა ხელისუფლების ორგანიზაციის საქმეში. 4. ადგილობრივი ჩეკა და განსაკუთრებული განყოფილებები ოქტომბრის მოპოვებათა დაცვის საქმეში. 5. ადგილობრივი საბჭოს ისტორია, მისი ხელმძღვანელი და ადგილობრივი ორგანოები (ყრილობები, აღმასრულებელი კომიტეტები, კომისიები და სხ.) ადგილობრივი საბჭოს ხელმძღვანელები. ადგილობრივი პარტიული ორგანიზაციები და საბჭოები (გლეხთა რაიონებში მიექცეს განსაკუთრებული ყურადღება ვოლოსტების აღმასკომების ისტორიას, გლეხთა ნასების მონაწილეობას საბჭოების მუშაობაში). როგორია ქალისა და ახკომკავშირელების როლი ადგილობრივ საბჭოში. 6. ადგილობრივი ეკონომიური მშენებლობას (სოფლად). როგორ მიმდინარეობდა თქვენს რაიონში მიწის ნაციონალიზაცია.



შედარებითი სურათი (თუ ეს შესაძლებელია) მიწით სარგებლობის ოქტომბრამდე და მის შემდეგ, კლასობრივი ბრძოლა სოფლად საბჭოთა ხელისუფლების ეპოქაში. ლატაკთა კომიტეტები და მათი როლი თქვენს რაიონში. სასურსათო „რაზვერსტკა“ და ადგილობრივ გლეხთა დამოკიდებულება მისდამი. ადგილობრივ გლეხთა მეურნეობა ეგრეთ წოდებულ „სამხედრო კომუნიზმის“ ეპოქაში. როგორ იყო გლეხთა დამოკიდებულება საბჭოთა ხელისუფლებისადმი. „სამხედრო კომუნიზმის“ დროს იყო თუ არა თქვენს რაიონში გლეხთა მოძრაობა და აჯანყებანი. რა იყო ამ აჯანყების მიზეზები, ვინ მონაწილეობდა მასში და ხელმძღვანელობდა მას. რაში გამოიხატა თქვენს რაიონში საბჭოთა ხელისუფლების პოლიტიკა საშუალო გლეხობის მიმართ. იყო თუ არა თქვენს რაიონში რაიმე სპეციალური პირობები, რომლითაც საბჭოთა ხელისუფლება სასურსათო „რაზვერსტკიდან“ გადავიდა სასურსათო გადასახადზე. როგორ იქნა გატარებული თქვენს რაიონში სასურსათო გადასახადი. როგორი იყო გლეხთა დამოკიდებულება მისდამი. გამორკვეულ იქნას ადგილობრივ საადგილ-მამულო სასურსათო ორგანოთა მოღვაწეობა. 7. საბჭოთა ხელისუფლების ეკონომიური მშენებლობა ქალაქში, როგორ ჩატარდა თქვენს რაიონში ფაბრიკებისა და ქარხნების ნაციონალიზაცია. როგორი იყო ადგილობრივი საბჭოების ფინანსიური პოლიტიკა ახალ ეკონომიურ პოლიტიკამდე (გამოარკვეით კონფისკაცია, შემკიდროვება და სხვ.) ადგილობრივ მრეწველობის ისტორია ახალ ეკონ. პოლიტიკამდე. მუშათა როლი წარმოებაში და წარმოების ორგანიზაცია. ფაბრიკარქიმები. მუშები, როგორც სამრეწველო წამოწყებათა ხელმძღვანელები. ადგილობრივ ეკონომიურ ორგანოების ეკონომ. განყოფ. სახ. სამეურ. სამ. და სხ. ისტორია. ურთიერთობა ქალაქსა და სოფლის შორის. რაში გამოიხატა თქვენს რაიონში ქალაქის კავშირი სოფელთან. 8. ადგილობრივი საბჭოთა ხელისუფლების სოციალური ღონისძიებანი. თუ რაიონი ნაციონალური რესპუბლიკა ან ოლქი, დაწვრილებით შეჩერდით ადგილობრივ საბჭოების პოლიტიკაზე ეროვნულ უმცირესობისადმი, სპეციალურად შეჩერდით ეროვნულ უმცირესობათა წარმომადგენლების მონაწილეობაზე საბჭოთა ორგანოებში და რაიონის პოლიტიკური და ეკონომიური ცხოვრების ხელმძღვანელობაზე, აღნიშნეთ სპეციალური განსხვავება ამ ხელმძღვანელობისა. გამორკვეულ იქნას ადგილობრივ პროფესიონალურ ორგანიზაციების ისტორია, მათი მონაწილეობა საბჭოთა მუშაობაში და თქვენი რაიონის ეკონომიურ ცხოვრებაში. შრომის დაცვა. სოციალური უზრუნველყოფის ორგანოთა მუშაობა. ადგილობრივ სახალხო განათლების ჯანმრთელობის ორგანოთა მუშაობა. 9. ადგილობრივ პარტიული ორგანიზაცია საბჭოთა და ეკონომიურ მშენებლობაში.

IV. სამოქალაქო ომი*).

ა. ის რაიონები, სადაც ირაზმებოდა კონტრ-რევოლიუციონური ძალები, მაგრამ სადაც კონტრ-რევოლიუციის არ ჩაუგდია ხელში პოლიტიკური ძალა-უფლება ამუშავებენ დაახლოვებით შემდეგ საკითხებს:

1. როგორს (და როდის) კონტრ-რევოლიუციონური ძალების დარაზმვას ჰქონდა ადგილი თქვენს რაიონში.
2. ვინ ხელმძღვანელობდა დარაზმვას.
3. როგორი იყო ლოზუნგები და სოციალურ-ეკონომიური პროგრამა ამ დარაზმვისა.
4. როგორი იყო კონტრ-რევოლიუციონური ორგანიზაციების მუშაობა.
5. როგორ მიმდინარეობდა ბრძოლა კონტრ-რევოლიუციონურ რაზმებთან თქვენს რაიონში.
6. ვინ იყო ამ ბრძოლის ორგანიზატორი და მონაწილენი.
7. შეჩერდით კონტრ-რევოლიუციონური რაზმების ლიკვიდაციის პირობებზე თქვენს რაიონში.

ბ. რაიონები, სადაც კონტრ-რევოლიუციამ შესძლო თავისი პოლიტიკური ხელისუფლების შექმნა, ამუშავებენ შემდეგ საკითხებს:

1. როგორი იყო ადგილობრივი კონტრ-რევოლიუციონური ხელისუფლების სტრუქტურა.
2. როგორი იყო მისი ბრძოლის მეთოდები რევოლიუციისთან.
3. რომელი საზოგადოებრივი ფენები იყვნენ ამ ხელისუფლების აქტიური და პასიური მომხრენი (თუ ადგილობრივ წვრილ-ბურჟუაზიულ ორგანიზაციებში იყვნენ გაბატონებული კონტრ-რევოლიუციის მომქმედი მონაწილენი, დაწვრილებით აიწეროს რაში გამოიხატა მათი მოღვაწეობა. ჰქონდა თუ არა კონტრ-რევოლიუციონურ ხელისუფლებას კავშირი თავისი ტერიტორიის გარეშე კონტრ-რევოლიუციონურ ძალებთან. რაში გამოიხატებოდა ეს კავშირი. უწევდენ თუ არა დახმარებას ადგილობრივ კონტრ-რევოლიუციის ევროპის კაპიტალისტური ქვეყნები. რაში გამოიხატა ეს დახმარება.
4. როგორი იყო ამ ხელისუფლების სოციალურ-ეკონომიური ღონისძიებანი. როგორი იყო მისი საადგილ-მამულო პოლიტიკა (მისი დამოკიდებულება გლეხობისადმი). როგორი იყო მისი პოლიტიკა მრეწველობისა და მუშათა საკითხის სფეროში. კონტრ-რევოლიუციონური ხელისუფლების ნაციონალური პოლიტიკა.
5. ჰქონდა ადგილი თუ არა არალეგალურ ბრძოლას კონტრ-რევოლიუციონურ მთავრობასთან. ვინ ხელმძღვანელობდა ამ ბრძოლას. გამორჩეულ იქნას მუშათა და გლეხთა მასების მონაწილეობა ამ ბრძოლაში.
6. ბოლშევიკების მონაწილეობა

*) ერთი მთლიანი სქემის მოცემა ყველა რაიონებისთვის სამოქალაქო ომის შესასწავლად შეუძლებელია, ამიტომ მიღებულია სქემათა სამი ძირითადი ტიპი, რომლებით სარგებლობა შეიძლება ცალ-ცალკე ან რამდენიმეთ მათი შეთანხმებით მოცემული რაიონის მიხედვით.



ბა ადგილობრივ არალეგალურ მუშაობის დროს, მათი როლი აქტიურ წინააღმდეგობაში კონტრ-რევოლუციონური ხელისუფლებისათვის და გადატრიალების ორგანიზაცია. 7. როგორ მიმდინარეობდა ბრძოლა ადგილობრივ კონტრ-რევოლუციონურ ხელისუფლებასთან გარედან. წითელ არმიელთა ნაწილების და პარტიზანული რაზმების ოპერაციები. 8. ადგილობრივი კონტრ-რევოლუციონური მთავრობის ლიკვიდაციის პირობები.

გ. რაიონები, რომელშიაც ადგილი არ ჰქონია აშკარა კონტრ-რევოლუციონურ დარაზმვას, მაგრამ რომელნიც ოკუპაციამნილი იყვნენ ან დროებით დაკავებული კონტრ-რევოლუციონური ჯარებითა და რაზმებით, ამუშავებენ შემდეგ საკითხებს:

1. როდის და ვის მიერ იყო ოკუპაციამნილი ან დაკავებული თქვენი რაიონი (მაგალითად: მამონტოვის რეიდი) კონტრ-რევოლუციონური ჯარებითა და რაზმებით. 2. ვინ ხელმძღვანელობდა ამ ოკუპაციას ან რაიონის დაკავებას. 3. როგორი იყო საოკუპაციო ხელისუფლების და სხ. ხელმძღვანელთა დამოკიდებულება ადგილობრივ მოსახლეობისადმი. 4. როგორი იყო მათი დამოკიდებულება საბჭოთა ხელისუფლებისა და პარტიული ორგანიზაციებისადმი. 5. ერეოდა თუ არა საოკუპაციო ხელისუფლება ან რაიონის ჯარებით დაკავების ხელმძღვანელი რაიონის სამეურნეო ცხოვრებაში. 6. მასის დამოკიდებულება საოკუპაციო ხელისუფლებისადმი. (გამოარკვეეთ ცალ-ცალკე გლეხებისა და მუშების დამოკიდებულება). 7. წინააღმდეგობას თუ უწევდენ ოკუპანტებს, რაიონის დამკავებელთ. ამ წინააღმდეგობის ხასიათი. 8. არსებობდენ თუ არა ოკუპაციის დროს არალეგალური პარტიული ორგანიზაციები. მათი მოღვაწეობა. მოუწყვეს თუ არა მათ წინააღმდეგობა ოკუპანტებს და სხ. 9. რის შედეგი იყო საოკუპაციო ხელისუფლების მიერ თქვენი რაიონის დატოვება.

V. პარტიული ორგანიზაცია.

1. პარტორგანიზაციის ისტორიის მოკლე მიმოხილვა წლები-სა რევოლუციამდე—(თებერვლის რევოლუციამდე) ა) დაარსების დრო, ბ) სოციალური შემადგენლობა, გ) დრო და გარემოება რასკოლისა მენშვევზმთან, დ) ორგანიზაციის მოქმედების რაიონი (მუშაობა გლეხობასთან), ე) ორგანიზაციის როლი 1905 წლის რევოლუციონურ დღეებში აგრარულ მოძრაობაში, ზ) ორგანიზაცია რეაქციის პერიოდში—სწარმოებდა თუ არა ბრძოლა ლიკვიდატორებთან, თ) ორგანიზაცია ომის პერიოდში—ბრძოლა „ობორონცებთან“.

2. პარტორგანიზაცია თებერვლის პერიოდში (პერიოდი ოქტომბრამდე) ა) რა მდგომარეობაში მოუხწრო ორგანიზაციას თებერვ-

ლის რევოლიუციამ, ბ) ორგანიზაციის მოღვაწეობა თებერვლის რევოლიუციის პერიოდში (რევ. პროლეტ. ძალთა ორგანიზაციათა შეიარაღება, მონაწილეობა საბჭოებში, აგიტაციის ხასიათი), გ) ორგანიზაციის ბრძოლა სოციალ-ობორონცობასთან (ბრძოლის საყურადღებო ეპიზოდები და საფეხურები), დ) მუშაობა გლეხთა შორის, ე) როგორ შეხვდა ორგანიზაცია ლენინის ლოზუნგებს, ზ) როგორ მიმდინარეობდა ორგანიზაციის ზრდა და გავლენა მასებზე, თ) ივლისის დღეების გავლენა ორგანიზაციაზე, ი) მომზადება ოქტომბრისათვის.

3. **პარტორგანიზაცია ოქტომბრის დღეებში.** შეიარაღებული ბრძოლის ხელმძღვანელობა, ძალა-უფლების ხელში ჩაგდება, ბრძოლა კონტრ-რევოლიუციასთან.

4. **ორგანიზაციის როლი საბჭოთა ხელისუფლების პირველ მშენებლობაში** საეუბერნო ცენტრში და ადგილებზე. დამოკიდებულება წვრილ-ბურჟუაზიულ ჯგუფებისადმი თვით მემარცხენე ესერებამდე. ორგანიზაციის დამოკიდებულება ბრესტის ზავისადმი. რიცხვობრივი შემადგენლობა ორგანიზაციისა, როგორ იმოქმედა ორგანიზაციაზე ხელისუფლების აპარატის დაპყრობამ (ორგანიზაციის შესაძლებელი შესუსტება, მასებში გავლენის შესუსტება).

5. **პარტორგანიზაცია სამოქალაქო ომში.** უშუალო მონაწილეობა ფრონტებზე. ცენტრის მიერ ორგანიზაციის წევრთა გადატყორცნა. მობილიზაციები. როგორ იმოქმედა პარტორგანიზაციაზე მე-VIII ყრილობის გადაწყვეტილებამ (გლეხობის შესახებ). პარტიის მონაწილეობა საბჭოთა აღმშენებლობაში. ლატაკთა კომიტეტები. ორგანიზაციის მონაწილეობა სასურსათო „რაზვერსტკაში“. პარტორგანიზაციის ზრდა და განვითარება. (ახალ წევრთა მიღების „კვირები“) ბრძოლა ბანდიტიზმთან¹⁾.

6. **პარტორგანიზაციის გადასვლა** სამხედრო კომუნიზმიდან ახ. ეკონ. პოლიტიკის ეპოქაში. როგორ იმოქმედა ამ გადასვლამ ორგანიზაციის მუშაობაზე, მის შემადგენლობაზე, ორგანიზაციის როლი სამეურნეო მშენებლობაში. „წმენდა“.

7. ორგანიზაციის ბრძოლის საყურადღებო საფეხურები, მისი ზრდა ახ. ეკონ. პოლიტიკის წლებში. გავლენის ზრდა მასებში, ორგანიზაციის რიცხვობრივი შემადგენლობა, სოციალური შემადგენლობა. პარტორგანიზაციის ორგანოები: გუბკომი (მისი შემადგენლობა), საგუბ. საკონ. კომისიები, გუბკომების განყოფილებათა მუშაობა, ლენინური გაწვევა. მუშაობა სოფლად.

1) თუ ტერიტორია დაკავებული იყო კონტრ-რევოლიუციონური ძალების მიერ, უნდა აწერილ იქნას არალეგალური პერიოდი.

ზრახვიული გრძელის პირველი დღეები ტფილისში.

(1905 წ.)

(ტფილისის მოწინავე მუშების პირველი გაფართოვებული კრება ნა-
ძალადევეში ბოლშევიკების და მენშევიკების შორის მომხდარი განხეთ-
ქილების შესახებ 1905 წ. დასაწყისში),

ჩვენ, ტფილისის მუშებმა პარტიაში განხეთქილების შესახებ
თითქმის არაფერი ვიცოდით 1905 წლამდის. ჩვენი ბინა იყო გამავრ-
ცელებელი პუნქტი მთელი ლიტერატურისა ტფილისის მუშებისა-
თვის; ერთ ოთახში ვცხოვრობდით (თუმანოვის ქუჩაზე)—მე, იაკობ
ოდეშაშვილი (მეტი სახელი კაკულა) და კოტე შაკულაშვილი.

პარტიაში განხეთქილების შესახებ ჩვენ გავიგეთ მხოლოდ მა-
შინ, როცა საზღვარ-გარეთიდან დაბრუნდენ ჩვენი ნაცნობი ამხანა-
გები: მიშა დავილოვი, დათიკო სულიაშვილი და იცკა რიჟინაშვილი.
პირველად იმათ გვითხრეს პარტიაში უთანხმოების შესახებ, რომ
მეორე „სიეზღზე“ თავი იჩინა ორმა მიმართულებამ, ერთი სახელ-
წოდებით „უმრავლესობა“ და მეორე „უმცირესობა“. ეს ამხანაგები
გვისხნიდნენ უმთავრესად რა საკითხმა გაჰყო პარტია ორ ნაწილად.
და ჩვენ სამივე ამხანაგები, ესე იგი, იაკობ ოდეშაშვილი, კოტე შა-
კულაშვილი და მე ვეთანხმებოდით მათ ახსნა-განმარტებას იმის შე-
სახებ, თუ ვინ უნდა იყოს პარტიის წევრი. პარტიის წევრი, რასაკვირ-
ველია, ის უნდა ყოფილიყო, ვინც იღებდა (სოციალ-დემოკრატიულ)
პროგრამას, შედიოდა ერთ-ერთ მის ორგანიზაციაში და იხდიდა
საწევრო გადასახადს. ამ აზრს ხელალებით ვემხრობოდით. და მით
ვხდებოდით „ბოლშევიკები“. მაგრამ რამდენიმე ხნის შემდეგ ჩემმა
ორმა ამხანაგმა, სახელდობ, იაკობ ოდეშაშვილმა და კოტე შაკულა-
შვილმა რომ გაიგეს, რომ ნოე ჟორდანიას „მენშევიკების“ მხარეზეაო,
მაშინვე გადავიდნენ „მენშევიკების“ მხარეზე. თუმცა უნდა ითქვას,
რომ როცა ჩვენ ვკამათობდით საერთოდ პიროვნების შესახებ, ისინი
ყოველთვის პიროვნებას არ აღმერთებდნენ. მაგრამ როცა გაიგეს, რომ
ნოე ჟორდანიას მეორე პარტიულ „სიეზღზე“ იყო და მენშევიკია,
ეხლა მიმტკიცებდნენ, რომ მენშევიკური აზრი უკეთესია და ჩვენ, მუ-
შები, ყველა მენშევიკები უნდა გავხდეთო. მაშინ ტფილისის პარტიულ

კომიტეტს შეადგენდნენ „მენშევიკები“, და კავკასიის კავშირის კომიტეტს კი — „ბოლშევიკები“ და როდესაც კავშირის კომიტეტმა მისწერა ტფილისის კომიტეტს, რომ თქვენ დაშლილათ ხართ გამოცხადებული და ყოველივე ქონება უნდა ჩააბაროთ ახლად შემდგარ ტფილისის პარტიულ კომიტეტსო აი, სწორედ მაშინ დაფაცურდა ტფილისის „მენშევიკური“ კომიტეტი ნოე ჟორდანიას მეთაურობით და მოიწვიეს ტფილისის მოწინავე მუშების გაფრთხილებული კრება ნაძალადეგში.

ეს იყო დაახლოებით 1905 წ. გაზაფხულის დასაწყისში, ამ კრებას დაესწრო დაახლოებით 30—40 მოწინავე მუშა. და როდესაც ჩვენ სამი ამხანაგი მივედით კრებაზე, ჯერ კიდევ კრება არ იყო გახსნილი. ნოე ჟორდანია უკვე იქ იყო. ჩვენ შევევლით ოთახში. ეტყობოდა, რომ მოწინავე მუშების უმრავლესობა მოსული იყო. ჟორდანიაც იქ იყო, მაგრამ მიუხედავად ამისა, იქ სამარისებური სიჩუმე იყო ჩამოვარდნილი. მე მოვინდომე სიჩუმის დარღვევა და ჟორდანიას შევეკითხე: მუშა სოციალ-დემოკრატი და ინტელიგენტი სოციალ-დემოკრატი რით განსხვავდება ერთმანეთისაგან ნეთქი. ეს კითხვა იმიტომ მივეცი, რომ წინათ, სანამ კრება შესდგებოდა, ჟორდანალ „მოგზაურში“, რომელიც მაშინ გამოდიოდა ფილიპე მახარაძის რედაქტორობით, დაიბეჭდა ორი წერილი, ერთი ნოე ჟორდანიას თუ არ ვცდები მგონი ან — ის ფსევდონიმით და მეორე საშა წულუკიძის ვგონებ ა — ლე ფსევდონიმით. ამ წერილში სწერდა ნოე ჟორდანია და აკრიტიკებდა ბოლშევიკებს საერთოდ და ლენინის წიგნს — что делать? ჟორდანია ამბობდა იქ, რომ ლენინი სწერს ამ წიგნში, რომ მუშებში სოციალიზმი ინტელიგენციამ უნდა შეიტანოს, თორემ მუშები ვერაფერს გაიგებენო, რომ პარტიაში ინტელიგენციის გაბატონება უნდათ ბოლშევიკებსო, და მრავალი სხვა დემაგოგიური ფრაზები იყო იმ წერილში ბოლშევიკების წინააღმდეგ. და აი სწორედ ამიტომ მივეცი ზემოდ დასახელებული კითხვა ჟორდანიას, თანაც მინდოდა სიჩუმე დამერღვია.

მან დაიწყო ახსნა, რომ ინტელიგენციას თავის მდგომარეობით ადვილათ შეუძლია ულალატოს მუშათა კლასსო. არ დაეთავებია მას ამ კითხვის ახსნა, რომ ამ დროს მოვარდა ერთი მუშა, კარგათ აღარ მახსოვს რომელი იყო, ვგონებ მეტ სახელად „კურთელი“, მტაცა ხელი და გამიყვანა გარეთ აივანზე და მეუბნება — როგორ უბედავ მას შენ შეკამათებას, იცი შენ თუ არა, ვინ არის ის, რომ ის ნოე ჟორდანიაა, რომ ის მუშების სათაყვანებელი კაცია და სხვა ასეთები.

იხსნება კრება, რომლის წინაშე სდგას მხოლოდ ერთი საკითხი, — ეს საკითხი არის კავშირის კომიტეტის მიერ მოწერილი წერილი, ტფილისის მენშევიკური კომიტეტისადმი. მოხსენებას აკე-

თებს საერთოდ „ბოლშევიკებზე“ და ამ წერილის შესახებ ნოე ჟორდანიას. ის ამბობს, რომ ბოლშევიკები მუშებს პარტიიდან ერეკებიან „დუბინებით“, რომ მათ ორგანიზაციაში შეუძლია შევიდეს მხოლოდ ინტელიგენციას და მუშებს უხშობენ პარტიის კარებს, რომ ისინი არავითარ დემოკრატიზმს არ იცავენ პარტიაში და პირდაპირ ზევიდან ნიშნავენ ორგანიზაციაში ხალხსა და სხ. ამის დასამტკიცებლათ ბოლოს წაგვიკითხა კავშირის კომიტეტის მოწერილი წერილი ტფილისის კომიტეტისადმი, სადაც ეწერა: 24 საათში უნდა ჩააბაროთ ახლათ შემდგარ კომიტეტს ყოველივე ის ქონება, რაც თქვენ განკარგულებაშია და თქვენ დაშლილათ ითვლებითო; კიდევაც რომ მოინანიოთ თქვენი შეცდომები, თქვენი დარჩენა კომიტეტში მაინც შეუძლებელიაო. და აი, სწორედ ამ ბოლო სიტყვებზე ნოე ჟორდანიას დორბლებს ჰყრიდა პირიდან და ამბობდა: ამხანაგებო, ნიკოლოზის კანონები ამბობს, რომ თუ შეცდომას აღიარებ, გეპატიებაო და ეგენი კი ნიკოლოზზე უარესი ინკვიზიტორები აღმოჩნდნენო.

ამის შემდეგ იყო წამოყენებული რეზოლიუცია, რომელიც გმობდა კავკასიის კავშირის მოწერილობას და ამბობდა, რომ ტფილისის კომიტეტი არის ტფილისის მუშების მიერ არჩეული და ყოველივე ის ქონება, რაც ტფილისის კომიტეტის ხელშია, ეკუთვნის ტფილისის მუშებს.

ამნაირათ, ეს პირველი ოფიციალური კრება იყო, რომელიც არ ემორჩილებოდა უმაღლეს ორგანოს დადგენილებას საქართველოში. ამის შემდეგ კავკასიის კავშირის კომიტეტმა გამოუშვა პროკლამაცია, სადაც აცხადებდა ტფილისის ძველ კომიტეტს დაშლილათ და ურჩევდა ტფილისის მუშებს, რომ შემოკრებილიყვნენ ახალი ტფილისის კომიტეტის გარშემო. და ეს პროკლამაცია მოეტანა ჩვენს ოთახში კამოს ტფილისის მუშებში დასარიგებლათ. გაეგოთ თუ არა ძენშევიკებს, რომ ასეთი პროკლამაციებია გამოშვებული კავკასიის კავშირის კომიტეტის მიერ ტფილისის მუშებში დასარიგებლათ, მაშინვე მოსულიყვნენ ჩვენს ოთახში და გამოეტანათ ეს პროკლამაციები და დაეწვათ. აი სწორედ ასე დაიწყო პირველი ფრაქციული ბრძოლა ბოლშევიკებს და მენშევიკებს შორის ტფილისში და სწორედ აქედანვე შეატყობდა შორსმჭვრეტელი მუშა, თუ რა სასტიკი უნდა ყოფილიყო ჩვენს შორის ბრძოლა გადამწყვეტ მომენტში.

ეს ასეც მოხდა. დღეს ეს ყველამ იცის და მით უფრო საჭიროა, რომ ჩვენ, მუშებმა, 1905 წ. რევოლიუციის 20 წ. თავის აღსანიშნავად, მოვიგონოთ ეს ფაქტი ჩვენი პარტიული ცხოვრების. და მით უფრო უნდა შევკავშირდეთ ორგანიზაციულათ. და კლასიური ბრძოლის თვალთა—ხედვის ნიადაგზე დგომით მომავალში უფრო ადვილათ და მედგრათ გავუმკლავდეთ გარედან და შიგნიდან მოზღვავებულ მტერებს.

რ. ჯღამაძე.

მკიბე წლავი ჩვანი პარტიის ცხოვრებაში.

(1907—1910)

1907 წ. ლონდონის ყრილობის შემდეგ ბოლშევიკურმა სალიტერატურო ბიურომ თავისი მუშაობა ძალზე შეანელა. მოწინავე ამხანაგები, რომელნიც ხელმძღვანელობდნენ პარტიაში ბოლშევიკურ ფრაქციას (კობა, მიხა ცხაკაია და სხვ.) ან გაემგზავრენ ლონდონის ყრილობაზე, ან გადასახლდნენ დიდ სამრეწველო ცენტრებში (ბაქოში და შიდა რუსეთში).

იმ დროს ტფილისში მთელი თავისი სიმძლავრითა და სიმკაცრით გააძლიერა მოქმედება „ოხრანკამ“, განსაკუთრებით ბოლშევიკების მიმართ.

ტფილისის მენშევიკური კომიტეტის მუშაობას არავთარი ნიშან-წყალი არ ეტყობოდა და ეს მუშაობა თანდათანობით გაიყინა; კომიტეტის სხდომები უნდებოდა იმის გამორკვევას, თუ როგორ დაედწიათ თავი ცნობილი 102 მუხლისაგან, რომელმაც მენშევიკები ძალზე დააფრთხო და დავთარი აუბნია. ტფილისის კომიტეტში შედიოდა სამი ბოლშევიკი—მე-4—6—7 რაიონებიდან, დანარჩენი რაიონებიდან იყვნენ წარმოგზავნილი მენშევიკები და კომიტეტი, თავის დიდი უმრავლესობით, შესდგებოდა მენშევიკებისაგან.

მახსოვს, 1908 წ., დიდ უთანხმოებას ჰქონდა ადგილი მ იანვრას მომხდარ ამბების აღსანიშნავად ფურცლების გამოშვების შესახებ. ლიკვიდატორული სულისკვეთება ისიც იყო აშკარადებოდა მენშევიკთა შორის. მენშევიკების დიდი უმრავლესობა კომიტეტში სრულიად ზედმეტად სთვლიდა ფურცლის გამოშვებას. იმათი აზრით რევოლიუციონური მუშაობა და არა-ლეგალური ლიტერატურის გამოშვება მხოლოდ გააღიზიანებდა „ოხრანკას“ და გააძლიერებდა რეპრესიებს.

ფურცელი გამოშვებულ იქნა, მაგრამ აშკარა იყო, რომ ეს უკანასკნელი ფურცელი იყო მენშევიკური კომიტეტისა.

1908 წელს, გაზაფხულზედ, ასტყდა კამათი ლეგალურ საშუალებათა გამოყენებისა და არა-ლეგალური მუშაობისათვის თავის მიზნების შესახებ. რაც დრო გადიოდა, დიდი უმრავლესობა მენშევიკური კომიტეტისა, იმ აზრს ითვისებდა, რომ რევოლიუცია გათავებულა და როგორმე უნდა შევეგუოთ მეფის რეჟიმსა და ლეგალურ ფარგლებში პარტიული მუშაობის წარმოებასო.

ამ სამარცხვინო კამპანიის ხელმძღვანელობა მაშინ იკისრა საოლქო კომიტეტის წევრმა სილბისტრო ჯიბლაძემ. აღნიშნულ კამპანიის ჩატარებას ხელი შეუწყო 1908 წლის დეკემბერში პარიზში გამართულ კონფერენციაზე მიღებული რეზოლიუციების წინააღმდეგ გალაშქრებამ კავკასიის დელეგაციისამ (დანია, აქსელროდი და სემიონოვი*). დელეგაციამ წერილობითი მოხსენება გადმოუგზავნა საოლქო კომიტეტს კონფერენციის რეზოლიუციების შესახებ. დელეგაციის წერილობითი მოხსენება იყო აშკარა ლიკვიდატორული. ამ გარემოებამ უფრო გაორკეცებული გაბედულებით აამოქმედა მენშევიკები არალეგალური პარტიის წინააღმდეგ. იმავე ხანებში მოხდა ახალი არჩევნები და პირველ რაიონში (იმ დროს და ეხლაც პირველ რაიონად არის წოდებული) კომიტეტში გაიყვანეს ყველა ბოლშევიკები, რამაც მოგვცა ერთი თუ ორი კაცი თუ უმრავლესობა, რაც ჩვენთვის, ბოლშევიკებისათვის, სრულიად საკმარისი იყო, რომ საოლქო კომიტეტის წინააღმდეგ გაგველაშქრებია ტფილისის პარტიის ორგანიზაციის სახელით. საოლქო კომიტეტმა სილბისტრო ჯიბლაძისა და კალისტრატე გოგუას პირით მარტში, 1909 წ., ტფილისის კომიტეტი დაშლილად გამოაცხადა, რაზედაც მათ ცივი უარი მიიღეს და რასაც მოყვა მენშევიკების მიერ დემონსტრატიულად კომიტეტის სხდომის დატოვება. რადგან ასეთი წინააღმდეგობის გაწევას არ მოელოდა საოლქო კომიტეტის წევრი სილბისტრო ჯიბლაძე, მან, ჩვენ კრებას, ე. ი. კომიტეტიდან გამოყოფილ ნაწილს, სექტანტები უწოდა.

ახალი (ბოლშევიკური) კომიტეტის მუშაობა.

1909 წ., გაზაფხულზე, ე. ი. მას შემდეგ, რაც მენშევიკებმა მიატოვეს არალეგალური კომიტეტი, ჩვენ, ბოლშევიკებმა მოვახდინეთ ხელ-ახალი არჩევნები და განახლებული კომიტეტი შეუდგა მუშაობას იმ ღირექტივებისა და გეგმის თანახმად, როგორსაც იძლეოდა 1908 წ.***) დეკემბრის პარიზის კონფერენცია: გაძლიერება არალეგალური მუშაობისა პარტიაში და ლეგალურ საშუალებათა გამოყენება პარტიის გასაძლიერებლად. ამ მიზნით კომიტეტმა გამოყო განსაკუთრებული კომისია ლეგალურ ორგანოებში სამუშაოდ და მისი პირველი ნაბიჯი იყო მონაწილეობის მიღება ეგრედ წოდებულ ქართულ სცენის მოყვარეთა საზოგადოების დაარსებაში და დამფუძნებელ კრებაზე, მის გამგეობაში, კანდიდატების გაყვანა

*) სემიონოვი ნოე რამიშვილის ფსევდონიმი იყო.

**) ბოლშევიკურ კომიტეტში შევიდნენ ჩემთან ერთად პეტრე არგელაძე, პ. საბაშვილი, ვალოდია კოპალეიშვილი, ილია მგელაძე (ეხლა ვარდინი) და სხვ.



კომიტეტის მუშაობა ამ შემთხვევაში სრული გამარჯვებით დასრულდა. არჩეულ იქნენ ყველა ბოლშევიკური კომიტეტის მიერ წაყენებული კანდიდატები (ს. თავდიშვილი, ვალოდია კოპალეიშვილი, სამსონ ტოროშელიძე და სხვ.). კრება მრავალ-რიცხოვანი იყო—დაახლოებით 300 წევრი დაესწრო, თითქმის სულ მუშები. აქ იყო სახალ. სახლის ბიბლიოთეკის მოსამსახურე ამხ. ს. თალაკვაძე და სცენის მოყვარენი: ანკარა, გოცირიძე და სხვ. ამ არჩევნებს დიდი მნიშვნელობა ჰქონდა მაშინ სახალხო უნივერსიტეტის ირგვლივ (სახალხო უნივერსიტეტის ქართულ სექციაში მუშაობდნენ: ამხ. ს. თალაკვაძე, გ. ყურულიშვილი, ლ. წულუკიძე და სხვ.). მუშაობისათვის, ვინაიდან ეს არჩევნები სწყვეტდა საკითხს, თუ ვის ხელში,—ბოლშევიკების, თუ მენშევიკების,—უნდა ყოფილიყო დღეები ქართული წარმოდგენებისათვის.

სანამ ეს საზოგადოება შესდგებოდა, მანამ ქართულ სექციის განკარგულებაში იყო წარმოდგენების დღეები, ქართული სექცია კი მენშევიკების ხელში იყო.

სცენის მოყვარეთა საზოგადოების გამგეობის არჩევნების შემდეგ წარმოდგენების დღეები გადაეცა მას სახალხო უნივერსიტეტის გამგეობისა და ქალაქის თვითმართველობის მიერ, მენშევიკები დარჩენ პირში ჩალა-გამოვლებული.

რამდენად გამწვავებული იყო ბრძოლა ჩვენსა და მენშევიკებს შორის სახალხო უნივერსიტეტის ირგვლივ, ამას მოწმობს შემდეგი: ქართული სექციის მთელი შემადგენლობა მენშევიკ ჭიაბრიშვილის მეთაურობით 30 კაცამდე განოცხადდნენ სცენის მოყვარეთა საზოგადოების გამგეობის სხდომაზე და დემონსტრატიულად მოითხოვეს ქართული წარმოდგენების დღეების სექციისთვის გადაცემა. რასაკვირველია, მათი მუქარისა და დემონსტრაციის არავის შეშინებია, ნახეს რა ეს ხერხი ვერ სჭრის, მაშინ მიმართეს მეორე საშალებას. მიუგზავნეს დელეგაცია ქალაქის ხმოსანს ნიკო ელიავას (ნიკო ელიავა მაშინ ბოლშევიკოდა) საოლქო კომიტეტის ბეჭედ დასმული ბრძანებით, რომ მას, ელიავას, დაუყოვნებლივ აღეძრა საკითხი ქალაქის თვითმართველობის გამგეობასთან და საბჭოშიც და ყველა იურიდიული უფლებები, რაც შეეხებოდა ქართულ წარმოდგენებს სახალხო უნივერსიტეტში, გადასცემოდა სახალხო უნივერსიტეტთან არსებულ ქართულ სექციას ე. ი. მენშევიკებს.

ამის გამო ნ. ელიავამ დაგვაბარა მე და პეტრე არველაძე და გვიკითხა რჩევა როგორ მოქცეულიყო საოლქო კომიტეტის განკარგულების შესახებ. ეტყობოდა, რომ ამ გარემოებას დაეფიქრიანებია. მან სთქვა, ხომ იცით საოლქო კომიტეტის კანდიდატი ვარ ხმოსნად და როგორ მოვიქცე არ ვიციო. ჩვენ კატეგორიულად განუცხადეთ,



რომ საოლქო კომიტეტის არსებობა საეჭოა მას შემდეგ, რაც ტფილისის ბოლშევიკური კომიტეტი მას არ ცნობილობს და არ ცნობილობს აგრეთვე ბაქოს კომიტეტიც. როგორი გადაწყვეტილება მიიღონ. ელიავამ წერილის შემდეგ ეს არ ვიცი, მხოლოდ სრული პატრონი სახალხო სახლში ქართული წარმოდგენებისა დარჩა ისევ გამგეობა სცენის მოყვარეთა საზოგადოებისა ბოლომდე.

ამ სცენის მოყვარეთა წრის გავლენის ქვეშ იყო ავჭალის აუდიტორია. აგრეთვე შემდეგ — ნოქართა კლუბი, მეჩქმეთა პროფ-კავშირი და სხვ. ლეგალური დაწესებულებები. ყველა ესენი ბოლშევიკური კომიტეტის გავლენის ქვეშ იყვნენ. ეს გარემოება მენშევიკებს კიდევ უფრო აბრაზებდა.

გაჩაღებულ იქნა წრეებში მუშაობა აშხ. ის. თალაკვაძის მეთაურობით და ვისაც კი ახსოვს 1909—1910 წლებში გახაფხულზე მასიური კრებები და ბოტანიკურ ბაღში გამართული მიტინგები, ეს მუშაობა იყო საუკეთესო დამახასიათებელი კომიტეტის მუშაობისა, რ. მაც დიდი როლი ითამაშა მიძინებული მასების გამოცოცხლებაში.

მაშინ ჩემთან არალეგალურ მუშაობაში იყვნენ ჩაბმულნი: (საბაშვილი, მგელაძე — ვარდინი, თავდიშვილი, ვ. ნოდია, არველაძე პ., ის. თალაკვაძე, ერმ. კალანდაძე, ს. თალაკვაძე, გ. ყურულიშვილი, ლადო სუხიშვილი, ლ. მიროტაძე და სხვ.. ბოლშევიკურ ორგანიზაციაში ირიცხებოდა 450 აქტიური წევრი.

ტფილისში კიდევ მოიპოვებოდნენ იმ დროს ძველი ბოლშევიკები, რომლებიც დიდი როლს თამაშობდნენ 1905 წ. და უფრო ადრეც რევოლუციონურ მოძრაობაში და სრულიად (პასიურად იყვნენ განწყობილნი 1908—1910 წლებში და თითქმის არავითარ მონაწილეობას არ ღებულებდნენ პარტიულ მუშაობაში. ისინი, პირიქით, ტფილისის კომიტეტის მუშაობას სთვლიდნენ პირობების მიხედვით სრულიად უმიზნოთ. ასეთი ამხანაგები თუმცა თითებზე იყვნენ ჩამოსათვლელი, მაგრამ ის კი ფაქტია, რომ მათი პოზიცია მაშინ უფრო ლიკვიდატორული იყო, ვინემ ბოლშევიკური. ისინიც, ალბათ, სავსებით შეპყრობილი იყვნენ ცნობილი 102 მუხლის შიშით. მათ უფრო მეტი საბაბი მიეცათ არ მიეღოთ აქტიური მონაწილეობა პარტიულ მუშაობაში მას შემდეგ, რაც გახშირდა „პროვალეები“ (იმ ხანებში ჩაუვარდა „ოხრანკას“ იარაღის ორი საწყობი 1—5 რაიონში „ტრეუგოლნიკის“ შენობაში და, მეორე საწყობი — გენერალ თამაშევის სახლში მე-6 რაიონში (სოლოლაკში).

ეს შემთხვევა მენშევიკ-ლიკვიდატორებმაც გამოიყენეს და ავრცელებდნენ მუშებში ხმებს, ბოლშევიკები რომ არ ყოფილიყვნენ, „ოხრანკა“ ასეთ რეპრესიებს არ შემოიღებდაო. ამით მათ უნდოდათ გაემართლებიათ თავიანთი ლიკვიდატორობა და პარტიის ლეგალი-



ზაცია. 1909 წ. შემოდგომაზე ბაქოდან ჩამოვიდა ამხ. კობა-სტალინი, რომელმაც ტფილისის კომიტეტის მუშაობა მოიწონა და ახალი დირექტივები მოგვცა. გაეცნო არალეგალური სტამბის მომავალ სამუშაო გეგმას და აღგვითქვა მოწინავე წერილების მოწოდება გაზეთ „პროლეტარიატისთვის“.

1907—1910 წ.წ. მუშაობის მძიმე პერიოდი იყო, განსაკუთრებით 1909 წ. და 1910 წ. მიწურულში.

პარტ-ორგანიზაციას შერჩა მხოლოდ ისეთი ელემენტები, რომლებიც ჯერ კიდევ იმედის თვალთ შესცქეროდნენ რევოლიუციას და სულით არ იყვნენ დაცემულნი, ასეთები იყვენ უმთავრესად პარტიაში შომუშავე მუშები.

კარგად იყო მოწყობილი საზღვარგარეთიდან ლიტერატურის მიღების საქმე. ლიტერატურას რეგულიარულად ვღებულობდით.

საუცხოვო არქივი, რომელიც შენახული ჰქონდა კომიტეტს, დაიღუპა არალეგალურ სტამბასთან ერთად 1910 წ. ეკლესიის ქუჩაზე

ერმილე (გერმანე) ნაფეტვარიძე.

საიდუმლო სტამბა კოჯრის გზაზე.

(1909—10 წ.)

1909 წელის მიწურულია. ჩემთან ბინაზე მოვიდა ორი ამხ. ერმილე კალანდაძე და ერმილე ნაფეტვარიძე და პარტიის სახელით დამავალეს საიდუმლო სტამბის მოწყობა და მასში მუშაობა.

ეს ის დრო იყო, როცა სტოლიპინის რეაქციის ნაყოფი: (იხიე, კატორღა და სახრჩობელა მთელი რუსეთის სივრცეზე სრული თავისი სისასტიკით მძვინვარებდა. საკმარისი იყო ერთი ცალი ფურცელისა ეპოვათ და კატორღაში ამოყოფდი თავს. ეს ის დრო იყო, როცა პარტიაში ლიკვიდატორულმა მიმდინარეობამ იჩინა თავი...

აი ასეთ დროს ტფილისის კომიტეტმა გადასწყვიტა მოეწყო საიდუმლო სტამბა და ეწარმოებია არალეგალური მუშაობა.

ჩვენც შევეუდექით საქმეს. სტამბისთვის ბინა ეშოვნათ კოჯრის გზაზე ივანე ქარსელაძის სახლში ამხ. გედეონ თურმანიძის შემწეობით. მაგრამ ეს ბინა გამოდგებოდა თუ არა, მათ ვერ გადაეწყვიტათ და ამიტომ ერთ საღამოს წამიყვანეს ბინის დასათვალიერებლათ.

ახირებული ბინა იყო მდგურების მხრით, მარა ჩვენ მაინც გადავწყვიტეთ იქ მოგვეთავსებინა სტამბა. იმ ოთახის ზემო სართულში, სადაც სტამბა უნდა მოთავსებულიყო, ცხოვრობდა „ობრანიკი“. გვერდით ორ ოთახში ცხოვრობდნენ თავისი ცოლ-შვილით სამი პო-

ლიციელი: დოროფნოვი და სხვა (გვარები არ მახსოვს). სტამბის წინ ორ ოთახში-კი უნდა ეცხოვრა — ერთში ილარიონ მგელაძეს (ვარდინი), ხოლო მის გვერდით — თვით სახლის პატრონს.

ილარიონს დავალებული ჰქონდა როგორც ფურცლებისა და ჟურნალის „პროლეტარიატის ბრძოლა“-ს ფურცლის ხელმძღვანელობა, ისე მისი კორექტურის გასწორება. აი ასეთ ბინაზე მოვაწყეთ საიდუმლო სტამბა.

სტამბისთვის საჭირო არავითარი მასალა და მანქანა ჩვენ არ გვქონდა, საჭირო იყო მისი შეძენა, რაც იმ დროს არც ისე ადვილი საქმე იყო. რომ მანქანა და მისი მოწყობილობა შეგეძინა, ამისთვის საჭირო იყო გუბერნატორის ნებართვა სტამბის გახსნის შესახებ. ეს საქმე (გუბერნატორის ნებართვის შოვნა) იკისრა ერმილე ნაფეტვარიძემ. მან შეადგინა ნებართვა, დაასვა ბეჭედი და ხელიც მოაწერა თვით გუბერნატორის მაგიერ. ყოველივე ის კარგად იყო გაკეთებული.

ერთ მშვენიერ დღეს ვალერა ბილანაშვილისაგან ვაფიგე, რომ მუგდუსი-აკოფოვის სტამბაში იყიდებოდა ერთი პატარა ნახევარ-ფურცლიანი ხელის „ბოსტონკა“. მეც ერთ საღამოს, ჩემის ყალბის სტამბის გახსნის ნებართვით წვერ-ულვაშზე შეღებილი, შევდივარ მუგდუსი-აკოფოვის სტამბაში და ვევაჭრები მანქანაზე. როგორც იყო, მოვრიგდით. ბოსტონკა დავაშვლევი, ყუთში ჩავალაგე და მედროგეს უბრძანე სადგურზე წასვლა, რომ გამეგზავნა ქუთაისში. (ნებართვა ქუთაისში იყო აღებული). როცა აღექსანდრეს ბაღს მიუახლოვდი, მედროგეს განკარგულება შეუტყვალე და პირი კოჯრის გზისაკენ ვაბრუნებინე. ცოტა გზა რომ გავიარე შევნიშნე, რომ ერთს მუშას, ამ სტამბაში მომუშავეს, ჩემში ეჭვი შეჰპაროდა და უკან გამომყოლოდა, ალბად გაგება უნდოდა, თუ სად მიმქონდა „ბოსტონკა“. ამ ცნობის მოყვარეობით მომდევნა ფეხდაფეხ. მე შევფიქრიანიდი, მარა იმედს არ ვკარგავდი, რადგან ვიცოდი, რომ ერევნის მოედანზე მიცდიდნენ ე. ნაფეტვარიძე, ე. კალანდაძე და გედეონ თურმანიძე. მე მათ ვუამბე საქმის ვითარება და ვანიშნი კიდევ ამ მუშაზე. მან თითქო იგრძნო, რომ ეს ცნობის მოყვარეობა, ცოტა არ იყოს, ძვირად დაუჯდება და მიიმალა კიდევ.

ამის გამო სტამბა იმავ საღამოს ბინაზე არ მივიტანეთ. დავტოვეთ სულით ავამთყოფთა თავშესაფარში, სადაც გედეონი მსახურობდა, ხოლო დილით ადრე ის გადატანილ იქნა ბინაზე.

დანარჩენი მასალები: შრიფტი, ხაზები და სხვა გამოტანილ იქნა ქართ. გამომც. ამხანაგობის სტამბიდან, სადაც მე ვმუშაობდი მაშინ. ამ საქმეში დიდ დახმარებას მიწევდა ამხ. ივლიანე ჩხიკვიშვილი, დათიკო ჭელიძე და კოწია ქარცივაძე.

სტამბა უკვე ამუშავდა. ამხ. „პარნასი“ (ილარიონ მგელაძე) შეუდგა ფურცლების და ჟურნალის გამოცემას, მარა მან პირველი ჟურნალის გამოცემის („პროლეტარიატის ბრძოლის ფურცელი“) შემდეგ აქ მუშაობას თავი მიანება. ილარიონ მგელაძის შემდეგ ორგანიზაციამ სტამბასთან კავშირი მიანდო საბაშვილს. რამდენიმე ხნის მუშაობის შემდეგ იმასაც ხსნის ორგანიზაცია და მის ადგილს იჭერს ვალოდია კოპალეიშვილი (ეს უკანასკნელი 1917 წ. აღმოჩნდა პროვოკატორი. რომ ის პროვოკატორი იყო, ეს გავიგეთ თებერვლის რევოლუციის შემდეგ, ის სხვა პროვოკატორებთან ერთად დაპატიმრებულ იქნა).

ვინაიდან სახლის პატრონს ვალი ჰქონდა და სახლი საჯარო ვაჭრობით უნდა გაყიდულიყო, ამიტომ 11 თვის მუშაობის შემდეგ იძულებული ვიყავით სტამბა აგველაგებინა და შეგვენახა იქვე ოთახში ბუხარში. დავშალეთ მანქანა და შრიფტთან ერთად შევალაგეთ ბუხარში, ამოვაშენეთ ბუხარი აგურის კედლით და ზემოდან გადავაკარით იმავე შპალერის ნაჭერით, რომლითაც თვით ოთახი იყო გაკეთებული. საქმე ისე სუფთათ გაკეთდა, რომ თუ პროვოკატორი არა, ისე ძალიან გასჭირდებოდა მისი ნახვა. ამ საქმეში მონაწილეობდნენ ჩემს გარდა პარმენ საბაშვილი, ვალოდია კოპალეიშვილი და თვით სახლის პატრონი.

ერთი თვის შემდეგ, 1-ლ ივლისს, სახლს გარს ერტყმის პოლიციელთა რაზმი, გაჩხრეკის შემდეგ ჟანდარმები პირდაპირ იმ კედელს შიადგენ, სადაც სტამბა იყო. დააპატიმრეს სახლის პატრონი ივანე ქარსელაძე. იმავე ღამეს თავის ბინაზე დააპატიმრეს პარმენ საბაშვილი და სხვადასხვა სასტუმროდან მოსამსახურეები. ესენი იმიტომ დააპატიმრეს, რომ მე ჩაწერილი ვიყავი ყალბი პასპორტით, როგორც რესტორანში მოსამსახურე. ბოლოს ბევრი ძებნის შემდეგ არამიანცის საავადმყოფოში ტიფით ავადმყოფს თავს მესხმის 15 პოლიციელი, რომელთა შორის იყო ქარსელაძის სახლში მცხოვრები პოლიციელი დოროჟნოვი, რომლის ჩვენებითაც დამაპატიმრეს. რადგან მძიმე ავადმყოფი ვიყავი, 15 დღის განმავლობაში დამტოვეს საავადმყოფოში პოლიციელების ზედამხედველობის ქვეშ, ხოლო შემდეგ გადამიყვანეს მეტეხში. 1911 წ. ვაგვასამართლეს და მოგვისაჯეს ოთხი წლის კატორღა მე და საბაშვილს, სახლის პატრონი გაამართლეს.

მანასე გოგუაძე.

როგორ ჩაიშალა აზვ. კამოს გაყვავა.

1914 წლიდან 1917 წლის ოქტომბრამდე ბაქოში მომიხდა მუშაობა. სამი თვით ტფილისის საგუბერნიო ციხეში ჯდომის შემდეგ ვერავითარი საშუალებით ვერ მოვახერხე კეთილსაიმედობის მოწმობის შოვნა, ურომლისოდ არ შეიძლებოდა შესვლა უმნიშვნელო სამსახურშიაც კი. ბაქოში მისვლისთანავე საქმე დავიჭირე ლეგალურ სამსახურში მყოფ აქტიურ მუშაკების ჯგუფთან. ამ ჯგუფში შედიოდნენ, სტეფანე, იოსებ კარახანიანი, კოლესნიკოვა, გასპაროვა, სააკა ვაბრიელიანი და სხვები.

კავკასიის ორგანიზაციებში ბაქოს ორგანიზაცია ყველაზე უფრო მაგარი იყო. ჯგუფობრივი და ორგანიზაციული მუშაობის გარდა, რომელიც მეტად ძნელ კონსპირატიულ პირობებში სწარმოებდა, ვცდილობდით გამოვვეყნებთა ყოველგვარი ლეგალური შესაძლებლობანი ჩვენი ხაზის გასაფრცვლებლათ და გასატარებლათ. ასე, ყველა აქტიურმა ამხანაგებმა მონაწილეობა მიიღეს „ლტოლვილთა კომიტეტში“. ამ კომიტეტის დანიშნულება იყო დახმარების აღმოჩინა იმპერიალისტური ომის ლტოლვილებისათვის. ამ კომიტეტში შედიოდნენ თითქმის ყველა აქტიური ამხანაგები: სტეფანე შაუმიანი, აზიზბეკოვი, ვანიჩქა ფიოლეტოვი, კოლესნიკოვა, კასპაროვა, მე და სხვები. ჩვენი ფრაქცია სარგებლობდა რა ლტოლვილთა კომიტეტის სახელით, იკრიბებოდა ლეგალურად, მუშაობდა, სარგებლობდა კომიტეტის არჩევნებით, უხსნიდა ხალხს ომის მიზეზებს, ლტოლვილთა მდგომარეობას, ჩვენს პრინციპიალურ დამოკიდებულებას ომისადმი და ცდილობდა შთაენერგა მასებისთვის ომისადმი უარყოფითი დამოკიდებულება.

პირველ ხანებში მე ვმუშაობდი ბალახანაში. მქონდა კერძო გაკვეთილები. ზამთრის ერთს ცივ საღამოს საათის 11 ზე ის იყო დაღლილ-დაქანცული დავბრუნდი ბინაზე, ამ დროს ფანჯარაზე ნერვიული ბრაზუნნი მომესმა. გავაღე კარი თუ არა, მე განცვიფრებაში მოველი: ჩემს წინაშე იდგა ამხ. ჯავაიარა, რომელიც მუდმივად ტფილისში ცხოვრობდა. მიუხედავად იმისა, რომ ის ეტყობოდა გაცივებული იყო, ჩაის სმა არ მოისურვა, მთხოვა საჩქაროდ ტანთ ჩამეცვა და მასთან ერთად ქალაქში წავსულიყავ. მხოლოდ გზაში, ვაგონში, ჩუმად მითხრა რისთვის იყო ჩამოსული. ჯავაირას ძმას, ამხ. კამოს, რომლის სიმტკიცესა და უებრო გმირობას ყველანი ჩვენ აღტაცებაში მოვეყავით, ტფილისში მიუსაჯეს სიკვდილით დასჯა, რომელიც



შემდეგ შეუტკვალეს 20 წლის კატორღათ. ახლა ის ტფილისიდან ბაქოთი ხარკოვის საკატორღო ციხეში გადაჰყავდათ. კამოს თავისი ერთგული მეგობრის და თანამებრძოლის ძმისთვის გამოეგზავნა ვრცელი გეგმა გზაში გაქცევის შესახებ, რაც ამხ. ჯავაირას უნდა განეხორციელებია რალაც სულ ორ დღეში, რადგანაც ეტაპი ბაქოში ჩერდებოდა მხოლოდ ორი დღით. ერთი შეხედვით გეგმა ფანტასტიური და საკმაოდ ძნელი შესასრულებელი იყო, მაგრამ გვახსოვდა რა კამოს ნაამბობი მის მიერ მოწყობილი სხვადასხვა ამხანაგების გაქცევის შესახებ, რაც ყოველთვის კარგათ ეწყობოდა, ჩვენ გადავწყვიტეთ შეგვესრულებია ყველაფერი, რაც კი შესაძლებელი იქნებოდა.

დაახლოვებით ნაშუალამევის პირველ საათზე ჩვენ მივედით ამხ. სტეფანესთან. გავაღვიძეთ და გავაცანით ამხ. კამოს გაქცევის გეგმა. ამხ. სტეფანემ გულდასმით მოგვისძინა, ადგა და წავიდა ფულის საშოვნელად, რადგანაც ფული ორგანიზაციას სრულიად არ მოეპოვებოდა. როგორც იყო მან იშოვნა მხოლოდ 40 მანეთი. ამასთან ამხ. სტეფანემ გვიჩიოა გეგმის თანახმად ყველაფერი სისწორით აგვესრულებია და ეჭვი არ დაგვადებოდა დაწყებული საქმის ნაყოფიერად დაგვირგვინებაში.

მიუხედავად იმისა, რომ გვიანი იყო, ჩვენ იმ წამსვე შევუდექით საქმეს. ამხ. კამოს გეგმა ასეთი იყო: გზაში მას უნდა გაეხერხა ბორკილი, „დასაძინებელი ფხვნილის“ საშუალებით დაეძინებია და რაჯები. ამის შემდეგ მასთან ერთად მატარებელში მყოფი ამხანაგის დახმარებით ის მიიღებდა ტანისამოსს, გრიძს, გამოიკვლიდა ასე გარეგნობას და დაიძალებოდა მაზლობელ ქალაქში. ჩვენი მთავარი საქმე იყო მოგვენახა ამხ. ბესო გელენიძე, რომლის ერთგულობაზე და ორგანიზატორულ ნიჭზე ვამყარებდით იმედს. გელენიძე ერთ აქტიური მუშათაგანი იყო, რომელიც ბაქოში არალეგალურად ცხოვრობდა და შედიოდა იმ მებრძოლ ჯგუფში, რომელსაც 1908 წელს კამო მეთაურობდა ბაქოში.

მეორე ამოცანა აგრეთვე ძნელი შესასრულებელი იყო—უნდა გვეშოვა დასაძინებელი ფხვნილი 50 „პიროუკის“ მოსამზადებლათ. ეს ჩვენ მოვახერხეთ ექიმი ელისაბედ სარუპოვას დახმარებით, რომელმაც ღამით ჩამოიარა ნაცნობი ექიმები, საავადმყოფოები და იშოვნა ყველაფერი. მისსავე ბინაზე შევუდექით სხვა და სხვა მურაბებისაგან „პიროუკების“ დამზადებას დასაძინებელი ფხვნილით.

დილით ამხ. ჯავაირა შეუდგა ამხ. ბესო გელენიძეს ძებნას, რომელიც როგორც იქნა, ნახა. ამის შემდეგ წავედით კოსტიუმის, ქუდის, თეთრეულის, ბოტინკების, ჩემოდანის და სხ. საჭირო ნივთების სასყიდლათ. ბორკილის გასახერხი ქლიბი მხოლოდ ერთი ვიშოვე-



ნეთ, რომელიც პურის ცომში ჩავდეთ და შემდეგ გამოვაცხვეთ, ფული ჩავდეთ წუმწუმის კოლოფში, რომელსაც გარედან ბანდეროლი შემოვაკარით. დადგა ეტაპის გაგზავნის დროც. ჩვენ მეტის მეტად ვლელავდით, რადგანაც მატარებლის მცველები გაეძლიერებიათ და თვალყურის დევნებაც უფრო ფხიზელი იყო. როგორც ეტყობოდა ამხ. კამოს მეტის-მეტად უფროთხილდებოდენ—ალბათ, მოელოდენ მის გაქცევას. ბოლოს კამოც მოიყვანეს სადგურში, რომელსაც ყოველ მხრით დარაჯები ეხვეოდა. დარაჯები ხალხს ერეკებოდენ.

კამოს ეცვა ტუსალის ხალათი, თავზე ეხურა ტუსალისავე ქუდი, მოდიოდა მხიარულად და მხნედ, თავისუფლად. ბორკილები ოდნავ მოსჩანდა, მხოლოდ ოდნავ მოისმოდა ხმა ქლარუნისა. ჩვენ მას ყვავილი ვესროლეთ, რომ ასე მისი ყურადღება მიგვექცია, ერთმანეთს შევხედეთ, სახის აულელვებლათ. ჯავაირამ მოახერხა პურისა და წუმწუმის კოლოფის გადაცემა.

მე ბევრი ვეცადე ყველა სალაროებთან, მაგრამ სამგზავრო ბილეთი კამოს მატარებელში გამყოლ გელენიძისათვის მაინც ვერ ვიშოვნე. ბევრი ვეხვეწეთ მოლარეებს და მგზავრებს დაეთმოთ ერთი ბილეთი მომაკვდავ დედასთან მიმავალ შვილისათვის, უნაყოფო გამოდგა. ზარს შემოკრეს. ბილეთი არ არის. დიდის გაჭივრებით, როგორც იყო, ამხ. გელენიძე შევიდა ტუსალთა მეზობელ ვაგონში. ბევრი ვეჩხუბეთ კონდუქტორს, რომელიც ამხ. ბესოს არ უშვებდა ვაგონში. რაც ფული გაგვანჩნდა, ყველა ბესოს გადავეცით, რომ ჯარიმა გადაეხადა და არავითარ შემთხვევაში არ ჩამომხტარიყო.

გადის ერთი კვირა. არავითარი ცნობი არ არის. ბოლოს დაბრუნდა ამხ. გელენიძე და სამწუხარო ცნობა მოიტანა, რომ გაქცევა არ მოხერხდა.

კამოს გეგმა საუცხოვოდ იყო შედგენილი, მაგრამ ვერ გატარდა სრულიად უბრალო მიზეზის გამო: გზაში კამო უხვად უმასპინძლდებოდა თავისი ჰიროშკებით დარაჯებს და კიდევ დააძინა ისინი ერთი საათით. ამ დროს ის გავიდა საპირფარეოში და შეუდგა ბორკილების გახერხვას; გელენიძესაც აცნობა, რომ ის მზად ყოფილიყო. მაგრამ როდესაც ხერხავდა ბორკილს მეორე ფეხზე, ხერხი მოულოდნელად გაუტყდა. ბორკილით გაქცევა აშკარა სიკვდილის მომასწავებელი იქნებოდა. ამის შემდეგ მან ურჩია გელენიძეს მახლობელ სადგურზე ჩამომხტარიყო და უკან დაბრუნებულიყო, თითონ კი დაბრუნდა ვაგონში და დაიკავა თავისი ადგილი, ვიდრე დარაჯები გამოფხიზლდებოდენ. ხარკოვის საკატორლო ციხიდან გამოგზავნილ წერილში კამო მწუხარებით იწერებოდა ამ ჩაშლილ გაქცევის შესახებ, მაგრამ იმედოვნებდა, რომ ახლო ხანში ის მოაწყობდა გაქცევას...

პირველი გავიცვა სვ. თუთუნის ქარხნაში.

(მოგონება)

1

1887 წელს შევედი მუშად თუთუნის ქარხანაში ბოზარჯიან-თან. ამ დროს თამბაქოს ქარხნებში არ იყო შემოღებული მანქანური წარმოება.

საშინელი სიბნელით იყო მოცული მაშინდელი ამ ქარხნის მუშების გონება. ისინი ხშირად დასცინოდნენ ყველა იმ პირებს, რომლებიც კი, თუ გამოჩნდებოდნენ წერა-კითხვის მიმდევარნი, იმათ უწოდებდნენ ფარმაციონს (პროტესტანტს) ე. ი. რომლებსაც იმათი აზრით რჯული გაყიდული აქვთ, არა სწამთ არც ხატები, არც ეკლესია და არც ნამდვილი ქრისტიანი იყო ესა თუ ის კაცი. ერთათ ერთი მათი საქებ-სადიდებელი ის იყო, რომ ხშირად სამიკიტნოებში ევლოთ. ქალაქის თამაშობა და ყომარბაზობა მათთვის აუცილებელ მოთხოვნილებას წარმოადგენდა. რა უნდა ყოფილიყო მაშინდელი კაპიტალისტების მოპყრობა ასეთ მუშებისადმი!

მიუხედავად იმისა, რომ მაშინდელი პოლიტიკური პირობები მუშების გამოფხიზლებას და განვითარებას ყოველ ნაბიჯზე ხელს უშლიდა, სამუშაო პირობებიც ისეთ კალაპოტში იყო ჩაყენებული, რომ ძალიან გულითაც რომ სდომებოდათ მუშებს გონებრივი საზრდოს მიღება, შეუძლებელი იყო, რადგანაც შრომის პირობები მეტად აუტანელი იყო; ასე მაგალითად, დილის 6 საათიდან საღამოს 6 საათამდის უსადილოთ, შეუსვენებლივ უნდა ემუშავნათ, რადგანაც სამუშაო ათასობით და ფუთობით იყო განსაზღვრული. ასეთ შემთხვევაში შესვენება ნაშუშევარ ხელფასის შემცირებას ნიშნავდა. გარდა ამისა მეპაპიროსე იძულებული იყო 12 საათის მუშაობის შემდეგ სახლში წაეღო და ღამის 12 საათამდის სახლში ემუშავნა, თორემ მეორე ის დღე საქმეს მოსცდებოდა. მაგალითად, როდესაც მეპაპიროსე თავის სამუშაოს მორჩებოდა, იმავე ღამეს უნდა გილზის ქალაქი გამოერთო, რომ სახლში წაეღო და მეორე დღისათვის პაპიროსის გილზები გაეკეთებინა და თუ ამ სამუშაოს იგი ღამის 12 საათზე მაინც გაათავებდა, მაშინ მხოლოდ მას ჰქონდა თავისუფალი დრო საკითხავად, პურის საქმელათ და დასაძინებლად.

1894 წელს მე გადავედი ბოზარჯიანის ქარხნიდან ენფიანჯიან-ცისაში. მუშაობა კარგად შემეძლო, დახელოვნებული ვიყავი, ამიტომ

მომამატეს კვირაში რამდენიმე აბაზი. ამ წელს ტფილისის თუთუნის ქარხნებში არავითარი მანქანიური წარმოება არ ყოფილა. ხმები დადიოდა, რომ პაპიროსების მანქანები მართალია გამოვინილია, მაგრამ, რადგანაც სახელმწიფოს არ უნდა, რომ ამოდენა ქარხნის მუშეები (მეპაპიროსეები) უსაქმოდ და ულუტკმა-პუროთ დარჩენ, ამისათვის არის, რომ ფულისა და პაპიროსის მანქანები (მანქანები, რომლითაც ფულსა სჭრიან) ერთად ინახება ხელმწიფის „ღვარეცში“.

ერთ მშვენიერ დღეს მოულოდნელად ქარხნის კარებზე მოადგა დროვებით რამდენიმე დაბეჭდილი ხის დიდრონი ყუთები; ეს იყო 189^ა წელს ეფიანჯიანცის თუთუნის ქარხანაში; ჩვენ არ ვიცოდით, თუ რა იყო ამ ყუთებში, ერთ დღეს დაგვიძახა ბატონ ა. ენფიანჯიანცმა და გვითხრა, რომ ამ ყუთებში არის გილზის და პაპიროსების გასაკეთელი მანქანებიო, მე მინდა, რომ ჩემი ქარხნის წარმოება გავაფართოვო, რადგანაც საქონლის მოთხოვნილება მეტია ჩემი ქარხნისაო. ამიტომ მე გადამიწყვეტია, რომ არც ერთი მუშა არ დავითხოვო და შეიძლება ხელით მომუშავე მეპაპიროსეები მანქანაზე გადავიყვანოთ სამუშაოთ. ჩვენ ამაზე დავთანხმდით. იმ დღესვე დაიწყეს ყუთების დახსნა, გამართეს მანქანები, მაგრამ არა პაპიროსებისა, არამედ მარტო გილზების. ჩვენს სიხარულს საზღვარი არ ჰქონდა, რადგანაც იმდენად მობეზრებული ვიყავით ღამე სახლში გილზების კეთებით, რომ რაც უნდა დიდი ფასი დაედო თვითეულ ათასზე მექარხნეს, მაინც ხელსაყრელად ვიცანით ჩვენთვის; დაახლოვებით ერთი თვის შემდეგ ჩვენ მანქანის მომზადებული გილზებით დავიწყეთ მუშაობა. (მაშინ ჯერ კიდევ პაპიროსები ხელით კეთდებოდა, გილზები კი მანქანით მზადდებოდა). ყოველ ათას გილზზე მექარხანე 5 კაპეიკს გვახდევინებდა. დღეში თითო მუშა აკეთებდა 3-4 ათასამდე პაპიროსს. სრული ექვსი თვე ამ ფასებში ვიმუშავეთ, მაგრამ როდესაც მუშები შეეჩვიენ ამ საქმეს, მაშინ მექარხნეს მეტი მოგების მაღა აღეძრა და მოულოდნელათ გამოაცხადა 10 კაპეიკი ათასზე. ამ განცხადებამ მუშებში გამოიწვია სამართლიანი უკმაყოფილება, რაც შეიქნა მიზეზი პირველ გაფიცვისა; გაფიცვამ გასტანა ერთ კვირამდის რაც მოულოდნელი იყო მაშინდელ თუთუნის ქარხნის მუშებისაგან.

როგორ შეიკავეს თავი ამ ერთი კვირის განმავლობაში მუშებმა?

ეს გაფიცვა მოხდა სტიქიურად, რადგანაც მაშინ არავითარი პარტიული ან სხვაგვარი მუშაობა არ ყოფილა, განსაკუთრებით თუთუნის ქარხნებში და, მაშასადამე, არც გაფიცვის ხელმძღვანელი გვეყოლებოდა. ასე რომ, გაფიცვა საიმედო არ იყო, მაგრამ ერთმა გარემოებამ შეგვიწყო ხელი და გაფიცვა გათავდა მუშების სასარგებლოდ. როდესაც მექარხნე ენფიანჯიანცმა გამოუცხადა მუშებს, რომ 5-ის ნაცვლად 10 კაპეიკი უნდა გადინადოთო, მაშინ ერთპირად მუ-

შებმა თავი გაანებეს მუშაობას და ისე მოუმზადებლად გამოვიდნენ ქარხნიდან, მაგრამ რადგანაც მაშინ თვით მუშებშივე ბევრი არასაიმედო პირები მოიპოვებოდნენ, ამიტომ უმრავლესობამ გადასწყვიტა, რომ წავიდნენ და სადმე ეკლესიაში ფიცი მიიღონ, რომ ერთმანეთს არ უღალატონ. ამ წინადადებაზე ყველა დასთანხმდა და ამავე დღეს ქარხნის კარებიდანვე გაემართნენ არსენალის გზით კვირაცხოვლის ეკლესიისაკენ, სადაც მღვდლათ იყო გურგენიძე; იმან ჩვენი აზრი მოისმინა და შემდეგ დაგვიწყო დარიგება და, სხვათა შორის, გვითხრა, რომ „მე შევასრულებ თქვენს თხოვნას, დაგაფიცებთ და მხოლოდ თქვენც უნდა შემომფიცოთ, რომ ეს ჩემი მოქმედება არსად არ სთქვათ, თორემ მთავრობა თქვენც ციხეებში ჩავსვამთ და მეც საუკუნოთ გამაუბედურებენო“. ჩვენც პატიოსანი სიტყვა მივეცით, შემდეგ დაიწყო მღვდელთმოქმედება. მღვდელმა გადმოიღო ჯვარი და სახარება, დააჩოქა ყველა მუშები, რამდენიმე თავი სახარება წაუკითხა, შემდეგ ჯვარზე ამთხვია და სულ ბოლოს გამოიტანა რამდენიმე სეფის კვერი, დაუნაწილა ის მუშებს და თითო პატარა ჭიქა ღვინოც დაალევინა, „მამაო ჩვენო“ წაუკითხა და გამოისტუმრა, რის გასამრჯელოდ მღვდელმა მიიღო სამი მანეთი.

ამ დღიდან მუშები ველარ ბედავდენ ქარხნის წინ გავლასაც კი. გაიარა ერთმა კვირამ და რაკი ნახა მუშების სიმავრე, „ხაზინმა“ თითონ გამოგზავნა უფროსი ოსტატი და თანხმობა გამოაცხადა მუშების მოთხოვნილებაზე, მოთხოვნილება კი ახალი არა იყო რა, გარდა იმისა, რომ ძველი 5 კაპეიკი უნდა დარჩენილიყო გილზის ფასად. ამგვარად ეს მცირე გამარჯვება მუშებისა შეიქნა მიზეზი და მაგალითი შედეგში გამართულ მუშათა დიდი გაფიცებისა და ჩემი პარტიულ მუშაობაში ჩაბმისა...

ეს, როგორც ვსთქვი, მოხდა 1894—1895 წლებში, იმავე წელს მექარხნე ენფიანჯიანცმა შემოიტანა თფილისში პაპიროსის გასაკეთებელი მანქანებიც, რომლის უფლება, როგორც მაშინ გადმოგვცეს, მარტო თვითონ ჰქონდა. ამბობდნენ თფილისში არც ერთ მექარხნეს ერთი წლის განმავლობაში ნება არა აქვს ასეთივე მანქანები შეიძინოსო. რამდნათ მართალი იყო არ ვიცი, ის კი ნამდვილად ვიცი, რომ დანარჩენი მექარხნეები თვითონვე აჯანყებდნენ თავის მუშებს ენფიანჯიანცის წინააღმდეგ; ერთსა და იმავე დროს თფილისის თუთუნის ყველა ქარხნის მუშები (ორი ათასამდე) გაიფიცნენ. მუშები კოჯორში წავიდნენ მთავარმართებლის თანაშემწე ფრეზესთან საჩივლელად, რათა მას ენფიანჯიანცისთვის აეკრძალა მანქანებით მუშაობა...

1895 წლის ეს გაფიცვა არ დარჩა შეუმჩნეველი როგორც სხვა თუთუნის ქარხანათა მუშებისაგან, ისე რკინის გზის მოწინავე მუშე-

ბისაგანაც. პირველად რკინის გზის მუშებმა გამოგვიწოდეს ამხანაგურად ხელი და მოინდომეს ჩვენი უფრო მკვიდრო ორგანიზაციულად მოწყობა-მომზადება. ამისათვის მათ დაენიშნათ ჩვენთან ერთი ამხანაგი — არჩილ არავიაშვილი (ჩვენ კი იმას შავკაცს ვეძახდით), რომელმაც ერთ კვირა დილას შემოიარა ზაქარია ჭიჭინაძის მალაზიის წინ (ზაქარია წიგნებით ვაჭრობდა იარაღთაში) დაიწყო ჩვენთან საუბარი სხვა და სხვა მწერლების ნაწერებზე და ქარხანა-ზავოდების მუშათა მდგომარეობაზე და ხან კიდევ თეატრზე და არტისტებზე, რადგანაც თვითნაც სცენის მოყვარე იყო. ასე იყო თუ ისე, ის დაგვიახლოვდა. მცირე ხნის შემდეგ ჩვენს წრეს შემოუერთდა აგრეთვე დათიკო როსტომაშვილი (ნინოწმინდელი — ფსევდონიმი). კარგა ხნის ლაპარაკის შემდეგ არავიაშვილმა გვთხოვა მე და ვასო სოზიაშვილს (მეჩუდე იყო), რომ ნაშუადღევს სადმე შევხვედროდით და ერთმანეთისათვის აზრი გაგვეზიარებინა თანამედროვე ცხოვრების შესახებ. ჩვენ დიდი სიამოვნებით დავთანხმდით. იმავე დღეს საღამოთი შევიკრიბეთ დათიკო როსტომაშვილის სახლში, ციციანოვის აღმართის თავზე, ავლაბარში; ხანგრძლივი ლაპარაკის შემდეგ არავიაშვილი გულახდით გამოტყდა და პირდაპირ მითხრა: „მე მინდა, რომ თქვენის დახმარებით თქვენს თუთუნის ქარხნის მუშებში შევადგინო მუშათა ორგანიზაცია, რომელსაც დამოკიდებულება ექნება რკინის გზის მუშათა ორგანიზაციასთან; და საერთოდ ჩვენ ყველას რუსეთის მუშათა ორგანიზაციებთან, რომელთა საშუალებით ჩვენ მივიღებთ უფრო მეტ შეგნებას, ცოდნას და პრაქტიკულად მოვემზადებით მომავალ რევოლუციის შესახებდრათო“. ჩვენ ადგილი დავინიშნეთ და მეორე დღეს საღამოს 7 საათზედ წავედით იქა. ეს ალაგი აღმოჩნდა რკინის მზის სადგურის გადაღმა ნავთის საწყობის ეზო, რომელიც ეხლაც არსებობს „სვეტის“ სახელით; ამ ეზოში ცხოვრობდა რკინის გზის სატენნიკო სასწავლებლის მოწაფე კალისტრატე გოგუა, მაშინ რკინის გზის მთავარ სახელოსნოს პრაქტიკანტი. აქ იყვნენ: არაქელა ოქუაშვილი, ზაქარია ჩოდრიშვილი, ჟორდანია (სახელი აღარ მახსოვს, ესეც მოწაფე იყო) და კიდევ ორნი, რომელთა სახელები აღარ მახსოვს. აქ სულ რვა კაცამდის ვიყავით და მეცხრე ჩვენი მასწავლებელი იყო ვასო ციხაძე (რიყა), რომელმაც აგვიხსნა შეკრების მიზეზი და მომავალი მუშაობის გეგმა. შემდეგ ამოიღო წიგნი, კარიშევის „ეკონომიური საუბარი“ და აქედან დაიწყო ჩვენი, მომავალ სოციალისტების, მომზადება. კარიშევის შემდეგ დავიწყეთ სვიდერსკის „შრომა და კაპიტლის“-ს კითხვა და ჯერ ნახევრად არც კი გავგველო, რომ იძულებული გავხდით ბინა შეგვეცვალა; ჩვენ ახალ ბინაზე გადაველით, ამ გვარად გავატარეთ ასე ორ თვემდის, ამ ხნის განმავლობაში საქმოდ მოვემზადეთ, რადგანაც გარდა პირადათ გაწეულ პროპაგანდისა



საკმაოდ მოგვეპოვებოდა ამ დროს რუსულ ენაზე არალეგალური ლიტერატურა და მეტის-მეტი სიხარბითაც ეტანებოდნენ მას ჩვენი დროინდელი მოწინავე მუშები. ასე, ჩვენ ცოდნით შეიარაღებულებმა დავიწყეთ სხვადასხვა ქარხნის მუშებში მუშაობა, ყველგან რამდენიმე სანდო ამხანაგი შევიძინეთ. ჩვენ გვინდოდა მთელი ტფილისის თუთუნის ქარხნის მუშების საერთო ორგანიზაციის შედგენა, რომელსაც დამოკიდებულება უნდა ჰქონოდა რკინის გზის მუშათა ორგანიზაციასთან. მაგრამ ეს ვერ მოვახერხეთ, რადგანაც ენფიანჯიანცის ქარხანაში უკვე გაჩნდა პაპიროსის საკითხები მანქანები, რამაც მთელი ჩვენი ქარხნის მუშები ძლიერ ააღელვა, რადგანაც დარწმუნებულნი იყვნენ, რომ მანქანური წარმოება უმეტეს ნაწილს მუშებისას გარეთ გამოყრიდა და ულუკმპაჟროთ დასტოვებდა. მაგრამ ენფიანჯიანცი არ აღმოჩნდა ისეთი გულქვა და სულელი კაპიტალისტი, როგორც ჩვენ გვეგონა; მანქანების გამართვის შემდეგ გამოუტყხადა მუშებს, რომ თქვენ არც ერთი დათხოვნილი არ იქნებით ქარხნიდან თუ ჩენს რჩევას ყურადღებას მიაქცევთო. ჩვენ ყველაფერზე დავთანხმდებოდით, მაგრამ ერთ წინადადებაზე ვერ დავეთანხმეთ. ეს ის იყო, რომ მან გვირჩია ხელით სამუშაოსთვის თავი დაგვენებებინა და მანქანის გაკეთებული პაპიროსებისათვის მუშტუკი დაგვეკვრა და ამისათვის ის 1000 პაპიროსის ფასათ გადალევდა 30 კაპეიკს, ასე რომ, საშუალოთ რომ ავიღოთ, დღეში 90 კაპეიკი უნდა აგვეღო; ხელით მუშაობის დროს კარგი და ჩქარი მომუშავე ოსტატი ერთს მანეთს და 50 კაპეიკს ან ორ მანეთამდის იღებდა. შესაძლებელია ჯამაგირის გამო არავითარი წინააღმდეგობა არ გაგვეწია, მაგრამ ჩვენი ცრუ თავმოყვარეობა ნების არ გვაძლევდა გაგვეგრძელებინა მუშაობა, რადგანაც ჩვენ დიდათ სამარცხვინოთ მიგვაჩნდა, რომ ოსტატის სამუშაოდან შევირდის სამუშაოზედ გადავსულიყავით (ე. ი. მუშტუკის დაკვრა შევირდის საქმე იყო. და თუთუნის გილზებში გავსება კი ოსტატისა) ეს გახდა მიზეზი მეორე გაფიცვისა ენფიანჯიანცის ქარხანაში. უნდა ვსთქვა, რომ ეს გაფიცვა არ ჰგავდა პირველ გაფიცვას, როდესაც მარტო გილზებში ფასის გადახდევინების გამო გავიფიცეთ და მღვდელმაც კვირაცხოველში ჯვარ-სახარებით პარაკლისი გადაგვიხადა და ამის შიშით გაფიცვა მოვიგეთ. არა, ახლა სულ სხვა იმედებით ვიყავით აღქურვილი და ამის გამო გაფიცვის პირველ დღიდანვე ამოირჩიეს მუშებმა გაფიცვის ბიურო ანუ მოთაფეები, როგორც მაშინ ეძახდნენ. ბიუროში შევედით მე, გიორგი აზნაუროვი, ალექსანდრე თათუნოვი. საშა ქვლივიძე და ორი სხვა, რომელთა გვარი აღარ მახსოვს. პირველი დღიდანვე მე და ჩემი ორი ამხანაგი გვემუშრეთ ჩვენ მასწავლებლებთან რკინის გზაზედ და გადავეცით საქმის მდგომარეობა. თუმცა შეწუხდენ ასეთი მოულოდნელი ამბით, მაგრამ მაინც იმედი მო-



გვცეს და ძლიერ დაფაცურდნენ, რომ ეს გაფიცვა გათავებულოყო კიდევ მუშების სასარგებლოდ. ამისათვის ისევ არჩილ არავიაშვილი და ვასო ცაბაძე შეუდგენ ჩვენთან მუშაობას და ყოველდღე საღამოობით მთელი ქარხნის მუშები მიგვყავდა ქალაქის სხვადასხვა მხარეს და იქ უქადაგებდნენ მუშებს და უხსნიდნენ მჭიდრო კავშირის და სოლიდარობის მნიშვნელობას, რასაც მუშები სიამოვნებით უსმენდნენ, მაგრამ როდესაც არსაიდან დახმარების იმედი არა ჰქონდათ, ცოტა არ იყოს, სასოწარკვეთილებას ეძლეოდნენ. იმ დროს არ არსებობდა მუშათა კასები. რკინის გზის სახელოსნოს ამხანაგ მუშებმა არ დაგვტოვეს უყურადღებოდ და შეძლებისდაგვარად დახმარება გაუწიეს ფულით უფრო იმ მუშებს, რომელნიც ძლიერ გაჭირვებულნი იყვნენ. გარდა ამისა, მათ დაგზავნეს ამხანაგები სხვადასხვა ქარხნებში და იქაც მოწინავე მუშების დახმარებით შეაგროვეს ფული და გადმოგვეცეს მუშებში დასარიგებლად. ჩვენის მხრითაც მივმართეთ მუშებს ყოფილ მირზოევის საქსოვ ქარხანაში, ადელხანოვის ქარხანაში, ტოლეს საპნის ქარხანაში და სხვაგან. რამდენადაც კი შესაძლებელი იყო, გვეხმარებოდნენ, რომ გაფიცვა არ წაგებულყო!.. მაგრამ სადაც შტრეიკბრეხერები და ხაზეინის ჯაშუშები საკმაოდ იპოვებიან, იქ გამარჯვება საეჭვოა. ასეთები ჩვენშიაც აღმოჩნდნენ. ესენი იყვნენ: ყარამან სარიბეგოვი, გიორგი თოიძე, ნიკოლოზ ცერცვაძე (მუცუცა) და სხვა.

გაფიკულებისთვის დახმარების გადაცემა მე მქონდა მონდობილი. მეც, ყოველ დღე 10—12 საათამდის ქარხნის წინ ვიდექი და ფულს ურიგებდი. ამ გვარად გაფიცვის პირველ დღიდან გაიარა 12 დღემ და გაფიცვის დასასრული კი არ ახლოვდებოდა. ხალხი აიარა; მოთმინება გამოელა და იმდენად აღელდა, რომ ჩვენ პროპაგანდისტებსაც ბრუნდეთ დაუწყეს ყურება და ნდობაც დაკარგეს მათდამი. ამ დროს გაჩნდა ზოგიერთი მშვიერი ჩინოვნიკი და მუშებს ურჩევდა, რომ მთავრობისათვის არზა მიეცათ, რომ მთავრობას მოეწესრიგებინა მუშების საქმე. მუშებიც მალე წამოეგენ მათ ანკესზე, დააწერინეს არზა, რომელშიაც გადაიხადეს 25 მანეთი და გაუგზავნეს მთავარ-მართველ გოლიცინს, მაგრამ არავითარი პასუხი არ მიუღლიათ გარდა იმისა, რომ პოლიცია და ენდარმერია უფრო დაფაცურდა და ფხიზლად ადევნებდნენ თვალ-ყურს ამ ახალ დაბადებულ მუშათა მოძრაობას...

ჩვენ გაფიცვა წავაგეთ. ყველა ქარხნის მუშები დაუბრუნდნენ თავთავიანთ სამუშაოს და ჩვენ დავრჩით გარეთ: გაფიცვის წაგების შემდეგ 27 კაცი ენფიანჯიანცმა ქარხანაში აღარ შეგვიშვა, როგორც მავნე ელემენტები; დავრჩით ქარხნის გარეშე. მუშებმა ზურგი შეგვაქციეს, ქუჩაში ჩვენთან შეხვედრაც კი ეზიზღებოდათ, მაგრამ ჩვენ მაინც ქარხან-



ნას არ ვშორდებოდით, რაც ქარხნის პატრონს სასიამოვნოდ არ ჰქონდა. ის გრძნობდა, რომ თუ დანარჩენ მუშებთან კავშირი გვექნებოდა, შესაძლებელია კიდევ ასეთი გაფიცვა განმეორებულყო და ამიტომ მან მოინდომა ერთხელ და სამუდამოთ გაეთავებინა ჩვენთან საქმე. ამიტომ მან მიმართა მთავრობას და სთხოვა, რომ მათი თანდასწრებით უკანასკნელათ გაეთავებინათ ჩვენთან ანგარიშები. ამ მიზნით ენფიანჯიანსკმა მოიწვია ბოქაული ლოლაძე და მამაშვილური დარიგებით მოგვცა თითო ჩვენგანს 30 მანეთი და ხელი მოგვაწერინა, რომ ჩვენ იმასთან არავითარი საქმე აღარ გვექნოდა. უმრავლესობა მუშებისა დასთანხმდა ამ პირობას და ყველა ახალი საქმის შოვნას შეუდგა. მაგრამ მე და რაპოდენიძე ამხანაგები: ალექსანდრე თათუნოვი, გიორგი აზნაუროვი, სასაშა ქვლივიძე, დათიკო კასაშვილი და სხვანი მაინც არ ჩამოვშორდით ქარხანას და გვინდოდა როგორმე მუშებში გვემუშავნა და მოგვეზადებინა უფრო შეგნებული გაფიცვისათვის მომავალში, მაგრამ ამ დროს არ ეძინა აგრეთვე ქარხნის პატრონს ენფიანჯიანსკს. მან ეს კარგად იცოდა, (რა თქმა უნდა ჯაშუშების წყალობით) და ამიტომ ერთ დღეს დაგვიძახა კანტორაში, სადაც იგივე ბოქაული ლოლაძეც დაგვიხდა და გვითხრა: „მეცოდებით თქვენ, რადგან ჩემი ძველი მომუშავენი ხართ და ცოლ-შვილის პატრონნი უსაქმოდ დაიარებითო, მე თქვენ ამიტომ კიდევ მოგცემთ თითოს 30 მანეთს და რკინის გზის ბილეთებს აგიღებთ, წადით ქალაქ ბაქოსკენ და იქ უსათუოდ საქმეს იშოვნითო, და თუ უარს იტყვით, დაუმატა ლოლაძემ, მაშინ იძულებული ვარ ეტაპით გადაგასახლოთ ქალაქიდან, როგორც მაწინ პირები მთავრობისათვის, მე ამისათვის განსაკუთრებული ბრძანება მაქვს მიღებულიო“. ჩვენც იძულებული შევიქენით დავთანხმებულიყავით მიუხედავად იმისა, რომ ესთხოვეთ რამდენიმე დღის ვადა წასვლამდის, რომ ჩვენ ოჯახებში რაიმე განკარგულება მოგვეხდინა. მაგრამ უარი გვითხრა მთავრობის წარმომადგენელ ლოლაძემ და მეორე დღესვე მოგვცეს თითოს 30 მანეთი და თან გამოგვაყოლეს სადგურამდის კანტორის ბუხპალტერი ოპანეს დოზდაროვი, რომელმაც აგვილო ბილეთები, ჩავსვა მატარებელში და გავვამზავრა ჩვენთვის უცნობ მხარეს—ქალაქ ბაქოში...

ალექსანდრე ბაჯიაშვილი.

ცოტა რამ წარსულიდან.

კარგათ მახსოვს ჯერ კიდევ 1894 წ. რომ ბოზარჯიანცის მიერ შეწუხებული მუშები იძულებული იქნენ მოეხდინათ გაფიცვა. გაფიცვის გასამარებლათ მუშები გაემართნენ მამუღავითისაკენ ფიცის მისაღებად, რომ არ ელაღატნათ ერთმანეთისათვის. თქმა არ უნდა,

რაც უნდა ფიცი მიეღოთ მუშებს, მაინც მათი გაფიცვა უნდა ჩაშლიყო, რადგანაც გაფიცვა მოუზადებელი იყო. გაფიცვის ხელმძღვანელად არჩეული იყვნენ: სანდრო მანჯავიძე და არტო არუთინოვი, რომელნიც მალე პოლიცემისტერ მასტიცკის მიერ დაჭერილ იქნენ და მეტეხის ციხეში მოთავსებულნი, რომლებიც მხოლოდ ორი თვის შემდეგ იქნენ განთავისუფლებულნი. სანდრო მანჯავიძე მოკლე ხნის შემდეგ ტფილისიდან გადასახლებულ იქნა ბაქოში, არტო არუთინოვი კი პოლიციის მხედველობის ქვეშ დატოვებული.

თუმცა ეს გაფიცვა ვერ ჩატარდა, მაგრამ მომავლისათვის მან მაინც დიდი როლი ითამაშა. გაფიცვის შემდეგ „ხაზეინმა“ მუშების გულის მოსაგებად მიმართა ხერხს, რომ ის აარსებს ერთგვარ ურთიერთ შორის დასახმარებელ კასას, რომლის ფონდიც შესდგება მათ ნამუშევარ მანეთზე თითო კაპეიკის დაკავებით ყოველ შაბათობით ფულის დარიგების დროს. ეს ფული თითქოს მუშებს გამოადგებოდა ვაჭირების დღეს. მუშები, როგორც შეუგნებელი და ამასთანვე ვაჭირებულნი ხალხი, ასეთ წინადადებას სიხარულით მიეგებნენ. ასე გაჩნდნენ მუშები „ხაზეინის“ მიერ დაგებულ მახეში. ეს იყო 1894 წ. *) აქედან დაიწყეს ამ კაპეიკის გამოანგარიშება და აგროვეს 1900 წ. პირველ გაფიცვამდის. იყო შემთხვევები, რომ მართლა ვაჭირებულმა მუშებმა უბედურ შემთხვევის გამო მიმართეს „ხაზეინს“ დახმარებისთვის, მაგრამ ამაოდ. თუ ვისმეს აძლევდა ფულს, მხოლოდ გირაოთი 1898 და 1899 წ. წ. მუშა ალექსანდრე ბაჯიაშვილი დაუახლოვდა აქაურ უფრო მომზადებულ მუშებს—არტო ლითანოვს, მიხა ვარზამოვს, გიორგი აზნაუროვს და ვანო მანჯავიძეს, რომელთაგანაც შეადგინა ერთი სახელმძღვანელო ჯგუფი. ასე იმუშავა მან ერთი წელიწადი. ამ ხნის განმავლობაში მან გაგვიცნო პილონს ფილოსიანი, გარეგინა ერზენკიანი და სოსო ჯულაშვილი (სტალინი), რომლებმაც არ მოგვაკლეს თავიანთი დაულალავი შრომა და საკმარისად მოგვამზადეს გაფიცვისთვის. ამ ერთი წლის განმავლობაში არა ერთხელ მოინდომეს გაფიცვა მუშებმა, მაგრამ, ხსენებულ პირების რჩევით შეჩერებულ იქნა. 1900 წ. მაისში დილით სამუშაოზე დაგვიანებულ მუშას არტო ლითანოვს სადილობის შემდეგ გამოუცხადა, რომ იგი დაგვიანების გამო დაჯარიმებულ იქნა, რაზედაც ალელვებულ მუშა ლითანოვი შეეკამათა. კამათმა მწვავე ხასიათი მიიღო. ხაზეინის ბრძანებით მუშა უნდა დაეთხოვათ. ამის შესახებ არჩეული მუ-

*) ქვემოთ მოთავსებულ გაზ. „იერიი“-დან (1894 წ.) გადმოთქმული წერილიდან კი სჩანს, თითქოს ფულის შეგროვება მუშებიდან—მანეთზე ერთი კაპეიკის გამოარიცხვა, ქარხნის პატრონს შემოუღია 1886 წლიდან.



შები შეელაპარაკნენ „ხაზინის“, რორ ლითანოვი არ დაეთხოვათ, მაგრამ ასეთმა ლაპარაკმა მაინც ვერ იმოქმედა მხეც ხაზინზედ. უკანასკნელად მიეცა წინადადება, რომ თუ არ შეასრულებს მათ თხოვნას, გამოცხადებულ იქნება გაფიცვა. პასუხი ასეთი იყო: თუ პატარა კარებიდან ვერ გაეტევით, გააღეთ დიდი კარი და ისე მიბრძანდითო. ასეც მოხდა. მოტყუვდა ბოზარჯიანცი, მას ეგონა, რომ კიდევ მამადავითში წავლენ მუშები ფიცის მისაღებათო. ბევრს შეეცადნენ ქანდარმები, რომლებიც ტელეფონით იყვნენ მოწვეულნი, პოლიცემისტარი კოვალევიც, მაგრამ ამაოდ.

გაფიცულებმა ამოირჩიეს თავიანთ შორის მოწინავე მუშები გაფიცვის სახელმძღვანელოდ. ხელმძღვანელებმა ისარგებლეს შემთხვევით, რომ ამ დროს იჭრებოდა მთაწმინდის მთა, სადაც გაჰყავდათ ფუნუკულიორის გზა და უმეტესი ნაწილი მუშებისა მოიწვიეს იქ სამუშაოდ, ზოგი კიდევ დურგლებთან და კალატოზებთან. ასე რომ, მთელი ზაფხული და შემოდგომის ორი თუ სამი თვე მუშებმა გაატარეს ასეთ მუშაობაში. ექვსი თვის გაფიცვა დაგვირგვინდა გამარჯვებით. 1901 წ. თებერვლის 13-ში დაიჭირეს და მეტეხში მოათავსეს მოწინავე მუშები ალექსანდრე ბაჯიაშვილი, გრიქურა მკალიფი-შვილი და ვანო მანჯავიძე, რომლებიც გაანთავისუფლეს მეექვსე თვის ციხიდან გამოსულებს როგორც მავნე პირებს ხაზინა არ ლეულობდა ქარხანაში, მაგრამ თვით მუშებმა აიძულეს მიეღოთ ისინი. განვლო რამდენიმე თვე. 1901 წ. ზოგიერთი შესყიდულ, მთვრალ მუშების მეოხებით მოეწყო გაფიცვა. გაფიცვის წინააღმდეგნი იყვენ წინანდელი გაფიცვის ხელმძღვანელები, მაგრამ მთვრალ ხალხზე ვერ მოახდინეს გავლენა. ორშაბათი დღე იყო და მუშების უმეტესი ნაწილი საუზმის შემდეგ მთვრალები იყვნენ. რადგანაც გაფიცვა მოხდა წინასწარ მოუწყობლათ, მოკლე ხანში ის წავებულ იქნა, რის შემდეგ ქუჩაში დარჩნენ ალექსანდრე ბაჯიევი, ბაგრატ ავაქოვი, არტო ლითანოვი, ვანო მანჯავიძე, გიორგი აზნაუროვი და სხვა ბევრი, როგორც მავნე პირები.

ივანე გიორგის-ძე მანჯავიძე.

მუშაობის აღკვეთა ბოზარჯიანცის თამბაქოს ქარხანაში.

(გაზეთ „ივერიიდან“ № 172—1894 წ.).

აგერ რამდენიმე კვირაა, რაც ბოზარჯიანცის თამბაქოს ქარხანაში მუშაობა აღკვეთეს მუშებმა და უარი განაცხადეს ეკეთებინათ პაპიროსი. მუშაობის აღმკვეთებლები უმთავრესად ესრედ წოდებული მეპაპიროსეები არიან, დანარჩენი მუშანი—თამბაქოს მჭრელები, პა-

პიროსის ყუთებში ჩამწყობლები, გილსების მკეთებლები და სხ. ისევე ჰმუშაობენ.

მიზეზი მუშაობის აღთქმისა ისა ყოფილა, რომ ამ რამდენისანე წლის წინად ბოზარჯიანცს დაუწყია ნეპაპიროსებისათვის ყოველ ნამუშევარ მანეთზედ კაპეიკის გარდახდევინება და დაპპირებია, რომ ამ ფულიდგან შემდგარს თანხას თქვენვე მოგახმარებთ, თუ გაჭირვება დაგადგებათ რამე, ან ავად გახდება თქვენგანი ლარიბი ვინმე, ან გარდაიცვლება და სხ. მომუშავენი დიდის სიამოვნებით დასთანხმებიან ამ აზრს და მას შემდეგ, მართლაც, ბოზარჯიანცს ურიცხავს მანეთზე თითო კაპეიკი, დაუგროვებია ცალკე თანხად.

ჩვენ პირველად ვიყავით ქარხანაში, პირველად რომ აიშალნენ მომუშავენი და საქმეს თავი დაანებეს. თითონ იმ მომუშავეთა ლაპარაკიდანაც კი აღმოჩნდა, რომელთაც მუშაობა არ აღუკვეთიათ და ისევე დარჩენილან ქარხანაში, რომ მართლაც ბოზარჯიანცს თითო კაპეიკი ურიცხავს ყოველ მანეთზედ და დაპპირებია, რომ ეს ფული თქვენი თანხაა გაჭირვებაში მოსახმარებლადო.

თვით ქარხნის პატრონმა ბოზარჯიანცმა გამოაცხადა, რომ ფულის გამოორიცხვა 1886 წლიდან დაეიწყე და 1894 წლის 16 ივლისამდე ამ გამონარიცხ კაპეიკებიდან შედგა 2,765 მან. 88 კაპ., ამ ჯამიდგან 371 მ. 65 კაპ. მოვახმარე გაჭირვებულ მუშების დახმარებას, ხოლო დანარჩენი 2394 მ. 23 კაპეიკი კი მე მეკუთვისო. იმ ფულითაც თუ დავეხმარე, ჩემის სურვილით, ჩემის სულის გულისათვის დავებმარეო. თითო კაპეიკს რომ ვურიცხავდი, მაგათ სასარგებლოდ კი არა, ჩემს სასარგელოდ ვურიცხავდიო. საქმე იმაშია, რომ მას შემდეგ, რაც გილზებს მანქანა აკეთებს, ყოველი პაპიროსის მკეთებელი პაპიროსის რიცხვის კვალობაზე იღებს ფულს და რადგან გილზების კეთება აღარა სჭირდება, ყოველ ათას გილზზედ ყოველს თამბაქოს ქარხანაში პაპიროსის მკეთებელს ახდევინებენ 5 კ. მე-კი 4 კაპეიკს ვახდევინებო. 1886 წ. მოვინდომე ჯამაგირის შემცირება, მაგრამ მუშებმა მითხრეს, თითო მანეთზე კაპეიკს დავიკლებთ, ოღონდ კი ჯამაგირებს ნუ შეგვიმცირებთო. მეც თითო კაპეიკს ვუკლებდი და ეს ფული ჩემია, ქარხნისა და არა იმათიო.

პირიქით, როგორცა სჩანს მუშების ნალაპარაკეიდგან, ბოზარჯიანცს ცამეტი წლის განმავლობაში ურიცხავს ეს ფული, დაპპირებია, თქვენთვის ვაგროვებ ფულსაო, მაგრამ გაჭირვებაში რომ არ დახმარებია, მუშები აშლიან და მუშაობა აღუკვეთიათ. მხოლოდ ზოგიერთნი დარჩენილან სიღარიბისა გამო, რადგან სიმშვილით სიკვდილისა შეშინებიათ, თუმცა ეხლა ბოზარჯიანცი მანეთზედ თითო კაპეიკს, ადგილობრივი მთავრობის განკარგულებით, აღარ ახდევინებს, მაგრამ ის მუშები კი, რომელთაც მუშაობა აღკვეთეს, აღარ მიუღია ბო-



ზარჯიანცს მათდა დასასჯელად, ჯავრის ამოსაყრელად. ამის გამო ეს მუშები აგერ ორ კვირაზედ მეტია, რაც ულუკმაპუროდ არიან-დარჩენილნი და ყოველ დღე მთავრობასთან სჩივიან, ბოზარჯიანცმა ადგილი მოგვეცეს ისევე და დაგვიბრუნოს ჩვენ ცამეტი წლის ნაშრომ-ნაამაგარიო, რაც 10,000 მანეთს უნდა შეადგენდესო. ეს გარემოება პოლიციასაც შეემოწმებია, რომ მართლა ამდენი ყოფილაო.

გუშინ წინაცა და გუშინაც პოლიცემისტერის სადგომის წინ 300-მდე ბოზარჯიანცის ქარხნის მუშა შეგროვდა თურმე და თხოულობდენ გამოიძიეთ ჩვენი საქმე და სთხოვეთ ბოზარჯიანცს, დაგვიბრუნოს ჩვენი ფულიო. ბოლოს პოლიცემისტერმა როგორც იყო დაამშვიდა მუშანი და ნება დართო თქვენს შორის დეპუტაცია ამოირჩიეთ და გუბერნატორს გაუგზავნეთ თქვენის საჩივრის განსაცხადებლადო. მაშინვე პოლიცემისტერმა დააპატიმრა ამ მუშათა ერთი მეთაურთაგანი არტემ არუთინოვი.

როგორც შევიტყვეთ ბოზარჯიანცს საჩივარი შეუტანია, მუშებმა ზარალი მომცეს, ჯერ ერთი, მუშაობის აღკვეთით და, მეორეც, კიდევ იმითი, რომ დანარჩენ მუშებს, რომელთაც მონაწილეობა არ მიუღიათ შეთქმულებაში, არ აძლევდენ ნებას მუშაობისას, ემუქრებიან, მოგკლავთო, რამდენსამე მათგანს ძალიან სცემეს კიდევ და ეხლა ავადმყოფები ლოგინად არიან ჩავარდნილებიო. მუშებს მეთაურობენ არტემ არუთინოვი და ალექსანდრე მანჯავიძეო და გთხოვთ ეს ორნი დააპატიმრეთ და განაძევეთ სადმეო. პოლიცია ორივეს თვალყურს ადევნებს და ერთი მათგანი, არუთინოვი, უკვე დააპატიმრეს კიდევ. უსაქმოდ დარჩენილი მუშები თხოულობენ, რომ ჩვენი დაპატიმრებული ამხანაგი დაგვიბრუნეთო. ბოზარჯიანცის თამბაქოს ქარხანაში მუშაობა თითქმის შეწყნებულია.

ერთი თანამშრომელთაგანი.

გაფიცვის შესახებ „ივერია“-ში შემდეგი ცნობებია მოთავსებული ქრონიკაში:

ახალი ამბავი. გუშინწინ, 10 აგვისტოს, ბოზარჯიანცის თამბაქოს ქარხანაში თავი მოიყარეს ამავე ქარხნის მუშებმა და თხოულობდენ, ყველანი ხელ-ახლავ მიგვიღეთ ქარხანაშიო. მუშები მხოლოდ მაშინ დაიშალნენ, როდესაც ამ ალაგას ბ-ნი პოლიცემისტერი ყაზახებით მოვიდენ. ზოგიერთი თურმე დათხოვნილნი ყოფილან ქარხნიდგან და მათ მაგივრად სხვები მიუღიათ. („კაკიჯი“).

„ივერია“ № 172—1894 წ. 12/VIII.

— გუშინ წინ ბოზარჯიანცის თამბაქოს ქარხნის მუშები დასთანხმდენ ქარხანაში მუშაობას, მაგრამ თვით ბოზარჯიან-

ცმა გადაჭრილი უარი უთხრა, არ მივიღებთო. მუშებმა ქარხანასთან თავი მოიყარეს და იქიდან წავიდნენ პოლიცემისტერთან სათხოვნელად, ძალა დაატანეთ ბოზარჯიანს და მოაცემინეთ ის ფული, რომელიც ბოზარჯიანსმა ჩვენი ნამუშევრიდან შეაგროვავო. ბოზარჯიანსმა ყველაფერზე უარი სთქვა და არც იმ შეგროვილ ფულებს უბრუნებს, რომელიც 1000 თუმანზედ მეტს შეადგენს, დაპატიმრებული არუთინოვი, რომელიც ბოზარჯიანსს წინააღმდეგთაქმეთაურად მიაჩნია, გუშინ გაანთავისუფლეს. ქარხანაში მუშათაგან უსაქმოდ 400 კაცამდეა დარჩენილი, („ნოვოე ობოზ.“).

„ივერია“ № 173—1894 წ. 13/VIII.

წერილი ჩედაძეის მიმართ.

თქვენი გაზეთის მე 172 №-ში იყო მოთავსებული წერილი მუშაობის აღკვეთა ბოზარჯიანის თამბაქოს ქარხანაში ერთის თქვენის თანამშრომელთაგანისა. ამ წერილში ნათქვამია, რომ ვითომ მე ვყოფილიყო ერთი მეთაურთაგანი. ეს ცნობა მართალი არ არის, რადგან მე არც მიმეთაურნია და არც ამიშლია მუშები. იმ დღეს, რა დღესაც ქარხნის მუშებს აეკვეთათ საქმე, მე იქ არსად ვყოფილვარ, როდესაც მიველ, მუშებს თავი დაენებებიათ მუშაობისთვის, პოლიცია იყო იქ და მე თუ ვთქვი რამე ან ფაბრიკის კანტორაში, ან თუ პოლიცემისტებს მივართვი თხოვნა, ეს სულ იმისი ბრალი იყო, რომ თითონ ჩემმა ამხანაგებმა მომანდეს და მეც შევასრულე იმათი მონდობილება, მე ჩემდა თავად არაფერი არ გამიკეთებია და ყოველივე ჩემ მიერ თქმული სხვათა მონდობილებით იყო ნათქვამი.

ალექსანდრე ოთარიშვილი (მანჯავიძე).

„ივერია“ № 183—1894 წ. 27/VIII.

ტვილისის ტრამვაის მუშათა შორის.

(1906—1910 წ.)

1905 წლის ივლისში მომხდარმა „პროვალმა“ გენ. შირინკინის მოკვლის შესახებ და ამ ტერორისტულ ჯგუფში მონაწილეობამ ჩემში სამუდამოთ განამტკიცა ის აზრი, რომ პიროვნული ტერორი, რასაც ესერები ადგენ და მით ფიქრობდენ ძველი წყობილების დანგრევას, იყო ოცნება. მეორე მხრით, ჩვენი პარტიის ხაზი, რომ ძველი წყობილების დანგრევა შეიძლებოდა მხოლოდ იდეურად და ორგანიზაციულად შეკავშირებული პროლეტარიატის ბრძოლით ბოლშევიკური პარტიის ხელმძღვანელობით, შეიქმნა ჩემთვის შეურყეველი.

მიუხედავად ამისა ბოლშევიკურ ფრაქციას შესაძლებლად მიაჩნდა ზოგჯერ, უკიდურეს შემთხვევაში, მიემართა პიროვნულ ტერორისათვის...

1905 წლის 17 ოქტომბრის მანიფესტის თანახმად ციხიდან განთავისუფლების შემდეგ, 1906 წ. იანვრის უკანასკნელ რიცხვებში, ტრამვაიში მიმიღეს კონდუქტორათ. აქ ამხ. იასონ ჯორბენაძის საშუალებით გავეცანი იაჩეიკის ზოგიერთ წევრებს, რომლებიც ამხ. ჯორბენაძისთან ერთად არალეგალურად ცხოვრობდენ და ეწეოდენ მუშაობას. ეს ამხანაგები იყვნენ: პრონინი, კოლბიკოვი და სხ. პეტერბურგში მომხდარ სისხლის ღვრის (9 იანვარი) საპროტესტო გაფიცვის მოწყობისათვის ტრამვაიდან გადასახლებული იყო რუსეთში 45 კაცამდე ტრამვაის კონდუქტორები და ვატმანები: ბაქრაძე, ცეცხლაძე, ფრუიძე, ნუცუბიძე და სხვ. იმ დროს დირექტორათ იყო ვინმე ლევინი, რომელსაც ტრამვაიში ჰქონდა მოწყობილი პროვოკატორების და ჯაშუშების მთელი ორგანიზაცია; ამ ორგანიზაციის საშუალებით, მადებარა პოლიციისა და „ოხრანიკის“ დახმარებით, მან პირდაპირ მონად გაიხადა ტრამვაის მუშები.

1906 წლის აპრილის უკანასკნელ თუ მაისის პირველ რიცხვებში ახლად მიღებულმა ამხანაგებმა ძველების დახმარებით ი. ჯორბენაძის, პრონინის, კოლბიკოვის და სხვების მონაწილეობით მოვაწყვეთ ტრამვაის მოსამსახურეთა მეორე დიდი გაფიცვა; წამოყენებული იყო ეკონომიური ხასიათის მოთხოვნებთან ერთად პოლიტიკური მოთხოვნებიც—ჩვენ მოვითხოვდით ყველა გადასახლებული ამხანაგების დაუყოვნებლივ დაბრუნებას სამსახურში მიღებით სრული ჯა-



მაგორების შენახვით. გაფიცვა გაგრძელდა ერთ კვირამდე და გათავდა სრული ჩვენი გამარჯვებით. მიღებულ იქნენ: ანხ. ი. ჯორბენაძე და სხვანი, აგრეთვე დაბრუნებული და მიღებული თითქმის ყველა გადასახლებული ამხანაგები ორმოც კაცამდე ჯამაგირების სრული ანახლაურებით.

დირექტორი ლევინი ვერ ურიგდებოდა მუშების ამ სამაგალითო გამარჯვებას. ჩვენ აშკარათ ვხედავდით, რომ მან სამუშაოა ჯაშუშები და პროვოკატორები. ცდილობდა თავიდან მოეშორებია მოწინავე მუშები.

შექმნილი მძიმე მდგომარეობა პირდაპირ მოითხოვდა ამ პროვოკატორ დირექტორის თავიდან მოშორებას...

ლევინი 1906 წ. ზაფხულზე იქნა მოკლული პირდაპირ ტრამვაის ვაგონში, რომელსაც ხელმძღვანელობდა ვატმანი მამაცოვი — გამოცდილი ტერორისტი. მაშინ ჩვენის აზრით ეს იყო ერთადერთი გამოსავალი იმ უკუღმართი მდგომარეობიდან, რომელიც შექმნა ტრამვაიში ამ ჯალათმა. ამავე დროს გამოირკვა, თუ ვინ იყვნენ პროვოკატორი და ჯაშუში კანდუქტორებში და ვატმანებში. ასეთები აღმოჩნდნენ: 1) ლიტვინენკო, 9 იანვრის გაფიცვის განადგურების ერთი მთავარი „გმირი“ თვალსაჩინო ჯაშუში, 2) გორბაჩევი, 3) ძმანი სკოგოროვები, 4) ნიკოლაევი (კანდუქტური), 5) მელნიკოვი (კანტორის მოლარე), 6) შაპოვნიკოვი (კანტორის მოლარე, ბუზგალტერ გისის ჯაშუში). ამავე წლის ზაფხულში ორთაქალაში ტრამვაის კანდუქტორ წულაძის (სახელი არ მახსოვს) ბინაზე ჩვენ ტრამვაის მუშებმა იაჩიკის არა ლეგალური კრება გაემართეთ. დაესწრო: ამ სტრიქონების დამწერი, ი. ჯორბენაძე, პრონინი, კოლბიკოვი, ყორჯოლაძე იგივე იტრიევი — ამო, ტ მაგალობლიშვილი, ალიაქპერ ალიზადე და ცეცხლაძე (ყველა ბოლშევიკები), ხოლო წულაძე, ფრუიძე საბა, თებზაძე, ლორია, მეიპარიანი, კვაჭაძე, ა. ქვათაძე და სხვ. მენშევიკები. კრებამ დაგვავალა მე და ანხ. ი. ჯორბენაძეს ტრამვაის დირექტორთან მოლაპარაკება იმ დღეებში დაჭერილ კ. ტერმატეუხოვის განთავისუფლების შესახებ. ჩვენ დავტოვეთ კრება და წავედით ტრამვაიში. იქ გავიგეთ, რომ ვატმანი ლიტვინენკო, (ჯაშუში), რომელიც 9 იანვრის გაფიცვის შემდეგ ბორჯომში გაიპარა, უკვე ჩამოსულიყო. საჭირო იყო სასწრაფო ზომების მიღება და ჩვენც მივმართეთ ტერორს.

ტრამვაის კანტორის კარებთან დავინახეთ, რომ ლიტვინენკო უკვე გამოვიდა კანტორიდან ქუჩაში და გასწია მუშტაიდისაკენ. სიგნალის მიმცემი იყო კანდუქტორი ალექსეროვი. მან ჩვენთან იქვე მყოფ ტერორისტებს მიუთითა მასზე თვალებით. შორი-ახლოს მას გაყვნენ ტერორისტები. ლიტვინენკო მოკლულ იქნა ელისაბედის ქუ-

ჩაზე, ვიდრე ის ამ. კავკასიის რკ. გზის სამმართველომდე მიაღწევდა, ამ საქმეზე არავინ დაუჭერიათ, რადგანაც ტრამვაის მუშები თავიდან წარმოადგენდა ძლიერ შეკავშირებულ მასას.

რკინის გზის მთავარ სახელოსნოების მუშების შემდეგ ტრამვაის მუშებს პირველი ადგილი ეკავა მუშათა მოძრაობაში. უდიდესი გავლენა ჰქონდა მუშებზე სოც. დემ. პარტიას ბოლშევიკებისა და მენშევიკების სახით. აქ იყვნენ აგრეთვე დაშნაკები და რუსი „პატრიოტები“. ეს ორი პარტია სამკვდრო სასიცოცხლოდ ებრძოდა სოც. დემოკრატიას. განსაკუთრებული თვალი ეჭირა ტრამვაიზე მთავრობასაც და რეპრესიებს არ გვაკლებდა. 1906 წ. დირექტორ ლევინის შემდეგ მოვიდა ვინმე ფაინი. 1906 წ.—1907 წ. მან შესძლო შეეტანა ზოგიერთ მუშებში ისეთი ილიუზიები, რომ მას ზოგიერთი მუშა მამას ეძახდა. და ასე თავისი გაიძვერაობით, ტკბილი სიტყვებით და სხ. მან კლასობრივი შეგნება მოაღუნა მუშებში, რაც ახარებდა ჩვენს მტრებს. წინააღმდეგი იყვნენ ფაინის ამგვარი მოქმედებისა ერთი მხრით ტრამვაიში მუშუშავე მოწინავე ამხანაგები, მეორე მხრით—ბელგიის საზოგადოების მმართველობა უსაყვედურებდა მუშებთან დამძობილებას, სასტიკი რეპრესიული ზომების მოღუნებას, ბელგიის საზოგადო ქონების უკანტროლოთ ფლანგვას და სხ. ამის გამო 1908 წლის გაზაფხულზე ის დაითხოვეს და გამოგზავნეს დირექტორად ვინმე ალიბეგოვი. ეს ის ალიბეგოვი გახლდათ, რომელსაც მუშებმა რევოლუციური ესროლეს ბალაჯარის რკინის გზაზე მეორე ლიანდაგის გაყვანის დროს, აქ ალიბეგოვი მთავარი ხელმძღვანელი—ინჟინერი იყო: ამის შემდეგ ის ბელგიაში გაიქცა, იქ იმალებოდა რამოდენიმე წელიწადი. მოსვლის მეორე დღესვე ის შემოიჭრა საამხანაგო კომისიის სხდომაზე. კომისია მუშების მიერ იყო არჩეული, რომელიც არჩევდა მუშების მიერ ჩადენილ დანაშაულს, მიღება-დათხოვნის საქმეებს და სხ. ადმინისტრაციის წარმომადგენლის თანდასწრებით. ამ კომისიას მუშებში განუსაზღვრელი ავტორიტეტი ჰქონდა. ალიბეგოვს მოჰყვა ერთი ბოქაული პოლიციელებით და კაზაკებით და გადაჭრით მოითხოვა კრების დაშლა. თუ არ დავიშლებოდი, მან უბრძანა, რომ ესროლათ ჩვენთვის. მან განაცხადა: „მე მოვედი თქვენს წინააღმდეგ საბრძოლველად, დავა უნდა გათავდეს ძალის საშუალებით, თქვენ ისარგებლეთ რევოლუციის წითელი ჩვრით, რომ თქვენი მოთხოვნანი გაიყვანეთ. მე უნდა აღვადგინო ტრამვაის საზოგადოების შებღალული კანონიერი უფლებები. და თუ შეგიძლიანთ ეხლა, იბრძოლეთ, მეც ვიბრძვი და თქვენც, ვის მხარეზეც იქნება ძალა, ის მოიგებსო“.

მესამე წინადადების შემდეგ, მეტი გზა აღარ იყო, უნდა ძალას დაემორჩილებოდით—კომისიამ დემონსტრაციულად დარბაზი დასტო-



ვა. ამ ამბავმა ტრამვაის მუშებში აღშფოთება გამოიწვია: 25 წუთით მთელ ტფილისში ტრამვაის მოძრაობა შესწყდა. მუშებმა მოითხოვეს დაუყოვნებლივ კომისიის თავის უფლებებში აღდგენა, ხოლო ალიბეგოვის გაძევება.

კომისია თუმცა აღდგენილ იქნა თავის უფლებებში, მაგრამ ალიბეგოვიც დარჩა თავის ადგილზე, რამაც ახალი უბედურება დაატება თავს ტრამვაის მუშებს. ამას ადრევე ვითვალისწინებდით ჩვენ, ბოლშევიკი მუშები; ჩვენ მოვითხოვდით ბრძოლის გაგრძელებას, ხოლო ზოგიერთი მენშევიკები გ. ერაძის (ბრადიაგას) მეთაურობით მოითხოვდნენ ბრძოლის შეჩერებას, რამაც მაშინ დაასასამარა ტრამვაის მუშათა მოძრაობა. ალიბეგოვმა სწრაფად აამუშავა თავისი წინამოადგილის ლევის ნაცადი იარაღი—ჯაშუშები და ოხრანკა. ამის შემდეგ არ გასულა დიდი დრო, რომ 1908 წ. ჩვენთვის აშკარა შეიქნა ისევე გაფიცვით ბრძოლის გამოცხადება მოპოვებული უფლებების შესანარჩუნებლად. არც ერთი მუხლი მოთხოვნისა ახალი არ წამოგვიყენებია, გაფიცვას მოითხოვდა მასსა გადაქრით. ჩვენ, ბოლშევიკები, ამაში ვხედავდით ერთად-ერთ გამოსავალს. ბრადიაგა და სხვა მენშევიკები მოითხოვდნენ ბრძოლის გადასაწყვეტათ ხატისოვთან (ქალაქის თავი), შრომის ინსპექტორთან და სასამართლო პალატაში ჩივილს. ასე გრძელდებოდა მოლაპარაკება ამაოდ. სამჯერ დანიშნულ საგაფიცვო კრებას არ დაეწრნენ არც ერთხელ მენშევიკები. ამ ნიადაგზე „რასკოლი“ კი ჩვენ არ გვინდოდა. მარტო ჩვენ ხომ ვერ გამოვაცხადებდით გაფიცვას. ერთი კრება მამა დავითის გორაზე, ორი—ნაძალადევში. საქმე ჩაიშალა, გაფიცვა არ მოეწყო. ამით ისარგებლა ალიბეგოვმა და ერთ ღამეს დაპატიმრეს მმ მოწინავე ამხანაგი და გადასახლებული ვიქენით რუსეთის სხვა და სხვა კუთხეებში; დაპატიმრება მოხდა მაისის უკანასკნელ რიცხვებში 1908 წ. ხოლო გადასახლება კი შემოდგომაზე ოქტომბერ-ნოემბერში.

დამარცხდნენ მუშები. გაიმრჯვა ალიბეგოვმა და შემოიღო ჯოჯოხეთური პირობები იმ ღალატის წყალობით, რაც მაშინ ბრადიაგამ და მისმა ცოლმა პიშკინამ ჩაიდინეს მუშების წინაშე, რაც მათ არა ერთხელ ჩაედინათ...

აქ მაგონდება აი რა: 1908 წლის გაზაფხულზე, მუშების დაუკითხავათ. არც ერთ სხვა მენშევიკს ტრამვაის მუშებში და მით უმეტეს ბოლშევიკებს არ გავგივია, ისინი (ერაძე და მისი ცოლი) ბებელს შეეკითხნენ: რომ ტრამვაის მუშები გათავხედდნენ, ჩვენი პარტიის პროგრამა-მინიმუმი სრულიად განვახორციელებთ: 8 საათის სამუშაო დღე, ექიმი, წამალი, ტანსაცმელი გვაქვს, ღირექცია კარგი გვყავს, მუშების პრეტენზიებს მაინც ბოლო არ უჩანს და ჩვენო მასწავლებლო, —ბელადო, გვირჩიე როგორ მოვექცეთ ასეთ თავხედ მუშებსო.

სამარცხვინო იყო ეს დაბეზლება და აგრეთვე ის პასუხიც, რაც მათ მიიღეს ბებელისაგან. ეს გამოქვეყნდა „თბილისის ფურცელში“. ბებელი უპასუხებდა: „ჩვენ ვიცით, რომ ბელგიის უსახელო საზოგადოება ტრამვაისა, დამყარებული არის სხვის კაპიტალზე; მას თავისი ძირითადი საწარმოო თანხები არ აქვს. „Это есть дутое предприятие, а потому нужно советовать рабочим, чтобы они слишком не напирали и не тревожили такое предприятие у таких хозяев“-ო, როგორც შეკითხვამ, ისე პასუხმა გამოიწვია მუშებში აღშფოთება.

დამარცხების შემდეგ აუტანელი შეიქნა ტრამვაის მუშების მდგომარეობა.

ჩვენ ჯერ კიდევ ციხეში ვისხედით, რომ გადარჩენილ ამხანაგებს მარგიშვილის მეთაურობით გადაეწყვიტა ალიბეგოვის მოკვლა.

ელისაბედის ქუჩაზე ვაგონში მჯდომ დირექტორს დაეცენ თავს, ესროლეს, მაგრამ შემთხვევით გადარჩა. მარგიშვილი კი შეიპყრეს და ჩამოახრჩვეს.

დირექტორი ალიბეგოვი ჯაშუშებისა და ოხრანკის აგენტების დახმარებით გაიქცა საზღვარგარედ.

ალიბეგოვის გაპარვის შემდეგ დირექტორათ მოგვევლინა ვინმე ბატაილი, რომელმაც აამუშავა ჯაშუშების ხროვა, გააუარესა მუშების მდგომარეობა, შეუმცირა ჯამაგირები, შეუმოკლა შვებულების დრო, წამალი, ექიმი. საამხანაგო კომისია ხომ კაი ხანია იყო გაუქმებული ჩვენი დაპატიმრებისთანავე—1908 წ. ზაფხულიდან. ამ რეპრესიების ერთ-ერთი სულის ჩამდგმელი იყო ტრამვაის ბუხგალტერი გისი, რომლის მამა ერთი დიდი აქციონერთაგანი იყო ტრამვაის. როგორც ყველგან რუსეთში, ისე ჩვენშიაც მუშებს სრულიად ჰქონდათ წართმეული შესაძლებლობა ორგანიზაციული ბრძოლის წარმოებისა. ეს გარემოება აღვიძებდა მუშებში პიროვნული ტერორის საჭიროებას. 1908 წ. შემოდგომაზე ვატმანი კვანტალიანის მიერ მოხდა თავდასხმა გამოჩენილი ჯაშუშ სკოგოროვზე. ჯაშუში დაიჭრა ბარძაყში. სიკვდილს გადარჩა. კვანტალიანიც მიიმალა. ამავე 1908 წლის შემოდგომაზე ვორონცოვის ძველთან ვაგონის ბაქანზე მოკლული იქნა ვატმანი გორბაჩევი (ცნობილი პროფკოტორი და ჯაშუში) ისაკა ლელაშვილის მიერ. ბატაილის რეპრესიებიც მატულობდა და მუშებში იწვევდა დიდ აშფოთებას, ასეთი მდგომარეობა გაგრძელდა 1910-1911-1912 წ. 1908 წ. დეკემბერში მე ეტაფით გამეზავნეს ბაქოს ბაილოვის ციხიდან ამხ. კობასთან, გეგეჰკოროთან და სხვ. კობა-ვოლოვდის გუბერნიაში, გეგეჰკორო-დონის როსტრავში. მთელი 1909 და 1910 წლების განმავლობაში კუბაში არ შეუწყვეტია ჩემთან წერილობითი კავშირი ამხ. იასონ ჯორბენაძეს, რომელიც 1908 წ. გაზაფხულზე იყო დაპატიმრებული და მაისის პირველ ნახევარში გა-

დასახლეს ორენბურგის გუბერნიაში, საიდანაც ის მალე გამოიქცა და განაგრძობდა ტფილისში არალეგალურ ცხოვრებას და პარტიულ მუშაობას, გადასახლებული ამხანაგების ცოლშვილის და სხვა ნათესავ-მეგობართა პროტესტი და მუდამ დემონსტრაციების მართვა გუბერნატორის სამმართველოს წინ ერთი მხრით, ხოლო ტრამვაის მუშების მოთხოვნილებები, რომ ჩვენთვის ადმინისტრაციული სასჯელი მოეხსნათ, მეორე მხრით, იყო მიზეზი, რომ 1910 წ. მოგვეხსნა ყველას ადმინისტრაციული სასჯელი და დავბრუნდით. მე დავბრუნდი 1910 წ. დეკემბერში. რამოდენიმეჯერ მივმართე ტრამვაის დირექტორს, რომ მივეღეთ, მაგრამ უარით გამოგვისტუმრეს. იასონი იმალებოდა ყვირილაში, შემდეგ ქუთაისში. 1910-1911 წლებში მე ტფილისში დავრჩი და სხვადასხვა გვარ გამოცემებს ვავრცელებდით მუშებში, რითაც ლუკმა-პურს ვშოულობდი. ვავრცელებდი ჩვენს ვახეთებს. ვამჩნევდი, რომ ჩემი მისვლა ტრამვაიაში და ლიტერატურის ვავრცელება, მართალია, სიამოვნებას იწვევდა მუშებში, მაგრამ ტრამვაის ადმინისტრაცია ამას ცუდის თვალთ უტკებროდა. ეს იყო 1911 წლის დასაწყისში. იმ დროს დირექტორის მოვალეობას ასრულებდა მთავარი ბუჰვალტერი გისი, რომლის რეპრესიულმა ზომებმა სრულიად დაგვაიწყა წინანდელი რეპრესიები. ჯერ კიდევ ჩვენ გადასახლებაზე დაიბადა აზრი ამ ჯალათის თავიდან მოცილების შესახებ, მაგრამ ის ვადარჩა სიკვდილს. 1911 წ. თებერვლის უკანასკნელ რიცხვებამდე, ხოლო აღნიშულ წლის თებერვლის 25 რიცხვებში კი ის იქნა მოკლული ტერორისტთა ჯგუფის მიერ, რომელსაც მაშინ ხელმძღვანელობდა არალეგალურათ მცხოვრები ამხ. ტარასი მალობლიშვილი. ახლოს ვიცნობდი ჯგუფის ყველა წევრებს, მაგრამ უშუალო მონაწილეობა მკვლელობაში არ მიმიღია. მიუხედავად ამისა, მე და სხვა ახლად დაქერილი მუშები, რიცხვით 12 კაცი ვიყავით დაპატიმრებული საგუბერნიო ქანდარმთა სამმართველოში, სადაც რამდენიმე დღის წამების შემდეგ და დაკითხვების შემდეგ გადაგვაგზავნეს მეტეხში. იქიდან კი—აკვისტოში ვადამასახლეს ხუთი წლით დონის როსტოვში. რამდენიმე მუშა იქნა გადასახლებული ამ მკვლელობის გამო. მკვლელები კი ვერ აღმოაჩინეს. ტერორისტული აქტების ისტორიიდან საჭურადლებოა ერთი მოგონება, რაც ეხება 1907 და 1908 წწ. მაგრამ ის არ მომხდარა ტრამვაიაში.

1906 წ. და 1907 ორჯერ ვიყავი არჩეული ტრამვაიდან მესამე რაიკომის წევრათ ტფილისის კოლექტივში. მთელ ტფილისში მაშინ დათარეშობდა კარგათ ცნობილი პროვაკატორი-ჯაშუში, მღვდელი გოროდცევის მარჯვენა ხელი, ცალხელა პერუშკინი; მეორე სათათბიროს არჩევნების დროს თუ რომელიმე მუშას შეამჩნევდა, რომ მას პაკეტი მიჰქონდა ყუთში ჩვენი კანდიდატებისათვის, ასეთებს ყველას



აშკარად იქერდა, პაკეტს გამოართმევდა, რომელსაც ქუჩაში ხევდა და პაკეტის პატრონს ცემით აჯილდოვებდა. შემდეგ ზოგს ქუჩაშივე ანთავისუფლებდა, ზოგს კი, უმეტეს შემთხვევაში, ციხეში ამწყვედვინებდა.

მისი წყალობით სისტემატიურად ხდებოდა თვით ქარხნებში მივარდნა—მუშების აწიოკება, ცემა, დაბეზლება, ხშირად ფაბრიკა-ქარხნებში და თვით ბინებში გაჩხრეკა-დაპატიმრება და მრავალი სხვა. ამ თავგასული პერუშკინის თავიდან მოშორება აუცილებელი იყო. 1907 წ. ზაფხულში მესამე რაიკომმა დამავალა: მომეწვია ცნობილი ტერორისტები და მოგვეკლა პერუშკინი. მაშინ მე-3 რაიკომში იარალოვის ქარხნიდან შემოდისოდა არჩილ რუხაძე, მადერის ლუდის ქარხნიდან—მუშა გოგოშიძე და სხვა.

მოვიწვიე გამოცდილი ტერორისტი, ავჭალის „კონკაზე“ მომუშავე ვიქტორ ჭაბუკიანი, რომელმაც მოიყვანა საიმედო ტერორისტი რომლის გვარი არ მახსოვს. მოვაწყვე პერუშკინზე თავდასხმა ჩერქეზოვის ქუჩაზე. სამწუხაროდ პერუშკინი სიკვდილს გადარჩა და არც ჩვენგან ჩავარდნილა ვინმე. ამის შემდეგ, თუ არა ვცდები, 1908 წ. ზამთარში თუ 1907 დეკემბერში მასზე მოახდინა თავდასხმა ამხანაგ დავახეთქემ. მან ის დასკრა მუხრანის ქუჩაზე, მაგრამ სიკვდილს აქაც გადარჩა, შემდეგ პერუშკინი გაიქცა რუსეთში და მისი კვალი სამუდამოთ დაიკარგა.

დ. ნასარიძე.

ნაროდნიკების საიდუმლო სტაგიის ისტორიიდან.

1884 წ., 14 წლისამ, დავტოვე სოფელი და მოვაშურე ტფილისს. აქ სხვა ხელობას ვარჩიე ასოთ-ამწყობობა.

ამ მიზნით მივებარე მესტამზე ექვთიმე ხელაძეს. იქ ჩქარა გავეცანი მომუშავე ამხანაგებს. ვისაც სურდა თვით-განვითარება და საერთოდ დაახლოვება წიგნებთან, იმისთვის სტამბაში მუშაობა ძველად საუკეთესო საშუალება იყო. ამ მხრივ რომ სტამბას მომზიდველობა არ ჰქონოდა, იმ ხანებში იქ მუშაობა გაჭირდებოდა. განსაკუთრებით მაშინდელი სტამბები: ბნელი და ჭუჭყიანი ბინა სარდაფებში, მუშაობის განუსაზღვრელი დრო და ამასთან „ხაზეინების“ უდიერი მოქცევა მუშებისადმი, ეხლანდელი შეგირდებისათვის საზღაპრო ამბავია.

ბინა მქონდა მთაწმინდაში, სადაც სხვა მუშებთა შორის მეტწილად ცხოვრობდნენ სტამბის მუშები და საზოგადოთ სოფლელი სემინარიელები.

ერთ-ერთი სემინარიელი, რომელსაც მე გავეცანი 1882 წ., იყო ჩემს მეზობლათ მცხოვრები ისიდორე რამიშვილი, რომელმაც გაცნობიდან რამდენიმე ხნის შემდეგ მითხრა: „უნდა წაგიყვანო ერთ წმინდა ოჯახში, სადაც გვეჩენება საუბარი და ლექციები თვითგაცნობიერებაზე და სხ. მხოლოდ ფრთხილათ იყავი, რომ არასაიმედო პირი არ შემოგვეპაროსო“.

ეს იყო ჩოდრიშვილის ოჯახი. მიხა მაშინ ცხოვრობდა რკინისგზის ლიანდაგის ახლოს, კვირა-ცხოველის ვორაკთან.

მიხა ჩოდრიშვილის ოჯახში ხშირათ იმართებოდა კრებები, რომელსაც სხვა მუშებთან ერთად ესწრებოდა დურგლებთაგანი; ვარდენ გოცირიძე და რამდენიმე სტამბის მომუშავეთაგანი, მათ შორის დ. შერაშენიძე; აგრეთვე ესწრობოდა კრებებს მიხას თითქმის მთელი ოჯახობა.

კრებებს ხელმძღვანელობდნენ ისიდორე რამიშვილი, გოლა ჩიტაძე, სილიბისტრო ჯიბლაძე, ბართლომე მოსეშვილი და ვინმე „ნიკოლაი“-რუსი (გვარი არ მახსოვს).

მახსოვს, როდესაც ორატორი სისხლის მსმელ მეფეებს შეეხებოდა, მუშები აღელვებული წამოიძახებდნენ ხოლმე: „დანა, დანა მაგათ“.

ზოგჯერ დიდ კამათს იწვევდა აგრეთვე რუსეთის ზოგიერთ ორგანიზაციის მოქმედება, მაგ. როგორც იყო ხელმწიფე ალექსანდრე II მოკვლა და აგრეთვე სხვა ტერორისტული მოქმედებანი. ზოგი მომხრე იყო ტერორის და ზოგი-კი უარყოფდა მას.

რამდენიმე ხნის შემდეგ ასეთი კრებები მოიშალა და მუშაობა გადატანილ იქნა ცალკე ოჯახებში, სადაც თავისივე ინიციატივით დადიოდა ჩვენი კრებების თითოეული წევრი.

დაახლოებით 1884—1885 წ. მოეწყო პატარა სტამბა. სახელდობრ, ვინ იყო სტამბის დაარსების ინიციატორი არ ვიცი, მხოლოდ ის-კი მახსოვს, რომ საჭირო შრიფტის შოვნა რუსულისა და ქართულის დამავალა გოლა ჩიტაძემ და ადგილიც მაჩვენა, სადაც უნდა მიმეტანა ეს შრიფტი.

გოლას ჰყავდა ერთი ახლო ნაცნობი პარიკმახერი ჩიტო, რომელსაც დარაბაზედაც სწორეთ წარწერაც „ჩიტო“ ჰქონდა.—მან მითხრა: „ეგ ჩვენი თანამოაზრეა და ენდვ ისე, როგორც შენ თავსაო“.

საპარიკმახერო „ჩიტო“ იმყოფებოდა გოლოვინის პროსპექტზე, მუხრანსკის შენობაში (ეხლა დამწვარია), კუთხეში, ზუბალაშვილების სახლის კუთხის გვერდზე, მას მეორე მხრით მეზობლათ ჰყავდა მეხილე „გიგო“.

გოლამ მითხრა: ჩვენი სტამბაც აქ „ჩიტოსთან იქნება მოთავსებული და შრიფტიც აქ უნდა მოიტანოვო“.

წინა ოთახში იყო მოთავსებული საპარიკმახერო, უკანა ოთახში თვითონ პატრონი ცხოვრობდა.

„ჩიტო“—ეს უბრალო დალაქი, განვითარებული და შეგნებული ადამიანი იყო, აგრეთვე იყო კარგი საამხანაგო და სასიამოვნო მოსაუბრე.

დიმიშნულ ადგილას მივხიდე ჯიბით საჭირო შრიფტი და დავამზადე კასა. მუშაობის დროს გოლა არ მშორდებოდა, ზოგჯერ თითქმის გათენებამდე ვმუშაობდით და ერთადვე გამოვდიოდით; ჩიტოც აგრეთვე ჩვენთანვე ერთად დარაჯობდა.

რას წარმოადგენდა ეს პატარა სტამბა?

ის იყო გაკეთებული დიდ ყუთში, ანუ ჩემოდანში. შიგნით იყო გაკეთებული კასა თავის სახურავით, რათა ალების დროს შრიფტი არ გადარეულიყო ერთმანეთში. ყუთშივე იყო მოთავსებული საჭირო ხელსაწყოები: საღებავი, ვერსტატკი, გრანკა, ვალოკი და სხ. იბეჭდებოდა ვალოკის საშვალეებით დასველებულ ქაღალდზე.

როდესაც დამზადდა სტამბა, გოლამ გამაცნო ერთი რუსი, სახელათ „ნიკოლაი“ (გვარი არ მითხრა). შეხედულობით შუა ტანისა, ქერა, თვალებ ჩაცვივნილი, უფერული. როგორც ეტყობოდა, დიდი



ტანჯვა-წვალების გამოვლილი ადამიანი იყო; მუშაობდა რკინის გზაზე.

გოლამ მითხრა: „დროებით გზორდები, სტამბის ხელმძღვანელი ნიკოლაი იქნება“.

მას შემდეგ, დრო გამოშვებით, ნიკოლაის დაბარებით მივდიოდით სამუშაოთ და ხშირათ ვათენებამდის ვბეჭდავდით პატარ-პატარა პროკლამაციებს, დამხმარე კასების წესდებებს და სხ.

ამ ბინაზე თითქმის ორი წელიწადი დაჰყო სტამბამ.

შემდეგ რამოდენიმე ხანს მუშაობა შეჩერდა, რადგან ჩიტომ გაცხადა, რომ საექვო პირებს ვამჩნევ და სტამბა უნდა სხვაგან იქნას გადატანილიო.

ცოტა ხნის შემდეგ გოლაც გამოჩნდა, მას სტამბა უკვე გადაეტანა თავის ბინაზე.

გოლას ბინა იყო ეგზარხოსის მოედანზე, სახლი № 7, ჩინში, მეორე სართულში. ეს იყო ერთი პატარა ოთახი მუშაბანდით. კედელს ჰქონდა განჯინა, რომლის ქვედა ნაწილი იხურებოდა. აი აქ იყო მოთავსებული სტამბა.

გოლას ოთახის მოწყობილობას შეადგენდა: ერთი პატარა ფეხმორტეხილი მაგიდა და ტაბურეტკა; მაგიდაზე იდგა თუნუქის საჩაიე მუდამ ცხელი წყლით; რა დროსაც უნდა მისულიყავ მასთან, ყოველთვის ჰქონდა ჩაი „პრიკუსკით“ და პური; სადილიც ეგ იყო მისი და ვახშამიც. ცხოვრობდა მეტად ხელმოკლეთ. მისი მალალი და გამხდარი ტანადობა, გრძელი შავი თმა, გამხდარი, ჩაყვითლებული სახე, ჩაცვივნილი თვალები, — ყველაფერი ეს ამტკიცებდა იმის უზომო და დაუღალავ შრომას დაზარალებულ ხალხის განთავისუფლების საქმეში.

ხშირათ მოიბრუნდა აღელვებული და მომცემდა ასაწყობათ ფურცლებს, ან ზეპირათ მიკარნახებდა რკინის გზის მუშა-მოსამსახურეთა შესახებ და დაბეჭვდისათანავე გააქანებდა ხოლმე სადაც საჭირო იყო.

ამავე სტამბაში დაიბეჭდა აგრეთვე რამოდენიმე გვერდი „კაპეიკის ისტორია“ „ოთხი ძმა“-დან. იბეჭდებოდა აგრეთვე სარევილი-უციო წიგნებიდან ამოღებული საყურადღებო ადგილები, (1-4 გვ.), რადგან ქართულად მაშინ არ მოიპოვებოდა ასეთი წიგნები.

ერთ ღამეს ამნაირ შემთხვევას ჰქონდა ადგილი:

გაცხარებულ მუშაობაში ვართ: მე ვაწყობ, გოლა ბეჭდავს. კარებს მოადგა ვილაც და დაუწყო ბრაზუნა. ჩვენ ფერი გვეცვალა, მაგრამ რალას ვიზამდით, შევლდექით გადამალვას. სტამბის ყუთისთვის ისეთი ადგილი გვექონდა, რომ ერთი ფიცარის ამოღებით, ყუთი ქვეშ ჩადიოდა, იმალებოდა და განჯინა-კი ცარიელი რჩებოდა და არავითარი საექვო შეხედულება მას არ ჰქონდა.

ეს საქმე რომ კარგათ ჩავატარეთ, იქვე ჩაისა და პურს შევექცით. გოლამ კარები გააღო და შემოვიდა ვიღაც პოლიციელი—უბნის ზედამხედველი.

გოლამ იცნო თავისი ნათესავი უბნის ზედამხედველი და უკმაყოფილოთ შენიშნა: „შე ოხერო, ამ შუალამისას რას დაეხეტებო“.

ამ პატარა „ტრევოგამ“ გოლა ძალიან ააღელვა იმიტომ, რომ ხელი შეუშალა იმ ღამის მუშაობას, მაგრამ მეორე მხრით სტამბის დამალვის გამოცდამ კარგათ ჩაიარა.

გავიდა ხანი. გოლა სადღაც წავიდა.

მოახლოვებული იყო ხელმწიფე ალექსანდრე III მოსვლა ჩვენში (1887 წ.) და ვინც-კი პოლიტიკურათ შენიშნულები იყვნენ, ზოგი გადაასახლეს და ზოგნიც თვითონვე მიიმაღნენ.

და სწორეთ ამ დროს აღარც გოლა გამოჩნდა და სტამბაც დაიკარგა; არ ვიცი რა ბედი ეწვია—მთავრობას ჩაუვარდა ის, თუ სადმე გადამალული დარჩა.

რამოდენიმე ხნის შემდეგ გოლა ჩიტაძე გამოჩნდა, მაგრამ ის გოლა აღარ იყო, რაც წინად: ის თავის ქკუაზე აღარ იყო...

გოლა სულითა და გულით ნამდვილი, უმწიკვლო, თავდადებული პატრიოტი იყო თავისი იდეის—ხალხის შეგნებისა და გათვითცნობიერების. მთელი თავისი ახალგაზრდობა, ეს ულამაზესი ხანა ადამიანის ცხოვრებაში, გოლამ შესწირა მუშა ხალხის განთავისუფლების საქმეს...

ლ. ხელაძე.

ტფილისი. 20 მარტი 1926 წ.

ვ. ს. ციციანი

აშხ. სპირიდონ ვაშაპიძის ხსოვნას.

აშხ. სპირიდონ ვაშაპიძე, გლეხის შვილი, ქუთაისის მაზრის სოფელ გუბის მცხოვრები იყო. დაწვრილებით არ შემოძლია მისი ბიოგრაფია გადმოგვცეთ, მე ის გავიცანი 1918 წ. სამტრედიაში. დაახლოებით იყო 36 წლის, სიცოცხლით სავსე, ნამდვილი ამხანაგური გრძნობებით აღსავსე.

1919 წ. აშხ. სპირიდონი ხონის ორგანიზაციას ქ. სამტრედიის ორგანიზაციასთან აკავშირებდა. მას ჰქონდა დავალებული 1919 წ. საოლქო კომიტეტისაგან გამოსვლების ხელმძღვანელობა ნოემბერში როგორც ტენიკურათ წინასწარ, აგრეთვე იდეურად თვით გამოსვლების დროს. მან პირნათლად შეასრულა დაკისრებული მოვალეობა: აიღო თავისი რაზმით გუბი, ქუტირი და გამოეშურა სამტრედიისაკენ თანახმად სამხედრო გეგმისა, როგორც შემუშავებული იყო. მოვიდა კულაშამდის, კულაშელ ამხანაგებსაც აეღოთ ხელში ძალა-უფლება, ამ დროს მოუსწრო გვარდიელებით, გვარდიის შტაბის უფროსმა ვლადიმერ ჯიბლაძემ და „ბრონევიკმა“. შეერთებულმა კომუნისტურმა რაზმმა აშხ. სპირიდონის ხელმძღვანელობით დაიხია კულაშის თემში სოფ. ნაბაკევიში, სადაც უფრო ძლიერი იყვნენ კომუნისტები. გათენებისას მენშევიკების გვარდიამ სოფელს შემოარტყა ალყა ვლ. ჯიბლაძის ხელმძღვანელობით.

აშხ. სპირიდონმა მოასწრო იარაღის შენახვა ამ სოფელში და გაიყვანა ყველა ამხანაგები სოფლიდან უხიფათოდ. მერმე ჩაუარდათ ხელში მენშევიკებს ჩამოდენიშე ამხანაგი, ლანიროში, ქვიტიროში, ხონში, მაგრამ სადაც მეტი საფრთხე იყო, იქ კი სპირიდონმა გამოიჩინა საუცხოვო გამჭრიახობა.

1919 წ. 7 მაისს საბჭოთა რუსეთთან დადებული ხელშეკრულების შემდეგ მენშევიკების მიერ განთავისუფლებული იქნენ კომუნისტები, თითქოს გამოცხადებული ვიყავით ლეგალურათ.

აშხ. სპირიდონიც ამ დროს გამოჩნდა და მუშაობდა ქუთაისის გუბერნიაში. მალე დაიწყეს მენშევიკებმა რეპრესიები და კომუნისტების დაპატიმრება. დაპატიმრებულ იქნა აშხ. სპირიდონიც და გადასახლებული ბაქოში.

1920 წელს, როცა უმწერველოსობამდის მივიდა სამოქალაქო ომი საბჭოთა რუსეთში, ბაქოს პროლეტარიატმა გამოაცხადა 10%-ნი

პარტიული მობილიზაცია ვრანგელის წინააღმდეგ. ამხ. სპირდონი ჩაეწერა რაზმში, გაემგზავრა გამარჯვების სრულის რწმენით; ვრანგელი და ძმანი მათნი, მენშევიკებითურთ, ძლეულ იქნენ, გაქრენ როგორც გაზაფხულის თოვლი, შავი ზღვის ტალღებს მისცა ისინი ძლევაგოსილმა წითელმა ჯარმა. მას აქეთ ამხ. სპირიდონ ვაშაკიძის არა ისმის რა, ვინ იცის როდის, და სად ეკვეთა მტერს ამხ. სპირიდონი.

ეს კი ცხადია, მან პირნათლათ შეასრულა თავისი რევოლიუციონური წმინდა მოვალეობა. 10⁰/₀—მობილიზაციით გაწვეულმა საერთო რიცხვიდან, პირადათ მან, ყველა 100⁰/₀ შესწირა მუშურ-გლეხურ საქმეს.

დაუვიწყარი იქნება ამხ. სპირიდონის სახელი!

ამხ. სპირიდონს დარჩა მოხუცი დედა და დაი სოფ. გუბში, ხონის რაიონში.

ვ. სტურუა.

4/IV—23 წ.

ილიკო ივარლიშვილი (მსახათალი).

ილიკო იმერლიშვილი დაიბადა 1886 წელს მცხეთაში. მამა მისი (იორდანე) იყო მეტად ღარიბი, მიწის მუშა. ილიკო სწავლობდა სოფ. მცხეთის სკოლაში, თავიდანვე ეტყობოდა, რომ ნიჭიერი იყო, მაგრამ რადგანაც შშობლები ზედმეტად ღარიბი ჰყავდა, იძულებული შეიქნა, დაეტოვებინა სწავლა 1898 წ. ამის შემდეგ ილიკოს პირველად ვხედავთ სტამბაში 1902 წ. აქედან ვასო ხუციშვილის ჩაგონებით შემოდის სტამბების ერთ-ერთ წრეში. აქ მას მიანდევს არალეგალური ლიტერატურის გავრცელება და ფულის შეგროვება ამხანაგებში. დადგა 1905 წ. ამ დროს ილიკო მზადაა ეკვეთოს მტერს. დაიწყო სომეხ-თათართა შეტაკება ტფილისში, მთავრობის მიერ მოწყობილი და ილიკოც მესამე რაიონიდან (მთაწმინდა) მიდის პირველ რაიონში — (ნაძალადევი) და ეწერება რაზმში. იქ ღებულობს იარაღს და მიდის თათრის მოედანზე, სადაც ღირსეულად ასრულებს თვის საქმეს. არ დაავიწყდებათ მაშინდელ მის ამხანაგებს ერთი შემთხვევა: იმ ღამეს, როცა თათრის მოედანზე ცეცხლი გაძლიერდა და თათრების ბრბო თანდათან დახურული ბაზრისკენ მოიწევდა, გავრცელდა ხმა, რომ ალი ბალას (ასე ეძახდნენ თათართა ბრბოების ერთ წინამძღოლს შუა ბაზარში უნდა შეიჭრესო. მეორე მხრივ კიდევ სომეხებს უნდათ შეტევა მოედანზეო. სილიბისტრო ჯიბლაძემ უთხრა ვალერა ბილანოეს, რომ აერჩია ერთი ჯგუფი რაზმელების და დამდგარიყო დახურულ ბაზრის შესავალში, და თუ ეცდებოდა მართლა წრის გარღვევას, რომელიმე მხარე, ეხმარათ იარაღი. და თუ გაჭირდეს საქმე, ყუმბარებიც იხმარეთო, დაუბარა. შუალამისას მართლაც თათრები გამოვიდნენ ცეცხლით და მამხალეებით და დაიწყეს მოგროვება მოედანთან. როცა დაატყეს, რომ ძალიან ემატებოდნენ, იქ მდგომ აფიცერს მიემართეთ გაეგზავნა სალდათები და მიეცა გაფრთხილება, ნუ გროვდებიანო. მან გვიპასუხა: მე ნაბრძანები მაქვს უკან დავიხიო, სანამ განსაკუთრებული რამე ბრძანება არ მომივა ამის შესახებო. მაშინ აღექსანდრე ობოლაძემ, როგორც ათის თავმა, ვასცა განკარგულება გვესროლა და გაგვეფანტა შეკრებილეს ბრბო. მაგრამ რაზმელებმა გასროლა ასე ადვილად ვერ გაბედეს. გავარდა მხოლოდ ილიკოს თოფი... შემდეგ სხვა რაზმელებმაც გაისროლეს. ცოტა ხანს შეიძევ ბრბო გაბრუნდა. ალაგას დარჩა ორი დაჭრილი (ერთი მძიმეთ), რომელიც მალე მოკვდა, აღარ იყო მერე მოსვენება ილიკოსგან. რომ რად მოვკალით ის კაცი, უნდა სიტყვით მოგვეხდინა გავლენაო... ასე სომეხ-თათართა ჟღერა ტფილისში შეჩერებულ რევოლუციის მატთან



იქნა. დაიწყო ქუჩებში „ქეშმარიტ რუსთა კავშირის“ წევრებსა და მუშებს შორის სისხლიანი შეტაკებები. ილიკო ყველგან მხნედ და გაბედულად მხარს უმშვენიებს თავის მებრძოლ ამხანაგებს; ერთ-ერთი ასეთი შეტაკების დროს ერთ „მანიფესტანტს“ ილიკო ჰგლეჯს გულიდან სამფეროვან ნიშანს და, როგორც „ტრიუმფი“, მოაქვს მესამე რაიონში ვასო ურუშაძესთან, რომელიც იმ რაიონში მოწინავე ხელმძღვანელ მუშად ითვლებოდა.

რევოლიუციამ თითქმის მინელება იწყო. პარტიაში დიდი მერყეობა იწყება, უმრავლესობა აშკარა გამოსვლაზე ტაქტიკური მოსაზრებით წინააღმდეგი ხდება—ბევრს ისე პრინციპი და პარტიის ტაქტიკა არ აწუხებდა, რამდენადაც თავის გადაარჩენა, ამ შემთხვევაში ილიკო თავისი ამხანაგებით, რომელთა შორის იყვნენ: ა. ობოლაძე, გ. ავალიანი, ტ. ჯაში, არკადი ელბაქიძე, ს. ტომარაძე, არამ პოლოსოვი, გ. თოფურაძე, ა. ფიცხელაური, ა. ვარსიმაშვილი, ვ. ნასარიძე, დ. ბაცანკალაშვილი და ყანდარელი (პატარა მცხეთელი) ეყოფიან მთავარ ორგანიზაციას და აარსებენ მთაწმინდაში რევოლიუციონურ სოც.—დემოკ. მუშათა ჯგუფს.

1905 წ. რეაქციის შემდეგ მთაწმინდაში იყო საიდუმლო სტამბა, რომელსაც ილიკო ხელმძღვანელობდა (იბეჭდებოდა პროკლამაციები). ერთ ღამეს უბანს ალყა შემოარტყეს (სტამბას ეძებდნენ). ილიკომ ისარგებლა რა ღამის სიბნელით, ზურგზე წამოიკიდა დაშლილი მანქანის ნაწილები და მიიმალა. ეს სტამბა მოთავსებული იყო „ხალიან მაშოს“ სახლში. ეს მაშო ცოცხალია, მას დიდი ღვაწლი მიუძღვის როგორც ილიკოს, ისე სხვა რევოლიუციონერთა დახმარებაში,

იმ ხანად შანტაჟისტების ბრბომ ისარგებლა „მთაწმინდის ჯგუფის“ სახელით. მათ მოახერხეს რამდენიმე საზიზღარი საქმის ჩადენა. მაგრამ ილიკოს წყალობით ბევრმა ინანა დაბადების დღე. საზოგადოდ ილიკო სასტიკი წინააღმდეგი იყო შანტაჟისტურ მოქმედებისა და ამხანაგებმაც მას მიანდვეს ასეთი ბოროტი პირებისათვის გაეცა პასუხი და ისიც სასტიკად უმასპინძლდებოდა მათ. როდესაც მთავარმა ორგანიზაციამ სცნო ჯგუფის ნამდვილი რევოლიუციონური საქმიანი მოქმედებანი, მაგრამ გაუწია რა ანგარიში იმასაც, რომ ნაძირალებიც სარგებლობდნენ ამ ჯგუფის სახელით, გამოგზავნა მოსალაპარაკებლად წარმომადგენლები. მათ, როგორც ძველმა, უფრო გამოცდილმა ამხანაგებმა აუხსნეს ჯგუფის წევრებს, რომ მათი ამ გზით მოქმედება საზარალო იყო, როგორც პარტიისათვის, ისე პირადად ჯგუფის წევრებისათვის. ჯგუფი ორ ფრთად გაიყო, ილიკო იმ ფრთას ეკუთვნოდა, რომელიც მომხრე იყო შეერთებისა, (რაც არ მოხდა), ვინაიდან მთავარი ორგანიზაცია არ დასთანხმდა ჯგუფის მიერ წამოყენებულ პირობებზე. რომ გაიგეს ნაძირალა ხალხმა, ჯგუფის დაშლა, ეხლა უფრო მოუხშირეს საზიზღარ საქმეების ჩადენას. მაგრამ

ჯგუფის ორივე ფრთა სრული ღირსებით იცავდა თავის სახელს. ილიკოს წინამძღოლობით მოხდა ტემნიკოვზე თავდასხმა, რომელსაც მოუკლეს ამხანაგი და გოროდოვოი, თვითონ ტემნიკოვი გადარჩა, ეს მოხდა გრიბოედოვის ქუჩაზე. აგრეთვე ილიკო იმერელიშვილმა და ფიცხალაურმა მოკლეს ჟანდარმი გრუნინი ბროსეს ქუჩაზე. პოლიციაც მიხვდა ჯგუფის ძალის დაშლას და თამამად დაუწყო დევნა მის წევრებს. ერთ ასეთ შეტაკებაში, რომელიც მოხდა გოლოვინის პროსპექტზე აფიცრებთან და გოროდოვებთან, დაატყვევეს ავალიანი და ტომარაძე, ილიკო გადარჩა. ის წავიდა კახეთში: კარგა ხანს დაჰყო კახელ ამხანაგებთან. ერთ დილას მაზრის ბოქაულმა გედევანოვმა დაატყვევა (1907 წ. დეკემბრის რიცხვებში) ილიკო თავის ორ ამხანაგით, გედევანოვმა ეს სამი ამხანაგი მიუმატა წინა დღით დაქერილ ოთხ კაცს და დააბრალა რაღაც მძიმე საქმე, რისთვისაც ყველა ესენი ციხეში მოათავსეს. ამხანაგებმა ილიკოს ციხეში იარაღი შეუგზავნეს, რადგანაც სამხედრო სასამართლოდან მოსალოდნელი იყო სასტიკი განაჩენი. ერთ დილას 1908 წ. მაისის რიცხვებში, როცა ციხის კარებზე ბევრი მნახველები იყო, ზოგი ნახვას ელოდა და უგზავნიდა სანოვაგეს, ამ დროს ერთმა ქალმა შეგზავნა ერთი ქილა მაწონი, რომელშიც თურმე მოთავსებული იყო ყუმბარა. აი ამ მაწონის ქილით ისარგებლეს, მოახდინეს არეულობა, ამ ყუმბარის ხმაზე გაიკაფეს გზა და გამოვიდა 17 კაცი, მათ შორის ილიკო, თავის ამხანაგებით.

1909 წელს ილიკო მძიმე ავად გახდა ანთებით და იძულებული იყო თავის დედმამის სახლში დაწოლილიყო. ერთ ღამეს ილიკოს სახლს ალყა შემოარტყეს, მაგრამ ილიკომ აქაც გაქცევა შესძლო. ამის შემდეგ ილიკო სულ დუშეთის მაზრაში მუშაობს. 1913 წელს იანვრის რიცხვებში შენიშნეს, რომ ილიკო თავის ამხანაგით ჩამოვიდა ტფილისში ცოლშვილის სანახავად და რადგანაც შეუძლებელი იყო თავის ოჯახში მისვლა, ამისთვის იგი სხვის ოჯახში, ნაძალადევში, შეხვდა ცოლშვილს. აქ ალყა შემოარტყეს იმ სახლს, სადაც ილიკო იმყოფებოდა. აქ მოკლულ იქნა ილიკოს ერთი ამხანაგი, თითონ ილიკომ კი გაქცევა მოასწრო.

ამის შემდეგ უფრო გააძლიერეს ილიკოს ძებნა, გაამრავლეს ჯამუშები როგორც მაზრაში, ისე ქალაქში. ილიკოს სახელიც გაიხარდა ხალხში. ხალხი მას თვლიდა გმირად და აღფრთოვანებით იხსენიებდა. მაზრის ორგანიზაციაც იჭერს კავშირს ილიკოსთან და ანდობს დუშეთის მაზრის უფროსის მოკვლას.

როცა, ის თავის ამხანაგებით ამ საქმისთვის ყუმბარებს ამზადებდა, ამ დროს გაუქსდათ ყუმბარა, რამაც იმსხვერპლა ილიკო და ერთი მისი ამხანაგი...

ნატონ გრიგოლის კე კალანდარიშვილი.

(1852—1908)

ჯერ კიდევ მამისაგან ჰქონდა მას ნაანდერძევი მშრომელი ხალხის სამსახური...

1858 წელი გურიაში. ბნელეთით მოცული გურიის გალატაკებული გლეხობის ცხოვრება. მონობა სრული: ნივთიერი, პოლიტიკური, ადამიანის ძალზე გადაცვლა, „პირველი ღამე“, შიმშილი, ცემა.. ხალხის სისხლით გაუმძღარ თავადებს გადაუწყვეტიათ ნიგოითლების მორიგი აწიოკება, მიწის უფლების ართმევა! დაირაზმა „მაღალი წოდება“, გაირეკეს წინ შინაყმები და მიადგენ სასიმიდლებს დასაცლელად.

— „ან სიკვდილი, ან გამარჯვება“, — აი ერთად ერთი გადაწყვეტილება, რომელიც უკარნახა ნიგოითლებს მაჭუტაძეების გაბოროტებულმა თავდასხმამ!!.

სძლია ხალხის ერთობამ, მისმა შეთანხმებულმა გალაშქრებამ, ტანჯულთა თავგანწირვამ გაფანტა თავადების რაზმი. ამ ისტორიულ ჩხუბს მსხვერპლიც მოჰყვა, შეტაკების ადგილას უსულოდ დაეცა ღატაკი გლეხი... ამ გამოსვლებში ხალხის მეთაური ანტონის მამა, გრიგოლი, იყო... ის პირველი კეტით ხელში გაუძღვა გლეხობას მუქთახორების წინააღმდეგ, მაგრამ საუბედუროთ ეს იყო გამარჯვება მხოლოდ რამდენიმე საათით... თავადობას მალე მოეშველა მთავრობა — პრისტავ-სტრაჟნიკებით, შემდეგ ჯარიც, დაიწყო საშინელი შურისძიება, დაიჭირეს მოთავეები, შეიპყრეს ტყეში გადამაღული გლეხები, საჯაროთ ამუშავდა მათრახი, როზგები!..

1858 წ. ღირსეულად ეხიარა ნიგოითის გლეხობა გმირულ რევოლუციონურ სულისკვეთებას ამ შემთხვევაში, მაგრამ როგორ გაუძლებდა ის, რიცხვით მცირე და ორგანიზაციულად მოუმზადებელი, მთავრობის ჯარების შეტევას... ეს იყო მხოლოდ სტიქია, მაგრამ მომავალი ბრწყინვალე გამარჯვების სიმბოლიური მაჩვენებელი!.. მტარვალეებმა დაჭერილ გლეხებით გაავსეს ქუთაისის სატუსალო. ბეგრი ციმბირში გაიგზავნა, ზოგიერთები გზაში დაიხოცნენ. სოფელს საშინელი და დაუნდობელი ეგზეკუცია ჩაუყენეს, რომელიც არ მოშორდა საზოგადოებას, ვიდრე სრულიად არ გამოსქამა ხალხის

უკანასკნელი ავლადიდება!.. ქუთაისის ციხეში გაგზავნეს გაბაწრული ანტონის მამაც.

ანტონი ხშირად გვეტყოდა ნიგოითის ახალგაზრდობას: „ქუთაისის გზა მამა ჩემმა მასწავლა“. პატარა ანტონი დადიოდა ქუთაისში ფეხით, რადგან მაშინ რკინის გზა არ ყოფილა. ნახულობდა საკანში გამომწყვდეულ მამას და მის ახალგაზრდულ, სახალხო საქმისათვის წარმოშობილ გულში იმ თავითვე გროვდებოდა და იტყდებოდა დიდი ძალა და მტკიცე ხასიათი, სახალხო საქმისათვის თავდადებისა. ნიგოითში დღესაც ცოცხალია ზოგიერთი მოხუცი, რომლებიც გადმოგვცემენ ანტონის მამასთან მოგზაურობის ნამდვილ ამბავს. ანტონი ხშირად ნახულობდა და საკმელი მიჰქონდა მამასთან. მეტად ამალღვებული იყო, ტყვე მამის მიერ ციხეში შვილის პირველი შეხვედრა... მამას უკვირდა, როგორ გაიგნო გზა პატარა ანტონმა ქუთაისის ციხისაკენ.

ციხეში მამასა და შვილს შორის ასეთი საუბარიც იმართებოდა:

— ჩემო კარგო ბიჭო, რაფერ მოდი აქ, როგორ ხარ, ცოცხალია თუ არა ჩემი უღვაშების მტერი პაწია კოწიეი. ნუ წუხარ ბაბა, კოწიეი კარგათ არის, მარა ძალიან მოწყენილია, უფროსი ძამიეი ბატონმა წაართვა!..

— რავა ამბობ ბიჭო, ხომ არ გაგიყებულხარ?!..

— ასეა მამილო, წავგართვა ბატონმა; მირონაი ყმათ აიყვანა... საშინელი შურის ძიების გრძნობით აღავსო ამ ამბავმა მამის გული, მაგრამ რას გახდებოდა, ის „საიმედო“ საკანში იყო გამომწყვდეული...
— „ბიჭო, როცა შემდეგ მოხვიდე, კოწიას ცომზე ხელი დარტყმევით და ისე გამომცხვარი მკადი მომიტანე, ერთი მაინც ველირსო ჩემი წვერულვაშის გლეჯია ბიჭის, ჩემის საყვარელი კოწიეის თითების დანახვას... უთხრა პატარა ანტონას დატუსაღებულმა მამამ.

ბეჯითად და დროზე შეასრულა პატარა ანტონმა საყვარელი მამის თხოვნა, მაგრამ მამა ცოცხალი აღარ დახვდა. ის ციხეში მომკვდარიყო!.. სამუდამო ნიშანი დაადო პატარა ანტონის სათუთ სულიერ აგებულობას მამის ასეთმა მწარე ბედმა. ანტონი ღირსეული მემკვიდრე გამოდგა გმირული სულით აღტყინებულ მამისა და გასაოცარია, მასაც ასეთივე ბედი ეწია: თავის მამისამებრ, ისიც ქუთაისის ციხეში მოკვდა, ხალხის საქმისათვის თავდადებული. მშრომელი ხალხის ნამდვილი შვილი, ანტონი, იცნობდა თავისი მოძმეების აუტანელ მღვთაშობას და მთელი ენერჯით ჩაბმული იყო გლეხობის განთავისუფლების საქმეში. ანტონი მონაწილეა გურიის გლეხობის პირველი რევოლიუციონური გარიჟრაჟების, ის ამ განთიადის პირ-



ველი ტოროლაა. ბუნებით დინჯი, გონებით მდიდარი, ტკბილი მოსაუბრე, ის იქცევადა გლახობის ყურადღებას. თავისუფალ დროს ის იყო გლახობაში და ტკბილად ესაუბრებოდა მათ ყოველგვარ ჭირვარამზე. ანტონის გულწრფელ და ტკბილ სიტყვას სოფელელებიც თბილი გრძნობით გამოეხმაურენ, ანტონი უყვარდათ, მას აფასებდენ!.. ერთ დროს, 1894—96 წლებში, ხალხში ხმა იყო გავარდნილი,—ანტონი სოციალისტების საიდუმლო მამასახლისიაო... თავადობა და მღვდლები ხედავდენ ანტონის გავლენას ხალხზე და ეს მათ არ მოსწონდათ.

— ანტონის შევირდი ხომ არ ხარ, მუშაობა რომ „გაგიძვირებია“, ხშირად დაუყვირებდენ მდიდრები დასაჭირავებელ სოფლის მუშას!.. ხალხის მტრები მიხვდენ ვისთან ჰქონდათ საქმე და ანტონიც მიზანში ამოიღეს, ის მორიგ მსხვერპლად დაისახა შავმა ძალებმა!.. ანტონი რევოლიუციონურ საქმეში ფრთხილი და მოხერხებული მუშაკი იყო. ის მტერს ხელში ადვილად არ ჩაუვარდებოდა, მაგრამ, სამწუხაროთ, ამ მხრივ ერთხელ მას ბედმა უმტყუნა,—ცოლის ავადმყოფობის გამო ხელი შეეშალა, დროზე ვერ გადაამალა რევოლიუციონური ლიტერატურა და პოლიციამ სასიამოვნო „საგძალი“ გაიტანა მისი სახლიდან. იპოვნეს ბინაზე ლიტერატურა და სხვადასხვა საბუთები. ჯალათებმა სრულიად დაარბიეს მისი ოჯახი. გაბაწრეს ანტონი, მისი სიძეც და გადაგზავნეს ოზურგეთის ციხეში.

ეს იყო 1907 წ. ანტონის ციმბირში გადასახლება გადაუწყვიტეს, მაგრამ მისმა დაქანცულმა სხეულმა ვერ აიტანა საკანი და გარდაიცვალა ქუთაისის ციხეში.

ასე გმირი მამის ბედი ეწვია ხალხისათვის თავგანწირულ შვილს!..

ანტონის სახელი მუდამ ძვირფასი, მუდამ საყვარელი და პატივსაცემი იქნება მშრომელი გლახობისათვის, ის მოგვაგონებს რევოლიუციის ალიონის, თავისუფლების მერცხლის პირველ საამურ ჭიკჭიკს და დაუვიწყარიც იქნება მომავალი თაობისათვის...

პარტიული არქივი

რუსეთის სოც. დემ. მუშათა პარტია.
პროლეტარებო ყველა ქვეყნისა, შეერთდით!

ტფილისის პროლეტარის ფურცელი*).

5 აპრილი 1910 წ.

№ 1.

რ. ს. დ. მ. პ. ცენტრალური კომიტეტის რეკომენდაციები.

გაერთიანების შესახებ.

ქვემოდ მკითხველი წაიკითხავს რ. ს. დ. მ. პარტიის ცენტრალური კომიტეტის უკანასკნელი პლენარული სხდომის რეზოლიუციას სადაც უმთავრესად ყურადღება აქვს მიქცეული საკითხის გაერთიანებისა და ფრაქციულობის მოსპობის შესახებ.

ჩვენ ეს აზრით, ყველა ის, ვისაც კი უყვარს ჩვენი პარტია, ვინც მიისწრაფვის არა მის დასანგრევად, არამედ—ასაღორძინებლათ, ვისაც გული სტკივა მისი ახლანდელი შედარებითი სისუსტით და ეძებს საშუალებას მის გასაძლიერებლათ, სიხარულით შეხვდება ამ რეზოლიუციებს.

დიდია ის საფრთხე, რომელიც ჩვენს პარტიას წინ უდგას. ყოველი მხრიდან ესხმიან მას—დაწყებული შავრაზმელებიდან ბ. ბ. კა-

*) ეს გაზეთი ტფილისში გამოდიოდა რუსულ და ქართულ ენებზე. აქ მოთავსებული რეზოლიუციები ჩვენ ვიპოვნეთ ტფ. საგუბერნიო ჟანდარმთა სამმართველოს არქივში, ჟანდარმერიის მიერ გადაბეჭდილი და „საქმეებში“ ჩაკერებული. ეს რეზოლიუციები ჩვენ შევადარეთ 1910 წლის (იანვრის) პლენუმის რეზოლიუციებს, მოთავსებულთ წიგნში—Российская Коммунистическая партия (б) в резолюциях ее съездов и конференций (1896—1924 г. г.). რეზოლიუციები დაბეჭდილია სწორად მხოლოდ არა სრულად. ზემოთ დასახელებულ წიგნში რეზოლიუციებს ასეთი სათაური და შესავალი აქვს: „რ. ს. დ. მ. პ. ც. კ. პლენარული კრება (იანვარი 1910 წ.). 1910 წლის იანვარში პარიზში შესდგა საკმაოდ მნაშენელოვანი შეჩერების შემდეგ, რ. ს. დ. მ. პ. ც. კ. პლენარული კრება. გადამწყვეტი ხმით დაესწრო 14 ამხანაგი, სათათბირო ხმით მოწვეული იყვნენ ცენტრალური ორგანოს მთელი რედაქცია და ც. კ. ერთი კანდიდატი, არჩეული ლონდონის ყრილობაზე. ამას გარდა, სათათბირო ხმით დაშვებულ იქნა ამხ. ტროცკი, როგორც წარმომადგენელი გაზ. „პრავდასი“, რომელიც ვენაში გამოდის“.

„რევ. მატ.“-ს რედ.

დეტებამდე, სტოლიპინის მთავრობა რომ არ მოვიხსენიოთ. ყველანი იმის ცდაში არიან, რომ აღგავონ ის დედამიწის პირიდან.

ასეთ მომენტში, როცა საკითხი დგას პარტიის „ყოფნა არ ყოფნისა“, გაერთიანებას მოითხოვს პარტიის არსებითი ინტერესები.

ამიტომ ც. კ. რეზოლიუციები საესებით დროულია, თუ დაგვიანებულია არ ჩავთვლით.

მიუხედავად ამისა, მზგავსათ ზოგიერთებისა, ჩვენ არ ვოცნებობთ, რომ უთანხმოება და აზრთა სხვაობა საერთოდ დაუყოვნებლივ მოისპობა. ეს ჩვენ შეუძლებლათ მიგვაჩნია. სამაგიეროთ შესაძლებლათ და აუცილებლათ მიგვაჩნია რასკოლის მოსპობა. შესაძლებლათ მიგვაჩნია საერთო პარტიული მუშაობის დაყენება პირველ რიგში, მეორეში კი—უთანხმოების საკითხები. ასე უცქერით ჩვენ ც. კ. რეზოლიუციებს და ვფიქრობთ, რომ ამ შემთხვევაში არ ვშორდებით რეზოლიუციებს, რადგანაც თვით ც. კ. იდეური ბრძოლისათვის ფრაქციებს თავისუფლებას უტოვებს.

დიად, იდეური ბრძოლა, იდეური უთანხმოება იყო და იქნება განსაზღვრულ დრომდე, მაგრამ უნდა აღმოთხვრილ იქნას რასკოლი, ორგანიზაციის განთვითება, მუშაობის დაქსაქსვა. აი ეს არის მთავარი. ამას მოითხოვს ჩვენგან პარტიის ინტერესები.

ამ გარემოებას ჩვენ, ტფილისელებმა, განსაკუთრებული ყურადღება უნდა მივაპყრათ... აგერ წელიწადია, რაც ტფილისის ორგანიზაცია გაითიშა. ჩვენ მიერ არა ერთხელ მიმართულ მოწოდებაზე გაერთიანებისკენ, ამხ. მენშევიკებს ხმაც არ ამოუღიათ.

ახლა მდუმარებას ამ საკითხში უნდა ბოლო მოეღოს. მათ აშკარად უნდა განაცხადონ სურთ გაერთიანება თუ არა.

ამხანაგებს, უეჭველია ახსოვთ, გაერთიანების პირობათ ჩვენ წამოვაყენეთ პარტიულობა. იგულისხმება, რომ ამ პირობას ჩვენ არც ახლა უარყოფთ და ვაცხადებთ: ჩვენ გავერთიანდებით ყველა იმათთან, ვინც კი დაემორჩილება საერთო პარტიულ დადგენილებებს.

რამდენათაც ჩვენ ვიცით, ამხ. მენშევიკები ფორმალურად დაეთანხმნენ ც. კ. რეზოლიუციებს და მის წარმომადგენელს აცნობეს გაერთიანების მომზრენი ვართო, მაგრამ ამით საკითხი არ სწყდება. აუცილებელია დაუყოვნებლივ გადადგმულ იქნას პრაქტიკული ნაბიჯები. უკეთუ ამხ. მენშევიკები მართლა დაემორჩილებიან საერთო პარტიულ დადგენილებებს, მაშინ ჩვენ გაერთიანებას არ შეხვდება არავითარი დაბრკოლება.

ამიტომ, ვიმეორებთ, საჭიროა ცხოვრებაში გავატაროთ რაც დაწერილა და თქმულა და შეეუდგეთ გაერთიანებას.

ჩვენის მხრით მზად ვართ ამისთვის.

ტფილისის კომიტეტი რ. ს. დ. მ. პ.

1. მდგომარეობა პარტიაში.

1908 წლის პარტიულ კონფერენციის ძირითად დებულებათა განსავითარებლად ც. კ. ადგენს:

1. ს. დ. ტაქტიკა თავისი პრინციპიალური საფუძველით მთლიანია, ენება საკითხი აშკარა სამოქალაქო ომის და საზოგადოებრივ შერყევის ეპოქას, თუ საზოგადოებრივი მოდუნების პერიოდს. ეს ტაქტიკა გათვალისწინებულია ყოველთვის იმის მიხედვით, რომ მოგვეცეს მაქსიმუმი შესაძლებლობისა იმ შემთხვევაში, უკეთეს დღევანდელ მომენტში უეცარი ცვლილება ხდება და აგრეთვე იმ შემთხვევაშიაც, თუ შედარებით მოცემული პოლიტიკური პირობები მოდუნებულია.

რუსეთის შეგნებული პროლეტარიატისათვის, რომელიც თავს აღწევს იმ შებოჭვილ მდგომარეობას, რაშიაც დროებით მოაქცია გამარჯვებულმა კონტრ-რევოლიუციამ, პირველად იშლება შესაძლებლობა დაირაზმოს ს. დ. პარტიის მასიურ ორგანიზაციაში, გაატაროს და შეუფარდოს შეგნებულად და თანდათანობით საერთაშორისო სოც. დემ. ტაქტიკური მეთოდი, გამოიმუშაოს ისეთი ტაქტიკა, რომელიც გათვალისწინებული იქნება არა მოცემული კონკრეტული მომენტისათვის, არამედ—სხვა პირობებისათვის, რომელიც შეიძლება წარმოიშვას 1905 წლის რევოლიუციის დაპარცხების შემდეგ პერიოდში, —რომელიც იქნება შერყეული აბსოლიუტიზმის შეგუება არსებულ კაპიტალისტურ წყობილებასთან. პროლეტარიატის ტაქტიკამ ხელი უნდა შეუწყოს საკუთარი ძალების დაგროვებას და კლასიური ბრძოლის ენერჯის განვითარებას,—რა ფორმაშიაც არ უნდა გამოიხატოს კონტრ-რევოლიუციონური პოლიტიკის აუცილებელი დამარცხება, რომელიც იმის ცდაშია, რომ შეეგუოს აბსოლიუტიზმის ბურჟუაზიულ განვითარებას და რა ფორმაშიაც არ უნდა გამოიხატოს აუცილებელი საზოგადოებრივი კრიზისი. ამ ტაქტიკას პროლეტარიატი გამოჰყავს აშკარა რევოლიუციონური ბრძოლის გზაზე და ამავე დროს მას შესაძლებლობას აძლევს გამოიყენოს თავის სასარგებლოთ ბრძოლაში კონტრ-რევოლიუციის მერყევი რეჟიმის წინააღმდეგობა.

2. მუშათა მოძრაობა რუსეთში განიცდის უდიდესი გარდატეხის პერიოდს. ერთის მხრით მასიური ბრძოლის მეტად დაქვეითება, რეპრესიების მეტის-მეტი გაძლიერება, კაპიტალის გაერთიანება და მისი შემოტევა, ორგანიზაციის დანგრევა და ინტელიგენციის გაქცევა პარტიიდან—ყველაფერი ეს ჰქმნის ს. დ. პარტიაში მწვავე კრიზისს. მეორეს მხრით ყველაფერიდან სჩანს, რომ ყველგან გზას იკაფავს ს. დ. მუშათა ახალი თაობა, რომელთაც ს. დემოკრატიის ხელმძღვანელობით რევოლიუციაში და კონტრ-რევოლიუციაში გაუფლავთ პოლიტიკური შკოლა და რომელნიც მიისწრაფვიან რევოლიუციის

ამოცანებისა და მისი მეთოდების დაცვას, ეძიებენ ბრსოლის ფორმებს პარტიული ს. დ. ორგანიზაციის განსაახლებლათ.

3. მუშათა მოძრაობის ასეთ მდგომარეობაში ყველგან ემზნევა, რომ მუშათა კლასის შეგნებული წარმომადგენლები მიისწრაფვიან ს. დ. პარტიულ ძალთა კონცენტრაციისა და პარტიული მთლიანობის განმტკიცებისაკენ.

ხალხის წვირლ-დემოკრატიულ და ლიბერალურ ფენებში დაწყებული ფართო კონტრ-რევოლიუციონური მიმდინარეობა აძლიერებს შეგნებულ პროლეტარიატის მისწრაფებას დაიცვას თავისი კლასიური პარტია, მისი რევოლიუციონური მიზნები და მოქმედების მეთოდები, შეამჭიდროვოს ყველა ს. დ. გაძლიერებულ და შემოტევაზე გადმოსულ მტრების წინააღმდეგ.

პროლეტარიატის აშკარა გამოსვლები როგორც სათათბიროს ტრიბუნაზე (მესამე სახელმწიფო სათათბიროს ს. დ. დეპუტატების საშეალებით), ისე ლეგალურ ყრილობებზე და სხვა და სხვა ლეგალურ დაწესებულებებში ხელს უწყობს მისი ძალების შემჭიდროვებას, აძლიერებს მასში მისწრაფებას დაუპირდაპირდეს დანარჩენ კლასებს, ორგანიზაციული გავლენა მოახდინოს საზოგადოებრივ ცხოვრებაზე და ასე დაიცვას რევოლიუციონურ-სოციალ დემოკრატიული მიზნები და თავისი მოძრაობის კლასიური ხასიათი.

უფრო და უფრო ფეხს იკიდებს ის შეგნება, რომ აუცილებელია დაქსაქსული, არალეგალური ს. დ. ჯგუფების ვაერთიანება ღია და ნახევრად ღია დაწესებულებათა და პარტიულ მუშათა უჯრედებში გამოყენებულ იქნას ყველა ლეგალური დაწესებულებები მასიური მოძრაობის ასაღორძინებლათ და ყველა ამ დაწესებულებათა ს. დ. მუშაობის დასაყრდენ პუნქტებათ გადაქცევა; უფრო და უფრო ფეხს იკიდებს მისწრაფება, რათა ბოლო მოეღოს მუშაობის შინაურულად (კუსტარულად) წარმოებას და ხელი შეეწყოს ადგილებზე ც. კ. ხელმძღვანელობით ნაყოფიერ მუშაობას.

მარქიზმის შეგნება-შეთვისებასა და თავიანთი სოციალისტური მზნდველობის გაღრმავებასთან ერთად მოწინავე მუშებში მტკიცდება შეგნება ეკონომიური ბრძოლის გაძლიერებისა და პროფესიონალური გაერთიანებისა, აგრეთვე პოლიტიკური ავითაციის გაძლიერებისა მასაში.

4. ს. დ. მოძრაობის იდეურ-პოლიტიკურ სფეროში წარმოიშვა ისეთი ამოცანები, რომლებიც დაეინებიან მოითხოვენ პარტიულ მთლიანობას და ანხორციელებენ მას ყოველგვარ დაბრკოლებათა გარეშე:

ა) სოც. დემოკრატიული მოძრაობის ისტორიული პირობები ბურჟუაზიული კონტრ-რევოლიუციის ეპოქაში ჰქმნის როგორც ერთ-ერთ სახეს ბურჟუაზიული გავლენისა პროლეტარიატზე ერთბის მზრით,

არალეგალური ს. დ. პარტიის უარყოფას, მისი როლის და მნიშვნელობის შემცირებას, რათა შეკვეცილ იქნას პროგრამული და ტაქტიკური ამოცანები და ლოზუნგები რევოლუციონური სოც. დემოკრატიისა და სხ. მეორე მხრით, — ს. დემოკრატიის სათათბიროში მუშაობის უარყოფას და ლეგალური შესაძლებლობით სარგებლობას, სარგებლიანობის არ შეგნებას, არც ერთისა და არც მეორესი, მოუხერხებლობას იმისა, რომ რევოლუციონურ-დემოკრატიული ტაქტიკა შეფარდებულ იქნას თანამედროვე მომენტის თავისებურ ისტორიულ პირობებთან და სხ.

ბ) ასეთ პირობებში ს. დ. ტაქტიკის განუყოფელ ელემენტად ითვლება ორივე გვარი განხრის გადალახვა და ს. დ. მუშაობის გაღრმავება-გაფართოვება პროლეტარიატის კლასობრივი ბრძოლის ყოველგვარ სფეროში, ასეთ განხრათა საშიშროების განმარტება.

გ) ჩამოთვლილ ორივეგვარ განხრათა საშიშროების შეგნება და მათი გადალახვის ამოცანა კიდევ უფრო აუცილებლათ ჰქმნის რ. ს. დ. მ. პ. ორგანიულ მთლიანობის აღდგენას და ეს გარემოება ზემოხსენებულ ობიექტიურ პირობებთან დაკავშირებით ააღიერებს აუცილებლობას ფრაქციულობის მოსპობისა, ცოტად თუ ბევრად ორგანიულად მოწყობილი ფრაქციების დაშლას და მათ ისეთ მიმდინარეობათ გადაქცევას, რომელიც არ დაარღვევდენ პარტიული მოქმედების მთლიანობას.

(მთლიანად მიღებულია ერთხმად)

2. მორიგი საერთო პარტიული კონფერენციის მოწვევის შესახებ.

ვინაიდან ამ ჟამად საოლქო ორგანიზაციები ოლქების უმეტეს ნაწილში დანგრეულია და ფართო საოლქო კონფერენციების მოწვევა პოლიტიკურ ხასიათის დაბრკოლებათა გამო გაძნელებულია, ც. კ. ურჩევს საოლქო დელეგაციათა არჩევნები მოხდეს შემდეგ საფუძველზე.

ა) ადგილობრივ ორგანიზაციებთან თათბირის შემდეგ ც. კ. თითოეულ ოლქში აღნიშნავს ს. დ. მოძრაობის თვალსაჩინო პუნქტების შესაფერ რიცხვს. დელეგატთა საერთო რიცხვი განაწილებული იქნება ამ პუნქტებს შორის;

ბ) მცირე მნიშვნელობის მქონე ს. დ. ორგანიზაცია ამა თუ იმ პუნქტისა უერთდება დელეგატის არჩევის დროს მახლობელ მსხვილ პუნქტს.

შენიშვნა 1-ლი: ამით არ შეიძლება უარყოფილი იქნეს საოლქო კონფერენცია, უკეთეს მისი მოწვევა შესაძლებელი იქნება.

შენიშვნა 2-რე: ამასთან ც. კ. დაბეჯითებით მოუწოდებს ამხანაგებს კონფერენციის დელეგატები უეჭველად

აირჩიონ იმ პარტიულ მუშაკთაგან, რომელნიც ადგილობრივად მუშაობენ.

ც. კ. აუცილებლათ მიაჩნია დღის წესრიგის წინასწარ დამუშავება ადგილებზე და ურჩევს ამ საკითხების გარჩევა გადატანილ იქნას არა მარტო რაიონულ, საქარხნო და სხვ. პარტიულ უჯრედებში, არამედ იმ ს. დ. შორის, რომელნიც ლეგალურ მოძრაობაში მონაწილეობდნენ და მზად არიან აღადგინონ ორგანიზაციული კავშირი პარტიასთან. იმ პარტიულ ჯგუფებმა, რომლებიც მუშათა ლეგალურ მოძრაობაში მუშაობენ, ამ არჩევნებში მონაწილეობა უნდა მიიღონ იმ საერთო წესით, რომელიც შემოღებული იქნება ყველა სხვა პარტიული უჯრედებისათვის.

იღებს რა მხედველობაში იმ გარემოებას, რომ სრული ორგანიზაციული კავშირის დამყარება ს. დ. მუშაობის სხვადასხვა ფორმებს შორის ადგილებზე წარმოადგენს უდიდეს სიძნელეს, რის შესასრულებლათ საჭირო იქნება დიდი ხნის ბეჯითი მუშაობა, და აღიარებს რა, რომ მახლობელ საერთო პარტიულ კონფერენციაზე რაც შეიძლება მეტი რიცხვის მონაწილეობა იმ პარტიულ მოღვაწეთა, რომელნიც ჩაბმული არიან მუშათა ღია მოძრაობაში, შესძლებდა ამ ამოცანის წინ წაწევას,—ც. კ. აუცილებლათ მიაჩნია დამატებით წარმომადგენლობა ლეგალურ მოძრაობის ს. დ. ჯგუფთაგან, რომელნიც მზად იქნებიან მტკიცე ორგანიზაციული კავშირის შექმნისა ადგილობრივ პარტიულ ცენტრებთან. ანიჭებს რა ამ დამატებით დელეგატებს სათათბირო ხმას, ც. კ. საკითხის საბოლოოდ გადაწყვეტას იმის შესახებ, სათათბირო თუ გადაამწყვეტი ხმით სარგებლობენ ისინი, ურდგენს თვით კონფერენციას.

მახლობელი საერთო რუსეთის კონფერენციის წარმატებით მომზადებისათვის და მუშათა მოძრაობის სფეროში მომქმედი სოც.-დემ. შემდეგი შეკავშირებისათვის ერთ პარტიულ ორგანიზაციად ც. კ. ურჩევს საოლქო პარტიულ ცენტრებს იკისრონ ადგილობრივ და საოლქო თათბირების მოწვევა ფაბრიკა-ქარხნების, რაიონული და სხ. კომიტეტების ძირითად პარტიულ უჯრედების მუშაკთა ერთის მხრით და მეორე მხრით, ს. დ. პარტიულ ჯგუფების და აგრეთვე მუშათა მოძრაობაში მონაწილე ცალკე მოღვაწეთაგან.

ამგვარ თათბირთა ამოცანას უნდა შეადგენდეს საერთო პარტიული კონფერენციის დღის წესრიგის საკითხების გარჩევა, აგრეთვე ყველა მიმდინარე საკითხების გარჩევა სოც.-დემ. ადგილობრივი მოღვაწეობიდან.

ც. კ. გათვალისწინებული აქვს კონფერენციისათვის შემდეგი წინასწარი დღის წესრიგი:

1) ეკონომიური ბრძოლა. პროფკავშირები ლეგალური და არა-ლეგალური; პროფ. პრესა. შერეული კომისიები. მამასახლისთა ინსტიტუტი და სხ.

2) პარტიის მუშაობა სათათბიროს მოღვაწეობასთან დაკავშირებით (მათ შორის მუშათა კანონმდებლობის საკითხები. მუშათა დაზღვევა და სხ).

3) ორგანიზაციული მონაწილეობა საზოგადოებრივ ყრილობებში და ყოყელგვარ სახელმწიფოებრივ და საზოგადოებრივ დაწესებულებებში, სადაც კი აღიძვრება მუშათა კლასის ინტერესი (ქალაქის საბჭოები, ერობები, მოქალაქეთა და ამრჩეველთა საზოგადოებანი და სხ.)

4) კოოპერატივები.

5) პროპაგანდული და ორგანიზაციული მოღვაწეობა სხვადასხვა ლეგალურ საზოგადოებებში (განმანათლებელი საზოგადოებები, კლუბები, სიფხიზლის საზოგადოებანი, არსებულ საზოგადოებათა განმტკიცება და ახლების დაარსება)

6) პროპაგანდისა და აგიტაციის საკითხები (ც. ო., მუშური გაზეთი, ფურკლები და პროკლამაციები, ბროშურები, ლეგალური პრესა, თვით-განვითარების ჯგუფები, პარტსკოლა)

7) პარტიის ბიუჯეტი. (პარტორგანიზაციების ფინანსიურად პროლეტარულ საფუძველზე დაყენება, საწევრო ვადასახადის წესიერად გადახდა, ფულის შეკრება, არალეგალური პრესისათვის ფულის გაღება)

8) საორგანიზაციო საკითხები (პოლიტ. სახელმძღვანელო ცენტრი რუსეთში, მოქმედებათა გაერთიანება ადგილებზე, ადგილობრივ ორგანიზაციათა შორის კავშირის აღდგენა).

(მიღებულია ყველას მიერ. ერთმა თავი შეიკავა)

10. ფრაქციული ცენტრების შესახებ.

იმ რეზოლიუციის მიღებით, რომელიც მიმართულია პარტიაში ფაქტიური მთლიანობის შექმნისაკენ და ამხ. ბოლშევიკების დეკლარაციის გამო, რომლითაც დაშლილია თავისი საორგანიზაციო ცენტრი და დახურული „პროლეტარი“, — ცენტრალური კომიტეტი სრულიად დარწმუნებულია, რომ ც. ო. რედაქცია გაატარებს რა ც. კ. მიერ ერთხმად მიღებულ რეზოლიუციებს, ხელს შეუწყობს ყველა ლიტერატურულ ძალების, განურჩევლად მიმდინარეობათა, შეკავშირებას და გამოსთქვამს რწმენას, რომ პარტიისა და პარტიული მთლიანობის ინტერესები მოითხოვენ ახლო მომავალში გაზეთ „Голос Социал-Демократа“-ს დახურვას.

თანხმად ამისა ც. კ. მიმართავს ამხ. მენშევიკებს—ც. კ. და ც. ო. წევრებს წინადადებით მიიღონ ყოველი ზომები ამ მიზნის მისაღწევად თავიანთ მახლობელ თანამოაზრეებზე გავლენის მოხდენით (მთლიანად მიღებულია ერთხმად)

აი, ბოლშევიკების დეკლარაცია:

ვინაიდან ც. კ. უკანასკნელ სხდომაზე გადადგმულია მთელი რიგი ნაბიჯები ფრაქციული ცენტრების გასაუქმებლათ და რ. ს. დ. მ. პ. ორგანიზაციული მთლიანობის შესაქმნელად;

ვინაიდან ც. კ. მიერ ერთხმად მიღებულია პოლიტიკურად საყურადღებო და პარტიულად სავალდებულო რეზოლიუცია, რომლითაც დაგმობილია ლიკვიდატორობა და „ოჯოვიში“ და აღიარებულია ბრძოლის საჭიროება ამ მიმდინარეობასთან, პოლიტიკური ხაზის განუყოფელი ელემენტისათვის, ამ ხაზის ცხოვრებაში გატარება კი უზრუნველყოფილია ც. ო. შემადგენლობით;

აგრეთვე, ვინაიდან პარტიის მენშევიკურ ნაწილში, კერძოთ ხელმძღვანელთა შორის, აშკარად გამოსკვივის მისწრაფება ბოლო მოუღონ თავიანთ ფრაქციულ განთვითებას, გააუქმონ თავიანთი ფრაქციული ორგანოს გამოცემა, აღიარებულ იქნას ც. კ. საზღვარ გარეთელ ბიუროს სალაროს მთლიანობა და ხელი შეუწყოს თავას მხრით ამ მთლიანობის ცხოვრებაში გატარებას,—

ჩვენ, ქვემოთ ხელის მომწერნი, ვეგებებით რა პარტიის ორგანიზაციული მთლიანობის მომწიფებულ მოთხოვნილებებს, ვაცხადებთ:

1) ჩვენ ვშლით თავის ფრაქციულ ცენტრს;

2) ჩვენ ვსწყვეტთ გახეთ „პროლეტარი“-ს, გამოცემას, ვიტოვებთ რა უფლებას ახლო მომავალში გამოვსკვით მისი საბოლოო ნომერი უკეთუ მენშევიკების ფრაქციული ორგანო გამოსვლას განაგრძობს.

3)

4) ამ ორ პუნქტში ლაპარაკია ბოლშევიკების მიერ თავიანთი ქონებისა ცეკასათვის გადაცემაზე და მათ მიერ ბოლშევიკური წმინდა ლიტერატურული ჯგუფის შექმნაზე.

5) ჩვენს განკარგულებაში არსებულ დინარჩენ თანხას ვაბარებთ კერძო შემნახველს, რომელსაც წინადადებას ვაძლევეთ მიბარებული თანხა გადასცეს ც. კ. სალაროს ორი წლის ვადაში, უკეთუ ამ ხნის განმავლობაში აღმოჩნდება, რომ მენშევიკური ფრაქცია აგრეთვე აუცილებელ ზომებს ღებულობს მენშევიკური ცენტრის მართლა გასაუქმებლათ და პარტიის ორგანიზაციული მთლიანობის განსამტკიცებლათ. იმ ნაბიჯებათ, რაც ჩვენ იძულებულს გვყოფს შემნახველს მოვსთხოვოთ ფულების დაბრუნება, ჩვენ მიგვაჩნია: მენშევიკების მიერ თავიანთი ხელმძღვანელი ფრაქციული ორგანოს გამოცემის განგრძობ-

ბა, მენშევიკური ფრაქციული სალაროს არსებობა, საერთო პარტიული ცენტრებისთვის რუსეთში და საზღვარ-გარეთ დახმარების, ხელის შეწყობის უარყოფა.

13. პარტიული დისციპლინისაგან გადახვევა.

აღენიშნავთ რა, რომ ლონდონის ყრილობიდან დაწყებული საქმეებთან დაკავშირებით . . . პარტიაში ადგილი ჰქონდა პარტიული რეზოლიუციების საწინააღმდეგო ფაქტებს, რომ ზოგიერთმა ამხანაგებმა ჩაიდინეს ისეთი დანაშაული, რაც არღვევს პარტიულ დისციპლინას, მაგრამ გვაქვს რა მხედველობაში ამასთან ერთად ის, რომ:

1) ხსენებულ ამხანაგების განზრახვაში არ შედიოდა პარტიის ინტერესებისათვის ვნების მოტანა,

2) რომ ის ამხანაგები, რომელთა წინააღმდეგაც წამოყენებულია ბრალდებანი, ხელმძღვანელობდნენ პარტიის ინტერესების არა სწორი გაგებით;

3) რომ ეს არა სწორი გაგება ამასთან აიხსნება ზოგიერთ საქმეთადმი იმ ატმოსფერით, რომელსაც თან ატარებს მომენტი, რაც უშუალოდ თან მოყვება ხოლმე ჩასთან ბრძოლით გამოსვლების პერიოდს;

4) რომ ორგანიზაციული წესების დარღვევა და გადახვევა პარტიული დისციპლინისაგან ზოგიერთ ზემოთჩამოთვლილ საქმეთა მიმართ მჭიდროთ არის დაკავშირებული არსებულ ფრაქციათა და მათ ბრძოლასთან პარტიის შიგნით,—

ც. კ. გადაჭრით ჰკიცხავს ამგვარ გადახვევას პარტიული რეზოლიუციებისაგან, პარტიული დისციპლინის დარღვევას და აუცილებლათ მიაჩნია მიღებულ იქნას ყოველგვარი ზომა, რომ ასეთ მოვლენებს პარტიაში კვლავ არ ექნეს ადგილი.

რედაქციისაგან.

ზოგიერთ ტენიკურ მიზეზების გამო დანარჩენი რეზოლიუციები და ც. კ. წესდება გადადებულია შემდეგისათვის.

რ. ს. დ. მ. პ. ტფილისის კომიტეტის გამოცემა
სტამბა ტფილისის კომიტეტისა.

რკვ. მოქრაობა აღმოსავლეთ ავ.-კავკასიაში მთავრობის მოხსენავის თანახმად.

(იხ. „რევ. მატ“. № 3 (13) 1925 წ.).

ერევნისა და ელისავეტპოლის (განჯის) გუბერნია.

1903 წლის გასულს სომეხთა საეკლესიო მამულების ხაზინის მიერ ჩამორთმევის დროს მოხდა დიდი არეულობანი, რამაც გამოიწვია საქმეში შეიარაღებულ ძალთა ჩარევა. არეულობა მოხდა, სხვათა შორის, ელისავეტპოლში 29 აგვისტოს, ბაქოში—2 სექტემბერს და შუშაში—12 სექტემბერს. არეულობის ჩაქრობის დროს ბრბოს წინააღმდეგ იხმარეს იარაღი, რის გამო არეულობის ზოგიერთი მონაწილენი დაჭრილი და მოკლული იქნენ. მთავრობის ასეთი მოქმედების გამო სომხური რევოლუციონური პარტიები მოუწოდებდნენ ხალხს იარაღისაკენ. დროშაკელების პროკლამაცია სხვათა შორის ასე ხსნიდა ამ ფაქტს: „ეს სეკულიარიზაცია (საეკლესიო ქონებათა ჩამორთმევა) რომ ხდებოდეს თვითმმართველი ხალხის მიერ, სასულიერო წოდების ხელიდან რომ ქონება გადადიოდეს ხალხის მიერ არჩეულ რომელიმე დაწესებულების ხელში, რომელიც დაქვემდებარებული იქნებოდა საზოგადოებრივ კონტროლისადმი, ამაზე დათანხმება კიდევ შეიძლებოდა. ნამდვილათ კი ხდება სრულიად წინააღმდეგი. თვითმმართველი ხალხიდან და ხალხის მიერ არჩეულ საეკლესიო ხელისუფლებიდან ქონება ამ შემთხვევაში გადადის არავისგან არჩეულ თვითმპყრობელი მთავრობის განკარგულებაში. თვითმპყრობელი ბიუროკრატია, რომლის ხელშიც გადადის სომხის ხალხის მრავალ-მილიონიანი საზოგადო ქონება, პრინციპიალურად არა სცნობს საზოგადოებრივ თვითმმართველობას, საზოგადოებრივ კონტროლს. მისი კანონია—აშკარა ძალადობა, უხეში თვითნებობა“. დაბოლოს პროკლამაცია მიმართავს რუს მოქალაქეთ და აცხადებს, რომ დროშაკელები რუსეთის მთავრობის წინააღმდეგ ადგებიან რევოლუციონურ გზას.

მოწოდებაში, რომელსაც სათაურად აქვს: „ყველა დაჩაგრულე-ბო შეერთდით!“ ლაპარაკია სომეხთა მიერ მოხდენილ იმ არეულობაზე, რომელიც ირჩევა ერევნის საოლქო სასამართლოში 1903 წლის 23 დეკემბერს. აქ ნათქვამია, რომ არეულობის მონაწილეები თავი-

ანთი თავგანწირვითა და წვალებით... გზას უხსნიან თვითმმართველი სომხის ხალხის განთავისუფლებას“. შემდეგ ნათქვამია, თუ როგორ უნდა იქნას დასჯილი რუსეთის მთავრობა, „რომელმაც აშკარად, ყველას დასანახად, გასტეხა ეჩმიაძინის სალარო და გაიტაცა სომეხთა ფული“. ამ მოწოდებას ხელს აწერს: „სომეხთა თავდაცვის ცენტრალური კომიტეტი“.

მეორე პროკლამაციაში სათაურით—„ყველა ჩაგრულნი შეერთდით“. რომელსაც იგივე კომიტეტი აწერს ხელს, ნათქვამია, რომ სომხებისადმი მიყენებული ტანჯვა-წვალება (ციხე, გადასახლება, მკვლელობა) ვერ აძულებენ სომხის ხალხს გაჩუმდეს, რომ ასეთმა სისასტიკემ მომქმედი ორგანიზაციები ისე განამტკიცა, რომ მის წინააღმდეგ არ ძალუძს გამაგრება არავითარ დესპოტიურ ძალას.

პროკლამაციაში, რომელსაც არავითარი სათაური არა აქვს და ხელმოწერილია „სომეხთა თავდაცვის ცენტრალური კომიტეტის“ მიერ, გამოთქმულია პროტესტი იმ ახალი ძალადობისა და თვითნებობის წინააღმდეგ, რომელსაც მიმართა თვითმპყრობელობამ და ლაპარაკია იმის შესახებ, თუ როგორი წინააღმდეგობა გაუწია სომხის ხალხმა მთავრობას საეკლესიო ქონების ჩამორთმევის დროს. შემდეგ პროკლამაცია აცხადებს, „რომ სომხობა დგება რევოლუციონურ გზაზე, დარწმუნდა რა იმაში, რომ ეს ერთადერთი საშუალებაა... ჩვენი საუკუნის უდიდესი ბოროტების—თვითმპყრობელობისაგან თავის დასახსნელად.“

რევოლუციონური კომიტეტები რჩევა-დარიგებას აძლევდნენ სომეხებს, თუ როგორ მოიქცენ ისინი ქონებათა ჩაბარების დროს. ასე მაგ., ქ. შუშაში 16 სექტემბერს 1903 წ. კახანჩინის ეკლესიის მსახურს მინას ხუნუნცს (ტფ. სასამ. პალ. პროკურორის საქ. № 232—1003 წ.) აღმოჩნდა ცნობა „ნაციონალური თავდაცვის ადგილობრივი კომიტეტისა“ და „ტერორისტების“ წერილი. „ნაციონალური თავდაცვის ადგილობრივი კომიტეტი“ წინადადებას აძლევს კონსისტორიას და მის მსახურთ, რომ მათ ამ ვადამწყვეტ მომენტში უარი არ თქვან თავიანთ თანამდებობაზე, რომ ყველა ფულები, რომელიც მათ აბარია, დაუყოვნებლივ გადასცენ ეპარქიალურ სემინარიის სამზარუნველოს, რომ ქონების ჩამორთმევის დროს არავითარი მონაწილეობა არ მიიღონ ჩაბარებაში, რომ არავითარი ხელწერილი არ მისცენ, უკეთუ მთავრობა ასეთს მოითხოვს. ამას გარდა ნათქვამია შემდეგი: „ქალაქის საბჭოს წევრი—სომეხები და განსაკუთრებით ქალაქის თავი ბახშიბეკი, საერთოდ არც ერთი სომეხი არ უნდა დაესწროს ქონების ჩამორთმევას. ქალაქის თავმა ბახშიბეკმა და საერთოდ ხმოსანმა სომეხებმა უნდა მაგალითი აიღონ დიდი ქალაქებიდან, სადაც ქალაქის თავმა ნოვიკოვმა, (ბაქოს ქალაქის თავი) სრულიად



სხვა ერის პირმა, როდესაც მას წინადადება მისცეს დასწრობოდა ქონების ჩამორთმევაზე მშვიდათ განაცხადა: „მე საქმე არა მაქვს მტაცებლობასთან, მე ქალაქის თავი ვარ“-ო. ქონებათა მმართველნი მამიკონბეკი და სირულიში ვალდებულნი არიან არავითარი დახმარება არ გაუწიონ ქონების ჩამორთმევისას, არ აჩვენონ სად იმყოფება მამული, მისი საზღვრები და საერთოდ არ მისცენ ამის შესახებ არავითარი ცნობა. თითოეული პირი ვალდებულია სისწორით აასრულოს მასზე დაკისრებული გადაწყვეტილება. ვინც ასე არ მოიქცევა, მოელის სიკვდილი“. წერილიდან სჩანს, რომ ის გაგზავნილია მინას ხუნუნცის სახელზე, რომელშიაც „ტერორისტები“ ურჩევენ მიჰბაძოს თანამომძეთა მაგალითს. ამათ წინააღმდეგობა გაუწიეს ქონებათა მიმღებ კომისიას, რის გამო არავითარი სასჯელი არ მიუღიათ.

ამ პროკლამაციათა გამოსვლას ნაწილობრივათ წინ უსწრებდა, ნაწილობრივათ მაშინ მოხდა, როდესაც გამოვიდა მთელი რიგი ტერორისტული აქტები, უმთავრესად მიმართული იყო თანამდებობის პირთა წინააღმდეგ, რომლებიც ებრძოდნენ სომხურ მოძრაობას, და თვით სომხების წინააღმდეგ, რომელთაც ბრალს სდებდნენ სომხური ეროვნული იდეების ღალატში. ამ ნიადაგზე ჩადენილი ერთი დანაშაულთაგანი იყო ს. ვაგარშაპატის (ეჩმიადინის მახ.) მცხოვრების სარგის პატოიანის მკვლელობა. მომხდარი მკვლელობის შესახებ შემდეგი გამოიჩინა: მოკლული პატოიანცი ს. ვაგარშაპეტის სხვა საპატიო მცხოვრებთან ერთად მიწვეული იყო იმ თავმჯდომარის მიერ, რომელსაც დავალებული აქვს სომეხთა საეკლესიო ქონების ჩამორთმევა 1903 წ. 12 ივნისის კანონის თანახმად. პატოიანცმა არა თუ ხელი მოაწერა ოქმზე, ქონების ჩამორთმევის შემდეგ, არამედ თარჯიმანის როლსაც ასრულებდა თავმჯდომარესა და მოწვეულ საპატიო პირთა შორის. სწორედ ამის შემდეგ პატოიანცს სიკვდილით დაემუქრენ სომეხთა ნაციონალური ინტერესების ღალატისათვის.

1903 წ. სექტემბრის 13-ს პატოიანცი მოკლულ იქნა ორი ბოროტმოქმედის მიერ. ერთმა ბოროტმომქმედმა რევოლვერიდან ესროლა პატოიანცს, მეორემ — ხანჯალი დასცა მუცელში.

ამ საქმეზე ჩვენების ჩამორთმევის დროს პატოიანცის მეზობელმა სტეფანე კავანოვმა, რომელმაც აგრეთვე ხელი მოაწერა ქონების ჩამორთმევის აქტს დაასახელა თუ ს. ვაგარშაპეტის სოფლიდან ვინ ითვლებოდა სომხური რევოლუციონური კომიტეტის წევრად. ტფილისის სასამართლო პალატის პროკურორის მეორე საქმიდან სჩანს, რომ ეს სტეფანე კავანოვი მოკლულ იქნა ხანჯლით 1904 წლის ნოემბრის 6 სოფ. ვაგარშაპეტში. მკვლელები ვერ იქნა აღმოჩენილი, მაგრამ მაშინვე დაიბადა აზრი, რომ ეს მკვლელობა მომხდარი იყო პოლიტიკურ ნიადაგზე, რადგანაც ოქმზე ხელის მოწერის გამო კავანოვ-

მა რამდენჯერმე მიიღო მუქარის წერილი, სადაც სიკვდილით ემუქრებოდნენ და 1903 წლის სექტემბერში მას სახლი დაუწვეს.

1904 წლის დამდეგს ერევნის, ელისავეტოპოლის (განჯის) და ბაქოს გუბერნიებში სომეხთა მოძრაობის ნიადაგზე მთავრობის მოხელე-პირთა წინააღმდეგ მოხდა მთელი რიგი ტერორისტული აქტები. 1904 წ. იანვრის 5-ს სამი ბოროტმომქმედი თავს დაესხა ყარსის პოლიცემისტერს თავ. ხერხეულიძეს. ერთმა ბოროტმომქმედმა სროლა დაუწყო რევოლვერიდან თავ. ხერხეულიძეს, მეორე — ხანჯლით მივარდა ხერხეულიძის მცველ გოროდოვოის — გაძიევს, რომელიც დაჭრილ იქნა, თავ. სერხეულიძის ახსნით თავდასხმის მიზეზათ მას მიაჩნია ყარსში მცხოვრები სომეხების უკმაყოფილება მისი სამსახურით. სომეხების აზრით, განაცხადა ხერხეულიძე, მე ვარ დამნაშავე იმაში, რომ უკანასკნელ თვეებში ყარსიდან გადასახლებულ იქნენ პოლიტიკურად არა საიმედო სომეხები.

1904 წ. იანვრის 24-ს ერევანში და იმავე წლის 17 მარტს ერმიადინში თავს დაესხნენ სასიკვდილოთ ფიმიადინის მაზრის უფროსს შმერლინგს, რომელიც პირველი თავდასხმის დროს დაჭრილ იქნა. თავდასხმის მიზეზად გახდა ადგილობრივი სომეხური რევოლიუციონური კომიტეტის უკმაყოფილება მაზრის უფროსის მოღვაწეობით. შმერლინგი სასტიკად ებრძოდა სომეხების ნაციონალურ-რევოლიუციონურ მოძრაობას და რამდენიმე დღით ადრე, სანამ მასზე თავდასხმა მოხდებოდა, მან დააპატიმრა სომეხთა ცნობილი მწერალი და რევოლიუციონერი სარქის გაიკუნია.

1904 წ. მარტის 25-ს ალექსანდროპ. მაზრის ს. კაპანჩაში განიზრახეს ამ სოფლის ეკლესიის მოძღვარის ტერ-სააკოვის მოკვლა, რისთვისაც ბოროტმომქმედნი მას თავს დაესხნენ. თავდასხმის დროს განუცხადეს, რომ მას ჰკლავენ სომეხთა საქმის ღალატის გამო. როგორც გამოირკვა ერევნის ჟანდარმთა სამმართველოს მიმოწერიდან, ტერ-სააკოვი მართლა აწვდიდა ჟანდარმერიას ცნობებს სომეხთა მოძრაობის შესახებ. 24 ივლისს 1904 წ. ტერ-სააკოვს მეორეჯერ დაესხნენ თავს, დაბოლოს 1904 წლის ნოემბრის 1-ს ის მოკლულ იქნა. ტერ-სააკოვს, სხვათა შორის, ბრალად ედებოდა სომეხთა სასულიერო მართველობის საწინააღმდეგო მოხსენების წარდგენა.

1904 წ. მარტის 31-ს ალექსანდროპოლის ქალაქის პოლიციის გოროდოვოი ალექსანდრე დარდიმანოვი დღის 1 საათზე სახლიდან წავიდა და აღარ დაბრუნებულა. გოროდოვოი დარდიმანოვი ერთად ერთი საიმედო კაცი იყო ალექსანდროპოლის პოლიციის მთელს შემადგენლობაში, რომელიც მიუხედავათ იმისა, რომ სომეხი იყო, ებრძოდა სომეხთა რევოლიუციონურ მოღვაწეობას ასე მაგ. 1903 წლის მარტში მისი მოხსენების თანახმად ალექსანდროპოლის



პირველი ნაწილის ბოქაულმა ნაშჩასკიმ დააპატიმრა სომეხთა ფარული კრება რაფაელოვის სახლში, სადაც სხვათა შორის მონაწილეობდა გაიკ ამატუნი. დარდიმანოვი გაფრთხილებას ღებულობდა, რომ მას მოჰკლავდენ სომეხთა ინტერესების ღალატის გამო. 20 სექტემბერს დარდიმანოვს თავს დაესხა ორი ბოროტმოქმედი და რამოდენიმე ალაგას ხანჯლით დასკრეს.

1904 წ. 1 ივნისს ერევანში მოკლულ იქნა გოროდოვოი მკრტიჩ ელოევი, რომელმაც სიკვდილის წინ განაცხადა, რომ ის სომეხებმა მოჰკლეს. მიუხედავად იმისა, რომ ელოევი სომეხი იყო, ის იყო ყველაზე საიმედო აგენტი პოლიციისა, რომელსაც სომეხთა რევოლიუციონური მოძრაობის შესახებ პოლიციაში მიჰქონდა ცნობები. ამიტომ პოლიციებისტერი ბაგუევის აზრით მისი მკვლელობა მომხდარია პოლილიკურ ნიადაგზე—სომეხთა მოძრაობის მეთაურთა გაცემის გამო.

8 ივნისს ეჩმიადინის მაზრის ს. ავგანატუნში მოკლულ იქნა სომეხი ივანე სერგეევი, რომელმაც მართლმადიდებლობა მიიღო. მას ბრალს სდებდენ სომეხთა დაბეზლებაში. რომ ეს მკვლელობა დაბეზლების გამო იყო ჩადენილი, შემდეგიდან სჩანს: მას მოსჭრეს ყურები, „რომლითაც აყურადებდა“ და ენა— „რომლითაც აბეზლებდა.“

24 ივნისს ქ. ერევნის განაპირად სომეხთა უბანში მოკლულ იქნა ნახიჩევანის მცხოვრები მიხეილ კუზნეცოვი, რომელმაც სიკვდილის წინ სთქვა, რომ ის მოჰკლა სამმა სომეხმა, ვინაობის დასახელება ვერ მოასწრო. ნახიჩევანის პირველი ნაწილის ბოქაულმა დაადასტურა, რომ კუზნეცოვი სომეხია, მართლმადიდებელი, ორი თვით ადრე, სანამ მოჰკლავდენ განაცხადა, რომ ხმები დადის ჩემი მოკვლის შესახებ, რადგანაც სომეხები ბრალს მდებენ დაბეზლებაში.

11 ივლისს ს. ივდირში მოკლულ იქნა სურმალინის მაზრის უფროსი პოდპოლ, ბოგუსლავსკი. თავდაპირველად ეს საქმე უნდა გარჩეულიყო როგორც სახელმწიფო დანაშაულის საქმე, მაგრამ შემდეგ მისი გამოძიება-გარჩევა დაიწყო საერთო წესით.

13 ივლისს სოფ. კამარლიუში მცხოვრებ ბოქაულ სკიბინსკისთან მივიდა სოფ. მეგრამ-კიურდ-კენდის მამასახლისის თანაშემწე სააკარჩივერდოვი და აცნობა, რომ ერევნის მაზრის ზოგიერ სოფლებში ემზადებიან აჯანყებისათვის, აგროვებენ ფულს იარაღის შესასყიდად და ოსმალეთის სომეხების სასარგებლოთ. ტარჩივერდოვის ცნობით ზოგიერთი სომეხები აგრეთვე ხმებს ავრცელებენ, რომ კავკასიის მთავარმართველი თავ. გალიცინი მოკლული იქნება პეტერბურგიდან დაბრუნებისას; გოლიცინის მოსაკლავად უკვე დანიშნული ჰყავს სომეხთა რევოლიუციონურ კომიტეტს კაცები და ის სომეხები, რომლებიც ფულის გაღების წინააღმდეგი არიან, მოკლულ იქნებიანო. ბოქაულთან

საუბრის შემდეგ ტარივერდოვი წავიდა სახლში და იმავე 13 ივლისს ის მოკლული იპოვეს თავისივე სოფელში.

სააკ ტარივერდოვის მიერ მოტანილი ცნობა მთავარმართებლის მოკვლის განზრახვის შესახებ გამართლდა 1904 წლის ოქტომბრის 14. ამ თავდასხმისა და აგრეთვე ბოგუსლავსკის მოკვლის გამო გამოცემულ პროკლამაციაში, სათაუოით—„თანამემამულენო“, რომელსაც ხელს აწერს „სომეხთა თავდაცვის რევოლუციონური კავშირის ცენტრალური კომიტეტი“ ლაპარაკია სომხის ხალხის საუკუნოებრივ უფლებების დარღვევაზე“ რუსეთის აღვირ-ახსნილი მონარქიის მთავრობის მიერ. შემდეგ ჩამოთვლილია მომხდარი მასიური არეულობანი. თავ. გოლიცინის მოკვლის განზრახვა, ანდრეევისა და ბოგუსლავსკის მკვლელობა, მოწოდება განმარტავს, ყველაფერი ეს იმის მაჩვენებელია, რომ ეს არის სომეხი ხალხის დამოუკიდებულათ არსებობის განვითარების ნიშნები, რომელიც (ხალხი), გმირული წინააღმდეგობის გაწევის გზაზე შემდგარიო“.

1904 წ. ნოემბრის 10-ს სომეხის მიერ გასროლილი რევოლვერიდან დაჭრილ იქნა ალექსანდროპოლში პირველი უზნის ბოქაული ნაშჩანსკი, რომელიც გამოძიებას აწარმოებდა სომეხთა მოძრაობის შესახებ. თვით ნაშჩანსკიმ განაცხადა, რომ სამი დღით ადრე თავდასხმამდე ის გააფთხილა ამის შესახებ ალექსანდროპოლის ციხის ზედამხედველმა ივანოვმა. ივანოვმა კი აჩვენა, რომ მას მღვდლის ტერ-სააკოვის მკვლელობა კარაპეტ ავაკოვმა, რომელიც ციხეში იმყოფება განუცხადა, რომ ნაშჩანსკის, როგორც მანე კაცს, სომეხები მოჰკლავენო.

1904 წ. აგვისტოს 30-ს ოლთისში (ყარსის ოლქი) რევოლვერით მოკლულ იქნა მოსახლურე დარაჯთა პოდპოლკოვნიკი ბიკოვი, რომელმაც ივლისის 2-ს ოსმალეთის საზღვარზე დააპატიმრა სომეხთა ბანდა.

1904 წ. ნოემბრის 15-ს ალექსანდროპოლში დასჭრეს უფროსი გოროდოვოვი გასან ისმაილ ოლლი, რომელიც ბოქაულ ნაშჩანსკის ცნობით სომეხთა რევოლუციონურ კომიტეტს შეტანილი ჰყავდა სასიკვდილოთა სიაში.

1905 წ. იანვრის 21-ს ერევანში ორი სომეხი თავს დაესხა შარურ დარალაგეზის მაზრის უფროსის თანაშემწე სკიბიანსკი, ათაჯერ ესროლეს რევოლვერიდან, მაგრამ ვერაფერი დააკლეს. სკიბიანსკის ჩვენებით მას ემტერებოდნენ სომეხები სოფ. კამარლუში 1903 წ. სექტემბრის 3-ს მომხდარ სომეხთა არეულობის ჩაქრობისათვის და საერთოდ ემდურებოდნენ ისმის გამო, რომ ის მოძრაობას სერიოზულად ეწინააღმდეგებოდა.

1905 წ. იანვრის 31-ს იდგირში მოკლულ იქნა მე-2 ყუბანის პლასტუნთა ბათალიონის ასეულის უფროსი პოდესაული გნუტოვი.

მოკლულს გვამის მახლობელადნახეს ორი პატარა ქალღმერთის ნაგლეჯი რუსული წარწერით: სომეხთა რევოლიუციონური პარტიის „დაშნაკუტუნი“-ის უზენაესი აღმასრულებელი კომიტეტის დადგენილებით, გამცემი (предатель) გნუტოვს მისჯალი აქვს სიკვდილით დასჯა, როგორც შენს ღირსეულ კოლეგა ბიკოვს. ხელს აწერს: სომეხთა რევოლიუციონური კომიტეტის „დაშნაკუტუნი“-ის უზენაესი აღმასრულებელი კომიტეტი“. გამოძიების დროს გამოიკვეთა შემდეგი: 1904 წ. ივლისის 12-ს პოდესაულ გნუტოვმა გაგზავნა მე-2 ყუბანის პლასტუნთა ბატალიონის 1 ასეულის პლასტუნები ზორის მალღობებზე გამაგრებულ სომეხთა ბანდის წინააღმდეგ, სადაც ხანგრძლივი სროლის შემდეგ შეპყრობილ იქნა 34 კაცი. იგდირის ბოქაულმა რელიგიონმა განაცხადა, რომ ორი თვით ადრე, სანამ განუტოვს მოჰკლავდნენ, მას უთხრა გნუტოვმა, რომ რამდენიმე წერილი მივიღე სომეხთა რევოლიუციონური კომიტეტისგან, სადაც სიკვდილით მემუქრებანო.

1 თებერვალს სოფ. ვაგარშაპეტში თავისი სახლის ახლოს რევოლვერით მოკლულ იქნა სოფლის მამასახლისი ატონ შახაზიზოვი. ეჩმიადინის მაზრის უფროსის თანაშემწის ოლხოვსკის ჩვენებით ეს მკვლელობა მოახდინეს სომეხთა რევოლიუციონებმა. შახაზიზოვი ცნობებს აწვდიდა სომეხთა მოძრაობის შესახებ ყოფილ მაზრის უფროსს შემერლინგს. მოკლულის შახაზიზოვის ჯიბეში ნახეს სომეხურად დაწერილი შემდეგი შინაარსის წერილი: „მიიღეთ ცნობათ. არც ერთ მოხელეს, იქნება ის რუსი თუ სომეხი, უფლება არ აქვს ხელი ახლოს ჩვენს სათადარიგოებს, სომეხ ახალგაზრდებს, რომლებიც თქვენ იცით. უნდა დაიცვათ ის მთავრობის დევნისაგან როგორც ნივთიერად, ისე ზნეობრივად, წინააღმდეგ შემთხვევაში მეოთხედი საათის განმავლობაში მოკლული იქნებით“.

1905 წლის მაისის 7-ს დაჭრილ იქნა ტყვიით ალექსანდროპოლში მაზრის უფროსის თანაშემწე კაპიტანი პავლოვი. პავლოვის მხლებელმა დარაჯმა ინგუშმა ელოევმა ესროლა თავდამსხმელთ. ერთი თავდამსხმელთაგანი დაჭრილ იქნა. მაგრამ ქუჩაზე მყოფი ხალხადან ვიღაცამ ის გაიტაცა და დამალა. პავლოვმა აჩვენა, რომ მას თავს დაესხნენ სომეხთა რევოლიუციონური კომიტეტის დადგენილებით, წლი ნახევრის წინად მომისაჯა ამ კომიტეტმა სიკვდილით დასჯაო. პავლოვის დაჭრის შემდეგ ხმები გავრცელდა, რომ ელოევს სომეხები მოჰკლავნო, რის გამო მაზრის უფროსმა ელოევს უბრძანა მარტო სიარულისათვის ქალაქში თავი დაენებებია. 13 მაისს ელოევს აცნობეს, რომ დანაშაული ნაპატივებია და შეგიძლია ქალაქში სიარულიო. ამიტომ ელოევი მარტოდ-მარტო გამოვიდა ქალაქში. ბულვარში მას ესროლეს რევოლვერებიდან. ის გაიქცა ფოსტის ქუჩისა-

კენ, მაგრამ იქაც მას შეხვდა სამი ბოროტ-მომქმედი და დაუწყეს სროლა. ელოვეი დაჭრილ იქნა ზურგში.

1905 წლის ოქტომბრის 3-ს ქალ. ნახიჩევნის მცხოვრების სომეხი ამბარცუმ ზახაროვის ჩვენებით პოლიციელებმა ჩხრეკა მოახდინეს ორი სომხის სახლში და აღმოაჩინეს 6 თოფი ბერდანის სისტემისა და 400 ვაზნა. 4 ოქტომბერს ამბარცუმ ზახაროვი მოკლულ იქნა 2 ბოროტ-მომქმედი სომხის მიერ.

1906 წ. მაისის 7-ს ერევნიდან ერთი ვერსის მოშორებით თავს დაესხნენ რევოლვერებით შეიარაღებულნი (4 კაცი) მოკვლის განზრახვით, ეჩმიად. სომეხ-გრიგორიანთა სინოდის პროკურორს ფრენკელს. ფრენკელის აზრით თავდასხმა მოწყობილია სომეხთა რევოლიუციონური პარტიის დაშნაკუტიუნის უფრო კი. ამ პარტიის განსაკუთრებულ ფრაქციის, რომელსაც უწოდებენ „პატორიკ“-ს. ეს პარტია უკმაყოფილო იყო ფრენკელის, როგორც სომეხ-გრიგორიანთა სინოდის პროკურორის მოღვაწეობით.

1904 წლიდან ელისავეტოპოლის გუბერნიაში ადგილი ჰქონდა შემდეგს თვალსაჩინო დანაშაულს რევოლიუციონური პარტიის „დაშნაკუტიუნის“ მიერ.

1904 წლის ივლისის 4-ს აჯიკენტში საკუთარი ბინის მახლობლათ ექვსი ტყვიით მოკლულ იქნა ელისავეტოპოლის გუბერნატორის მოვალეობის ამსრულებელი, ვიცე-გუბერნატორი ანდრეევი.

გამოძიებამ გამოარკვია, რომ ამ მკვლელობას კავშირი აქვს სომეხთა რევოლიუციონურ მოძრაობასთან სომეხ-გრიგორიანთა საეკლესიო ქონებათა ჩამორთმევის ნიადაგზე.

1904 წ. ოქტომბრის 6-ს ქ. შუშაში მოკლულ იქნა უანდარმის უნტერ-ოფიცერი აკიმ პოდშვილოვი. პოდშვილოვის მოხსენების თანახმად 1904 წ. აგვისტოში ზოგიერთ ადგილობრივ სომეხთა ბინებზე მოხდა ჩხრეკა. ერთ მათგანს—ოჰანეს იოანისიანცს აღმოაჩნდა რევოლიუციონური მოძრაობის პროკლამაციები, რისთვისაც შეპყრობილ იქნა და მოთავსებული ციხეში. ამის შემდეგ უნტ.-ოფ. პოდშვილოვს, როგორც ჩხრეკის მომხდენს, მოკვლის ემინოდა. ის ამბობდა მუქარის წერილებიც მივიღეო.

1904 წ. ნოემბრის 2-ს ქ. შუშაში მოკლულ იქნა თერგის ოლქის მცხოვრები საათაბი ხასიევი, რომელიც საიდუმლო აგენტად მსახურობდა ქ. შუშის 1 ნაწილის ბოქაულ ეგოროვთან. ხასიევი თვალყურს ადევნებდა ერთს სახლს, რომელშიაც ხშირად ხდებოდა სომეხთა რევოლიუციონური კრებები.

1905 წ. იანვრის 7-ს ელისავეტოპოლში მოკლულ იქნა სომეხი მაკიჩ ივანოვი, რომელიც მუქარის წერილებს ღებულობდა სომეხთა რევოლიუციონური კომიტეტისაგან. მიკიჩ ივანოვმა ვიცე-გუბერნა-



ტორ ანდრეევს მკვლევლობის საქმეზე უანდარმ პუგაჩოვს აჩვენა, რომ ანდრეევს მკვლევები არიან ელისავეტოპოლის სომეხთა რევოლიუციონერი კომიტეტის წევრები: ბაბაკევკოვი, კერძო ვეჭილი მამიკონოვი, ბეგლარ და კრკორ ფარაშევი.

მოკლული ივანოვის ცოლის ბარბალეს განცხადებით—მისი ქმარი მიკიჩი შიშობდა, რომ „რუსებთან სამსახურისათვის კომიტეტი მომკლავსო და წიგნაკშიც კი ჩასწერა იმათი გვარები. ვისაც მისი მოკვლა ჰქონდა გადაწყვეტილი. მართლაც რვეულის ერთ-ერთ გვერდზე შემდეგი ეწერა: „ჩემი მოკვლა უნდა: მჭედელ ბეგლიარს (ფარაშინანცს), მის ძმას კრიკორს, სიძეს—მამიკონოვს და ადვოკატ მამაკევხოვს. მიკიჩ ვარტაზარისძე ივანოვი“.

1904 წლის გაზაფხულზე ივანოვმა მიიღო შემდეგი წერილი: „რადგანაც შენ უარს ამბობ ფულის გადახდაზე სომეხთა კომიტეტის სასარგებლოთ, ამიტომ შენ მოკლული იქნები და შენს ლეშს ფრინველები დაჰკორტნიან, უკეთუ ოცი დღის განმავლობაში არ გადინდი ფულს“.

1904 წ. დეკემბრის 15-ს ქ. შუშაში მოკლულ იქნა შუშის მაზრის უფროსის თანაშემწე სახაროვი, რომელიც მთავარი მოწამე იყო 1904 წ. აგვისტოს 29-ს ელისავეტოპოლში მომხდარი არეულობისა. ამ საქმის გარჩევის შემდეგ სახაროვს ეწინოდა—მომკლავენო. ვიცე-გუბერნატორის ანდრეევს მოკვლის შემდეგ ეს შიში კიდევ უფრო გაიზარდა. ოქტომბრის 20-ში სახაროვმა ფოსტით უსახელო წერილი მიიღო „სომეხთა რევოლიუციონური კომიტეტისაგან“, სადაც მას აფრთხილებდნენ შეეცვალა თავისი დამოკიდებულება მცხოვრებთადმი, რადგანაც კომიტეტის აზრით ის კანონებით არ ხელმძღვანელობდა, არამედ—მოქმედობდა თვითნებურათ. რამდენიმე ხნის შემდეგ შუშაში მოკლულ იქნა ლეკი ხასიევი. ქალაქში ხმა გავრცელდა, რომ ლეკები ჩამოვიდნენ სისხლის ასაღებათ.

3 ნოემბერს ხელმეორეთ მიიღო სახაროვმა წერილი ფოსტით „სომეხთა რევოლიუციონური კავშირის აღმოსავლეთის ბიუროსაგან“. ამ წერილში სახაროვს აღიარებდნენ ქალაქში ლეკების ჩამოსვლის მიზეზად და წინადადებას აძლევდნენ სამი დღის განმავლობაში გაეძევებიათ ისინი ქალაქიდან, წინააღმდეგ შემთხვევაში სიკვდილით ემუქრებოდნენ. 1904 წ. საქმე მოსპობილ იქნა დამნაშავეთა აღმოუჩენლობის გამო. მაგრამ განახლდა 1908 წელს ვინმე სარქისიანცის დაპატიმრების შემდეგ. პოლიციის დეპარტამენტის ცნობიდან სჩანს, რომ აღნიშნულ სარქისიანცს, რომელსაც მეტ სახელად ეძახიან „იპონ“-ს დაწინაყუთიუნის პარტიის დადგენილებით მოუხდენია 12 ტერორისტული აქტი, მათ შორის გენ. აღიხანოვის მკვლელობა.

1905 წლის მაისის 18 მოკლულ იქნა რევოლუციის ოთხი ტყვიით ნუხის მაზრის უფროსის თანაშემწე აბრამოვიჩი. წინადაბრამოვიჩი ზოქაულად მსახურებდა ელისავეტოპოლში იმ დროს, როცა 1903 წლის 29 აგვისტოს საეკლესიო ქონებათა ჩამორთმევის დროს სომხებმა წინააღმდეგობა გაუწიეს ადგილობრივ ხელისუფლებას. როცა ეს საქმე საოლქო სასამართლოში ირჩეოდა აბრამოვიჩი იყო მთავარი მოწმე. საქმის დასრულების შემდეგ ელისავეტოპოლში ხმა გავრცელდა, რომ აბრამოვიჩის მოჰკლავნო, თვით აბრამოვიჩმაც რამდენიმე მუქარის წერილი მიიღო. რამდენიმე წლის შემდეგ აბრამოვიჩს თავს დაესხნენ მოსაკლავად, მაგრამ უშედეგოთ. ამის შემდეგ აბრამოვიჩი გადაყვანილ იქნა ნუხის მაზრის უფროსის თანაშემწედ. მოწმის—ნუხის მაზრის უფროსის ქართველოვის განცხადებით, აბრამოვიჩის ნუხაში მისვლისთანავე მან უკვე ცნობა მიიღო, რომ სომხებთან რევოლუციონერ კომიტეტს გადაწყვეტილი აქვს მისი მოკვლა წინანდელი სამსახურისათვის.

დაახლოებით იმავე ხანებში (1905 წ. მაისის 11-ს) მოკლულ იქნა ბაქოს გუბერნატორი თავ. ნაკაშიძე. ამ მკვლელობის გამო გამოცემულ პროკლამაციაში მოხსენებული იყო, რომ ნაკაშიძე საიდუმლო სულის ჩამდგმელი ორგანიზატორი იყო 6—10 თებერვალს ბაქოში მომხდარ სომეხ-თათართა ხოცვა-ჟლეტის. პროკლამაციის გადმოცემით ნაკაშიძის მოკვლა დადგენილი იყო ბაქოს ყველა რევოლუციონერი პარტიების მიერ. სისრულეში კი ეს დადგენილება მოიყვანა დაშნაკუტიუნმა. რადგანაც ყველაზე მეტი უფლება შურისძიებისათვის მას ჰქონდა.

1907 წ. აგვისტოს 17-ს ელისავეტოპოლის გუბერ. ახალშენ ელენდორფში მოკლულ იქნა ხელოვნური წყლის ქარხნის პატრონი იაკობ გერრი. გერრს უთანხმოება ჰქონდა სომხებთან—ავაკიმიანცთან და გუკასოვთან საერთო სავაჭროს შესახებ. ავაკიმიანცმა გიერს უჩივლა „დაშნაკუტიუნის“ ელისავეტოპოლის ცენტრალურ კომიტეტში; კომიტეტი სიკვდილით დაემუქრა (წერილობით) გერს და მოსთხოვა ავაკიმიანცის დაკმაყოფილება. გერრმა შველისათვის ელისავეტოპოლის გუბერნატორს კოვალიოვს მიმართა.

1907 წ. აგვისტოს 5-ს გერრმა კვლავ მიიღო წერილი რევოლუციონერი კომიტეტისაგან, რომ მას მისჯილი აქვს სიკვდილი კომიტეტის წერილების გუბერნატორისათვის წარდგენის გამო. მაგრამ რადგანაც ის სხვა ერს ეკუთვნის (არა სომეხი) განაჩენი არ იქნება სისრულეში მოყვანილი, უკეთუ კომიტეტის სასარგებლოთ გადაიხდის 2000 მან. ჯარიმას. გერრმა ჯარიმა არ გადაიხადა და ის 14 აგვისტოს მოკლული იქნა.



იმ საქმეებიდან, რომლებიც ტფილისის სასამართლო პალატას გადმოეცა 1904 წლის ივნისის 7-ს კანონის თანახმად პარტია დაშნაკ-კუტიუნის მავნე მოღვაწეობის შესახებ, ყურადღების ღირსია შემდეგი საქმეები:

1. ახალციხის სომეხ-გრიგორიანთა სასულიერო მმართველობის მდივნის ვაგან ნაზარიანცის მოკვლა. საქმის ვითარება ასეთია: ნაზარიანცი მოკლულ იქნა სასულიერო სამმართველოს შენობაში 1904 წლის მარტის 10-ს. მკვლელი—აკობ ნაზარეთიანცი შეპყრობილ იქნა ისეთი დოკუმენტებით, რომლებიც ამტკიცებდნენ მის მონაწილეობას „დაშნაკკუტიუნის“ პარტიაში. თვით ნაზარეთიანცმა ერთ-ერთ დაკითხვის დროს აჩვენა, რომ ორი დღით ადრე სანამ ნაზარიანცს მოჰკლავდა ის ახალციხეში ქუჩაზე შეხვდა არუთინ ინჯიკიანცს, რომელმაც აუხსნა, რომ ნაზარიანცი „ჯაშუშია სომეხთა ნაციონალური საქმის, სომეხთა პარტიების“ და წინადადება მისცა მას ის მოეკლა, როგორც მოღალატე და ჯაშუში.

ახალციხის მაზრის უფროსის პოდგურსკის და ბოქაულის ალტ-შულის ჩვენებით ვაგან ნაზარიანცი საიდუმლო აგენტი იყო ამ უკანასკნელისა, აშკარად არ თანაუგრძნობდა სომეხთა რევოლიუციონურ მოძრაობას, განსაკუთრებით სძულდა ამ მოძრაობის მონაწილენი და როდესაც საეკლესიო ქონებას იბარებდა ადგილობრივი ხელისუფლება, მან ისეთი ქონება დაასახელა, რაც დამალული ჰქონდა ადგილობრივ სასულიერო მმართველობის წევრებს. კაპიტან პოდგურსკის სიტყვით სომეხთა ეკლესიის კტიტორს ჩილინგაროვს, რომელიც გადასახლებული იყო მთავრობის მერ კავკასიიდან და აგრეთვე არქიმანდრიტს ავაველიანცს მისთვის პირდაპირ უთქვამთ, რომ სომეხთა მოძრაობის შესახებ ის (პოდგურსკი) ცნობებს ლებულოზს ვაგან ნაზარიანცისაგან. ამიტომ ამ მოწმეთა ჩვენებით (პოდგურსკი და ალტ-შული) ნაზარიანი მოკლული უნდა იყოს ადგილობრივი სომეხთა რევოლიუციონური კომიტეტის მიერ. ეს მკვლელობა მოხდა მას შემდეგ, რაც ახალციხიდან ადმინისტრაციული წესით გაგზავნილ იქნა 17 კაცი, რომლებიც ითვლებოდნენ კომიტეტის წევრებათ. აღშტულის თქმით გადასახლებულებმა გადასცეს ნათესავეებს, რომ მათი გამცემი არის ნაზარიანცი და მასზე შური უნდა იძიონ—იმდენი ჭრილობა მიაყენონ, რამდენიც კაცი იქნა გადასახლებული(17). სწორედ 17 ჭრილობა აღმოაჩნდა მოკლულ ნაზარიანცს. ასე სჯიან განსაკუთრებით მოღალატე სომეხებს—მათ ჰკლავენ მეტ წილად ხანჯლებით და მოკლულის ტანზე იმდენს ნიშანს სტოვებენ, რამდენიც მას დანაშაული მიუძღვის. ასე მოექცენ მაგ. სერგეევს, რომელსაც მისჭრეს ენა და ყურები.

6 აპრილს ტფილისში ერთ-ერთ საფოსტო ყუთში აღმოჩენილ იქნა სომხურ ენაზე პროკლამაცია სათაურით: „უკანასკნელად მომ-

ხდარი ტერორისტული აქტები“, შემდეგის შინაარსის: „1 მარტს სცემეს ახალაღ. ქალაქის თავს გრიგორ მოვესიანს იმ სამარცხენო საქციელისათვის, რომელსაც ის ადგას უკანასკნელად. ის ეხმარება ბინჟურ პოლიციას და არაფრად მიაჩნია შეურაცყოფილი სომხის ერის ღირსება. მის მახლობელთა თავხედობა იმ ზომამდე მივიდა, რომ ის პოლიციას ათასობით აძლევდა ხელში სრულიად უდანაშაულო ხალხს, რომელთაც ასახელებდნენ. ამათში ყველაზე საძაგელი იყო ვაგან ნაზარიანცი. ეს მახინჯი პიროვნება ყოველ დღე ახალ-ახალ მსხვერპლს აძლევდა პოლიციას და აშკარად ლანძღავდა ჩვენს ორგანიზაციას... 1) მარტს დილის 10 საათზე სასულიერო სამმართველოს შენობაში. სადაც ის თავის მოვალეობას ასრულებდა. მოკლულ იქნა ხანჯლის ჩვიდმეტი ჭრილობით. მკვლელი თავისუფალია. რევოლუციონერებმა შურ იძიეს აგრეთვე ეჩმიადინის მაზრის უფროსზე—17 მარტს ის მძინეთ იქნა დაჭრილი (როგორც ნათქვამი გვქონდა 1904 წ. 17 მარტს შშერლინგს თავს დაესხნენ სასიკვდილოთ). ყარსის ოლქის სოფ. პარგეტში მოკლულ იქნა გლეხი კირაკოს პეტროსოვი. სომეხთა თავდაცვის ცენტრალური კომიტეტი“. ზემოთ მოხსენებული ახალციხის ბოქაული ალტშული დაჭრილ იქნა 1904 წ. იანვრის 4-ს. ერთ პროკლამაციაში სათაურით.—„ცენტრ. კომიტეტი სომეხთა თავდაცვისა. ყველა ჩაგრულნო შეერთდით.—ნათქვამია, რომ აღშტული დაჭრილ იქნა იმის გამო, რომ ის განსაკუთრებით სამსახურს და ერთგულებას უწევდა რუსეთის მთავრობას.

ნაზარეთიანცს ტფილისის სასამართლოს პალატამ მიუსაჯა კატორღა 6 წლითა და 8 თვით.

2. საქმე „დაშნაკუტიუნის“ პარტიის ელისავეტოპოლის კომიტეტისა. ამ საქმეზე პასუხისგებაში იყო მიცემული 20 კაცი. საქმის ვითარება ასეთია: „1906 წლის ნოემბრის 17-ს ღამით დანიელ აირაპეტოვის მითითებით ელისავეტოპოლში მოახდინეს ჩხრეკა. ერთ სახლში პოლიციამ აღმოაჩინა ყუთი თორმეტი ყუმბარით, ყუთი ათი შეკვრა დინამიტით, ყუმბარების ჩამოსასხამი ფორმები და სხვა მასალები ასაფეთქებელი ნივთიერებათა დასამზადებელი. ამ ნივთებს გარდა აქ არაფერი აღმოჩენილა ისეთი გარდა ძველი ხალათისა და შარვლისა, დამამტკიცებელი იმისი, მართლა ცხოვრობდა აქ ვინმე თუ არა. სახლის ზემო სართულში დაპატიმრებულ იქნენ აირაპეტოვის მითითებით დაშნაკუტიუნის პარტიის წევრები: არამ პოგოსოვი—ბიურტოვი, პეტროს ოგანეზოვი, სარქის კიურდიანცი, მელიქ ოგანეზოვი და ცაკალ ალლახვერდოვი. ოთახში აღმოჩენილ იქნა 4 ბერდანის თოფი, ერთი მაუზერი და ერთი რევოლვერი. გაჩხრეკის შემდეგ სარქის კიურდიანცს და მასთან ერთად დაჭერილთ აღმოაჩნდა: 1) ორი წერილი შემდეგი შინაარსის: ა) ამხანაგო საგო, გიხვოვ ეს



ევისე დაპატიმრო შენთან ხვალამდე, გამოძიების დასრულებამდე. არ გაუშვათ შტაბის განკარგულებამდე. 1906 წ. 22 ოქტომბერი. გ. ეგივი“. ბ) „ამხანაგო პეტროს, გაანთავისუფლე სერგეი. მე თითონ მოველაპარაკები მას, ავო 16/X“. 2) უბის წიგნი კიურდიანცისა წარწერით პირველ გვერდზე. „ბატონო სარქის, დაბეჯითებით გთხოვ უეჭველად მოკლა ერთი თათარი“. 3) ამგვარივე წიგნაკი პეტროს ოგანესოვისა, რომელშიაც აღმოჩნდა: ა) დარიგებული თოფებისა და ვაზნების სია, ვის რამდენი მიეცა. სხვათა შორის მოხსენებული არიან სარქისი და ცალიკიანი; ბ) სია სათაურით, „სათადარიგო თოფები“, სადაც ჩაწერილია სხვადასხვა იარაღი და ვაზნები; გ) ვის დაურიგდა ხანჯლები სწერია: 1 ხანჯალი ცაკანს, 1-პეტროსს“ დ) ქალაღი, რომელზედაც სწერია: „ბერდანის 20 ვაზნა წაიღო ავაკმა“. 4) ასეთივე წიგნი მელიქ ოგანეზოვისა სახელობითი სიით, რომელშიაც სხვათა შორის მოხსენებულია შემდეგი სახელები: მელიქ, არამ, ბეგლიარ, მიხეილ, სარქის და არშაკი; მიწერილია შემდეგი—„წმ. ჯვრის მარხვა (10 სექტემბერი) მელიქი დადგა ხელოსან კრიკორთან“ და სიმღერის დასაწყისი: „სეტყვა მოვიდა ხანასარის მინდორში. თავთავგანწირულმა დაშნაკლებმა შური იძიეს.“ 5) სამი თაბახი ქალაღი დახაზული 9 რუბრიკათ დაბეჭდილი სათაურებით შემდეგის შინაარსისა: „სახლი და მცხოვრები“, „ქუჩა“, „თოფი“, „რევოლვერი“, „რაოდენობა“, „სისტემა“, „ვაზნები“, „ცხენი“, „ეტლი“, „ველოსიპედი“, „აღამიანთა რიცხვი“, რომელთა გამოყვანა შესაძლებელი იქნება ამა თუ იმ სახლიდან თავდასხმის დროს“. დანიელ აირაპეტოვის, რომელიც წინად დაშნაკუტიუნის მებრძოლ დრუჟინაში მსახურობდა, საიდანაც გაიქცა და თათრებში იმალებოდა, რათა ის არ მოეკლათ წვალებით, ორგანიზაციის ერთი უფროსთაგანის ბრძანების აუსრულებლობისათვის. აგრეთვე მოწმე აკობ არუტინოვი და მიხეილ მიკირტუმოვი დაკითხვის დროს აჩვენებენ, რომ დაშნაკუტიუნის პარტიის სათავეში დგას განსაკუთრებული აღმასრულებელი კომიტეტი—თავმჯდომარის, მისი თანაშემწის, საქმის მწარმოებლის, პოლიცემისტრის და რაზმის უფროსისაგან. დაშნაკუტიუნის პარტიის ელისავეტოპოლის განყოფილებას შეადგენენ: თავმჯდომარე „სებო“, მისი თანაშემწეები „სიმონი“ „ავო“, „აბრაგამი“, მიხეილ ლესიკოვი და მარტიროს არუთინსძე დანელიანცი. „კომიტეტს“ მიზნად ჰქონდა დასახული სომხის ხალხის ყოფა-ცხოვრების სოციალისტურ საფუძველზე მოწყობა. კომიტეტი ჰკრეფდა მცხოვრებთაგან ხარჯს იმაზე მეტს, ვიდრე ხაზინა ახდევინებდა. კომიტეტის ხელში იყო სასამართლო და ადმინისტრატიული ძალა-უფლება, აიძულებენ ხალხს კომიტეტის მიერ მოწყობილ დაწესებულებათათვის მიემართნათ, კომიტეტი ასრულებდა პოლიტიკურ მოვალეობას, სისხლის

სამართლის საქმეებს, ჯარიმებითა და საპრობილით ემუქრებოდა იმათ, ვინც მთავრობის ორგანოებს მიმართავდა, პოლიციურ ფუნქციებს კომიტეტში ასრულებდა „დაშნაკუტიუნის“ პარტიის კომიტეტის წევრი მიხეილ ლისიკოვი, მის მოვალეობას შეადგენდა კომიტეტში შემოსულ საჩივართა განხილვა-გამოძიება. ლისიკოვის განკარგულებით მებრძოლი რაზმის წევრები („ხუმბები“) არა სინდისიერ მოვალეებს აიძულებდნენ ვალის გადახდას, აკმაყოფილებდნენ იმათ, ვისაც რაიმეს მოჰპარავდნენ, უბრალო დანაშაულისათვის აჯარიმებდნენ და უფრო დიდი დანაშაულის ჩამდენს ამწყვედევდნენ ციხეში.

მოწმე მელიქ მიკირტუმოვა აჩვენა, რომ ერთხელ ელისავეტოპოლში ის წაეჩხუბა სომეხ მეურმეს, რისთვისაც ის ხუმბებმა დააპატიმრეს და მიიყვანეს ლისიკოვთან, რომელმაც წესიერების დარღვევისათვის დააჯარიმა 5 მანეთით, რაც იქვე გადაახდევინა.

დანიელ აირაპეტოვა აჩვენა, რომ ხუმბების ერთი რაზმთაგანი დაბანაკებულ იქნა სადგურ ელისავეტოპოლთან ნერსეს ყორღანოვის მეთაურობით; როდესაც დაშნაკუტიუნის კომიტეტის ელისავეტოპოლის განყოფილების განკარგულება გამოიცა სად. ელისავეტოპოლის რკინის გზის ჟანდარმთა პოლიციის მოხელეთა მოკვლა, რომელთაც 1906 წლის 17 ივნისიდან 3 ოქტომბრამდე ჩამდენიმე შეკვრა თოფები და სხვა საომარი იარაღი აღმოაჩინეს, დაშნაკუტიუნის მებრძოლი რაზმისათვის, რაზმის უფროსმა ნერსეს ყორღანოვმა მოიწვია რაზმელების კრება, რომელსაც დაესწრენ ხუმბებიც. ამ კრებაზე კრიკორ დავიდოვა, რომელიც ცნობილია ამხანაგებში „კერი“-ს სახელით, სურვილი განაცხადა ჟანდარმთა ოთახში ყუმბარის შეგდებისა, იმ პირობით, რომ სადაც ეს ამბავი მოხდებოდა იმ ადგილას ამხანაგებს უნდა ედარაჯნათ. ეს გეგმა სისრულეში იქნა მოყვანილი 1906 წლის ოქტომბრის 8-ს.

ხალხში მუქარით შეკრებილ ფულს კომიტეტი ხარჯავდა საპრობილის, ყუმბარების გასაკეთებელ სახელოსნოს შესანახად და მებრძოლი რაზმის შესაიარაღებლად; ხალხს კი ეუბნებოდნენ: ფული საჭიროა შესაიარაღებლათ, რათა თათრების თავდასხმის დროს მზად ვიყოთ.

დანიელ აირაპეტოვის ორგანიზაციიდან გაქცევის შემდეგ, დაშნაკუტიუნის კომიტეტმა მის დასაჭერად სოფ. ხოლიუში გაგზავნა ხუმბების რაზმი ბაგრატ ახნაზაროვის მეთაურობით და შეიპყრო აირაპეტოვის სიმაძრი აკობ არუთინოვი, რომელიც ხუთი ხუმბის თანახლებით მიყვანილ იქნა ბუგდან ბაგდასაროვის სახლში. ამ სახლს შემოვლელი აქვს მაღალი გალავანი, მდებარეობს ქალაქის განაპირას, ახალ-საეკლესიო ქუჩაზე და წარმოადგენს დაშნაკუტიუნის



კომიტ. საპრობილეს. შეპრობილთ მცველებად ხუმბები მიუჭენეს. საპრობილეში შესვლისას არუთინოვმა სახლის დაბლა სართულის ოთახში შენიშნა რამდენიმე კაცი, რომელნიც რალაც გილზებს ამზადებდნენ. ეს გილზები შემდეგ აღმოჩენილ იქნა ჩხრეკის დროს ამავე ოთახში. საპრობილეში ყოფნის დროს ფანჯრიდან მან შენიშნა ორი უცნობი პიროვნება, რომელნიც საქმის გამოძიების დროს შემდეგ აღმოჩნდნენ სარქის კიურდიანცი და პეტროს ოპანეზოვი. ამათ მოჭქონდათ ყუმბარების დასამზადებელი მასალა და რკინის ზოგადი კიტრის მსგავს ფორმებს ავსებდნენ რალაც ყვითელი სითხით, როგორც შემდეგ გამოიჩვენა, დინამიტით. არუთინოვს ესმოდა მომუშავეთა ლაპარაკი, რომ ერთი ყუმბარა კარგი გამოდგა. მეორე—არა. ამ ყუმბარებს, არუთინოვისათვის მიჩენილი დარაჯი ცატურა ხაჩატუროვის, პეტროს სარქისოვის და საქმელის მიმწოდებელი არამ პეტროსოვის თქმით ამზადებდნენ თანამდებობის იმ პირთა წინააღმდეგ, რომლებიც ხელს უშლიდნენ კომიტეტს თავისუფლად მუშაობაში. შეღამებისას ხუმბებმა არუთინოვი მიიყვანეს „კომიტეტში“, რომლის სხდომა გამართული იყო სახლის ზემო სართულში. კრებაზე იყვნენ კომიტეტის წევრები „სებო“, „ავო“, „სიმონა“, „აბკარა“ და მარტიროს დანიელიანცი.

კომიტეტმა გამოაცხადა, რომ ის არის „კანონი და სამართალი და მისი წევრები შეადგენენ დაშნაკუტიუნის ორგანიზაციის აღმასრულებელ ორგანოს. კომიტეტმა ვალდებული გახადა არუთინოვი მოეყვანა სასამართლოში გაქცეული დანიელ აირაპეტოვი. წინააღმდეგ შემთხვევაში „კანონისა და წესდების“ ძალით არუთინოვს სიკვდილით დაემუქრენ.

არუთინოვი გაანთავისუფლეს იმ პირობით, რომ მას ბესრულეზია დაკისრებული ველდებულობა. არუთინოვმა კი, ყველაფერი, რაც იქ, ბაღდასაროვის სახლში ნახა უამბო თავის სიძეს დანიელ აირაპეტოვს, ამ უკანასკნელმა მოახსენა პოლიციას.

დანიელ აირაპეტოვის და აკობ არუთინოვის ჩვენებით ყუმბარების სახელოსნოში დაპატიმრებულთაგან მელიქ ოპანეზოვი როგორც მტირეწლოვანი ასრულებდა შიკრიკის მოვალეობას. ზოგჯერ ვაზნებს არიგებდა, დანარჩენი კი ხუმბების რაზმში მონაწილეობდნენ. ზემოდასახელებულ ხუმბთაგან ბენიამინ ოგაიანცი და გერასიმე ჯარიანცი იყვნენ რაზმის უფროსის თანაშემწენი. ამას გარდა ოგაიანცის სახლში ბინა ჰქონდა ათამდე ხუმბს. თვით ოგაიანცი თავისი უფროსის ყორღანოვის ახლობელი მრჩეველი იყო. არშაკ მურადოვი და ოპანეს დანილოვი რაზმში ათისთავებათ იყვნენ. გრიგოლ ავაკიანცი ფულის შემგროვებელი, დანარჩენი მებრძოლი რაზმის წე-

ვრები. ყველა ამათ კომიტეტისაგან მიღებული ჰქონდა ვინტოვკები და რევოლვერები.

დაპატიმრების დროს გერასიმე ჯარიანცს და ამკარ მიკირტიჩიანცს აღმოაჩნდა: პირველს—ჯიბეში ორი უბის წიგნი და ხუთი წერილი, უკანასკნელს—მაუზერის სისტემის რევოლვერი №47588—80 ვაზნით.

გამოძიების დროს მასალების განხილვიდან გამოიჩვენა, რომ ჯარიანცს; ჩამოერთვა შემდეგი დოკუმენტები: 1) იმ შკაფის გასაღები, სადაც ინახებოდა პირობითი ნიშნები იარაღისა—სამხედრო მასალის, რა სისტემისაა იარაღი და სხვ. ნიშნებს ქვეშ მოქცეული იყო ზარბაზნები და ყუმბარები; 2) დახაზული ქალაქი უჯრედებათ იმ პირთა ჩამოთვლით, რომლებიც მონაწილეობდნენ სამხედრო მებრძოლ რაზმში. ამ სიაში სხვათა შორის აღნიშნული იყო ჩამოთვლილ პირთა თანამდებობა, ის იარაღი, რომელიც მას ჰქონდა ჩაბარებული, იარაღის სისტემა და ის, თუ რა სახის იყო, აღნიშნული აღმოჩნდა პირობითი ნიშნით, რაც ეთანხმებოდა შკაფში აღმოჩენილ პირობითი ნიშნებს ამ სიაში მოხსენებული რევოლვერი № 47588, რომელიც აბკაჩ მიკირტიჩიანცს ჩამოერთვა; 3) ზემოაღნიშნულ შკაფის გასაღებთან ერთად შიფრით შედგენილი სია იარაღისა და სამხედრო მასალის; 4) წიგნაკი ხარჯების ჩაწერით: „ჯამაგირი ბიჭებისათვის (ребят) მივიღე“, „დამცველთა ჯგუფი“, „ახლად მიღებულ ბიჭებს“, „ჯაშუშის მოკვლისათვის“; 5) წიგნაკი, რომელშიაც შიფრით არის აღნიშნული ქალაქში 30,455 ბერდანკის ვაზნის ვაგზავნის შესახებ, 50 ვაზნის (მაუზერის რევოლვერისა) მიღების შესახებ და სახელობითი სია იარაღისა № № და სამხედრო მასალის რაოდენობისა, რაც თითოეულ აღნიშნულ პირს ხელთ აქვს.

1907 წლის იანვრის 15 ქ. ელისავეტპოლის თათრის ნაწილში შებყრობილ იქნა დანიელ აირაპეტოვის მიერ და გადაეცა ელისავეტპოლის გუბერნიაში მყოფ ტფ. საგუბ. ჟანდარმთა სამმართველოს უფროსის თანაშემწეს მარტიროს დანიელიანცი, რომელშიც აირაპეტოვმა, აკობ არუთინოვმა და მელიქ მიკირტუშოვმა იცნეს დაშნაკუტიუნის ელისავეტპოლის სამაზრო კომიტეტის თავმჯდომარეს თანაშემწე და მისი მოადგილე, როცა თავმჯდომარე სხვაგან მიდიოდა ქალაქიდან. დანიელიანცი მონაწილეობდა აღმასრულებელი კომიტეტის სხდომაზე, როდესაც ირჩეოდა არუთინოვის პასუხისმგებლობის საქმე აირაპეტოვის გაქცევის მოწყობაში. როტმისტრ ზასიპკინის მიერ მომხდარი ჩხრეკის დროს დანიელიანცის ბინაზე აღმოჩნდა: 1) ბლანკზე დაწერილი წერილი სათაურით: „მე კომიტეტი სომეხთა რევოლიუციონური კავშირისა 15 აპრილი 1906 წელი ნოვანგისტი“. „აიასტანის ამხანაგობისადმი“. ამ წერილში

სხვათა შორის ურჩევნ არ ისარგებლონ ძველი მისამართებით, განაც წერილებს ხსნიან. აქვე ჩამოთვლია ის კონსპირატიული მისამართები, სადაც უნდა გაიგზავნოს კორესპოდენციები; 2) სია იმ პირთა, რომელთაც ბრალდებოდა ყუმბარების შენახვა და რკინის გზის ჟანდარმთა პოლიციის თანამდებობის პირთა მოკვლის განზრახვა იმის აღნიშვნით, თუ რა მდგომარეობაშია თითოეულის საქმე; 3) წერილი სათაურით:—„25 ივნისი ვასგანაპატი, № 267, „აიასტანის ამხანაგობისადმი“, რომელშიაც „ჩოფური“ სთხოვს მათ არ გაგზავნონ მისი მისამართით წერილი, რადგანაც ის იქ არ იმყოფება. იქვე ნაჩვენებია სამი ახალი მისამართი. 4) ვოსკანის ხელწერილი 1906 წ. სექტემბრის 6-ს თარიღით, გაცემული ელისავეტპოლში „სამხედრო შტაბისათვის“ 240 მანეთის სავალდებულო გადახდის შესახებ 2 თოფისათვის; 5) წერილი სათაურით: „1906 წ. 30 ნოემბერი, ბაკუნს სთხოვს მორჩენ ახალგაზრდის საქმეს და ამის შესახებ აცნობონ წერილის ავტორს ან უშუალოდ სამარყანდის წევრს; ამ ნაირივე ხასიათისაა სხვა ნაწერიც.

გამოძიებაში აღმოჩენილ ცნობებიდან სჩანს, რომ წინასწარი გამოძიება ჟანდარმთა მოკვლის განზრახვის შესახებ დასრულებულია და გადაცემულია კავკასიის სამხედრო-საოლქო სასამართლოს პროკურორისადმი. ამ საქმეზე შემოჩამოთვლილ ხუმბებს გარდა ბრალი ედებათ კრიკორ, იგივე კერი, მარტიროს დავიდოვი, ვაგან, იგივე ბახში, ანდრიასოვ ვართაპეტოვი, არშაკ-მაცანოვ მურადოვი, კასპარ სეროპის ძე მარკარიანცი და ავაკ ამბარცუმის ძე ტერ-მატევისოვი.

3) საქმე „დაშნაკცუტიუნის“ პარტიის შუშის კომიტეტის შესახებ. საქმის ვითარება ასეთია:

1906 წ. თებერვლის 4-ს სოფ. გეში ეშხანის მცხოვრები ასრივე ბაბაევი გამოცხადდა ჯერ ყაზახთა პოლკის უფროს პოლკოვნიკ დირიულკინთან, შემდეგ შუშის მაზრის 1 ნაწილის ბოჭაულ პარტენენკოსთან და განაცხადა, რომ სოფ. ჯამიატში მოვიდნენ და გაჩერდნენ სოფლის მოსამართლის პოლოსოვის სახლში სომეხთა რევოლუციონერი პარტიის დაშნაკცუტიუნის წევრები გრიგორ ვართანინანცის მეთაურობით. ხალხს გადასახადს ახდევინებენ პარტიის სასარგებლოთ და როცა უარს ეუბნებიან ამაზე მათ, მცხოვრებთ აპატიმრებენ. ამის გამო მეორე დილით რევოლუციონერების შესაპყრობათ და დაპატიმრებულ პირთა გასანთავისუფლებლათ გაგზავნილ იქნა ერთი ასეული ყაზახი ხორუნეი ვარიევის მეთაურობით. ვარიევა მოახდინა ჩხრეკა, მაგრამ სახლში არავინ კერძო პირთაგანი არ აღმოუჩენია. სახლის პატრონმა პოლოსოვმა მოთხოვნაზე ეჩვენებია დაპატიმრებულნი განაცხადა, რომ მის სახლში ასეთები არ

შიობოვებიან. მაგრამ ეშხან ბაბაევის ჩვენებით გაჩხრეკილ იქნა სახლის ქვემო სართული, სადაც ერთ ოთახში, რომელსაც დარკინული ფანჯარა ჰქონდა, აღმოჩნდა დაპატიმრებული შუშის მაზრის სოფ. ემიშჩნის მცხოვრები მუსა დანილის ძე ბალასოვი. განთავისუფლებულმა მადლობა გადაუხადა რა განმათავისუფლებელთ განაცხადა, რომ კომიტეტის განკარგულებით იმავ დღეს მისთვის უნდა წაეჭრათ მარჯვენა ხელი და მეორე დღეს, თუ მის ხვედრ გადასახადს არ შეიტანდნენ—მარჯვენა ფეხიც და რომ გრიგორ ვარტანიანცი თვისი ამხანაგებითურთ კაზაკების გამოჩენისთანავე გაიქცა. გაჩხრეკის დროს პოლოსოვის თავლაში აღმოჩნდა ორი შეკაზმული ცხენი ჩანჭებით, სადაც აღმოჩნდა სამი გატენილი ყუმბარა, სამგზავრო საბელნე წითელი მელანის ქურჭელი და მამასახლისის თანაშემწის ჯაჭვი. ჩანთის მეორე ნაწილში—წითელი და შავი მელნით დაბეჭდილი სხვა და სხვა ბროშიურა სომხურ და რუსულ ენებზე.

გამოძიების დროს დაკითხულ იქნა მოწმე იშხან ბაბაევი, რომელმაც აჩვენა, რომ 1905 წლიდან, როცა შუშის მაზრაში დაიწყო სომეხ-თათართა შეტაკებები, სოფ. ჯამიათში გაჩნდნენ დაშნაკციუტუნის წევრები და დაარსეს ადგილობრივი კომიტეტი. ამ კომიტეტში სხვათა შორის შევიდნენ წევრებათ ჯამითის სოფლის მამასახლისი მიხეილ აირაპეტოვი და სოფლის მსაჯული ბახში პოლოსოვი, რომლის სახლშიაც მოწყობილ იქნა კანცელარია და იარაღის საწყობი.

კომიტეტის სხვა წევრებთან ერთად პოლოსოვი და აირაპეტოვი დადიოდნენ სოფლად და ხალხს ურჩევდნენ არ გაეგზავნათ ჯარში ახალგაზრდები, არ აესრულებიათ მთავრობის მოთხოვნილებები. ამასთან ისინი სოფლელთაგან ჰკრეფდნენ ფულს და ვინც უარს განაცხადებდა, აპატიმრებდნენ. ამას გარდა კომიტეტის ზოგიერთი წევრები ამზადებდნენ ასაფეთქებელ ნივთიერებათ, ასწავლიდნენ მცხოვრებთ სროლას. 1905 წლის აგვისტოდან 1906 წ. თებერვლამდე მას, ბაბაევს, კომიტეტმა გადაახდევინა სხვა და სხვა დროს 40 მანეთი. თებერვლის პირველ რიცხვებში მან ვერ შესძლო კომიტეტის ახალი მოთხოვნის 30 მანეთის გადახდის შესრულება, ამიტომ ის დაპატიმრებულ იქნა სოფ. ჯამიათის ციხეში, რომელიც კომიტეტს მოწყობილი ჰქონდა ბახში პოლოსოვის სახლში, მაგრამ სამი დღის შემდეგ განთავისუფლებულ იქნა, რომ ფულს მოიტანდა. ამით ისარგებლა ბაბაევმა და ყველაფერი ეს მოახსენა პოლკოვნიკ ბირიულკინს და ბოქაულ პარფენენკოს. ამავე საქმის გამო დაპატიმრებულ იქნა სოფ. ემიშჩნის მცხოვრებნი მიშა დანილის ძე ბალასოვი, კოდო მელ-

კუმიანცი, სამსონ მაკასანიანი, ტიგრან ბაგრატიანი და ალექსანდრიევი.

ბაბაევმა აჩვენა აგრეთვე, რომ მელიქ შახნაზაროვის და ვართანიანის უახლოეს თანამშრომლებათ დაშნაკუტიუნის პარტი-აში იყვნენ: სარქის საგიანი და ამისი ძმა, რომლის სახელი დაავიწყდა. კომიტეტის წევრი სარქის საგიანი—(ბოლოს თუჯის ჩამომსხმელი, ერთ-ერთ ქარხნის მუშა) დაშნაკუტიუნის პარტიისათვის ამზადებდა ყუმბარებს. ამისათვის ის ყოველ კომლიდან სოფლად ჰკრეფდა ფულსა და სპილენძის ჭურჭლეულობას. ბაბაევისაგანაც წაიღეს ერთი დიდი სპილენძის ქვაბი. კომიტეტის მეორე წევრი კრიკორ საგიანი სოფელში დადიოდა დროშით. დროშა წარმოადგენდა თეთრს ტილოს, რომელზედაც დახატული იყო კაცი ერთ ხელში ჯვარით, მეორეში—ხანჯალით. აღმართულ ჯვრის ქვეშ ჯვარედინათ გამოხატული იყო რევოლუციური და ხანჯალი. ადგილობრივ კომიტეტის წევრად მიღებულ პირთ დაშნაკუტიუნი აფიცებდა ამ დროშაზე.

4) საქმე მთავრობის საწინააღმდეგო საზოგადოების შესახებ, რომელიც შესდგა ელისავეტპოლის გუბ. არემის მაზრის ს. კაიაბაშვი.

საქმის ვითარება ასეთია: 1905 წლიდან არემის მაზრის ს. კაიაბაშვის მამასახლისი ტატევის ბადალოვი სოფლელებში პროპაგანდას ეწეოდა დაშნაკუტიუნის პარტიაში შესვლის შესახებ. ამ პროპაგანდას გასავალი არ ჰქონია. ამავე წლის ნოემბერში მასთან სახლში მივიდა ოთხი უცნობი სომეხი, რომელთა წინადადებით ზარის ჩამოკვრით მოწვეულ იქნენ ეკლესიის გალავანში კაიაბაშვილები. აქ მოსულმა სომეხებმა განუცხადეს ხალხს, რომ დადგა დრო, როცა სომხის ხალხმა თვით უნდა უპატრონოს თავის თავს, რომ რუსი მეფე და მთავრობა აღარ არსებობენ და რუსეთში მცხოვრებმა ყველა ერებმა უკვე შემოიღეს საკუთარი მართველობაო. რომ ისინი (მოსულნი) როგორც დაშნაკუტიუნის წარმომადგენელი სოფლის სათავეში აყენებენ კომიტეტს, რომელმაც უნდა გასწიოს სასამართლოს, ადმინისტრაციის, პოლიციის მართველობა; ამ კომიტეტის ხელში იქნება სასოფლო ყოველგვარი ძალა-უფლება. კომიტეტის წევრებათ მათ დანიშნეს მამასახლისი ბადალოვი, მისი ძმა პატეკან ბადალოვი, სოფლის მწერალი არშაკ მურადოვი და სტეფანე დუნუქხლოვი. აქვე ეკლესიის გალავანში დააფიცეს მცხოვრებნი კომიტეტის ერთგულებაზე, დაფიცულთ უნდა ემთხვიათ რაღაც ქალაქის, ხანჯალის და რევოლუციისათვის. ზოგიერთი ხანში შესული პირები შეეცადნენ

გაფიცვაზე უარის თქმა, მაგრამ ძალით შერეკეს გალაგანში, სცემეს მათ, დააჯარიმეს და სხვ. თავისი მოღვაწეობა კომიტეტმა იმით დაიწყო, რომ მოითხოვა 1905 წლის ხვედრში ყოველგვარი გადასახადების გადახდა. გადასახადის შეკრების დროს თათეოს ბადალოვი და მისი ამხანაგები სცემდნენ ხალხს, აპატიმრებდნენ, თუ გადასახადის შეტანა დაგვიანებული იყო. როცა გადასახადი შეკრიბეს, კომიტეტმა მოსთხოვა გლეხებს, გაეღოთ კომიტეტისათვის თითოეულს განსაზღვრული რაოდენობის ხორბალი, ამის შემდეგ კომიტეტმა კაბაშინელებს ფულად გადაახდევინა 3—200 მანეთამდე, იმის მიხედვით ვინ რა შეძლებისა იყო. შეკითხვაზე, თუ რას ხმარდებოდა შეკრებილი ფული, კომიტეტის წევრები უპასუხებდნენ დაპატიმრებით, დაჯარიმებით და ვინც კიდევ განატრდობდა უკმაყოფილების გამოთქმას, იმას სიკვდილით ემუქრებოდნენ. გაზაფხულზე ბოჭაულმა მამასახლისებმა მოსთხოვა გადასახადის ხაზინაში შეტანა. რომ მეორეჯერ არ გადაეხადა ხალხს ერთი და იგივე გადასახადი, საიდუმლოთ (კომიტეტს რომ არ გაეგო) გაგზავნილ იქნენ მაზრის უფროსთან ოვანეს ბაგდასაროვი, ჯავათ ტუნიევი, აკობ მუგდუსი ნიკოგოსოვი და ზახარ კრიკოროვი. მათ მოახსენეს მაზრის უფროსს, რომ გადასახადი უკვე აკრებილია მამასახლის ბადალოვის მიერ და ამ უკანასკნელთან ინახებაო. მაშინ მაზრის უფროსმა აიძულა ბადალოვი შეეტანა ხაზინაში 3000 მანეთი. ოვანეს ბაგდასაროვმა და სხვა დეპუტატებმა, რომელთაც მაზრის უფროსს მოახსენეს გადასახადების შესახებ, კომიტეტისაგან წერილი მიიღეს, სადაც კომიტეტი მოსთხოვდა 15 დღის განმავლობაში შეეცნოთ კომიტეტის საღარო. ამის გამო ბაგდასაროვმა და სხვებმა საჩივარი მიართვეს გენერალ გუბერნატორს, რომლის განკარგულებითაც ტატევის ბადალოვი, არშაკ მურადოვი და სტეფან დანახკულოვი შეპყრობილ იქნენ. პატეკან ბადალოვმა კი დამალვა მოასწრო.

5) ამ ნაირივე საქმე ჰნჩაკის პარტიის წევრის აბკარ პეტროსოვის შესახებ აღიძრა ელისავეტპოლის გუბერნ. ზანგეზურის მაზრაში.

1906 წლის შემოდგომაზე ზანგეზურის მაზრ. ს. შინგერში მოვიდა ამავე სოფლის მცხოვრები აბკარ პეტროსოვი, რომელიც დიდ ხანს სცხოვრობდა ბაქოში. სოფელელთა შეკითხვაზე უპასუხა, რომ გამოგზავნილი იყო ბაქოს სომხური სოც. დემ პარტიის ჰნჩაკის მიერ მომუშავე პირთა გამოსაცვლელად და სოფლის მართვა-გამგეობის ხელში ჩასაგდებათ. ხაჩატურ აღამალოვის სახლში მან მოაწყო კანცელარია, გარს შემოიკრიბა საიდანლაც მოსული ზინვორები, რომელნიც კარგათ იყვნენ შეიარაღებულნი. პეტროსოვი მოითხოვდა ჰნჩაკის პარტიის სახელით სოფელელთაგან სრულ მორჩილებას. ამბობდა:—მე ვარ თქვენი მეფე და მთავრობაო. პეტროსოვმა ისე დაა-

შინა მცხოვრებნი, რომ ვერავინ ბედავდა მიემართა მთავრობის დაწესებულებისათვის. მან ხელთ იგდო სასამართლო და ადმინისტრაციული ხელისუფლება, სწყვეტდა სადაო საქმეებს თვითონ და განაჩენი სისრულეში მოჰყავდა დასახელებული ზინვორების საშუალებით. კანცელარიაში შეკრებილ სოფლელთ პეტროსოვი უკითხავდა დაბეჭდილ ფურცლებს, თუმცა წაკითხულის მსმენელთ ცოტა გაეგებოდათ, მაგრამ ლაპარაკი იყო ახალი წესების შემოღებაზე. ამ საქმეში პეტროსოვს წინააღმდეგობას უწევდენ სოფლის მამასახლისი აირაპეტ შირინოვი, მღვდ. ტერ სტეპან მამიანიცი და ზოჰრამ გალუსტოვი. პეტროსოვმა ამათ გადაუწყვიტა სიკვდილით დასჯა, რაც შირინოვის შესახებ მოყვანილ იქნა სისრულეში. ის მოჰკლა ერთ-ერთმა ზინვორმა 1906 წ. დეკემბრის 28-ს.

1907 წლის აპრილში ალექსანდროპოლის მაზრის დ. კარაკლისში ძმ. ევოიანცის სახლში აღმოჩენილ იქნა იარაღის და ასაფეთქებელ ნივთიერებათა საწყობი. (4 ვინტოვკა, 8 რევოლვერი, 4 გირვანქა დინამიტი, 22 ბიკფორდის ზონარი, 129 კასული, ასაფეთქებელი ვერცხლის წყალი, 35 ფუთი თოფისა და რევოლვერების ვაზნა, 45 ფუთი ვინტოვკის ტყვია, 30 გირ. უკვამლო და 55 ფუთი თოფის წამალი (შავი). როგორც სჩანს ამ სოფელში არსებობდა დაშნაკუტიუნის კომიტეტი, რის საბუთებსაც იძლევა ჩხრეკის დროს აღმოჩენილი კონსპირატიული და შიფრით მიწერ-მოწერა.

დაშნაკუტიუნის შესახებ შეგროვილი მასალებიდან სჩანს, რომ ეს პარტია ენერგიულ რევოლუციონურ და ტერორისტულ მუშაობას აწარმოებდა 1904 წლის დასაწყისიდან. არ ვეხებით რა იმას დაწვრილებით, თუ როგორი ორგანიზაცია აქვს მოწობილი ამ პარტიას. საჭიროა აღინიშნოს ამ პარტიის პროგრამიდან ერთი ძირითადი მხარე. სხვა რევოლუციონურ პარტიისაგან დაშნაკუტიუნი განსხვავდება თავისი ნაციონალური სახით. ამ პარტიის დაარსება 1890 წელს გამოწვეული იყო იმ აზრით, რომ მას ებრძოლა სომეხთა განთავისუფლებისათვის ოსმალეთში. ამ მიმართულებით მუშაობდა 1900 წ. 1897 წლის ივნისის 21-ს და 1903 წლის 12 ივნისს რუსეთში გამოიცა კანონი, რომლითაც სასკოლო და საეკლესიო ქონების საკითხებში სომეხთა უფლებები შეკვეცილი იყო. ამის საპასუხოდ 1904 წლის დასაწყისში დაშნაკუტიუნის პარტიის საერთო კრება აღიარებს რა აუცილებლათ რევოლუციონურ მოძრაობაში მონაწილეობას კავკასიაში, ადგენს აწარმოვოს ბრძოლა ჯერ-ჯერობით თავდაცვის ნიადაგზე. ეს თავდაცვა გამოიხატა მთელს რიგ ტერორისტულ აქტებში თანამდებობის პირთა წინააღმდეგ, რომელთაც მათი აზრით ზარალი მოჰქონდათ სომეხთა საქმისათვის. მაგრამ შედგა რა ამ ნიადაგზე პარტია დაშნაკუტიუნი, მას არ შეეძლო დაკმაყოფილებულიყო

მხოლოდ სახელმწიფო ხელისუფლების აგენტების მოკვლით. თვით სომეხთა „ნაციონალური“ იდეის დაცვა უკარნახებდა ამ პარტიას მოქმედების ფუნქციათა გაფართოებას, რადგანაც იმ პარტიისათვის, რომელსაც მიზნად აქვს დასახული ნაციონალური ინტერესების დაცვა, ცხადია, ის წინააღმდეგობას გაუწევდა ყველას ვინც არ უნდა ყოფილიყო ეს. ამიტომ პარტიას საჭიროდ მიაჩნია ჩაერიოს კერძო პირთა დამოკიდებულებაში, უკეთეს სომხის ინტერესი შელახულია. ამის საუკეთესო მაგალითს წარმოადგენს ელისავეტპოლის მაზრაში კოლონისტ გერრის მოკვლა. 1904 წ. დეკემბრის 19-ს მოჰკლეს ხარკის ამკრეფი ინსპექტორი შჩერბაკოვი. ამ მკვლელობის მოტივი ის იყო, რომ შჩერბაკოვი „მაენე, უზრდელი და მექრთამეა“. რაიმე პოლიტიკური სარჩული ამ მკვლელობას არ ჰქონია. 1904 წ. ოქტომბრის 20-ს შუშის მაზრის უფროსის თანაშემწეს პარტიამ წერილი გაუგზავნა, აფრთხილებდა—მოგკლავთო, რადგანაც ხელმძღვანელობ „არა კანონით, არამედ—თვითნებით“.

როგორც სჩანს, მცხოვრებთა იმ ნაწილისთვის, რომელიც თანაუგრძნობდა რევოლუციონურ მოძრაობას, დაშნაკუტიუნის ამნაირი ჩარევა კერძო პირთა თუ ჯგუფთა მოქმედებაში ხელსაყრელი იყო. ეს გამოაშკარავდა შემდეგი მაგალითიდან. 1909 წლის მარტის 6-ს ბაქოს საბარგო სადგურზე უცნობმა ბოროტ-მომქმედმა მოჰკლა მოიჯარადრის რწმუნებული (ბარგის დამცველი) სარდარ არუთინოვი. მოკლულს ჯიბეში აღმოაჩნდა: 1) ბარათი რუსულად დაწერილი ბაქოს გრადონაჰალნიკისადმი 1909 წ. 22 თებერვლის თარიღით, სადაც მოკლული აცხადებდა, რომ უკეთეს მას მოჰკლავდენ, ამაში დამნაშავე იქნებოდა ბაქოს სადგურის დარაჯთა უფროსი თევდოროს ტერ დანიელიანცი, 2) რამდენიმე ბარათი სომხურ ენაზე, რომელთა შორის ერთი „დაშნაკუტიუნის პარტიის გამომძიებელისადმი“. ამ წერილში მოკლული არუთინოვი თავს იმართლებს რაღაც ბრალდებაში და ბრალს სდებს ტერ-დანიელიანცს. ამ უკანასკნელს უკავია სადგურზე თანამდებობა, შეეძლო კი დაეთმო ერთ ერთი თანამდებობა რომელიმე უმუშევრისათვის. ასეთი მოქმედება თქვენი პროგრამის წინააღმდეგ ლაპარაკობსო. ის ემუქრებოდა დარაჯებს დაშნაკუტიუნის სახელით, რაც შეიტყო მთავრობამ და არუთინოვმა ძლივს მოაწესრიგა საქმე და სხვ. ამ წერილებში არის ერთი წერილი, სადაც ნათქვამია, რომ გამომძიება დასრულებულია, განაჩენი ხვალ გამოცხადდება (პარასკევს), რის გამო წინადადებას აძლევს ბაქოდან ნუ წავლენ. ამის გამო გაჩხრეკილ იქნა თევდოროს დანიელიანცი. სხვადასხვა წერილებს შორის აღმოჩნდა ერთი ბარათი სომხურ ენაზე—მუშების განცხადება დაშნაკუტიუნის სახელზე, რათა მათში მოქმობილიყო არტელი.

ამ საქმიდან სჩანს, რომ 1) სარდარ არუთინოვს და ტერ-დანი-ელიანცს რაღაც სადაო საქმე ჰქონიათ და ეს დავა გადასაწყვეტად გადაუციათ „დაშნაკუტიუნისათვის“ 2) რომ დაშნაკუტიუნი რა-ღაცაში ბრალს სდებდა არუთინოვს, რის გამოც ეს უკანასკნელი სა-ჭიროდ სთვლიდა თავი ემართლებია ამ პარტიის გამოძიებელის წინა-შე, 3) რომ ბაქოს სადგურის მუშებმა საჭიროდ დაინახეს რა არტე-ლის შედგენა, საქმის მოსაგვარებლათ მიმართეს „დაშნაკუტიუნს“.

ამ ნაირათ, როგორც სჩანს, დაშნაკუტიუნმა დიდი გავლენა მოიპოვა სომეხთა მოსახლეობაში ანუ ყოველ შემთხვევაში, მცხოვ-რებთა იმ ნაწილში, რომელიც უფრო ახლოს სდგას ახლანდელ მოძ-რაობასთან, ე. ი. მუშათა მასასთან.

1904—5 წელში დაწყებულმა სომეხ-თათართა ჟღეტამ კიდევ უფრო გაამაგრა ეს პარტია. პარტიის პროგრამით დაწვრილებით და უოველმხრით არის განსაზღვრული კომიტეტის მოქმედებათა ასა-რეზი (თვით სიტყვა დაშნაკუტიუნი ნიშნავს „კომიტეტთა კავ-შირს“.) კომიტეტის განკარგულებაში სამხედრო ორგანიზაციაა, რომელიც შესდგება „ზინვორებისა“ ანუ ხუმბებისაგან. სომეხ-თათარ-თა შეტაკების დროს დაშნაკუტიუნი თავისი ზინვორებით გამოვი-და როგორც სომეხი ხალხის დამცველი თათრებისაგან. ასე რომ სო-მეხი მოსახლეობის ცხოვრებაში ნელ-ნელა ადგილს იკავებს ისეთი ფაქტორი, რომელიც მის ინტერესებს ემსახურება განსაკუთრებით იმ დროს, როცა მდგომარეობა ამ ხალხის საწინააღმდეგო იქმნება. ოსმალების წინააღმდეგ ბრძოლა, ეს იყო პარტიის ძირითადი ამოცა-ნა; ბრძოლა ჩამორთმეული საეკლესიო ქონებისთვის; სომეხ-თათარ-თა უთანხმოებანი—აი რა ასულდგმულელებდა დაშნაკუტიუნს, აი რის მიზეზით იყო მისკენ სომეხების თანაგრძობა საერთოდ. როცა გაუქ-მებულ იქნა 1903 წლის 12 ივნისის კანონი, როცა შესწყდა სომეხ-თათართა ჟღეტა—სომეხობამ საერთოდ იგრძნო, რომ დაშნაკუტიუ-ნის მოქმედებისთვის ნიადაგი აღარ იყო. სამწუხაროდ ტფილისის სსსამართლო პალატის ოქმთა მიხედვით ძნელია იმ დასკვნის გამოტა-ნა, როგორ უყურებდა მთელი სომეხობა და არა მარტო მისი პროლე-ტარიატი, თვის რევოლიუციონურ ორგანოს 1905 წელს აგვისტოს 1-ს უმაღლესად გამოცემულ უქაზის შემდეგ. საქმეები „დაშნაკუ-ტიუნის შესახებ გადაცემული აქვს ნოვოჩერკასკის სასამართლო პა-ლატას, მაგრამ იმ საქმეთა მიხედვით, რომლებიც გაარჩია ტფ. სასა-მართლო პალატამ სჩანს, რომ დაშნაკუტიუნის პარტია მძიმე ტვი-რთად აწევს სომეხის ხალხს.

ტფილისის სასამართლო პალატის მიერ გარჩეული საქმეები დაშნაკუტიუნის შესახებ, მათ შორის, ელისავეტპოლის კომიტეტის საქმეც დაიწყო იმ სომეხთა საჩივარის გამო, რომელთა წინააღმდეგაც

მიმართული იყო დაშნაკუტიუნის რეპრესიები. ტფილისის სასამართლო პალატაში შემოსულ ლევოიანცის საქმიდან სჩანს, რომ სომეხთა შორის გაჩნდა ახალი „პროგრესიულ-დემორატიული“ პარტია, რომლის პროგრამა ეთანხმება უფლებრივი წესრიგის პარტიას.

ელისავეტპოლის და ერევნის გუბერნიებში მომხდარი ტერორისტული აქტები უმთავრესად მიმართული იყო იმათ წინააღმდეგ, ვინც ეწინააღმდეგებოდა სომეხთა რევოლუციონურ პარტიებს ან მხურვალე მონაწილეობას ლებულობდა 1903 წ. 12 ივნისის კანონის ცხოვრებაში გასატარებლათ. ჩამოთვლილ მკვლელობათა გარდა საჭიროა მოვიხსენიოთ მკვლელობა ქუთაისის დროებით გენ. გუბერნატორისა ქ. ალექსანდროპოლში 1907 წ. ივლისის 23-ს მაძებარი პოლიციის აგენტის ლოლაძის მოკვლა ელისავეტპოლში; 1908 წლის აპრილის 7-ს ელისავეტპოლის მაზრის უფროსის ავალიანის მოკვლა, რომელიც მოკვლის წინ მუქარის წერილებს ლებულობდა დაშნაკუტიუნისაგან, რათა თავი დაენებებია სამარცხვინო მუშაობისათვის.

ისეთი მკვლელობა, რომელშიაც ბრალი ედება მუსულმანებს, სულ მომხდარა სამი: მამასახლისი აბრამოვის მკვლელობა, 1905 წ., ჯეჯვანშირის მაზრის უფროსის ფლეგმინსკისა (1906 წ.) და კლემჩინსკისა (1907 წ.).

ტფილისის სასამართლო პალატაში მუსულმანთა შესახებ საქმეები სრულებით არ მოიპოვება. მხოლოდ 1907 წელს შემოვიდა საქმე შუშის მაზრის მემამულის საფარალიბეკოვის მკვლელობის შესახებ 1907 წ. დეკემბერში. როგორც გამოირკვა, მკვლელობა მომხდარა მუსულმანთა ორგანიზაციის „დიფაი“-ს (თავდაცვა) განაჩენით. როგორც ამ პარტიის სახელწოდებიდან სჩანს და აგრეთვე საქმეებში ჩაკრებულ „კავკ. მუსულმანთა თავდაცვის კომიტეტის“ პროკლამაციებისა და წიგნებიდან, სათაურით „ყარაბახის მეჯლისი“, რომელიც აღმოაჩნდა საფარალიბეკოვის მკვლელთ, „დიფაი“ დაარსებულია სომეხთა ფედერაციის დაშნაკუტიუნის საწინააღმდეგოთ. ამ ორგანიზაციის მიზანია შეაკავშიროს მთელი კავკასიის მუსულმანობა სომეხების წინააღმდეგ, რომელთა (სომეხების) მიზანია: 1) მუსულმანებით დასახლებულ მიწა-წყლის ხელში ჩაგდება; 2) ნივთიერათ დამონაგება მუსულმანებისა, რასაც თითქოს ხელს უწყობდეს რუსეთის მთავრობაც. „დიფაი“ ებრძვის არა მარტო გარეშე მტრებს, არამედ ის, სჯის შინაურ მტრებსაც—სახალხო საქმის მოღალატე მუსულმანებს. (მუსულმან ინტელიგანციის უღირს წარმომადგენლებს—„ხალხის ხელმძღვანელთ“ და სამღვდლოებასაც კი). პარტიის პროგრამა შეიცავს ბრძოლას სამი მტრის წინააღმდეგ: 1) სომეხების წინააღმდეგ, რომლებიც განწყობილნი არიან აგრესიულად და შეაკავშირე-



ბულნი (მაგრამ არავითარ შემთხვევაში მშვიდობის მოყვარე სომხებთან) 2) რუსეთის მთავრობასთან და 3) იმ მოლაღატე მუსულმანთა წინააღმდეგ, რომლებიც სახალხო საქმეს ხელს უშლიან. პროგრამა მოუწოდებს მუსულმანებს იარაღით ხელში საკადრისი პასუხი გასცენ მტრებს და ამასთანავე ჩამოთვლის მთელ რიგ რეფორმებს, რომელთა გატარება ცხოვრებაში დააწინაურებდა კავკასიის მუსულმანობას პოლიტიკურად და ნივთიერად. პროგრამაში ნათქვამია, რომ რადგანაც კავკასიის მუსულმანების ჩამორჩენილობის მიზეზია უცილობა და სიღარიბე ხალხის მასებისა, რაც აძლიერებს სომეხთათრთა უთანხმოებას; პროგრამაში ამის გამო არის მოწოდება მუსულმანთა შეძლებულ კლასებისადმი, რათა მათ წვლილი გაიღონ ხალხის სასარგებლოდ და იმუშაონ საზოგადოებრივ თვითმარველობის ასპარეზზე. დასახელებული პროგრამის ასრულება შეეძლო მთელი კავკასიის მუსულმან მცხოვრებთა მიერ არჩეულ „ცენტრალურ მეჯლისს“ ამ შემთხვევაში ყარაბახისას ქალ. შუშაში (ჯევენშირის, კარიაგინის და შუშის მაზრებისათვის, ელისავეტკ. გუბ.). დამოუკიდებლათ ყარაბაღის კომიტეტისა: (მეჯლისი) მაზრებში უნდა მოეწყოს სარაიონო კომისიები (იგივე მეჯლისები), რომლებიც უნდა შევსებულ იქნას ადგილობრივი ინტელიგენტი პირებით. შემდეგ პროგრამა დაწვრილებით განსაზღვრავს რა მუსულმანთა როგორც კერძო, ისე საზოგადოებრივ ცხოვრებას, მომხრეა რადიკალური რეფორმების მოხდენისა რელიგიის სფეროშიაც კი (პროგრამა თითქოს ჰგმობს იმ უთანხმოებას, რომელიც არსებობს სუნიტებსა და შიიტებს შორის). ვინც არ დაეთანხმება პარტიის გადაწყვეტილებას, მას ემუქრებიან გასამართლებით შარიატის წესით და „კანონიერ ხელისუფლების“ საშუალებით. მეჯლისისა და ადგილობრივ საზოგადოების ვალია თავიდან ააცილონ მუსულმანობას ყოველგვარი უთანხმოება ერთმანეთის შორის, როგორც მაგალითად სისხლის აღება და სხვ. საინტერესოა პროგრამის შემდეგი მუხლი, რომელიც განსაზღვრავს მუსულმანთა დამოკიდებულებას მთავრობასთან და არა მუსულმან მცხოვრებთან. ა) მეჯლისის წევრებმა ადგილობრივ საზოგადოებისაგან უნდა აირჩიონ ისეთი პირები, რომელთაც უნდა თვალყური ადევნონ მთავრობას მოქმედებას და საქმეების მიხედვით უნდა აღძრან საჩივარი საზოგადოებრივი ხასიათის საქმეთა გამო“. (მუხ. 12); ბ) ყველა იმ პირებმა, რომელნიც სანამ მთავრობის ორგანოებს მიმართავენ, წინასწარ რჩევისათვის უნდა მიმართონ მეჯლისის წევრებს, მათვე ევალეზათ აცნობონ მეჯლისს მთავრობის ორგანოთა მიერ გამოტანილი განაჩენი ამა თუ იმ საქმეზე. (მუხ. 13). „მეჯლისის წევრებმა უნდა იზრუნონ იმ თანხის შეკრებაზე, რომელსაც მთავრობა ჯარიმად დაადებს მცხოვრებთ (მუხ. 8); გ) ის

პირნი, რომელნიც ხელს უწყობენ სომეხ-თათართა უთანხმოების გაღრმავებას, უნდა სასტიკად დაისაჯონ და განდევნილ იქნენ ქალაქიდან (მუხ. 20). ამის შესახებ გამოცემულ პროკლამაციაში შემდეგია ნათქვამი: „ჩვენ სრულიადაც არ ვფიქრობთ რომელიმე ერის კანონიერი უფლების ფეხ ქვეშ გათელვას, მისი პატივისა და თავისუფლების შეზღუდვას. არა და არა. ჩვენი პარტიის უმთავრესი მიზანია— დავამყაროთ გულწრფელი ძმობა და ერთობა სხვა დასხვა ერთა შორის“; დ) ვინც სიტყვიერად, წერილობით უღალატებს მუსულმანურ პარტიას, ის იქნება ერის მოღალატე და სასტიკად იქნება დასჯილი“; (მუხ. 21); სასამართლოს წესით გადახდილ თანხაზე უნდა დაჭერილ იქნას ღარიბების სასარგებლოთ 5 პროცენტი, სარჩიელზე—15 პროც. (მუხ. 22); „მუსულმანთა საქმეების შესახებ გაწვეულ მოწმეებმა რჩევა-ღარიბებისათვის წინასწარ უნდა მიმართონ მეჯლისს და შემდეგ უნდა მისცენ სწორი ჩვენება; ის პირი, რომელიც მეგობრობით, მტრობით ან ანგარებით ყურანზე დაფიცებით ყალბ ჩვენებას მისცემს, რომელიც აშკარა საზარალო იქნება მუსულმანისათვის და კანონის საწინააღმდეგო, დაისჯება სასტიკად და გადახდება ჯარიმა. გამონაკლისი ისეთ შემთხვევაში შეიძლება დაშვებულ იქნას იმათთვის, ვინც იძულებული იქნება მისცეს ჩვენება მეჯლისის წინასწარი ნებართვის მიუღებლათ (მუხ. 24). ვ) ყოველ მუსულმანი ვალდებულია თავისი სადავო საქმე გასარჩევად გადასცეს მეჯლისს, ვინც ამას არ დაემორჩილება დაისჯება და ჯარიმა გადახდება (მუხ. 48). მეჯლისის მიერ გამოტანილი განაჩენის სააპელაციო ინსტანციად ითვლება ცენტრალური მეჯლისი, რომლის გადაწყვეტილება უნდა სისრულეში იქნას მოყვანილი; შესაძლებელია გასაჩივრება განსაკუთრებულ მეჯლისში, რომელიც უნდა შედგენილ იქნას „საზოგადოების კეთილ მოაზროვნე პირთაგან“ და მეჯლისის ერთი წევრისაგან. (მუხ. 49); ზ) არც ერთს მუსულმანს მეჯლისის ნებადაურთველად არ აქვს უფლება იყოს ამრჩეველი ან არჩეული ქალაქის საბჭოს ხმონად.

ამ საქმეზე პალატაში მიცემული იყო 11 კაცი, რომელთაგან სამი გამართლებულ იქნა, 8—დამნაშავეთ იქნა ცნობილი და მიესაჯა—3-ს—2 წლის ციხე, 3-ს—1 წლის და 2-ს—8 თვის ციხე.

მოძრაობა ბაქოში

ბაქოს გუბერნიაში და დაღესტანის ოლქში (ბაქოს საოლქო სასამართლოს რაიონი) პოლიტიკურ დანაშაულობათ და ტერორისტულ აქტებს ადგილი ჰქონდა უმთავრესად ბაქოში და მის სამრეწველოებში. როგორც სავაჭრო და სამრეწველო ქალაქი ბაქო და მისი წარმოებები საუკეთესო ნიადაგს წარმოადგენენ სოციალისტური და რევო-

ლიუციონური იდეების გასავრცელებლათ. მხოლოდ ის, რომ აქ თავმოყრილია 50 ათასზე მეტი მუშა, რომელთა უმრავლესობა შეგნებულათ დგას პროლეტარიატის რიგებში, როგორც საკუთრებისა და კაპიტალის წინააღმდეგ მებრძოლი, აშკარა მაჩვენებელია იმისი, თუ როგორ ნაყოფიერ ნიადაგს წარმოადგენს ბაქო და მისი რაიონები რევოლიუციონური იდეების გასავრცელებლათ. კაპიტალის წინააღმდეგ ბრძოლა ისე ესმის უმრავლესობას, როგორც თავისუფალი უფლება პროლეტარიატისა წაართვას მდიდარს ქონება. ამასთან, სადაც ქადაგობენ ბრძოლის საჭიროებას კაპიტალისა და საკუთრების წინააღმდეგ ძნელია ისეთი ხაზის გავლება, რომელიც გაანსხვავებდა იდეურ ბრძოლას უბრალო ძარცვა-გლეჯისაგან. სრულ აღვირ-წახსნილობას ხელს უწყობს აგრეთვე წართმევა-წაგლეჯის პროპაგანდა, რომლითაც პრეულობის წლებში გამოდიოდნენ რევოლიუციონური შოძრაობის წარმომადგენლები. ამ იდეებით ისარგებლეს ყველა დამნაშავე ელემენტებმა და შეუდგენ სრულიად აშკარად იმის გაკეთებას, რის გაკეთებაც ძველად შეუძლებელი იყო ყველას დასანახად. ამიტომ ბაქო დიდი ხანია გადაიქცა დღისით, ყველას დასანახად, შეიარაღებული თავდასხმა-ძარცვის ასპარეზად. რევოლიუციონური აგიტატორების მუშაობა მიმდინარეობს საღლაც დაფარულ ალაგას და ის თავს იჩენს მთავრობის საწინააღმდეგო პროკლამაციების გამოცემაში, მის შენახვაში, სხვადასხვა კავშირებში. სტამბების მოწყობაში, გარეგნულად კი ყველაფერი ეს გამოიხატებოდა ძარცვა-გლეჯაში და ყაჩაღობაში. ბაქოში არსებულ რევოლიუციონურ ორგანიზაციათა დამახასიათებელია ერთი მიზანი—ფულების მუქარით მიღება სხვადასხვა პირთაგან. თუ ამაში უარს ეტყვიან, რევოლიუციონერები მიმართავენ ყუმბარებს და უკანასკნელ ხანებში შემოიღეს „ტყვედ წაყვანაც“ და თუ მთავრობის მოხელეები ამას წინააღმდეგობას გაუწევენ, მათ ჰკლავენ. იმ შემთხვევაში, როცა აღმოჩენილი ყოფილა სადმე რევოლიუციონური ხასიათის მიმომეწრა, მეტ წილად იქ ყოფილა დამზადებული წერილები ამა თუ იმ პირისადმი ფულის მოთხოვნით და აგრეთვე ცნობა იმის შესახებ, თუ ვისგან რამდენი მიუღიათ. ამის ბუნებრივი შედეგი ისაა, რომ იმ დროს, როცა მთელს რუსეთში შედარებით სიწყნარება, მუდმივი ძარცვა-გლეჯის გამო ბაქოში ცხოვრება აუტანელი გახდა. ერთის მხრით მრავალრიცხოვანი მუშათა კლასი, დაფანტული სხვადასხვა რაიონებში, მეორეს მხრით დიდძალი ხალხი, რომელნიც მხოლოდ ძარცვა-გლეჯას აწარმოებდნენ რევოლიუციონური ორგანიზაციების სახელით,—ეს ისეთი მოვლენაა, რასაც ადგილი არ აქვს არსად რუსეთში. აი ამით აიხსნება, რომ არსად რუსეთში არ მოიპოვება იმოდენა ორგანიზაციები არც ნამდვილი, არც ცრუ-რევოლიუციონური, რამდენიც ბაქოში და მის რაიონ-

ნებშია. საქმეთა გარჩევის დროს აღმოჩნდა შემდეგი პარტიები: „ბაქოს კომიტეტი კავკასიის სოციალ-დემოკრატიულ მუშათა პარტიისა“, „რ. ს. დ. რ. პ. ბაქოს მუშათა კავშირი“, „ინკერი“, „ბანგორი“ „მურადი“ (ეს სამი უკანასკნელი ჯგუფი წინად პარტია „ჰნჩაკის“ ფრაქციას წარმოადგენდნენ, შემდეგ ყველანი შეერთდნენ „ჰნჩაკისტების სოც. დემ. ორგანიზაციის ბაქოს კომიტეტში“; რ. ს. დ. მ. პ. ბაქოს მუშათა კავშირი—1) ბელოგოროდის, 2) ბალახანის, 3) ზიბი-ეი-ბათის, 4) შავი ქალაქის, 5) ზღვისა—ყველა რაიონები რ. ს. დ. მ. პ. ბაქოს ორგანიზაციისა, ბალახანის ჯგუფი ანარქისტ-კომუნისტებისა „ბუნდი“, რ. ს. დ. მ. პ. ბაქოს ორგანიზაციის მებრძოლი რაზმის შტაბი, მუსულმან. სოც. დემ. ჯგუფი „გუმეტი“, ჯგუფი ბაქოს ანარქისტ-კომუნისტთა და ასეთივე ჯგუფი სახელწოდებით—„მიწა და თავისუფლება“, რ. ს. დ. მ. პ. ბაქოს მოწაფეთა ორგანიზაცია, დაშნაკუტიუნის ბაქოს ორგანიზაცია. არსებობდა აგრეთვე სპეციალური ფრაქცია: სოც. დემ. ყუმბარის მსროლელთა ჯგუფი; უკანასკნელ ხანებში მიემბატა კიდევ სამი ფრაქცია ანარქისტ-კომუნისტებისა—„წითელი ასული“, „წითელი დროშა“ და „ჩორნი ვორონ“, რომელთა მიერ გამოცემული პროკლამაციები შედგენილია წერაკითხვის არ მცოდნისა, სადაც უსირცხვილოდ ნათქვამია, რომ მათი პირდაპირი დანიშნულებაა იმ პარტიებთან ბრძოლა, რომლებიც გამოდიან პოლიტიკური სარჩულით. ნამდვილად კი ავაზაკური ორგანიზაციებია. ადმინისტრაცია მაინც ახერხებს ამათ დაქერას. ასე მაგ. 1907 წელს შეპყრობილ იქნენ „ანარქისტ-კომუნისტების“ წევრები, 1908 წლის 26 ივნისს აღმოჩენილ იქნა ბინა და შეპყრობილი ანარქისტ-კომუნისტების მფრინავი პარტია „ჩორნი ვორონი“, რომელმაც 1908 წლის 16 ივლისს ტფილისში მოჰკლა აველ შადინოვი.

1908 წლის 11 აგვისტოს შეპყრობილ იქნენ „წითელი დროშის“ პარტიის მონაწილენი და იმავე წლის დეკემბრის 16—ს ორგანიზაცია „წითელი ასული“.

ბაქოში საზოგადოებისა და მთავრობის საწინააღმდეგო მოძრაობა გამოიხატება იმაში, რომ ის მიმართულია მდიდართა ქონებისა და სიცოცხლის წინააღმდეგ, მიზნის სისრულეში მოსაყვანად კი ხმარობენ ასაფეთქებელ ნივთიერებას. მთავრობის მოხელე პირთა მკვლელობაც მართალია ხდებოდა ქ. ბაქოში, მაგრამ ძნელია იმის თქმა, თუ რა სარჩული ჰქონდა მას—პოლიტიკური, თუ ძარცვა გლეჯის.

1904 წელს, როცა რევოლიუციონური მოძრაობა დაიწყო, თანამდებობის პირთა მკვლელობის შემთხვევები არ ყოფილა. 13 თებერვალს პარაპეტზე გასროლილ იქნა ყუმბარა იმ დროს, როცა სომხის სამღვდელთა პარაკლისის იხდიდა რუსეთისათვის გამარჯვების მი-

სანიკებლათ. მოკლულ იქნა ორი კაცი, რადგანაც მათ მოთხოვნილი ფული არ გადაიხადეს: ესენი იყვნენ—მიზარბეგოვის თუთუნის ქარხნის მმართველი პერივერდევი, მდიდარი ვაჭარი ადამოვი და კასპიის ნავთის წარმოების მმართველი ინჟინერი მელიქ დადაევი. 10 აპრილს გაძარცვეს იაკობ კუდინოვი. შემდეგ წლებში ტერორისტული აქტები განიყოფება შემდეგ ოთხ რუბრიკად: 1) თანამდებობის პირთა მოკვლის განზრახვა, 2) ასაფეთქებელ ნივთიერებათა აღმოჩენა და სროლა, 3) კერძო პირთა მკვლელობა პოლიტიკურ ნიჟადაგზე იმის გამო, რომ მათ არ გადაიხადეს მუქარით მოთხოვნილი ფული და 4) ექსპროპრიაცია.

შემდეგ ჩამოთვლილია ყველა ის ტერორისტული აქტები, რომლებსაც ადგილი ჰქონდა ბაქოში 1905, 6, 7, 8 და 9 წლებში და ბაქოს შესახებ „მოხსენება“ ასე თავდება:

ტფილისის სასამართლო პალატაში შემოსულ საქმეთაგან ბაქოს ოლქიდან მთავარი დანაშაულობაა—მთავრობის საწინააღმდეგო პროკლამაციების შენახვა—გავრცელება, მოწოდება წარმოთქმულ სიტყვებში სახელმწიფო წყობილების დასამხობათ, ხელმწიფის შეურაცყოფა და სხ.

სისხლის სამართლის 102 და 126 მუხ. ძალით სხვათა შორის პასუხისგებაში იყო მიცემული „რუს. სოც. დემ. მუშ. პარ. ბაქოს ორგანიზაციისა (13 კაცი იყო პასუხის გებაში მიცემული—გადასახლება მიესაჯა 10, 3 გამართლებულ იქნა.), ბაქოს ორგანიზაციის სოც. რევ. პარტ. საქმეზე 3 კაცს მიესაჯა გადასახლება, რ. ს. დ. მ. პ. მოწაფეთა ორგანიზაციის საქმეზე გადასახლება მიესაჯა 2 კაცს.

შემდეგ აწერილია რკინის გზებზე და ფოსტა-ტელეგრაფის უწყებაში მომხდარი გაფიცვები. ტფილისის სასამართლო პალატას გაურჩევია რკინის გზაზე მომხდარი გაფიცვის შემდეგი საქმეები: 1) ქუთაისის, 2) გროზნის, 3) მინერალნია ვოდის, 4) მიხაილოვის, 5) ტფილისის, 6) ელსავეტოპოლის, 7) ბაქო-ბალაჯარის, 8) ალექსანდროპოლის. 9) აჯიკაბულის, 10) დერბენტ-პეტროვსკის, 11) აქსტაფის და 12) სანაინის.

ქუთაისის საქმეზე პასუხისგებაში იყო მიცემული 37 კაცი, მიესაჯა სამუდამო გადასახლება 5-ს. გამართლებულ იქნა 25. დანარჩენთ მიესაჯა ციხეში დაპატიმრება სხვადასხვა ვადით (უმალღესი ვადა 1½ წელიწადი).

გროზნის საქმეზე—9 კაცს ციხეში დაპატიმრება სხვადასხვა ვადით (უმალღესი ვადა 2 წელი.). 10 კაცი გამართლებულ იქნა.

მინერალნია ვოდის საქმეზე პასუხისგებაში იყო მიცემული

34 კაცი. ამათგან 8 გამართლებულ იქნა, დანარჩენთ მიესაჯა ციხეში დაპატიმრება სხვადასხვა ვადით.

მიხაილოვის საქმეზე—პასუხისგებაში იყო მიცემული 5 კაცი, რომელთაგან 2 გამართლებულ იქნა, დანარჩენთ მიესაჯა ციხეში დაპატიმრება სხვადასხვა ვადით.

ტფილისის გაფიცვა გაგრძელდა 1905 წ. დეკემბრის 10-დან 1906 წლის იანვრამდე. პასუხისგებაში იყო მიცემული 31 კაცი. უმაღლესი სასჯელი ციხეში დაპატიმრება 1 წელი და 3 თვე.

ელისავეტოპოლის საქმეზე—11 კაცი გამართლებულ იქნა, 9 კაცს მიესაჯა ციხეში დაპატიმრება, 2 დამნაშავე მიიმალა.

ბაქო-ბალაჯარის საქმეზე მიცემული იყო პასუხისგებაში 25 კაცი. თითო წლის ციხე მიეჯა 10, დანარჩენი გამართლებულ იქნა.

ალექსანდროპოლის საქმეზე—პასუხისგებაში იყო მიცემული 33 კაცი. 2-ს მიესაჯა კატორღა თითოს 4 წლით; 6-ს—სამუდამო გადასახლება, დანარჩენთ—ციხეში დაპატიმრება სხვადასხვა ვადით.

აჯიკაბულის საქმეზე—პასუხისგებაში იყო მიცემული 8 კაცი. ამათგან 3 მიესაჯა ციხეში დაპატიმრება, დანარჩენი გამართლებულ იქნენ.

პეტროვსკ-დერბენტის გაფიცვაში მონაწილეობისათვის პასუხისგებაში იყო მიცემული 10 კაცი. ცხრას მიესაჯა ციხეში დაპატიმრება, ერთი გაამართლეს.

აქსტაფაში მომხდარი გაფიცვების გამო პასუხისგებაში იყო მიცემული 8 კაცი, ამათგან 6-ს მიესაჯა ციხეში დაპატიმრება, ორი გაამართლეს.

სანაინში მომხდარი გაფიცვების გამო პასუხისგებაში იყო მიცემული 4 კაცი, ამათგან 3-ს მიესაჯა ციხეში დაპატიმრება, 1 გაამართლეს.

ფოსტა-ტელეგრაფის მოსამსახურეთა გაფიცვის შესახებ ტფილისის სასამართლო პალატას გაურჩევია: 1) ტფილისის, 2) ბაქოს, 3) ქუთაისის, 4) ბათუმის, 5) კავკავის, 6) პიატიგორსკის, 7) ალექსანდროპოლის, 8) გროზნის და 9) ფოთისა, და გაურჩეველი ყოფილანამ მოხსენების დროს საქმე ერევნის ფოსტა-ტელეგრაფის მოსამსახურეთა გაფიცვის შესახებ.

ტფილისის საქმეზე პასუხისგებაში იყო მიცემული 13 კაცი. ციხეში დაპატიმრება მიესაჯა სხვადასხვა ვადით 10-ს, 3 გამართლებულ იქნა.

ბაქოს გაფიცვის გამო პასუხისგებაში იყო მიცემული 17 კაცი. ამათგან დამნაშავეთ იქნა ცნობილი 15 კაცი და მიესაჯა მათ ციხეში დაპატიმრება სხვადასხვა ვადით.

საქმე ქუთაისის ფოსტა-ტელეგრაფის მოსამსახურეთა გაფიცვის შესახებ პროკურორის მოთხოვნით მოსპობილ იქნა

ბათუმის საქმეზე პასუხისგებაში იყო მიცემული სამი კაცი, რომელნიც დამნაშავედ იქნენ ცნობილი და მიესაჯა ციხეში დაპატიმრება სხვადასხვა ვადით.


კავკავის საქმეზე პასუხისგებაში იყო მიცემული 1 კაცი. მიესაჯა ციხეში დაპატიმრება 2 წლით.

პიატიგორსკის საქმეზე პასუხის გებაში იყო მიცემული 8 კაცი. ციხეში დაპატიმრება მიესაჯა სხვადასხვა ვადით 7 კაცს, ერთი გაამართლეს.

პიატიგორსკის საქმეზე პასუხისგებაში იყო მიცემული 4 კაცი. ამათგან ციხეში დაპატიმრება მიესაჯა 3-ს, ერთი გაამართლეს.

გროზნის საქმეზე პასუხისგებაში იყო მიცემული 2 კაცი. ორივეს მიესაჯა ციხეში დაპატიმრება სხვადასხვა ვადით.

ფოთის საქმეზე პასუხისგებაში იყო მიცემული სამი კაცი: მიესაჯათ მათ ციხე სხვადასხვა ვადით (2—3 თვემდე).



საქ. კომპარტიის ცეკას პარტიისის ზამოცემანი:

1. ჟურ. „რევ. მატთანე“ 1923 წ. №№ 1, 2, 3, 4, 5.
 2. „ „ „ 1924 წ. „ 1(6), 2-3(7-8), 4-5(9-10).
 3. „ „ „ 1925 წ. „ 1(11), 2(12), 3(13).
 4. „ „ „ 1926 წ. „ 1(14),
 5. ლ. ტროცკი —ლენინი და ძველი „ისკრა“
 6. ფ. შემოქმედელი—(ფ. მახარაძე) „უთავბოლოობის ნაყოფი“ (კრიტიკული შენიშვნები) დაწერილია 1892 წ.
 7. ფ. მახარაძე—ტფილისის ორგანიზაციის 30 წლის არსებობა.
 8. ფ. Махарадзе—30 ление Тифорганизации.
 9. ს. თალაკვაძე—საქართველოს კომპარტიის ისტორიისათვის
 10. С. Таланвадзе—К истории Компартии Грузии.
 11. ალბომი (1917 წლამდე დაღუპულ რევოლიუციონერთა ხსოვნას)
 12. საქართველოს კომპარტიის ძველი გვარდია (ალბომი)
 13. ფ. მახარაძე—1905 წელი ამიერ-კავკასიაში—ფ. 2 მ. 50 კ.
-

534/31

